

DEWAN UNDANGAN NEGERI SABAH

Selasa, 28 November 2023

Mesyuarat dimulakan pada pukul 10:00 pagi

Yang Berhormat	Datuk Seri Panglima Haji Kadzim Haji M. Yahya, S.P.D.K., P.G.D.K., J.P. [Speaker]
Yang Berhormat	Datuk Richard Yong We Kong, P.G.D.K. [Timbalan Speaker]
Yang Berhormat	Datuk Haji Al Hambra bin Tun Haji Juhar, P.G.D.K., [Timbalan Speaker]
Yang Amat Berhormat	Datuk Seri Panglima Haji Hajiji bin Haji Noor, S.P.D.K., P.G.D.K., K.M.N., [Ketua Menteri] [N.12 Sulaman]
Yang Berhormat	Datuk Seri Panglima Dr. Jeffrey G. Kitingan, S.P.D.K., P.G.D.K., [Timbalan Ketua Menteri I / Menteri Pertanian dan Perikanan] [N.39 Tambunan]
Yang Berhormat	Datuk Seri Panglima Dr. Joachim Gunsalam, S.P.D.K., P.G.D.K., A.S.D.K., [Timbalan Ketua Menteri II / Menteri Kerajaan dan Tempatan] [N.36 Kundasang]
Yang Berhormat	Datuk Ir. Shahelmey bin Yahya, P.G.D.K., B.S.K., J.P., [Timbalan Ketua Menteri III/Menteri Kerja Raya] [N.24 Tanjong Keramat]
Yang Berhormat	Datuk Seri Panglima Haji Masidi bin Manjun, S.P.D.K., P.G.D.K., K.M.N., A.D.K., A.M.N., J.P., [Menteri Kewangan] [N.37 Karanaan]
Yang Berhormat	Datuk Jahid bin Jahim, P.G.D.K., A.S.D.K., A.D.K., [Menteri Pembangunan Luar Bandar] [N.14 Tamparuli]
Yang Berhormat	Datuk Dr. Haji Mohd. Arifin bin Datuk Haji Mohd. Arif, P.G.D.K., J.P., [Menteri Sains, Teknologi dan Inovasi] [N.31 Membakut]
Yang Berhormat	Datuk Ellron bin Angin, P.G.D.K., A.S.D.K., B.K., [Menteri Belia dan Sukan] [N.45 Sook]
Yang Berhormat	Datuk James bin Ratib, P.G.D.K., A.S.D.K., A.D.K., [Menteri Pembangunan Masyarakat dan Kesejahteraan Rakyat] [N.48 Sugut]

Yang Berhormat	Datuk Liew Chin Jin @ Christina Liew, [Menteri Pelancongan, Kebudayaan dan Alam Sekitar], P.G.D.K., [N.20 Api-Api]
Yang Berhormat	Datuk Phoong Jin Zhe, [Menteri Pembangunan Perindustrian dan Keusahawanan], P.G.D.K., A.S.D.K., [N.21 Luyang]
Yang Berhormat	Datuk Abidin bin Madingkir, P.G.D.K., J.S.M., A.S.D.K., J.P., [Pembantu Menteri kepada Ketua Menteri] [N.38 Paginatan]
Yang Berhormat	Datuk Haji Nizam bin Datuk Seri Panglima Haji Abu Bakar Titingan, P.G.D.K., [Pembantu Menteri kepada Ketua Menteri] [N.68 Apas]
Yang Berhormat	Datuk Haji Ruslan bin Muharam, [Pembantu Menteri kepada Ketua Menteri], P.G.D.K., A.S.D.K., [N.34 Lumadan]
Yang Berhormat	Tuan Peto Galim, [Pembantu Menteri Pertanian, Perikanan dan Industri Makanan], [N.18 Inanam]
Yang Berhormat	Datuk Isnin bin Haji Aliasnih @ Liasnih, P.G.D.K., A.S.D.K., B.S.K., [Pembantu Menteri Kerajaan Tempatan dan Perumahan] [N.32 Klias]
Yang Berhormat	Datuk Limus bin Jury, P.G.D.K., A.S.D.K., B.S.K. [Pembantu Menteri Kerja Raya] [N.33 Kuala Penyu]
Yang Berhormat	Datuk Robert Tawik @ Nordin, P.G.D.K., B.S.K., [Pembantu Menteri Kerja Raya] [N.40 Bingkor]
Yang Berhormat	Datuk Julita Mojungki, P.G.D.K., [Pembantu Menteri Kewangan] [N.5 Matunggong]
Yang Berhormat	Datuk Samad bin Jambri @ Jamri, P.G.D.K., A.S.D.K., A.D.K., [Pembantu Menteri Pembangunan Luar Bandar] [N.49 Labuk]
Yang Berhormat	Dato' Sri Dr. Ruddy bin Awah, J.P., [Pembantu Menteri Pembangunan Luar Bandar] [N.3 Pitas]
Yang Berhormat	Datuk Joniston bin Lumai @ Bangkuai, P.G.D.K., A.S.D.K., J.P., [Pembantu Menteri Pelancongan, Kebudayaan dan Alam Sekitar] [N.15 Kiulu]
Yang Berhormat	Datuk Harun bin Durabi, P.G.D.K., A.S.D.K., A.D.K., [Pembantu Menteri Sains, Teknologi dan Inovasi] [N.2 Bengkoka]
Yang Berhormat	Tuan Tan Lee Fatt, A.S.D.K., [Pembantu Menteri Kewangan] [N.19 Likas]

Yang Berhormat	Datuk Flovia Ng, P.G.D.K., A.S.D.K., [Pembantu Menteri Pembangunan Masyarakat dan Kesejahteraan Rakyat] [N.44 Tulid]
Yang Berhormat	Datuk Fairuz bin Renddan, P.G.D.K., [Pembantu Menteri Belia dan Sukan] [N.8 Pintasan]
Yang Berhormat	Datuk Andi Muhammad Suryady bin Bandy, P.G.D.K., A.S.D.K., B.S.K., [Pembantu Menteri Pembangunan Perindustrian dan Keusahawanan] [N.71 Tanjong Batu]
Yang Berhormat	Datuk Mohamad Hamsan bin Awang Supain, P.G.D.K., A.S.D.K., A.D.K., [Pembantu Menteri Kerajaan Tempatan dan Perumahan] [N.52 Sungai Sibuga]
Yang Berhormat	Datuk Hendrus Anding, P.G.D.K., A.S.D.K., J.P., [Pembantu Menteri Pertanian, Perikanan dan Industri Makanan] [N.7 Tandek]
Yang Berhormat	Tuan Mohammad bin Mohamarin, A.S.D.K., [N.1 Banggi]
Yang Berhormat	Tuan Chong Chen Bin, A.S.D.K., [N.4 Tanjong Kapor]
Yang Berhormat	Tuan Mohd. Arsad bin Bistari [N.3 Tempasuk]
Yang Berhormat	Datuk Wetrom bin Bahanda, P.G.D.K., [N.6 Bandau]
Yang Berhormat	Datuk Seri Panglima Dr. Mohd. Salleh bin Tun Said, S.P.D.K., P.G.D.K., D.G.S.M., [N.10 Usukan]
Yang Berhormat	Datuk Ewon Benedick, P.G.D.K., A.S.D.K., [N.11 Kadamaian]
Yang Berhormat	Tuan Azhar bin Datuk Haji Matussin, A.S.D.K., [N.17 Darau]
Yang Berhormat	Datuk Wong Hong Jun, P.G.D.K., [N.22 Tanjong Aru]
Yang Berhormat	Datuk Awang Ahmad Sah bin Datuk Haji Sahari, [N.23 Petagas]
Yang Berhormat	Puan Jannie Lasimbang, A.S.D.K., [N.25 Kapayan]
Yang Berhormat	Datuk Ignatius Dorell Leiking, P.G.D.K., [N.25 Moyog]
Yang Berhormat	Datuk Juil bin Nuatim, [N.27 Limbahau]
Yang Berhormat	Datuk Haji Gulamhaidar @ Yusof bin Khan Bahadar, P.G.D.K., D.M.S.M., A.S.D.K., J.P. [N.28 Kawang]
Yang Berhormat	Tuan Dr. Daud bin Yusof, A.S.D.K., A.D.K., [N.30 Bongawan]
Yang Berhormat	Datuk Dr. Yusof bin Yacob, P.G.D.K., [N.35 Sindumin]

Yang Berhormat	Datuk Anwar Ayuub @ Annuar Ayub [N.41 Liawan]
Yang Berhormat	Datuk Rubin bin Balang, P.G.D.K., [N.43 Kemabong]
Yang Berhormat	Datuk Abdul Ghani bin Mohamed Yassin, P.G.D.K. [N.46 Nabawan]
Yang Berhormat	Datuk Jonnybone J. Kurum, P.G.D.K., [N.47 Telupid]
Yang Berhormat	Tuan Arunarnsin bin Taib, A.S.D.K., [N.50 Gum-Gum]
Yang Berhormat	Datuk Hiew Vun Zin, P.G.D.K., A.S.D.K., [N.54 Karamunting]
Yang Berhormat	Tuan Calvin Chong Ket Kiun [N.56 Elopura]
Yang Berhormat	Datuk Poon Ming Fung @ Frankie, P.G.D.K., [N.56 Tanjong Papat]
Yang Berhormat	Datuk Masiung Banah, P.G.D.K., A.S.D.K., [N.57 Kuamut]
Yang Berhormat	Tuan Assaffal bin P. Alian, A.S.D.K., [N.60 Tungku]
Yang Berhormat	Datuk Mohammadin bin Ketapi, P.G.D.K. [N.61 Segama]
Yang Berhormat	Tuan Dumi bin Pg. Masdal, A.S.D.K., [N.62 Silam]
Yang Berhormat	Datuk Dr. Haji Jaujan bin Haji Sambakong, P.G.D.K., D.I.M.P., A.S.D.K., A.D.K., [N.64 Sulabayan]
Yang Berhormat	Datuk Seri Panglima Haji Mohd. Shafie bin Haji Apdal, S.P.D.K., P.N.B.S., S.P.M.P., D.M.S.M., D.S.A.P., P.G.D.K., J.P. [N.65 Senallang]
Yang Berhormat	Tuan Haji Jamil bin Datuk Haji Hamzah [N.66 Bugaya]
Yang Berhormat	Tuan Hamild @ Hamid bin Awang [N.67 Balung]
Yang Berhormat	Tuan Justin Wong Yung Bin [N.69 Sri Tanjong]
Yang Berhormat	Puan Rina binti Haji Jainal [N.70 Kukusan]
Yang Berhormat	Tuan Sarifuddin bin Hata, A.S.D.K., [N.72 Merotai]
Yang Berhormat	Tuan Hassan A. Gani Pg. Amir [N.73 Sebatik]
Yang Berhormat	Datuk Seri Panglima Yong Teck Lee, S.P.D.K., [ADUN Dilantik]
Yang Berhormat	Datuk Amisah Yassin, P.G.D.K. [ADUN Dilantik]
Yang Berhormat	Datuk Jaffari bin Waliam, P.G.D.K., [ADUN Dilantik]

Yang Berhormat	Tuan Dr. Aliakbar bin Gulasan [ADUN Dilantik]
Yang Berhormat	Datuk Jasni bin Daya, P.G.D.K., [N.13 Pantai Dalit]
Yang Berhormat	Tuan Mohd. Tamin @ Tamin bin Zainal, A.S.D.K., [N.29 Pantai Manis]
Yang Berhormat	Datuk Peter Anthony, P.G.D.K., D.I.M.P., [N.42 Melalap]
Yang Berhormat	Datuk Mokran Ingkat, P.G.D.K., [N.51 Sungai Manila]
Yang Berhormat	Datuk Seri Panglima Moktar bin Radin, S.P.D.K, P.G.D.K., J.S.M., A.D.K., J.P [N.58 Lamag]
Yang Berhormat	Datuk Jafry bin Arifin, P.G.D.K., J.P., [N.59 Sukau]
Yang Berhormat	Datuk Suhaimi Nasir, P.G.D.K. [ADUN Dilantik]
Yang Berhormat	Datuk Raime Unggi [ADUN Dilantik]
Yang Berhormat	Datuk Haji Yakubah Khan, P.G.D.K., J.P., [N.16 Karambunai]

TIDAK HADIR

Yang Berhormat	Tuan Alias bin Sani [N.53 Sekong]
Yang Berhormat	Datuk Norazlinah binti Arif, P.G.D.K., A.S.D.K., [N.63 Kunak]

TURUT HADIR

Yang Mulia	Puan Rafidah binti Maqbool Rahman [Setiausaha Dewan]
	Encik Mohd. Nor Hafeez bin Abdul Rahman [Pegawai Tadbir]
	Encik Mohd. Sabri bin Metan [Bentara Mesyuarat]
	Encik Juhaidey Porimin [Penolong Bentara Mesyuarat]

**DEWAN UNDANGAN NEGERI SABAH
SIDANG REDAKSI PENYATA RASMI**

KETUA PENYELIA HANSARD

[Puan Rafidah binti Maqbool Rahman]

PENYELIA HANSARD

[Puan Beatrice Natasha Mujip]

EDITOR

[Puan Ezura As'ad Azam]

[Puan Nada Haifa Remlle]

[Puan Hadine Yunus Gadong]

SUBEDITOR 2

[Puan Nellzarina Nur Nelszuliah Mohd Daniel Ardi]

SUBEDITOR 1

[Puan Tresa binti Sylvester @ Fanny]

[Puan Mohelena Mawan]

[Puan Nadia binti Nasyaruddin]

[Puan Siti Jubaidah binti Kamsin]

[Puan Theodora Joseph]

[Tuan Darryl Jude Donis]

[Puan Azyatul Nurhani binti Salleh]

[Puan Ramenah Limin]

PELAPOR

[Julian Alex Anoi]

[Rupika Latak @ Rahim]

[Annety Cueennera Jaikon]

[Gracia Samuel]

[Hastrina binti Madurin]

[Mohd. Zulfikree bin Mohd. Sabki @
Abdul Musa]

[Adibah Nadzirah binti Nain]

[Rohani Zaidi]

[Norhazirah binti Mohd. Salim]

Nor Farhanna binti Ahmad Shah]

[Noreera Sahera binti Amin]

[Intan Azwana binti Bakri]

[Muhammad Amirul Asyraf bin Kasim]

[Khairul Azman bin Sehat]

[Charity Jimis]

[Nuriahtika binti Juklis]

[Adrian Soliun]

[Nurul Sharifah Sakinah bt. Hextasan]

[Maria Hannah Hohly]

[Zurina binti Asgar]

[Nabila binti Mohammad Shahril]

[Arina Jazmina binti Jasri]

[Theodora Boniface]

[Rohani Zaidi]

[Abdul Wafiy Abu Bakar]

[Muhammad Safwan bin Sapdin]

[Saleha binti Sapri]

[Lovella Devera Philip]

Doa: Mesyuarat dimulakan dengan bacaan doa oleh Timbalan Setiausaha Dewan.

Timbalan Speaker [Datuk Haji Al Hambra bin Tun Haji Juhar]: Bismillahirrahmanirrahim, assalamualaikum, dan salam sejahtera. Yang Berhormat Nabawan, dengar baik-baik.

Tinggi-tinggi Gunung Kinabalu,
Tinggi lagi sayang sama kamu;
Yang Berhormat Nabawan, jangan malu-malu,
Silakan bertanya soalan kamu.

Datuk Abdul Ghani bin Mohamed Yassin [Nabawan]: Terima kasih, Tuan Speaker yang budiman. Soalan saya No. 1.

USAHA MENANGANI DAN MENYELESAIKAN MASALAH PRASARANA DAN INFRASTRUKTUR.

- *1. **YB. Datuk Abdul Ghani bin Mohamed Yassin [Nabawan]** bertanya kepada **KETUA MENTERI**, adakah kerajaan telah merangka strategi jangka masa pendek atau pelan tindakan yang berkesan untuk dilaksanakan dalam usaha menangani dan menyelesaikan masalah prasarana dan infrastruktur keperluan asas rakyat seperti bekalan air bersih, elektrik dan jalan raya.

Timbalan Speaker [Datuk Haji Al Hambra bin Tun Haji Juhar]: YB Menteri, silakan.

Jawapan

Pembantu Menteri Kepada Ketua Menteri [Datuk Abidin bin Madingkir]: Tuan Speaker, saya akan terus menjawab soalan tersebut, saya tidak mempunyai sebarang pantun. Untuk makluman Ahli Yang Berhormat dari Nabawan, serta Dewan yang mulia ini, Kerajaan Negeri komited memberikan keutamaan kepada penyediaan kemudahan asas yang mencukupi kepada rakyat tidak kira di kawasan bandar ataupun di luar bandar. Pelbagai program pembangunan sedang dilaksanakan di bawah Rancangan Malaysia ke-12, sama ada ianya dibiayai oleh Kerajaan Negeri ataupun oleh Kerajaan Persekutuan. Sebagai perincian, antara

inisiatif yang sedang dilaksanakan oleh Kerajaan pada masa ini bagi mengatasi isu bekalan air di negeri Sabah adalah seperti berikut.

Pertama, Kerajaan Negeri melalui Jabatan Air Negeri Sabah telah diperuntukkan sejumlah RM300.25 juta sebagai tindakan penyelesaian jangka pendek. Merangkumi 20 projek keutamaan untuk mengurangkan *non-revenue water* daripada 59.57% kepada 53% dalam tempoh 24 bulan. Projek-projek tersebut meliputi skop dan juga komponen kerja penggantian pam-pam air dan alat janakuasa di loji-loji rawatan air. Naik taraf kapasiti bagi muka sauh dan loji rawatan air. Mitigasi perubahan iklim dan operasi pembasmian sambungan pam, sambungan pembasmian sambungan haram di beberapa daerah. Antaranya Kota Kinabalu, Tuaran, Papar, Beaufort, Tawau dan juga Sandakan.

Inisiatif yang kedua ialah penambahan kapasiti loji rawatan air di Kogopon, Papar. Iaitu daripada 40 juta liter sehari kepada 80 juta liter sehari yang dijadualkan siap pada Ogos 2026 dan ini adalah jangkaan menyelesaikan isu bekalan air di kawasan selatan Kota Kinabalu seperti Putatan, Kinarut, Papar, dan juga Kimanis.

Inisiatif ketiga ialah pelaksanaan projek penambahan kapasiti loji rawatan air Telibong 2. Daripada 80 juta liter sehari, kepada 160 juta liter sehari. Pada masa ini, projek ini sedang dalam tempoh pengujian dan juga pentauliahan ataupun dengan izinnya *testing and comissioning* untuk komponen dalam loji rawatan air. Dijangka pada awal Disember 2023, iaitu tahun ini, loji rawatan air baharu ini akan dikendalikan dalam separa pengeluaran, iaitu sebanyak 10 juta liter sehari bagi menangani masalah bekalan di kawasan-kawasan yang kritikal terlebih dahulu seperti di Bandar Seirra, Sepanggar, Kota Kinabalu Industrial Park, SK Nexilis, Universiti Malaysia Sabah dan sekitarnya. Bekalan sepenuhnya hanya akan dapat disalurkan apabila komponen saluran paip utama disiapkan sepenuhnya kelak.

Inisiatif keempat ialah Kerajaan Negeri juga sedang menjalankan kajian kebolehlaksanaan untuk pembinaan empangan *hydro-electric* di Ulu Padas, Tenom dan juga empangan di Kaiduan, Papar. Sekiranya kedua-dua projek berimpak besar ini direalisasikan kelak, ia mampu menampung keperluan untuk 100 tahun bagi utara, tengah dan juga selatan Kota Kinabalu, termasuklah pedalaman bawah, iaitu dari Kimanis, Bongawan, Membakut, Kuala Penyu, Menumbok, Sipitang dan juga

kawasan perindustrian Sabah *oil and gas terminal* dengan pelaksanaan secara berperingkat loji rawatan air fasa 1 untuk keperluan sehingga 2050.

Tuan Speaker, selain pengambilan kuasa kawal selia bekalan elektrik yang berkuat kuasa pada 3 Januari 2024 oleh Kerajaan Negeri, inisiatif-inisiatif lain yang dilaksanakan oleh Kerajaan untuk meningkatkan kapasiti bekalan elektrik di negeri ini adalah...

28/11/2023- RAKAMAN 2 - [10:10 PAGI - 10:20 PAGI] - [GRACIA] - MOHELENA - HADINIE

Pembantu Menteri Kepada Ketua Menteri [Datuk Abidin bin Madingkir]: ...seperti yang berikut:-

Pertama, Pembangunan Pelan Induk Hala Tuju Tenaga Sabah 2040 dengan izin nya, *Sabah Energy Road Map and Master Plan 2040* ataupun SE-RAMP 2040 yang telah dilancarkan pada 19 September 2023. Fokus utama pelan ini adalah bagi menangani isu **trialima** tenaga iaitu memastikan bekalan kuasa yang berdaya harap ataupun *energy security*. Liputan yang menyeluruh pada harga mampu milik dan pertimbangan kepada kelestarian alam sekitar bagi memastikan keberkesanan pelaksanaan inisiatif-inisiatif dalam pelan ini, ianya akan dipantau di peringkat tertinggi iaitu Majlis Tenaga Sabah yang dipengerusikan sendiri oleh Yang Amat Berhormat Ketua Menteri Sabah.

Inisiatif kedua ialah pembinaan Stesen Jana Kuasa Bebas ataupun IPP *Ranhill Sabah Energy Tiga* di Kumanis yang berkapasiti terpasang 100 *megawatt*. Ia dijangka mula beroperasi pada Mac 2026 dan akan menyalurkan tenaga terus kepada Sistem Rangkaian Grid Negeri Sabah.

Ketiga, penambahan kapasiti penjanaan bagi menangani isu kekurangan bekalan elektrik melalui pelaksanaan projek-projek stesen jana kuasa baharu seperti berikut:

1. Loji Jana Kuasa Gas Enjin berasaskan gas asli berkapasiti 100 *megawatt* di Kumanis yang dijadualkan siap pada tahun 2025;

2. Loji Jana Kuasa Kitar Padu berasaskan gas asli berkapasiti 100 *megawatt* di Kimanis yang dijadualkan siap pada tahun 2027; dan yang

3. Loji Hidroelektrik ataupun *Runoff River* berjumlah kapasiti 170 *megawatt* di Hulu Sungai Padas, Sipitang dan Maligan yang dijangka siap pada tahun 2028; dan yang

4. iaitu Loji Hidroelektrik Empangan ataupun *Hydroelectric Dam* berkapasiti 180 *megawatt* di Hulu Padas yang dijangka siap pada tahun 2029.

Selain daripada itu, pelaksanaan Projek-projek Tenaga Pulih Baharu yang lain adalah juga seperti berikut:

Satu, Projek Solar Berskala Besar ataupun dengan izin, *Large Scale Solar* yang sedang dilaksanakan dengan jumlah kapasiti 62 *megawatt* dan dijangka siap sepenuhnya pada tahun 2024. Program Tarif Galakan ataupun *Feed-In Tariff* dengan izinnya, dari sumber *Mini Hydro* dan *Bio-Gas* dengan jumlah kapasiti 37 *megawatt* pada tahun 2024.

Yang lain itu, Projek Solar Berskala Besar ataupun dengan izin *Large Scale Solar* yang akan dilaksanakan dengan jumlah kapasiti 100 *megawatt* pada tahun 2025 dan 100 *megawatt* pada 2026 dan di, yang lainnya ialah Loji Hidroelektrik Kecil ataupun *Technology Low Head* yang berjumlah kapasiti 45 *megawatt* di Sungai Padas dan Pagalan yang dijangka siap pada tahun 2026.

Projek Sambung Taraf Talian Penghantaran di antara Sabah dan juga Sarawak dengan jumlah kapasiti 30 hingga 50 *megawatt* yang sedang dilaksanakan dan dijangka siap pada tahun 2025.

Selain daripada itu, Pengukuhan Sistem Talian Penghantaran Grid Sabah melalui Projek Talian Penghantaran *Sudden Link 275 kilovolt* sepanjang 331 *kilometer* yang menghubungkan PMU *Mega Long* Sipitang dan PMU Tawau. Projek ini kini dalam proses rundingan dengan pihak Kerajaan Persekutuan untuk menentukan mekanisme pembiayaannya dan dijangka akan bermula pada tahun hadapan bagi memastikan ianya siap sepenuhnya pada tahun 2030.

Tuan Speaker, dalam aspek pembangunan infrastruktur jalan raya, Kerajaan Negeri juga komited untuk menyelesaikan proses tender bagi 19 pakej lagi kerja untuk Projek Pan Borneo Sabah.

Fasa 1 (b) dengan jajaran 366 kilometer yang melibatkan kos RM 15.7 bilion dalam tahun ini. Setakat ini, Surat Setuju Terima bagi empat (4) daripada baki 19 pakej kerja tersebut iaitu WP 12, WP 13, WP 14 dan WP 16 akan dikeluarkan sebelum penghujung tahun 2023. Manakala, Surat Setuju Terima bagi baki 15 pakej kerja disasarkan untuk dikeluarkan selewat-lewatnya menjelang bulan Mac 2024.

Tuan Speaker, selain projek-projek yang telah saya sebutkan tadi antara projek infrastruktur yang lain yang sedang dalam pelaksanaan bagi meningkatkan kesejahteraan rakyat termasuklah projek-projek Loji Rawatan Kumbahan, Program Jalan Luar Bandar, Program Bekalan Air Luar Bandar, Program Bekalan Elektrik Luar Bandar dan Program Rancangan Tebatan Banjir.

Tuan Speaker, untuk makluman Dewan yang mulia ini, masalah air, elektrik dan juga jalan raya bukanlah suatu masalah yang baharu. Bukan hanya berbangkit dalam dua (2) tiga (3) tahun lalu malah, ianya suatu legasi yang diwarisi daripada kerajaan *after* kerajaan. Semua kerajaan sememangnya bertanggungjawab dan telah berusaha bersungguh-sungguh untuk menyelesaikan masalah yang saya sebutkan tadi.

Namun, masalah ini masih lagi belum dapat diselesaikan dalam pada itu, marilah kita yang ada di dalam Dewan yang mulia ini bekerjasama, berganding bahu untuk menyelesaikan masalah ini demi rakyat yang kita cintai.

Kerajaan sekarang terus berusaha dan terus berusaha dan komited untuk menyelesaikan masalah ini demi untuk mensejahterakan kehidupan rakyat dan dengan adanya inisiatif-inisiatif Kerajaan Negeri yang telah saya bentangkan tadi, kita berharap masalah seperti air dan elektrik akan diselesaikan dalam masa yang terdekat dan sekiranya tidak ada masalah yang besar ianya dapat diselesaikan dalam masa dua (2) ataupun (3) tahun.

Sekian, terima kasih.

Timbalan Speaker [Datuk Haji Al Hambra bin Tun Haji Juhar]: YB Nabawan, soalan tambahan?

Soalan Tambahan

Datuk Abdul Ghani bin Mohamed Yassin [Nabawan]: Terima kasih, Tuan Speaker. Terima kasih, Yang Berhormat Menteri. Untuk mengelakkan kelewatan ataupun *backlog* dengan izin, pelaksanaan projek-projek semasa dan yang akan datang, adakah pihak Kerajaan Negeri bercadang untuk menjalinkan usaha sama dengan agensi-agensi Kerajaan seperti GLC juga Badan-Badan Berkanun yang akan membantu Kerajaan Negeri untuk menggerakkan serta melicinkan lagi pembangunan terutama dalam usaha kita untuk menyelesaikan permasalahan isu-isu bekalan air, bekalan elektrik dan juga jalan-jalan perhubungan ini? Terima kasih.

Pembantu Menteri Kepada Ketua Menteri [Datuk Abidin bin Madingkir]: Terima kasih kepada soalan daripada Wakil Rakyat Nabawan. Apa yang penting ialah untuk menyelesaikan masalah yang dihadapi oleh rakyat dan seperti yang saya katakan tadi, masalah ini sudah berlarutan dan bagi kerajaan yang ada sekarang. Kita terbuka untuk bekerja dengan sesiapa sahaja asalkan apa juga permasalahan yang dihadapi oleh rakyat itu, dapat diselesaikan. Terima kasih.

Timbalan Speaker [Datuk Haji Al Hambra bin Tun Haji Juhar]: Soalan tambahan? Senallang?

Soalan Tambahan

Datuk Seri Panglima Haji Mohd Shafie bin Haji Apdal [Senallang]: Terima kasih, Datuk Speaker.

28/11/2023- RAKAMAN 3 [10:20 PAGI - 10:30 PAGI] - MOHD. NOOR] - JUDE - EZURA

Datuk Seri Panglima Haji Mohd Shafie bin Haji Apdal [Senallang]: Setelah mendengar penjelasan daripada Yang Berhormat Menteri tentang langkah-langkah, satu air, keduanya bekalan elektrik. Saya ingin bertanya, apakah langkah Kerajaan untuk memastikan supaya penyakit yang terbesar dalam jabatan ini ialah rasuah. Kita boleh belanja beratus juta untuk buat prasarana, bekalan air. Tapi masalahnya

di Sabah ini, setengah tempat bukan semuanya boleh dapat air dari tangki lori yang ada tapi Jabatan Air tidak ada air.

Terkadang itu kita dapati bahawa *selective kind of supply*, termasuk di kawasan saya pun ada. Apakah langkah kerajaan? Kita buat paip, tangkinya. Contohnya, dalam sejarah tidak ada negara di dunia yang didapati rasuah seratus juta lebih duit di jabatan diperolehi. Apakah langkah pihak kerajaan bukan hanya untuk mengatasi masalah rasuah di jabatan ini, bahkan juga untuk memastikan duit yang telah diambil oleh jabatan rasuah negara, dipulangkan balik kepada Negeri Sabah? Daripada kita minta daripada kerajaan persekutuan 320 juta termasuk juga UMS tidak ada air, bukan hanya UMS banyak, itu bab air.

Yang keduanya elektrik, saya mendengar tadi Ranhill. Sedar kah Yang Amat Berhormat, Yang Berhormat bahawa di Sabah ini, 80 peratus bekalan elektrik swasta, IPP. IPP bukan SESB, bukan TNB, *supply need. Now*, tadi dicadangkan lagi Ranhill pula bagi. Dah kita ambil daripada Kerajaan Persekutuan TNB hak milik mengurus, *you want to give it to private sector?* Apa pemikiran rancangan Kerajaan ini? *You want to sell our rights to the private sector, why can't the Government build your on IPP rather depend on private sector?* Kalau IPP, *private sector nak maintenance, black out ration.*

Di Penampang *ration*. Tiap-tiap minggu, bukan di luar bandar. Rancangan apa? Mahu buat loji sana, loji sini. Saya tahu di Persekutuan Yang Berhormat Presiden PBS dahulu pun umumkan 2013 di, di Tenom sana bahawa gen, daripada seka, daripada dulu sampai sekarang tidak ada. Dan saya harap jangan hanya dendangkan lagu-lagu yang sedap telinga mendengar, *we want to take over*. Saya nak bagi tahu kereta ini SESB penyakitnya besar. Kalau tidak ada 2 billion subsidi dari Kerajaan Persekutuan setiap tahun, *you cannot sustain, the government will go past.*

Timbalan Speaker [Datuk Haji Al Hambra bin Tun Haji Juhar]: Soalan YB.

Datuk Seri Panglima Haji Mohd Shafie bin Haji Apdal [Senallang]: Soalan dia, apakah langkah satu bab air tadi untuk mengatasi penyakit besar rasuah?

Timbalan Speaker [Datuk Haji Al Hambra bin Tun Haji Juhar]: Okay, terima kasih.

Datuk Seri Panglima Haji Mohd Shafie bin Haji Apdal [Senallang]: Kena prasarana boleh buat, tangki boleh buat, bekalan loji air tapi ini kadang-kadang penyelewengan air ada, tapi tidak dapat jual ada. IPP, langkah-langkah untuk supaya.

Timbalan Speaker [Datuk Haji Al Hambra bin Tun Haji Juhar]: Terima kasih YB.

Datuk Seri Panglima Haji Mohd Shafie bin Haji Apdal [Senallang]: Keadaan ini dapat diatasi. Jangan bergantung dengan swasta.

Timbalan Speaker [Datuk Haji Al Hambra bin Tun Haji Juhar]: Silakan Yang Amat Berhormat.

Ketua Menteri [Datuk Seri Panglima Haji Hajiji bin Haji Noor]: Ya. Terima kasih Tuan Speaker. Untuk menjawab soalan tambahan daripada ahli daripada Senallang. Untuk makluman, Kerajaan Negeri berpendirian tegas dalam memerangi rasuah termasuklah di Jabatan Air, apa yang telah disebut oleh Ahli Yang Berhormat daripada Senallang. Kita tidak berkompromi sama sekali tentang rasuah ini. Rasuah telah berlaku dan juga sekarang di dalam pertimbangan mahkamah. Dan ini menjadi satu pengajaran bukan sahaja kepada Jabatan Air, tetapi kepada semua penjawat awam termasuk kepimpinan kita di Negeri Sabah. Rasuah adalah satu penyakit yang cukup besar, yang kalau tidak ditangani memang menjadi satu masalah, menjadi halangan kepada kita untuk menyelesaikan masalah-masalah. Seperti bekalan air ada yang saya dengar apa nama dia itu, tangki ataupun air dijual dan sebagainya. Ini Kerajaan mengambil serius perkara ini.

Saya telah meminta pihak Setiausaha Kerajaan Negeri untuk menyiasat perkara ini. Kalau betul, kita mesti ambil tindakan. Ini satu masalah ataupun penyakit yang, yang paling besar. Jadi kita, tidak, apa namanya ini tidak berkompromi dengan hal-hal yang bersangkutan dengan rasuah ini kerana kita tahu ialah satu penyakit yang besar, yang kalau tidak dibendung, ianya akan menghalang, apa juga pembangunan ataupun program-program Kerajaan.

Keduanya mengenai dengan Ranhill. Betul, ini diluluskan oleh Suruhanjaya Tenaga Elektrik Persekutuan, Ranhill untuk membina IPP. Kita faham, di sinilah apabila, apa nama dia itu, projek IPP dilaksana tentu sekali Kerajaan akan menanggung subsidi kerana dia orang akan apa nama dia itu, dibayar lebih daripada yang dikenakan kepada *consumer*. Ini satu juga masalah tetapi untuk mengatasi air, mengatasi elektrik ini di, di Sabah ini, kita perlu satu apa nama dia itu, tenaga yang boleh menyelesaikan masalah elektrik dan Ranhill telah diberi untuk membina 100 *mega watt* bersama-sama dengan Sabah Energy Corporation dan ini dijangka siap pada tahun 2026.

Jadi, ini juga boleh menyelesaikan masalah tenaga elektrik di, di Sabah. Yang lain tadi, apa lagi ini, saya pun tidak berapa ingat lagi, pasal ahli daripada Senallang ini, berdegar-degar dia memberi perbahasan.

(ketawa)

Datuk Seri Panglima Haji Mohd Shafie bin Haji Apdal [Senallang]: Endak, Bukan berdegar, pasal saya ini Yang Amat Berhormat, minta izin sebenarnya .

Ketua Menteri [Datuk Seri Panglima Haji Hajiji bin Haji Noor]: Ya.

Datuk Seri Panglima Haji Mohd Shafie bin Haji Apdal [Senallang]: bukan berdegar. Ini masalah rakyat Sabah.

Ketua Menteri [Datuk Seri Panglima Haji Hajiji bin Haji Noor]: Ya, ya kita faham.

Datuk Seri Panglima Haji Mohd Shafie bin Haji Apdal [Senallang]: Bukan masalah saya sahaja tapi saya sedar bila Ranhill *you* bagi. Yang Amat Berhormat ada kuasa menolak pergantungan kita dengan IPP. *Why can't SESB, a sole entity* yang kita akan ambil alih tahun depan untuk membina jana kuasa. Sarawak jual elektrik sekarang, dia orang tidak bergantung dengan IPP.

Ketua Menteri [Datuk Seri Panglima Haji Hajiji bin Haji Noor]: Okay.

Datuk Seri Panglima Haji Mohd Shafie bin Haji Apdal [Senallang]: Jabatan Air, Pengarah sekarang pun *was investigated*.

Ketua Menteri [Datuk Seri Panglima Haji Hajiji bin Haji Noor]: Ya.

Timbalan Speaker [Datuk Haji Al Hambra bin Tun Haji Juhar]: Okay.

Datuk Seri Panglima Haji Mohd Shafie bin Haji Apdal [Senallang]: Bukan saya tuduh, tidak tapi kita kalau nak buat pembersihan, *ensure* yang orang, kalau didapati bersalah, bersalah. Kalau dapati tidak, ini yang mungkin ...

Timbalan Speaker [Datuk Haji Al Hambra bin Tun Haji Juhar]: Terima kasih Senallang. Kita dengar jawapan dari Yang Amat Berhormat.

Ketua Menteri [Datuk Seri Panglima Haji Hajiji bin Haji Noor]: Untuk makluman ahli daripada Senallang dan juga Ahli-ahli Dewan yang mulia ini, pandangan kerajaan Negeri kita sudah bagi kepada Suruhanjaya Tenaga di Kuala Lumpur mengenai pembinaan apa nama itu, pelaksanaan tenaga elektrik ini. Kita sudah bagi pandangan tetapi keputusan mereka masih lagi bagi begitu. Jadi kerana mereka yang pegang kuasa itu maka suka tidak suka, kita bersetuju. Tetapi saya pastikan Ahli Yang Berhormat daripada Senallang, pada tahun depan Suruhanjaya Tenaga Elektrik akan diserahkan kepada Kerajaan Negeri. Kita akan buat keputusan yang terbaik, yang boleh.

(tepuk meja)

Yang tidak membebankan kita. Kita tahu saya dimaklumkan oleh pihak SESB, sekarang ini kita, pihak SESB, TNB membayar subsidi lebih kurang 800 juta satu tahun. Bukan sikit, 800 juta saya di, di, dimaklumkan. Nanti saya *check*lah kalau dua billion itu tapi yang dimaklumkan kepada saya 800 juta. Tetapi, saya nanti *check*lah apa nama dia itu, *figure* yang, yang sebenarnya.

Ini saya, saya, saya faham dan saya setuju dengan saranan ahli daripada Senallang. Kita kena berhati-hati dalam perkara begini kerana ianya cukup membebankan rakyat. Ini daripada pembinaan IPP ini. Inilah masalah kita di Sabah, IPP dibina

terlalu banyak, kita yang menanggung. Kita pun tidak mahu perkara ini tetapi seperti mana yang diterangkan oleh Yang Berhormat Pembantu Menteri tadi, bahawa kita akan mencari jalan yang terbaik terutama sekali menggunakan *hydro* ataupun sumber tenaga baharu yang lain, yang lebih murah. Yang nanti akan memberi kebaikan kepada pengguna kita di Sabah. Itu sahaja yang saya dapat jelaskan, terima kasih.

Timbalan Speaker [Datuk Haji Al Hambra bin Tun Haji Juhar]: Terima kasih Yang Amat Berhormat Ketua Menteri.

Datuk Anwar Ayub @Annuar Ayub [Liawan]: Tan Sri Speaker.

Timbalan Speaker [Datuk Haji Al Hambra bin Tun Haji Juhar]: Soalan seterusnya, saya menjemput Ahli Yang Berhormat daripada Tungku.

28/11/2023- RAKAMAN 4 [10:30 PAGI- 10:40 PAGI] - [NOREERA] - TERESA - NADA

Tuan Assaffal bin P. Alian [Tungku]: Terima kasih, Datuk Seri Speaker, soalan saya, soalan No. 2.

KETERJAMINAN (SEKURITI) MAKANAN SABAH.

- *2. **YB. Assaffal @ Samsul Kamal P. Alian [Tungku]** bertanya kepada **TIMBALAN KETUA MENTERI I / MENTERI PERTANIAN, PERIKANAN DAN INDUSTRI MAKANAN**, apakah pelan tindakan jangka panjang dan jangka pendek Kerajaan Negeri terhadap keterjaminan (*sekuriti*) makanan Sabah.

Jawapan

Pembantu Menteri Pertanian, Perikanan dan Industri Makanan [Datuk Hendrus Anding]: Terima kasih, Datuk Speaker. Untuk makluman Ahli Yang Berhormat Tungku dan Dewan yang mulia ini, soalan ini akan dijawab bersama dengan soalan No. 33 pada 27 November yang lalu daripada Ahli Yang Berhormat ADUN Dilantik. Untuk makluman jawapan ini agak panjang jadi ianya *detail* dan saya harap tiada lagi soalan tambahan selepas ini.

Tuan Speaker, Kementerian saya melalui Jabatan Pertanian Sabah telah merangka pelan tindakan jangka panjang dan jangka pendek untuk memperkasa pembangunan rantai makanan bagi keterjaminan makanan negeri Sabah seperti berikut:

Pertama, penerapan *Agrotechnology* seperti *Internet of things (IOT)*, *automasi* dan *mekanisasi* secara berterusan melalui kempen seperti Festival Agrotek, Kursus Destiminas Teknologi Tanaman dan Kursus Teknikal Pertanian.

Kedua, Jabatan Pertanian menyediakan Program Pakej Pembangunan Tanaman Makanan yang meliputi pemberian insentif bahan tanaman, penyediaan kawasan, input pertanian dan peralatan ladang bernilai anggaran 8 ribu hingga 10 ribu per hektar serta infrastruktur asas seperti ladang, perparitan, stor penyimpanan dan pusat pengumpulan hasil.

Setakat tahun 2023, seluas 93 hektar melibatkan 93 orang petani telah berjaya dibangunkan dengan tanaman kontan seperti halia dan keladi serta tanaman sayuran tanah rendah dan tanah tinggi. Mengekalkan sawah padi yang aktif bertanam seluas 24 ribu hektar dengan anggaran jumlah pengeluaran 52 500 metrik tan padi. Pembangunan tanaman padi melibatkan insentif pemberian subsidi pembajakan sebanyak RM494 per hektar pemberian input pertanian melalui Lembaga Pertubuhan Peladang bernilai 1307.20 per hektar subsidi harga jualan beras oleh BERNAS bernilai 500 per tan.

Selain itu, Jabatan juga mempunyai Program Pemberian Insentif Baja *NPK Green* dan *NPK Blue* bernilai 600 per hektar untuk tanaman jangka panjang dalam tempoh tiga tahun bagi meningkatkan produktiviti hasil pengeluaran.

Nombor tiga, meningkatkan penggunaan *variety* tanaman berhasil tinggi yang dihasilkan oleh Jabatan melalui kempen dan promosi seperti penggunaan benih padi, durian *Sabah Big Thorn*, kelapa matang, *avocado QaV 1, QaV 2 dan QaV 3*, nanas Sabah, *volcanic sweets* atau (SVS) dan kopi tanah tinggi *Ktimor LAC1*.

Nombor 4, menerapkan penggunaan teknologi pertanian terkini dalam projek-projek sedia ada seperti penanaman dalam struktur pelindung hujan dan penggunaan

sistem pertanian pintar yang merangkumi aktiviti operasi di ladang seperti penyiraman, pembajaan dan kawalan penyakit perosak serta kondisi tanaman dan dipantau menggunakan aplikasi dalam teknologi telefon bimbit.

Kelima, melaksanakan Program Komuniti Madani yang menggalakkan individu atau komuniti terlibat dalam pengeluaran makanan secara mampan.

Nombor enam. Penerapan amalan pertanian baik melalui persijilan MyGap dan MyOrganic bagi memastikan pengeluaran hasil adalah berkualiti.

Nombor tujuh. Pembangunan produk hiliran berasaskan tanaman makanan bagi meningkatkan nilai tambah produk. Kementerian saya, melalui Jabatan Perikanan Sabah mengambil pelbagai langkah dan inisiatif untuk mengatasi dan menstabilkan keterjaminan makanan ataupun *food security* di Sabah dengan memberikan pelaksanaan seperti berikut:

- i. Bantuan Elaun Sara Hidup Nelayan;
- ii. Subsidi Minyak Diesel dan Petrol;
- iii. Skim Bantuan Bencana Alam dan Kebajikan Nelayan;
- iv. Bantuan Sistem Ternakan Perikanan; dan
- v. Bantuan Fasiliti Sokongan Ternakan.

Bagi menggalakkan lebih ramai rakyat Sabah terutamanya golongan belia bagi menceburi bidang akuakultur, Jabatan Perikanan menyediakan program pembangunan modal insan, iaitu melalui kursus dan latihan akuakultur marin dan air tawar program pendedahan teknikal, demo teknikal di lapangan dan latihan sangkut kepada para belia yang ingin menceburi bidang perikanan.

Kementerian saya melalui Jabatan Perkhidmatan Veterinar melaksanakan pelbagai pelan tindakan untuk mengatasi keterjaminan makanan seperti berikut:

- i. Bagi Komuniti Unggas (TBS) telah bekerjasama dengan MARDI untuk membangunkan ladang pembiakbakaan ayam saga di Bantayan.

- ii. Mempelbagaikan sumber protein dalam Sektor Unggas melalui Program Agihan Itik Jantan secara percuma di beberapa daerah termasuk Sook, Kinabatangan dan Kionsom.
- iii. Memperluaskan penternakan lembu secara *feed load*, iaitu membangunkan semula ladang mega ternakan lembu di Balung, Tawau bagi memenuhi keperluan bekalan daging tempatan.
- iv. Penyediaan fasiliti asas di *pig farming area* Tongod yang akan menjadi pusat utama untuk pembiakan dan pengeluaran daging khinzir di negeri Sabah.
- v. Bekerjasama dengan beberapa pusat pengajian tinggi seperti Universiti UMK, UMS, UPM dan Kolej Vokasional Lahad Datu dalam mencari sumber makanan alternatif tempatan dan memberikan latihan pengurusan makanan kepada para penternak.
- vi. DVS Sabah juga telah mengenal pasti lima kawasan tanah jabatan yang berpotensi untuk membangunkan *food bank*, iaitu Papar, Kota Marudu, Tenom, Keningau dan Semporna bagi memudahkan para penternak untuk mendapatkan bekalan rumput makanan haiwan ternakan.

Selain itu, Kementerian saya melalui Ko-Nelayan telah menyediakan pelan keterjaminan makanan pelan jaminan jangka pendek melalui tiga sub sektor utama, iaitu perikanan, akuakultur dan hiliran.

Tuan Speaker, melalui sub sektor perikanan ini terdapat dua program ...

28/11/2023- RAKAMAN 5 [10.40 PAGI - 10.50 PAGI] - [CHARITY] - SITI JUBAIDAH - HADINIE

Pembantu Menteri Pertanian, Perikanan dan Industri Makanan [Datuk Hendrus Anding]: ...jangka pendek yang sedang dilaksanakan iaitu yang pertama, menyediakan pembiayaan kewangan melalui Program Kredit Mikro, Skim Bantuan Nelayan atau i-Nelayan kepada 50 orang nelayan setahun berupa peralatan menangkap ikan seperti bot, enjin sangkut, pukot dan tong ikan.

Yang kedua, inisiatif melebar luas potensi *accessibility* penangkapan ikan melalui teknologi satelit yang dilaksanakan melalui Program Nelayan Digital dengan memberikan latihan kepada 70 orang nelayan di seluruh Sabah dalam setahun

untuk mereka mahir menggunakan aplikasi Sabah Mobile Artisanal Remote Technology (e-Smart). E-Smart ini dibangunkan dan dibangunkan oleh Ko-Nelayan dengan kerjasama Agensi Angkasa Malaysia. Dengan teknologi ini, nelayan pesisir pantai akan dapat mengenal pasti kawasan-kawasan berpotensi menangkap ikan yang dengan itu mengurangkan kos perjalanan dan berpotensi untuk meningkatkan hasil tangkapan.

Melalui subsektor akuakultur, terdapat 7 program jangka pendek yang sedang dan akan dilaksanakan untuk meningkatkan pengeluaran hasil akuakultur iaitu yang pertama, Program Pengeluaran Benih Ikan Marin dengan pengeluaran ikan Kerapu sehingga 120,000 ekor pada tahun 2025 dan dibekalkan kepada pengusaha kecil di seluruh Sabah.

Kedua, Skim Bantuan Akuakultur atau yang dikenali i-Akuakultur, memberikan pembiayaan kewangan dalam bentuk kredit mikro kepada pengusaha akuakultur di seluruh Sabah untuk meningkatkan produktiviti dan pengeluaran hasil ternakan.

Yang ketiga, Program *Internet of Things* iaitu galakkan kepada pengusaha untuk menggunakan teknologi moden bagi meningkatkan kecekapan penternakan dan berupaya meningkatkan pengeluaran hasil ternakan. Yang keempat, pemindahan Teknologi *Nano Bubble* kepada pengusaha akuakultur melalui latihan pengenalan. Teknologi ini membekalkan gelembung udara nano kepada media ternakan yang berupaya meningkatkan oksigen terlarut dalam dan akan dapat mengurangkan kadar kematian serta meningkatkan pengeluaran hasil ternakan pengusaha.

Yang kelima, Latihan Pembangunan Modal Insan melalui Kursus *Upskilling* dan *Reskilling*. Pelbagai bidang perikanan akuakultur dan hiliran perikanan yang dikendalikan oleh Pusat Latihan Akuakultur di Tuaran dengan tujuan meningkatkan serta memantapkan pengetahuan teknikal dikalangan kumpulan sasar. Sebanyak 20 kursus *Upskilling* dianjurkan setiap tahun yang akan memberi manfaat kepada 430 orang nelayan, pengusaha akuakultur dan pengusaha hiliran perikanan di seluruh Sabah.

Yang keenam, Program Latihan Keusahawanan Belia dan Akuasis. Kursus kepada 10 orang belia dan 5 orang siswazah penganggur dalam setahun yang dilaksanakan

di KATC. Latihan Keusahawanan dilaksanakan selama 3 bulan, sebelum pelatih ditawarkan Pembiayaan Kewangan Kredit Mikro I-Akuakultur dan I-usahawan untuk memulakan perusahaan dalam bidang akuakultur.

Dan yang ketujuh, Program Advokasi Teknikal & *Traces Study* untuk memberikan nasihat teknikal..

Datuk Dr. Haji Jaujan bin Haji Sambakong [Sulabayan]: Tuan Speaker. Boleh minta laluan?

Pembantu Menteri Pertanian, Perikanan dan Industri Makanan [Datuk Hendrus Anding]: Ah... sekejap lagi. Sekejap lagi.

Datuk Dr. Haji Jaujan bin Haji Sambakong [Sulabayan]: Ah... pasal Tuan Speaker minta maaf...

Timbalan Speaker [Datuk Haji Al Hambra bin Tun Haji Juhar]: Sulabayan.

Datuk Dr. Haji Jaujan bin Haji Sambakong [Sulabayan]: ...pasal banyak lagi soalan ini. Ini bukan menjawab soalan. Ini sudah membahaskan ini. Dalam penggulunganlah. Terima kasih.

Pembantu Menteri Pertanian, Perikanan dan Industri Makanan [Datuk Hendrus Anding]: Ah... itulah saya kata ini soalan panjang sebab ini keterjaminan makanan.

Datuk Dr. Haji Jaujan bin Haji Sambakong [Sulabayan]: Tuan Speaker...

Timbalan Speaker [Datuk Haji Al Hambra bin Tun Haji Juhar]: Sulabayan. Sulabayan duduk.

Pembantu Menteri Pertanian, Perikanan dan Industri Makanan [Datuk Hendrus Anding]: Jawapan panjang.

Datuk Dr. Haji Jaujan bin Haji Sambakong [Sulabayan]: Soalan pendek saja...

Timbalan Speaker [Datuk Haji Al Hambra bin Tun Haji Juhar]: Sulabayan.

Datuk Dr. Haji Jaujan bin Haji Sambakong [Sulabayan]: ...jawapan mesti pendek.

Timbalan Speaker [Datuk Haji Al Hambra bin Tun Haji Juhar]: Sulabayan duduk. Menteri tolong pendekkan.

Pembantu Menteri Pertanian, Perikanan dan Industri Makanan [Datuk Hendrus Anding]: Okey.

Timbalan Speaker [Datuk Haji Al Hambra bin Tun Haji Juhar]: Kita banyak lagi soalan perlu dijawab.

Pembantu Menteri Pertanian, Perikanan dan Industri Makanan [Datuk Hendrus Anding]: Okey. Okey. Terima kasih.

Dan akhir sekali, Kementerian saya melalui Koperasi Pembangunan Desa memperkasakan pelaksanaan perladangan kontrak bagi ternakan ayam pedaging dengan kekerapan pusingan penternakan ayam sehingga lima dan enam pusingan setahun.

Terima kasih Datuk Speaker.

Timbalan Speaker [Datuk Haji Al Hambra bin Tun Haji Juhar]: Tungku, soalan tambahan.

Pembantu Menteri Pertanian, Perikanan dan Industri Makanan [Datuk Hendrus Anding]: Aik... ada juga soalan tambahan.

Soalan Tambahan

Tuan Assaffal bin P. Alian [Tungku]: Mengantuk saya bos menunggu kau habis bercakap.

Terima kasih Datuk Seri Speaker, ah... soalan tambahan daripada saya, bila saya bertanya soal keterjaminan makanan ataupun *food security* bermaksud kita mau

secure kita punya bekalan makanan di dalam negeri ini okey. Adakah Yang Berhormat berkeyakinan melalui semua inisiatif Yang Berhormat nyatakan tadi, kita akan mempunyai jaminan makanan? Pertama.

Keduanya, bolehkah Yang Berhormat lakukan sesuatu mengenai industri makanan kita ini? Sebab apabila saya tengok bajet kita yang ada pada hari ini, antara penyumbang import yang terbanyak yang menyebabkan imbalance dagang negeri Sabah disebabkan import masuk bekalan makanan, kan?

Jadi kalau kita, kalau semua inisiatif Yang Berhormat Menteri nyatakan tadi mengenai usaha untuk membangunkan industri makanan kita, mungkin makanan kita boleh menjadi pengekspor makanan pula. Jadi mungkin ini adalah salah satu yang boleh dilakukan oleh Kementerian Yang Berhormat *instead of* kita menjadi pengimport, kita menjadi pengekspor. Tetapi dalam jawapan Yang Berhormat tadi, tidak ada benda itu dinyatakan. Jadi kalau adanya inisiatif begitu, saya rasa itu adalah baik untuk ekonomi negeri Sabah, kedua.

Ketiganya, apakah peranan Kementerian Yang Berhormat apabila Yang Berhormat Menteri Kewangan menyatakan bahawa kita akan masuk ke dalam *Blue Economy*?

Saya rasa ini pun ada... ada... ada kaitan dengan pertanian juga ni.

Terima kasih.

Timbalan Speaker [Datuk Haji Al Hambra bin Tun Haji Juhar]: YB Menteri.

Pembantu Menteri Pertanian, Perikanan dan Industri Makanan [Datuk Hendrus Anding]: Terima kasih Datuk Speaker.

Soalan yang pertama, adakah ianya memberi jaminan? Kita percaya dalam usaha yang telah digariskan oleh Kementerian akan dapat memastikan sekurang-kurangnya keterjaminan makanan itu ada di dalam perancangan yang tersusun.

Jadi untuk memastikan keberkesanan sama ada 100% atau tidak, itu juga bergantung kepada keadaan yang penting. Langkah-langkah kita sudah disediakan.

Soalan yang kedua, untuk buat masa sekarang ini, tumpuan Kementerian adalah untuk memastikan keperluan dan kecukupan kita sendiri belum lagi ke arah sebagai eksport tetapi untuk memastikan keperluan untuk negeri kita sendiri. Terima kasih.

Datuk Ignatius Dorell Leiking [Moyog]: Datuk Speaker.

Timbalan Speaker [Datuk Haji Al Hambra bin Tun Haji Juhar]: Soalan seterusnya.

Soalan seterusnya, saya ingin mempersilakan ADUN Dilantik, YB Datuk Suhaimi Nasir.

Datuk Suhaimi bin Nasir [ADUN Dilantik]: Terima kasih Datuk Timbalan Speaker.

Hisap rokok tembakau cina, soalan saya nombor tiga.

STATUS PROJEK PEMBANGUNAN BANDAR BAHARU ULU DUSUN, BATU 32.

*3. **YB. Datuk Suhaimi bin Haji Nasir [ADUN Dilantik]** bertanya kepada **TIMBALAN KETUA MENTERI II / MENTERI KERAJAAN TEMPATAN DAN PERUMAHAN: -**

- a) apa status terkini projek pembangunan Bandar Baharu Ulu Dusun, Batu 32 "Check Point" yang dikendalikan Lembaga Pembangunan Perumahan dan Bandar (LPPB); dan
- b) berapa jumlah jabatan / agensi kerajaan yang diperuntukan tapak di pekan itu telah melaksanakan pembangunan atau bangunan.

Timbalan Speaker [Datuk Haji Al Hambra bin Tun Haji Juhar]: YB Menteri, silakan.

Timbalan Ketua Menteri II / Menteri Kerajaan Tempatan dan Perumahan [Datuk Seri Panglima Dr. Joachim Gunsalam]: Terima kasih Datuk Speaker.

Datuk Speaker. Datuk Speaker, untuk menjawab pertanyaan Ahli Yang Berhormat ADUN Dilantik dan untuk makluman Dewan yang mulia ini bagi men..

Timbalan Ketua Menteri II / Menteri Kerajaan Tempatan dan Perumahan [Datuk Seri Panglima Dr. Joachim Gunsalam]:...jawab pertanyaan mengenai status terkini projek pembangunan bandar baharu Ulu Dusun, pihak Lembaga Pembangunan Perumahan dan Bandar atau LPPB selaku agensi pelaksana bandar-bandar baharu di seluruh negeri Sabah di bawah Enakmen LPPB nombor 20 tahun 1981 bersama jabatan dan agensi Kerajaan Negeri atau Persekutuan yang diperuntukkan tapak di bandar baharu Ulu Dusun telah merancang dan sedang giat melaksanakan program-program pembangunan secara berperingkat-peringkat, tertakluk kepada kelulusan peruntukan kewangan di dalam Rancangan Lima Tahun Malaysia.

Setakat ini, hanya pihak Sedcovest Sdn. Bhd. dan LPPB sahaja telah membangunkan tapak yang diperuntukkan melalui pembinaan RNR atau gerai MPPB Sedcovest dan program perumahan awam kos rendah. Gerai Sedcovest telah siap pada tahun 2005 dan telah beroperasi sepenuhnya. Sementara itu, pihak LPPB sedang giat membina sebanyak 27 unit rumah kos rendah di bandar baharu berkenaan sebagai pemangkin kepada pertumbuhan sosioekonomi di kawasan tersebut.

Kerja-kerja pembinaan rumah setakat ini telah mencapai 98% dan dijangka siap sepenuhnya pada penghujung tahun ini. Bagi menjawab pertanyaan berhubung jabatan atau agensi kerajaan yang diperuntukkan tapak, jabatan, agensi Kerajaan Negeri atau Persekutuan yang telah diperuntukkan tapak di bandar baharu ini ialah seperti Majlis Perbandaran Sandakan, Sedcovest Holdings Sdn. Bhd. untuk gerai Bumiputera, Perkasa Royalty Sdn. Bhd. untuk kedai sosioekonomi bumiputera, bomba, balai polis, Klinik Kesihatan, Jabatan Hal Ehwal Agama Islam Negeri Sabah, Jabatan Perkhidmatan Pembentukan Negeri Sabah, Jabatan Sabah Electricity Board Sdn. Bhd. dan Tapak Simpanan Kerajaan. Sekian, terima kasih.

Timbalan Speaker [Datuk Haji Al Hambra bin Tun Haji Juhar]: Soalan tambahan, ADUN Dilantik.

Datuk Suhaimi bin Nasir [ADUN Dilantik]: Terima kasih, Yang Berhormat Menteri. Jawapan yang cukup komprehensif dan penjelasan yang cukup baik. Namun, saya melihat bandar baru ini sehingga ke hari ini walaupun ada pergerakan tetapi perkembangan yang cukup lambat. Apa yang menjadi persoalan sekarang Yang Berhormat Menteri, saya mengumumkan lokasi bandar baru Ulu Dusun Batu 3 *check point* ini terkenal dengan tempat persinggahan pengguna, terutama sekali jalan raya, jalan utama menghubungkan antara Sandakan, Kinabatangan, Telupid, Lahad Datu ke Sandakan. Adakah pihak Kerajaan Negeri mempunyai perancangan untuk mewujudkan RNR ataupun ingin mewujudkan tempat lokasi perdagangan ataupun menjadi satu *central*? Tetapi seperti apa kata Yang Berhormat Menteri bahawa agensi-agensi kerajaan, Majlis Perbandaran, SEDCO, bomba, polis, kesihatan, apakah semua ini perlu kita tunggu sampai Rancangan Kelima seperti apakah yang dikata dan saya sendiri pun tidak maklum rancangan yang kelima itu macam mana? RMK12-kah? 13-kah 14? Jadi, mohon Yang Berhormat Menteri untuk memberikan penjelasan. Terima kasih.

Timbalan Speaker [Datuk Haji Al Hambra bin Tun Haji Juhar]: YB Menteri.

Timbalan Ketua Menteri II / Menteri Kerajaan Tempatan dan Perumahan [Datuk Seri Panglima Dr. Joachim Gunsalam]: Terima kasih, ADUN yang Dilantik, Datuk Suhaimi. Untuk makluman ADUN yang Dilantik dan Dewan yang mulia ini, sepertimana yang saya katakan tadi, sebenarnya pembinaan RNR ataupun *Rest and Recreation* ini sudah dibina sepenuhnya dan bagi yang lain-lain seperti Bomba, Balai Polis, Klinik Kesihatan dan sebagainya ini semuanya saya percaya akan memerlukan ikut perancangan di jabatan masing-masing. Jadi, kita juga mengalu-alukan kerjasama dan cadangan-cadangan daripada Yang Berhormat kepada Kerajaan Persekutuan dan juga khususnya kepada agensi-agensi berkenaan untuk mempercepatkan pembinaan bangunan-bangunan tersebut. Terima kasih.

Timbalan Speaker [Datuk Haji Al Hambra bin Tun Haji Juhar]: Soalan seterusnya, saya menjemput Ahli Yang Berhormat daripada Sulabayan.

Datuk Dr. Haji Jaujan bin Haji Sambakong [Sulabayan]: Terima kasih, Tuan Speaker. Soalan saya, soalan No. 4.

PELUANG PEKERJAAN YANG DISEDIAKAN.

- *4. **YB. Datuk Dr. Haji Jaujan bin Haji Sambakong [Sulabayan]** bertanya kepada **MENTERI PEMBANGUNAN PERINDUSTRIAN DAN KEUSAHAWANAN**, berapakah jumlah peluang pekerjaan yang disediakan hasil dari jutaan nilai pelaburan-pelaburan yang diumumkan datang ke Sabah.

Timbalan Speaker [Datuk Haji Al Hambra bin Tun Haji Juhar]: YB Menteri, silakan.

Jawapan

Menteri Pembangunan Perindustrian dan Keushawanan [Datuk Phoong Jin Zhe]: Terima kasih, Datuk Speaker. Untuk makluman Ahli Yang Berhormat dari Sulabayan dan Ahli-ahli Yang Berhormat di dalam Dewan yang mulia ini, pelaburan asing dan domestik dalam sektor perindustrian amat penting kepada negeri Sabah dalam usaha untuk mewujudkan lebih banyak peluang pekerjaan kepada rakyat Sabah sekali gus mengurangkan kadar pengangguran di negeri ini.

Menerusi kejayaan negeri Sabah menarik pelaburan sepertimana yang dimaklumkan sebelum ini, dianggarkan berjumlah lebih kurang 20 ribu peluang pekerjaan akan diwujudkan yang merangkumi pelbagai bidang profesional dan pengurusan seperti jurutera, juruteknik dan pengoperasian. Anggaran peluang pekerjaan yang akan diwujudkan ini adalah melibatkan lebih kurang sepuluh syarikat dalam pelbagai bidang pelaburan, termasuklah industri keluli hijau, simen, pengurusan sisa, hab logistik, pemprosesan makan laut dan lain-lain.

Datuk Speaker, peluang-peluang pekerjaan ini dijangka akan diwujudkan dalam tempoh tahun 2024 hingga 2035 dengan mengambil kira tempoh pelaksanaan sesuatu pelaburan tersebut. Sebagai makluman, jumlah peluang pekerjaan ini adalah tidak termasuk pelaburan yang sudah direalisasikan, iaitu syarikat SK Nexilis Sabah, Malaysia Sdn. Bhd. dan kumpulan Kibing, yang mana masing-masing telah berjaya mewujudkan sejumlah 336 peluang pekerjaan bagi SK Nexilis dan 1649 peluang pekerjaan bagi syarikat kumpulan Kibing kepada rakyat Sabah.

Kementerian saya akan sentiasa mempergiatkan usaha untuk menarik lebih banyak pelaburan sama ada pelaburan asing atau domestik ke Sabah agar lebih banyak

peluang pekerjaan dapat diwujudkan dan sekaligus Datuk Speaker mengurangkan *brain drain* di negeri ini. Sekian, terima kasih.

Timbalan Speaker [Datuk Haji Al Hambra bin Tun Haji Juhar]: Soalan tambahan, Sulabayan.

Soalan Tambahan

Datuk Dr. Haji Jaujan bin Haji Sambakong [Sulabayan]: Banyak soalan tambahan ini. Terima kasih di atas jawapan tadi. Cuma saya nak tanya soalan tambahan ini. Adakah pihak Kementerian ataupun Kerajaan mempunyai data, iaitu pekerja yang kebolehpasaran? Sudah tentu hab pelaburan, itu soalan saya tadi, ya. Cuma kena ada sikit ulasan. Sudah tentu pihak pelabur bukan saja memerlukan prasarana cukup, polisi mesra pelabur negeri Sabah dan juga dia akan melihat orang kata *capacity* ataupun keupayaan pekerja mahir yang ada di Sabah. Itu soalan saya. Adakah data itu? Kerana kita tidak mahu berulang seperti syarikat Petronas di Kimanis. Banyak rungutan orang-orang di situ tidak mendapat peluang pekerjaan. Dia kata hanya orang luar sahaja. Berlaku pengangguran. Pasal apa kita tidak ada kebolehpasaran pekerja yang mahir yang dihendaki oleh pelabur. Itu yang saya nak tanya.

Yang seterusnya ialah saya nak tahu berapa jumlah pasir silika yang dikeluarkan daripada Sikuati, Kudat dan berapa jumlah royalti yang dibayar kepada Kerajaan, syarikat Kibing itu dan demikian apa status silika di Pulau Balambangan? Terima kasih.

Menteri Pembangunan Perindustrian dan Keusahawanan [Datuk Phoong Jin Zhe]: Terima kasih, Yang Berhormat dari Sulabayan dan untuk makluman Dewan yang mulia ini, izinkan saya kongsi kedua-dua syarikat yang tadi saya maklumkan tadi yang apa dipersoalkan daripada Yang Berhormat, berkenaan berapakah, apakah peratusan pekerja-pekerja yang sedang bekerja di kilang-kilang yang berapa peratusan adalah dari rakyat dari Sabah.

Untuk SK Nexilis, total *employees* sekarang setakat ini adalah 336. Sabahan 294, iaitu bersamaan 87.5%. Untuk *non-Sabahan* 28, mungkin dari Semenanjung ataupun Sarawak. 8.3% *expat*...

Menteri Pembangunan Perindustrian dan Keusahawanan [Datuk Phoong Jin Zhe]: ... 14 orang 4.2%. Untuk Kibing, *total employers* 1439. Sabahan, 1199 bersamaan 83.3%. *Non-Sabahan*, 92 orang bersamaan 6.4%. *Expert*, 148 bersamaan 10.3%. Untuk di Kudat yang Kilang Kibing, di Sikuati. *Total employers* 210 orang. Sabahan, 180 orang bersamaan 85.7%. *Non-Sabahan*, 5 orang, 2.4%. *Expert*, 25 orang, 11.9%. Maksudnya *more than 80 percent*, 80% adalah orang Sabah.

Saya akui, Yang Berhormat tadi apa yang dikatakan oleh Yang Berhormat tadi, betul. Memang agak sukar pada awalnya untuk mengambil pekerja datang asal dari Sabah. Tapi, dengan usaha-usaha gigih daripada Kementerian, saya pun turut membantu. Pergi ke KL, pergi ke Johor, pergi ke Singapura untuk menarik mereka datang balik. Kita sudah ada *successory* yang mana dari Semenanjung bekerja selama lima tahun, bekerja di Singapura selama lima tahun. Kita menarik dan kita mempelawa mereka datang balik. Pulanglah kepada rumah untuk bekerja dan ini kita sudah berjaya menarik ramai orang-orang Sabah balik ke Sabah. So, ini ialah sesuatu yang sedang kita buat.

Untuk soalan kedua, iaitu tentang berapa ton pasir silika. Buat setakat ini belum lagi ada keluar pasir silika. Kita baru saja lancar pada 31 Oktober, tahun ini baru saja kita melancarkan Kilang Kibing di KKIP. So, belum lagi. Mungkin dalam satu dua bulan saya akan bagi maklumat terkini sekiranya sudah ada. Terima kasih, Yang Berhormat.

Timbalan Speaker [Datuk Haji Al Hambra bin Tun Haji Juhar]: Soalan tambahan. Sulabayan, duduk. Soalan tambahan saya buka kepada Ahli-Ahli Yang Berhormat yang lain. Senallang, silakan.

Datuk Seri Panglima Haji Mohd Shafie bin Haji Apdal [Senallang]: Terima kasih, Datuk Speaker, dan terima kasih Yang Berhormat Menteri. Kalau mendengar anggaran demi anggaran. Saya ingin bertanya kepada Yang Berhormat Menteri. Kalau dengar *press release done by you*, dengan izin. *Billions of money is going to*

invested. Daripada pengumuman ini, *on the ground*, dia ini tiga tahun dah ini. 300 pekerja saja. Contoh macam tadilah itu, satu kilang. Satu kilang, 1000. Kabin, ya, satu *bulk*. Bila saya lihat, satu dari segi peluang pekerjaan. Dah tiga tahun dah. Berbilion. *How many of the billions of project you ever announce, is already on the ground*. Satu *bulk*.

Kedua, Kibing punya projek ini. Silika. *You're talking about* silika. Saya difahamkan ini tidak membabitkan tentang *solar panel*. Dia cuma eksport silika saja, *and this is part in components for producing panel*. Seumpama Datuk Speaker, kita keluarkan kayu balak lepas itu kita *produce plywood*. Lepas *plywood*, kita hantar pergi Jepun, kita hantar pergi China, lepas itu dia jual perabot kepada kita. Kita jual kepada Jepun, China, RM100.00, dia jual perabot kepada kita RM1,000.00, *and similarly, the cost benefit have you done, the cost benefit analysis not only in term of job opportunity but the return to* Kerajaan Negeri, hasil. Yang kita akan perolehi bukan hanya dari segi peluang pekerjaan. Kita nakkan supaya Sabah menjadi satu wilayah *industrialised producing solar panel*. Bukan kita nak eksport silika yang *diproduced* di Korea, di Jepun. Ini yang ingin saya bertanya kepada Yang Berhormat Menteri.

Timbalan Speaker [Datuk Haji Al Hambra bin Tun Haji Juhar]: YB Menteri.

Menteri Pembangunan Perindustrian dan Keusahawanan [Datuk Phoong Jin Zhe]: Terima kasih, Yang Berhormat dari Senallang. Memang betul kita sedar dan tahu. Ini cuma titik permulaan untuk kita ke arah perindustrian. Bukan senang kita boleh menarik satu pelaburan untuk masuk. Sebagai permulaan kita sudah ada satu kilang untuk memproseskan, untuk membuat *solar glass* betul. Bukan *solar panel* secara keseluruhannya. Tapi, dia dalam seluruh industri itu, dia memang ada banyak komponen-komponen yang kita belum ada. Sebagai contohnya, satu kritikal *raw material* adalah *polysilicon* untuk membuat seluruh industri.

So, kita sedang untuk makluman dan untuk kongsi kepada Ahli-ahli Yang Berhormat, kita sedang mempelawa ataupun untuk menjemput Syarikat Kibing untuk membesarkan pelaburan itu. Jangan ada saja *solar glass* dan 99.9 *percent* adalah untuk eksport kepada luar negara. Kita sedar dan tahu, kita sedang berusaha untuk kita besarkan industri itu. Kita sudah ada kilang ini dan kita akan membolehkan dan permudahkan kilang-kilang lain, *supporting industries* untuk mewujudkan satu

ekosistem yang sempurna. Ini perlukan masa dan saya akan berusaha, saya, *I will give my words, I will do my best* untuk menjayakan itu. Terima kasih, Datuk Speaker.

Timbalan Speaker [Datuk Haji Al Hambra bin Tun Haji Juhar]: Soalan seterusnya saya menjemput Ahli Yang Berhormat daripada Sebatik.

Datuk Hassan A Gani Pg Amir [Sebatik]: Terima kasih, Datuk Speaker. Soalan saya No. 5.

IMPAK DAN SEKTOR BAGI PENINGKATAN KESEJAHTERAAN RAKYAT.

- *5. **YB. Datuk Hassan A Gani Pg. Amir [Sebatik]** bertanya kepada **MENTERI KEWANGAN**, apakah impak peningkatan hasil negeri kepada kesejahteraan rakyat khususnya di luar bandar dan apakah sektor yang menjadi fokus agihan hasil tersebut.

Timbalan Speaker [Datuk Haji Al Hambra bin Tun Haji Juhar]: YB Menteri.

Jawapan

Pembantu Menteri Kewangan [Tuan Tan Lee Fat]: Terima kasih, Tuan Speaker. Untuk makluman Ahli Yang Berhormat dari Sebatik serta Dewan yang mulia ini, negeri Sabah telah merekodkan peningkatan kutipan hasil negeri pada tahun 2021 sebanyak 51.74%, iaitu daripada RM3.591 bilion kepada RM5.449 bilion. Peningkatan hasil pada tahun 2022 adalah yang tertinggi pernah direkodkan, iaitu sebanyak RM6.96 bilion. Selaras dengan peningkatan kutipan hasil negeri, Kerajaan Negeri berupaya untuk meningkatkan jumlah agihan peruntukan kepada Kementerian dan juga jabatan pada tahun 2020, iaitu sebanyak 6.37% berbanding tahun sebelum ataupun bersamaan dengan RM4.596 bilion. Manakala, pada tahun 2023, peruntukan telah ditingkatkan lagi kepada RM5.138 bilion bersamaan sebanyak 10.55% berbanding tahun sebelumnya.

Tuan Speaker, Kerajaan Negeri sememangnya sentiasa komited dalam usaha mensejahterakan rakyat di kawasan luar bandar. Peningkatan hasil tersebut telah membolehkan kerajaan untuk mempertingkatkan usaha menambah baik kemudahan asas dan infrastruktur di Sabah bagi menaik taraf kesejahteraan rakyat.

Kerajaan Negeri berupaya meningkatkan peruntukan di bawah sektor infrastruktur, pertanian, sosial, pembangunan modal insan, pelancongan, perindustrian, pembangunan wanita dan belia serta pembangunan ICT. Jumlah peningkatan peruntukan yang diagihkan pada tahun 2023 berbanding tahun sebelumnya adalah sebanyak RM542 juta. Ini menunjukkan Kerajaan Negeri menyediakan belanjawan secara inklusif tanpa mengira kawasan bandar mahupun luar bandar. Sebagai contoh, Kerajaan Negeri telah menyediakan peruntukan bagi projek penyediaan bekalan air terawat. Terutamanya bagi penduduk di kawasan luar bandar berjumlah sebanyak RM529.89 juta, pada tahun 2021. RM540.98 juta, pada tahun 2022 dan RM618.88, pada tahun 2023.

Di samping itu, infrastruktur dari aspek penyediaan jaringan jalan raya di kawasan luar bandar juga telah dipertingkatkan. Peruntukan untuk tahun ini telah dinaikkan dari RM295.75 juta, pada tahun 2021 kepada RM305.05 juta, pada tahun 202...

28/11/2023- RAKAMAN 8 [11.10 PAGI - 11.20 PAGI] - [ARINA] - RAMENAH - HADINIE

Pembantu Menteri Kewangan [Tuan Tan Lee Fat]: ...2 dan RM360.19 juta pada tahun 2023. Tuan Speaker, Kerajaan Negeri juga telah menyediakan peruntukan sebanyak RM118 juta dibawah projek pembangunan kecil bagi merancakkan penyediaan dan pembangunan infrastruktur asas di setiap kawasan DUN. Manakala bagi tahun 2023, Kerajaan Negeri telah mengambil inisiatif tambahan dengan memperuntukkan sebanyak RM188.2 juta dan juga disalurkan kepada KPLB untuk meneruskan projek ini di setiap DUN. Oleh itu, fokus agihan hasil tidak disasarkan semata-mata ke kawasan luar bandar sahaja, namun agihan ini dibuat secara holistik dan inklusif ke seluruh Sabah. Sekian.

Timbalan Speaker [Datuk Haji Al Hambra bin Tun Haji Juhar]: Soalan tambahan Sebatik

Soalan Tambahan

Datuk Hassan A Gani Pg Amir [Sebatik]: Terima kasih Datuk Speaker dan terima kasih jawapan Menteri. Soalan tambahan saya, apakah langkah ataupun perancangan pihak kementerian pada masa akan datang berhubung dengan

peruntukan Kerajaan Persekutuan yang disalurkan kepada Kerajaan Negeri yang tidak habis dibelanjakan. Terima kasih.

Timbalan Speaker [Datuk Haji Al Hambra bin Tun Haji Juhar]: YB Menteri.

Menteri Kewangan [Datuk Seri Panglima Haji Masidi bin Manjun]: Terima kasih diatas soalan tambahan tersebut. Seperti mana Yang Berhormat sedia maklum, kita secara rasmi telah pun mengemukakan cadangan agar setiap peruntukan yang tidak habis digunakan di Sabah dimasukkan dalam satu akaun amanah agar ianya dapat digunakan secara berterusan tanpa dia ditarik balik oleh Kerajaan Persekutuan dan untuk tujuan itu kita telah pun menyediakan kalau Ahli-ahli Yang Berhormat masih ingat pada persidangan Dewan Undangan Negeri yang lepas kita telah pun menubuhkan satu ataupun membuat pindaan kepada satu enakmen yang membolehkan kita menubuhkan apa ni tabung amanah tersebut. Jadi kita telah membuat *engagement* dengan pihak yang berkenaan dan yang terbaru yang kita terima dan ini pun terbit daripada mesyuarat Majlis Tindakan Pembangunan Negeri beberapa hari yang lepas. Respon daripada mereka ialah pertama, mereka masih mempertimbangkan permintaan kita. Tapi kedua, ada juga peruntukan-peruntukan yang tidak dapat dimasukkan dalam tabung amanah tersebut kerana peruntukan yang digunakan ada peruntukan yang merupakan pinjaman. Ertinya Kerajaan Persekutuan, meminjam duit itu daripada institusi-institusi tertentu dan kerana itu mereka tak boleh atau mereka terpaksa tarik balik peruntukan tersebut setelah setiap akhir tahun. Erti dia, dia bukan satu *revenue* yang penterbit atau diperolehi oleh kerajaan atau dikutip oleh kerajaan pusat untuk membolehkan dia dapat dimasukkan barangkali dalam akaun yang kita telah cadangkan. Terima kasih.

Timbalan Speaker [Datuk Haji Al Hambra bin Tun Haji Juhar]: Soalan seterusnya saya menjemput Ahli Yang Berhormat daripada Elopura.

Tuan Calvin Chong Ket Kiun [Elopura]: Tuan Speaker, soalan saya keenam. Terima kasih.

KONTRAKTOR YANG DILANTIK MELAKSANAKAN KERJA-KERJA PENGGANTIAN PAIP.

- *6. **YB. Tuan Calvin Chong Ket Kiun [Elopura]** bertanya kepada **TIMBALAN KETUA MENTERI III / MENTERI KERJA RAYA**, berapakah kontraktor yang telah dilantik untuk melaksanakan kerja-kerja penggantian paip dibawah kontrak penyelenggaraan paip memandangkan di kawasan Sandakan masih banyak aduan paip yang sudah usang dan mulai mereput serta paip bocor berlaku.

Timbalan Speaker [Datuk Haji Al Hambra bin Tun Haji Juhar]: YB Menteri, silakan.

Jawapan

Pembantu Menteri Kerja Raya [Datuk Limus bin Jury]: Terima kasih Tuan Speaker. Izinkan saya menjawab soalan nombor enam bersamaan soalan 29. Untuk makluman Ahli Yang Berhormat daripada Elopura Sungai Manila dan dewan yang mulia ini. Kementerian saya melalui Jabatan Air Negeri Sabah telah mengambil tindakan dengan mengeluarkan kontrak bagi melaksanakan kerja-kerja penyelenggaraan paip air yang dibagikan kepada tiga fasa 3 Jun di daerah Sandakan seperti berikut.

Satu, kontrak penyelenggaraan paip bekalan air di zon satu meliputi kawasan dari Batu 1 hingga Batu 4 untuk dua tahun di Sandakan, Sabah.

Dua, kontrak penyelenggaraan paip bekalan air di zon 2 meliputi kawasan dari Batu 4 hingga Batu 16 untuk dua tahun di Sandakan, Sabah.

Tiga, kontrak penyelenggaraan paip bekalan air di zon 3 meliputi kawasan dari Batu 16 hingga Batu 32 untuk dua tahun di Sandakan, Sabah. Kontrak penyelenggaraan paip bekalan air selama 24 bulan ini telah ditawarkan kepada 3 kontraktor utama mengikut kontrak Jun masing-masing.

Skop perkawasan kontrak penyelenggaraan paip bekalan air ini adalah melibatkan seperti berikut:-

Satu, kerja membaiki paip air yang berdiameter 50mm dan ke bawah termasuk kerja-kerja pengorekan dan membaiki semula lokasi paip bocor.

Dua, kerja pembaikkan paip air yang melebihi 50mm keatas termasuk kerja-kerja pengorekan dan pembaikan semula lokasi paip bocor.

Tiga, kerja-kerja pembaikkan atau penggantian ruang *manhole chamber* dan lengkapan *fitting*.

Empat, kerja-kerja penyelenggaraan rutin seperti mengecat *expose pipe* dan juga jambatan paip, *pipe bridge* untuk mengelakkan karat.

Oleh itu, sekiranya pihak Jabatan Air di daerah Sandakan mendapat laporan gangguan bekalan air disebabkan oleh kerosakan paip, kontraktor di zon terbabit dengan serta-merta diarahkan dalam tempoh dua jam perlu ke tempat kejadian untuk melaksanakan kerja-kerja pembaikan paip dengan segera. Ketiga, kontrak penyelenggaraan paip bekalan air ini telah mula dilaksanakan masing-masing pada Mei dan Jun 2022 dan akan tamat pada Mei 2024 untuk zon satu dan Jun 2024 untuk zon dua dan serta zon tiga. Bagi tindakan penyelesaian di kawasan Sungai Manila dan sekitarnya pula projek menaiktaraf sistem bekalan air termasuk tangki simpanan di Sandakan yang telah mula dilaksanakan sejak Julai 2023 kini di peringkat pelaksanaan. Kerja-kerja penggantian paip lama sepanjang 14 kilometer di kawasan tersebut setakat Oktober 2023 45% kerja-kerja penggantian paip telah pun dilaksanakan. Sekian, Tuan Speaker.

Timbalan Speaker [Datuk Haji Al Hambra bin Tun Haji Juhar]: Soalan tambahan, Elopura.

Tuan Calvin Chong Ket Kiun [Elopura]: Terima kasih, Speaker. Soalan saya, yang memang jawapan yang sedap tapi setiap hari telefon saya pun ada aduan paip bocor. Setiap hari. Jadi saya tidak mahu tahu berapa kontraktor tapi saya apa yang rasanya tidak dapat *go up* tidak dapat *cover* di kawasan Sandakan walaupun Batu Satu sampai Empat, Empat sampai 16. Di kawasan saya ada yang satu taman tidak lebih 100 buah rumah tapi empet tempat yang bocor. Sebabkan apa? Air masin. Tapi apa macam *cover*? empat kontraktor, tiga kontraktor, walaupun enam kontraktor pun tidak dapat *cover*. Mahu tunggu lima bulan yang atas. Ada satu *case* di depan punya *lost accident* tiga kali sebab paip bocor, jalan rosak. Siapa yang bayar balik orang punya nyawa? Siapa yang bayar balik? JKR. *Accident* motor. Saya

ada *report* sebab paip bocor jadi jalan rosak. Semua Sandakan pun tahu isu ini. Hanya menteri tidak tahu.

Timbalan Speaker [Datuk Haji Al Hambra bin Tun Haji Juhar]: Soalan YB

Tuan Calvin Chong Ket Kiun [Elopura]: Soalan saya. Pertama, apa langkah yang kasih *aggressive* saya tidak tahu berapa kontraktor kah? Berapa boleh *count aggressive*? Pertama, dalam kontraktor-kontraktor ini mahu tunggu lima bulan paip bocor. Kita mahu dengar ini. Setiap hari saya punya telefon ada. Soalan kedua, dalam rumah paip rosak, paip sumbat siapa yang bayar? Dalam rumah. Limpas meter. Sebelum meter memang JKR ada JPA lah. Dalam rumah punya siapa yang bayar sebab air masin, paip bocor, tangki bocor, paip sumbat. Siapa yang tanggung? Sila jawab. Terima kasih.

Timbalan Speaker [Datuk Haji Al Hambra bin Tun Haji Juhar]: Terima kasih. YB Menteri, silakan.

Pembantu Menteri Kerja Raya [Datuk Limus bin Jury]: Terima kasih. ADUN daripada Elopura. Untuk jawab soalan tambahan di pihak kementerian saya dan juga jabatan saya, akan berusaha untuk penukaran paip-paip yang telah usang bagi mengurangkan kadar kekerapan paip pecah dan juga penambahan bilangan kontraktor paip penyelenggaraan dan juga penguatkuasaan operasi pemotongan bagi akaun-akaun tertunggak dan juga kecurian cadangan meter pra pembayaran bagi rumah-rumah setinggan dan juga tiap jabatan dan saya juga Jabatan Air cadangan menaiktaraf *system overhaul* bagi loji Sibuga dan Hilltop. Cadangan kemungkinan bagi mengenalpasti lokasi baru sumber air...

28/11/2023- RAKAMAN 9 [11:20 PAGI - 11:30 PAGI] - [HASTRINA] - THEODORA - EZURA

Pembantu Menteri Kerja Raya [Datuk Limus bin Jury]: ...mentah, jadi inilah acara dan untuk menambah, penambahbaikan untuk air yang berkurangan di Sandakan. *Then* berkenaan dengan air masin itu nanti, pihak Menteri saya untuk menjawab dalam penggulungan nanti. Terima kasih Tuan Speaker.

Timbalan Speaker [Datuk Haji Al Hambra bin Tun Haji Juhar]: Soalan yang terakhir, saya ingin menjemput Ahli Yang Berhormat daripada Tanjong Papat.

Datuk Poon Ming Fung @Frankie [Tanjong Papat]: Terima kasih, Datuk. Soalan saya, soalan No. 7.

KURSUS YANG DIJALANKAN OLEH KERAJAAN UNTUK MEMPERKASAKAN IBU TUNGGAL.

***7. YB Datuk Poon Ming Fung @ Frankie [Tanjong Papat]** bertanya kepada **MENTERI PEMBANGUNAN MASYARAKAT DAN KESEJAHTERAAN RAKYAT: -**

- a) berapakah bilangan kursus yang telah dijalankan oleh pihak kerajaan untuk memperkasakan ibu tunggal yang berumur 40 tahun dan ke atas; dan
- b) jika ada, berapakah jumlah statistik peserta dalam kursus yang telah dijalankan.

Timbalan Speaker [Datuk Haji Al Hambra bin Tun Haji Juhar]: YB Menteri, silakan.

Jawapan

Pembantu Menteri Pembangunan Masyarakat dan Kesejahteraan Rakyat [Datuk Flovia Ng]: Terima kasih, Datuk Speaker. Untuk menjawab pertanyaan Ahli Yang Berhormat ADUN Tanjong Papat, Kementerian ini melalui Jabatan Hal Ehwal Wanita Sabah, pada tahun ini telah melaksanakan 26 kursus yang merangkumi beberapa kemahiran seperti kulinari, fabrik, kos metodologi, kraf tangan dan bioteknologi di 20 buah daerah. Kursus-kursus tersebut dilaksanakan khusus untuk golongan ibu tunggal, berdasarkan takrifan JHEWA dan juga kumpulan wanita berkahwin yang berpendapatan rendah dalam kategori B40 yang berumur antara 18 hingga 55 tahun. Kursus-kursus yang dianjurkan membolehkan peserta memulakan perniagaan dan menjana pendapatan serta sekali gus berupaya memperkasakan ekonomi para peserta tersebut.

Jumlah peserta bagi kursus kemahiran yang telah dilaksanakan dalam tahun 2023 ialah seramai 641 orang golongan ibu tunggal dan kumpulan wanita berkahwin yang berpendapatan rendah dalam kategori B40 seramai 162 orang ibu tunggal yang

berumur 40 tahun ke atas telah pun menyertai kursus-kursus yang dianjurkan. Sekian, terima kasih.

Timbalan Speaker [Datuk Haji Al Hambra bin Tun Haji Juhar]: Soalan tambahan, Tanjong Papat.

Soalan Tambahan

Datuk Poon Ming Fung @Frankie [Tanjong Papat]: Ya, terima kasih kepada menteri. Kalau ada berminat menyertai program-program, adakah kalau mereka ada kurang dana, adakah pihak kerajaan membantu mereka dengan dana menyertai program? Terima kasih.

Pembantu Menteri Pembangunan Masyarakat dan Kesejahteraan Rakyat [Datuk Flovia Ng]: Untuk makluman Ahli Yang Berhormat ADUN Tanjong Papat, Kementerian KPMKR melalui JHEWA ya, melaksanakan pelbagai kursus kemahiran di beberapa daerah di seluruh Sabah tahun ini, melalui kerjasama daripada pejabat daerah, UPPM, NGO, untuk menyebarkan maklumat program dan membantu mendapatkan peserta yang berkelayakan mengikut kriteria yang ditetapkan. Kursus yang ditawarkan untuk makluman JHEWA tidak memberi ya, tidak memberi bantuan kewangan bagi kursus-kursus yang ditawarkan. Tetapi apabila telah menghadiri kursus dan menjalankan perniagaan melalui kursus tersebut JHEWA akan membantu dari segi peralatan perniagaan. Terima kasih.

Datuk Mokran Ingkat [Sungai Manila]: Tuan Speaker.

Timbalan Speaker [Datuk Haji Al Hambra bin Tun Haji Juhar]: Ahli-ahli Yang Berhormat, sesi soal jawab sudah selesai.

Timbalan Setiausaha Dewan: Menyambung semula perbahasan ke atas masalah Rang Undang-undang Perbekalan (2024-2023) dan usul untuk membawa Anggaran Pembangunan 2024 dibacakan kali yang kedua sekarang.

Timbalan Speaker [Datuk Haji Al Hambra bin Tun Haji Juhar]: Sebelum itu, suka saya ingin ingatkan, masa yang diberi oleh setiap Ahli-ahli Yang Berhormat untuk berbahas adalah selama 12 minit. Sekiranya lampu LED mikrofon anda telah

berkelip-kelip itu bermakna 10 minit telah berlalu dan anda mempunyai baki masa dua minit sahaja untuk membuat penggulungan.

Dan untuk memastikan sesi perbahasan kita berjalan dengan lancar dan teratur, jika ada mana-mana Ahli-ahli Yang Berhormat ingin berbahas dan masih berada di luar Dewan, sila masuk dan bersedia di dalam Dewan sewaktu sesi perbahasan. Dengan itu, saya menjemput Yang Berhormat daripada Usukan.

Datuk Seri Panglima Dr. Mohd Salleh Tun Said [Usukan]: Terima kasih, Tuan Speaker dan Ahli-ahli Yang Berhormat. Pertama sekali, izinkan saya ucapkan tahniah kepada Yang Amat Berhormat Ketua Menteri, Menteri Kewangan dan Kerajaan Negeri di atas Pembentangan Bajet 2024 pada minggu lepas. Saya faham bukan mudah bagi Yang Berhormat Menteri Kewangan yang baharu untuk menyediakan bajet dalam suasana ekonomi yang agak mencabar. Mengambil kira asas-asas ekonomi dan juga hasil negeri kita di Sabah ini.

Bajet adalah sekadar anggaran dia tidak boleh menyelesaikan semua masalah sekali gus penyelesaian, memerlukan komitmen semua pihak khususnya Kerajaan Persekutuan, pihak swasta, pelabur luar dan juga orang-orang politik itu sendiri. Orang-orang politik harus melihat parti politik itu bukan lagi matlamat tetapi parti politik itu adalah sekadar wadah untuk mencapai matlamat yang sama untuk menentukan rakyat Sabah terus maju ke hadapan. Saya menyokong penuh Bajet 2024 yang diumumkan oleh Yang Berhormat Menteri Kewangan.

Tuan Speaker, sukacita saya menyentuh beberapa perkara, berkait sektor ekonomi dan pembangunan dalam Perbahasan Bajet 2024 kali ini. Saya ingin memberi tumpuan kepada salah satu teras di bawah pelan pembangunan ekonomi di bawah inisiatif Sabah Maju Jaya, iaitu berkenaan modal insan.

Tuan Speaker, modal insan adalah aset penting bagi sesebuah negara. Modal insan yang berpendidikan dan berkemahiran tinggi, kepimpinan yang baik, dasar yang kondusif serta jika disokong dengan ekosistem yang betul boleh mengangkat kedudukan sesebuah negara mara ke hadapan. Sebaliknya, jika diabaikan, iaitu tanpa mengambil peduli soal pemerkasaan modal insan, sesebuah negara atau negeri yang kaya dengan sumber hasil bumi pun boleh ditinggalkan oleh negara

yang mempunyai sedikit hasil bumi dari segi prestasi ekonomi. Modal insan yang terdidik dan terlatih penting kerana ianya adalah pendorong pembangunan dan pertumbuhan ekonomi, pendorong inovasi dan kemajuan teknologi, meningkatkan produktiviti, mensejahterakan rakyat serta meningkatkan daya saing sesebuah negara di peringkat global.

Tuan Speaker, izinkan saya menarik perhatian Dewan ini, kepada beberapa isu semasa berkaitan modal insan yang perlu diberi perhatian oleh Kerajaan Negeri. Pertama, isu penghijrahan pakar ataupun *brain drain*. Negeri ini sebenarnya mempunyai banyak pekerja yang berkemahiran tinggi, *skilled workers*, yang boleh menyumbang kepada pembangunan ekonomi negeri kita. Namun, mereka tidak menetap atau duduk bekerja di Sabah. Mereka berada di Kuala Lumpur, Selangor, Pulau Pinang, Johor, Singapura dan ada juga di Australia. Mereka mempunyai kemahiran yang kita perlukan tetapi telah memilih untuk mencari rezeki di tempat lain. Menurut data di Kementerian Sumber Manusia, terdapat kadar tinggi seramai 45 900 orang warga Sabah yang berhijrah ke luar negeri pada tahun 2020.

Ini merupakan satu masalah besar, modal insan yang perlu ditangani dengan segera kerana ianya menjejaskan kepentingan kita dalam sebarang pelaburan yang berlaku dalam negeri ini. Sebagai contoh, syarikat gergasi dari China, Kibing Solar Group telah melabur lebih kurang 2.5 billion untuk membina dua kilang di Sabah. **SBH**, kilang solar dan **SBH** kilang silikon, Kudat. Mereka ini menggunakan pekerja 556, iaitu 506 orang tempatan dan akan memerlukan sebanyak 1808 pekerja di masa akan datang di dalam kouta 1627 tersedia untuk orang tempatan. Syarikat ini mempunyai masalah mencari tenaga pekerja berkemahiran yang sesuai untuk keperluan. Dan jika ini berlarutan, tidak mustahil mereka terpaksa menggunakan tenaga pekerja luar.

Kedua, isu ketidakpadanan pekerjaan. Saya ambil maklum yang kita mempunyai universiti, kolej, institusi pengajian tinggi dan sekolah vokasional yang sudah cukup banyak melahirkan graduan dari segi ijazah, sijil diploma, dan juga sarjana muda. Namun kita masih hairan bila mengetahui kadar pengangguran di negeri ini adalah tertinggi di Malaysia. Merujuk kepada kenyataan Menteri Sumber Manusia...

Datuk Seri Panglima Dr. Mohd Salleh Tun Said [Usukan]: ... V. Sigakumar pada 21 Ogos 2023, Sabah mempunyai kadar pengangguran tertinggi di Malaysia ini dengan peratus 7.7 peratus dari populasi Sabah atau sebanyak 169 800 ribu, 29 persen daripada jumlah penganggur sebanyak 588 700 dalam data Kerajaan Malaysia.

Pada pandangan saya, isu ketidakpadanan pekerjaan ini adalah fakta besar kepada kadar pengangguran. Selain dari itu, isu lain seperti kebergantungan kita kepada tenaga pekerja asing. Kita sedih melihat para pelapis modal insan dan graduan kita yang masih terpaksa berjuang menyahut cabaran apabila habis belajar tetapi tidak dapat mencari kerja yang sepadan dengan pelajaran mereka kerana ketiadaan pekerjaan sedemikian. Oleh itu, saya menyambut baik sebarang tindakan Kerajaan Negeri yang dapat mewujudkan pelantar ya, platform untuk para pihak pemegang taruh utama dengan berbincang dengan lebih produktif mencari jalan penyelesaian bersama Kerajaan Negeri, institusi pengajian tinggi dan juga majikan dan pekerja.

Ketiga, isu latihan semula atau belajar semula *Retraining and Relearning*. Pada pandangan saya, kualiti modal insan kita pada masa akan datang akan bergantung besar dengan kebolehan tenaga pekerja kita untuk pantas menyesuaikan diri dengan perubahan teknologi dalam pekerjaan baharu. Tahun ini sahaja kita lihat sahaja populariti mendadak teknologi kecerdasan buatan ataupun *Artificial Intelligence (AI)* dalam kehidupan harian kita. Teknologi AI hebat kerana ia mempunyai keupayaan untuk melatih dan belajar semula dari segala maklum balas yang ia dapati dari input manusia. Oleh sebab itu, AI akan pantas membangun selepas memperbaiki dirinya. Sifat ini bakal menyebabkan AI pun terus maju ke depan menggagalkan dan menggantikan banyak kategori pekerjaan manusia di masa akan datang.

Oleh yang demikian, saya berpandangan bahawa modal insan kita juga harus mencontohi dan mengambil iktibar dari sikap tersebut iaitu senantiasa mencari jalan untuk latihan semula atau belajar semula. Kita sebagai manusia perlu peka dengan

perkembangan semasa dan sentiasa memperbaiki diri kita untuk bersedia masa hadapan.

Saya berharap Kerajaan Negeri boleh mengambil inisiatif untuk membantu isu ini dengan memperkasakan institusi pendidikan tinggi milik Kerajaan Negeri. Berilah mereka peruntukan yang lebih besar agar mereka boleh merancang dan meneroka bidang-bidang yang baharu untuk ditawarkan di institusi masing-masing. Hakikatnya, untuk menawarkan kursus-kursus strategik baharu, berikanlah mereka mandat untuk membantu Kerajaan Negeri dalam menangani isu-isu semasa modal insan, sepertimana yang saya katakan sebentar tadi.

Tuan Speaker, sebelum saya menutup ucapan saya, izinkan saya juga menyuarakan pandangan dan cadangan untuk kawasan DUN saya, iaitu Usukan, Kota Belud.

Pertama, penganjuran dan penambahbaikan Tamu Besar Kota Belud. Saya sedih dengan makluman bahawa program Tamu Besar Kota Belud sudah tidak diadakan untuk dua tahun berturut-turut, iaitu 2022, 2023. Kali terakhir diadakan pada 2021. Ini merupakan satu kerugian besar kepada sektor industri ekonomi tempatan Kota Belud kerana Tamu Besar merupakan satu program tempatan yang sudah cukup terkenal dalam Kalender Pelancongan Tahunan Sabah. (Rujuk Lembaga Pelancongan Sabah). Program ini merancakkan perniagaan tempatan dan pelancongan domestik dan antarabangsa kerana Tamu Besar Kota Belud lebih unik dari tamu daerah lain Sabah kerana dapat menyajikan pelbagai jenis produk pelancongan. Acara Tamu Besar, Lumba Kerbau, Kuda Berhias, Ratu Serimpak, Pertandingan Usungan dan lain-lain lagi.

Saya berharap Kerajaan akan dapat mengkaji semula, bukan sahaja menganjurkan Tamu Besar Kota Belud, tetapi mencari jalan untuk menambah baik program Tamu Besar itu pada masa akan datang. Perancangan awal boleh diadakan untuk mengurangkan kesesakan lalu lintas yang selalu berlaku pada setiap program Tamu Besar dan perancangan juga boleh dilakukan untuk mendigitalkan mana aspek Tamu Besar yang sesuai seperti peralihan teknologi, penstriman, e-dagang untuk jualan beli tamu tradisional dan aplikasi pembayaran tanpa tunai, *Cashless*.

Saya juga cadangkan agar tapak Tamu Besar Kota Belud, tamu yang ada sekarang dapat dinaiktarafkan dan saya dimaklumkan Majlis Daerah Kota Belud telah pun mengemukakan anggaran peruntukan yang diperlukan.

Kedua, saya juga ingin cadangkan oleh kerana penyambungan Projek Bandar Digital Kota Belud pada 2021 terdapat satu Perjanjian Kerjasama termeterai antara pihak Kerajaan Negeri, Qhazanah dan juga pihak swasta untuk membina Bandar Digital di Kota Belud sebagai satu inisiatif transformasi pembangunan Daerah Kota Belud. Saya, pada asasnya perancangan kerjasama tersebut adalah untuk merencanakan pembangunan modal insan tempatan kerana ia bakal menarik golongan muda untuk berhijrah ke Kota Belud untuk mencari peluang pekerjaan dalam bidang pelancongan, perniagaan dan juga menambah baik perumahan selesa untuk penduduk tersebut.

Saya menyeru Kerajaan Negeri untuk mengkaji dan mempertimbangkan semula pelaksanaan perancangan tersebut dan mempertimbangkan untuk pelaksanaan secepat mungkin kerana ianya memberikan kesan positif kepada pembangunan modal insan khususnya di Kota Belud.

Akhir kata, saya ingin mengambil kesempatan mengucapkan Selamat Hari Natal kepada mereka yang meraikannya dan Selamat Menyambut Tahun Baharu 2024 kepada semua dan saya mohon menyokong.

Sekian, terima kasih.

Timbalan Speaker [Datuk Haji Al Hambra bin Tun Haji Juhar]: Terima kasih, Ahli Yang Berhormat Usukan. Sekarang saya menjemput Yang Berhormat daripada Sulabayan.

Datuk Dr. Haji Jaujan bin Haji Sambakong [Sulabayan]: Assalamualaikum warahmatullahi wabarakatuh. Terima kasih, Tuan Speaker, kerana memberi peluang kepada saya untuk sama-sama turut membahas Rang Undang-undang Bekalan 2024 dan Anggaran Pembangunan Negeri Sabah yang bertemakan “Sabah Teguh, Rakyat Terbela”. Kerajaan Negeri juga mencadangkan satu Anggaran Perbelanjaan Perbekalan sebanyak 5.701 bilion dengan anggaran hasil negeri sebanyak 5.737

bilion. Belanjawan 2024 merupakan satu belanjawan lebih ataupun *Surplus Budget* yang saya rasa menjadi kebanggaan Kerajaan hari ini. Satu-satunya bajet untuk tahun 2024, ada surplus, ada bajet RM35.87 juta sedangkan saya melihat keadaan kita hari ini, Tuan Speaker, rakyat amat terkesan dengan kehidupan harian khususnya perbelanjaan.

Tuan Speaker, saya setuju perbelanjaan tahun 2024 merangkumi semua Kementerian dan serta agensi-agensi yang berada di dalamnya. Memandangkan keadaan sekarang rakyat di negeri Sabah khususnya dihimpit oleh keperluan sara hidup, keperluan harian dan dengan meningkatnya perbelanjaan harian. Sudah tentu saya faham Bajet Tahun 2024 agak begitu terhad.

Walau bagaimanapun, bila saya lihat peranan yang dipertanggungjawabkan untuk melaksanakan pembangunan di negeri Sabah ini meliputi semua Kementerian. Itu kita faham. Tetapi apa yang saya lihat, setelah saya menganalisa secara ringkas dari segi program-program inisiatif yang dijalankan, ianya telah merangkumi semua Kementerian dan agensi. Jadi saya memang setuju dengan belanjawan yang akan diadakan tahun 2024.

Cuma saya nak melihat hari ini rakyat sangat terkesan kerana program inisiatif-inisiatif yang dilaksanakan kebanyakan merupakan program jangka panjang sedangkan hari ini rakyat memerlukan program jangka pendek. Contoh keperluan makanan harian, contoh masalah jalan raya, contoh masalah bekalan air bersih, contoh masalah bekalan elektrik. Ini semua masih menjadi isu dan masuk tiga tahun dah dan bila saya melihat program-program yang dilakukan oleh semua Kementerian, semuanya merupakan program perancangan jangka panjang. Ini yang banyak persoalan khususnya bahagian akar umbi sana, rakyat di akar umbi. Apa langkah-langkah Kerajaan, langkah-langkah drastik yang perlu ditekankan? Dan saya setuju tiga antara Kementerian yang ada ini, tiga Kementerian ini memainkan peranan yang penting, pertanian, pelancongan dan juga perindustrian. Pertanian ini berkenaan makanan, kos sara hidup. Banyak terangkum di situ, dan demikian juga pelancongan. Ada menteri-nya di sini. Pelancongan ini kita harapkan akan dapat meningkatkan pendapatan negeri Sabah...

Datuk Dr. Haji Jaujan bin Haji Sambakong [Sulabayan]: Dan demikian juga Kementerian Perindustrian tetapi tiga Kementerian ini banyak perkara-perkara yang lebih manfaat, cuma penting perlu disusun semula bukan saja apa yang terkandung dalam perancangan bajet 2024 ini. Saya ambil contoh Kementerian Pertanian, antara Kementerian yang begitu penting kerana ini melibatkan soal kehidupan, makanan. Saya melihat program-program yang dilakukan jangka pendek dan jangka panjang ini sama seperti tahun-tahun yang sudah dan tidak dapat menyelesaikan masalah yang timbul hari ini pendekatan yang drastik, banyak program-program ini bertindih contoh.

Saya tengok, saya ambil contoh KO-Nelayan. Di samping KO-Nelayan, dia ada LKIM, ada SAFMA, ada Jabatan Perikanan dan KO-Nelayan ini kadang memberi enjin sangkut, memberi pukut, banyak lagi, membaiki rumah pun ada. Lepas itu LKIM pun buat semua, lepas itu Jabatan Perikanan pun buat semua. Sedangkan Sabah ini memerlukan bajet untuk menyelesaikan masalah yang berlaku hari ini dihadapi oleh rakyat dan ini yang saya lihat perlu diambil kira supaya ianya dapat dibincang.

Ada tiga agensi berkenaan supaya dapat bekerjasama. Kadang-kadang saya lihat di tempat saya di Semporna, program bantuan enjin sangkut dan pukut contoh. LKIM bagi, KO-Nelayan bagi, lepas itu Jabatan Perikanan pun bagi, ini yang saya kata perlu diselaraskan dan di samping itu juga KO-Nelayan bagi bantuan rumah, LKIM juga bagi bantuan rumah, lepas itu Kementerian Luar Bandar juga bagi bantuan rumah. Kadang-kadang yang masalah dia kalau yang dapat ini orang lain berlainan, kadang orang yang sama.

Jadi berlaku satu pendekatan yang saya rasa perlu diambil perhatian dan di samping itu juga, program-program kita tengok dari segi pertanian, ternakan, saya sangat setuju dengan apa yang disebut ini apa ini *blueprint* yang orang kata dari segi sumber perikanan ini. Soal laut dalam, ikan di laut ini, saya ingat tidak ada masalah. Cuma ada keperluan di situ saya tengok macam mana kita pemuliharaan bakau ini

ya, kayu bakau ini dan situ banyak sumber makanan. Saya tengok ketamnya, kerangnya, udangnya, udang galahnya.

Ini perlu juga diterokai yang saya lihat, pasal saya ambil contoh, saya tengok pemuliharaan hutan bakau ini, saya tengok di Balikpapan, di Tarakan di mana dua daerah ini pengeluar ketam bakau ataupun itu minyak yang terbanyak. Kita, saya tengok saya pernah melihat waktu saya Kerajaan Tempatan dulu di Beluran, saya tengok daerah Beluran antara tempat yang mempunyai kayu bakau bukan sahaja dipelihara tetapi macam mana kita urus sumber perikanan itu, kita dapat jana di kawasan Beluran ini, ini satu potensi yang baik bukan saja perkara baru telah sedia lama sekian ada tetapi kita tidak terokai peluang-peluang yang ada ini dan demikian juga sumber-sumber yang lain.

Yang keduanya ini pelancongan. Pelancongan ini, kita tahu lebih-lebih lagi hari ini, semalam pun Yang Amat Berhormat Perdana Menteri telah mengumumkan ditambah visa 30 hari melawat ke apa ini Malaysia ini. Bukan saja ke Sabah dan Negeri China pun sudah membenarkan *free* visa satu tahun untuk rakyat Malaysia ke China.

So sudah tentu ini akan menjadi lambakan pelancong daripada China akan datang ke Malaysia khususnya ke Sabah ini, dan yang penting saya ingat Kementerian Pelancongan telah pun bersedia tapi cuma saya melihat bukan saja bercakap bersedia, bukan saja kos dari segi infra, jalan raya, pengangkutan, lapangan terbang, bukan lah tanggungjawab Kementerian Pelancongan.

Tetapi yang penting Kementerian Pelancongan ini ialah bajet juga perlu ditambah, jangan hanya diharapkan Kementerian Pelancongan ini mendapat cukai ataupun pendapatan yang banyak tapi kalau perasaraan itu tidak cukup, saya rasa itu yang akan berlaku beberapa rungutan oleh pelancong daripada luar termasuk soal jalan raya, kebersihan, jeti macam di Semporna ini banyak lagi dan satu lagi peluang yang sangat baik kali ini, bila diisytiharkan apa ini Sabah di apa ini jadi apa ini Geo, Geopark ini yang ada 3 saja di dunia hari ini, satu di Jeju Island dan satu juga di China salah satu tempat.

Ini satu peluang yang baik, bukan saja kayanya kita dengan keindahan panorama di Sabah ini. Satu peluang yang boleh kita akses selaraskan dengan rangkaian di Korea dan juga di China. Ini satu peluang yang baik dan saya berharap peluang ini dapat dimanfaatkan bukan saja melihat banyaknya diversiti di situ. Adanya Gunung Kinabalu tapi yang penting ialah pendekatan macam mana ada kerjasama antara Malaysia, Sabah dengan Korea di Jeju Island itu.

Saya pernah melawat Jeju Island ini pasal ada sama persekitaran dengan Semporna Pulau Bum Bum itu. Pelancong begitu ramai tiap-tiap hari, ribuan pelancong ramai, so kalau ada kolaborasi, sudah ada rangkaian begini antara Geopark ini Korea dengan China ini. Satu peluang yang baik dapat meningkatkan usaha pelancongan supaya sumber pendapatan di Negeri Sabah ini khususnya dapat ditingkatkan dan selain daripada itu juga, bolehkah difikirkan saya tengok sekarang ini kita punya cukai pendapatan pelancongan ini dikawal oleh Pusat, tidak adakah inisiatif Kerajaan Negeri untuk mengambil cukai daripada pelancong yang datang ini? Beribu-ribu.

Macam di Semporna hari ini, dua, tiga ribu satu hari pelancong daripada China dan juga daripada domestik di Semenanjung. Saya ingat di Sabah tidak dapat cukai apa-apa, so kalau kita dapat gunakan satu kaedah yang saya pernah, Menteri Pelancongan yang ada di sini pergi melawat Cambodia. Cambodia dia ada *local fee*, ada cukai tempatan, tidak melibatkan bila kita sentuh soal cukai pelancongan *Federal control* tapi kita gunakan enakmen *Local Government*.

Cambodia boleh dilawat yang tidak ada sumber banyak sangat Cambodia ini kalau kita bandingkan dengan Sabah ada gunungnya, ada pantainya, berapa lagi? 2 minit kah? Sayangnya, banyak lah tapi lawat Cambodia dan demikian tadi yang ketam tadi bakau tadi lawat Tarakan. Bakau di sana dipelihara tidak ada pencemaran, dipanggil di sana Kepiting, Kepiting yang saya ingat traktor itu, rupanya ketam besar. So banyak kaedah-kaedah jadi saya melihat inisiatif ini sangat banyak, benda yang saya nak soal ini, nak bertanyakan tapi masa tak cukup, dengan itu saya menyokong apa ini belanjawan 2024 ini. Sekian, terima kasih.

Timbalan Speaker [Datuk Haji Al Hambra bin Tun Haji Juhar]: Terima kasih Yang Berhormat Sulabayan. Seterusnya saya menjemput Yang Berhormat daripada Pantai Dalit.

Datuk Jasnih bin Daya [Pantai Dalit]: Bismillahirrahmanirrahim, Assalamualaikum Warahmatullahi Wabarakatuh, salam sejahtera dan salam Sabah Maju Jaya. Yang saya muliakan Datuk Dewan Speaker, Speaker Dewan Undangan Negeri, Datuk-datuk, Timbalan Speaker seterusnya Ahli-ahli Dewan Undangan Negeri Sabah. Datuk Speaker, saya tidak menjangka giliran saya awal, sepatutnya saya nombor lapan tapi terima kasih saya bersedia untuk membahas pada awal ini lah.

Datuk Speaker, bajet Sabah tahun 2024 merupakan satu bajet yang holistik atau menyeluruh merangkumi keperluan kawasan bandar dan luar bandar serta untuk semua lapisan masyarakat. Saya ucapkan tahniah kepada Datuk Seri Panglima Masidi Manjun bagi pihak Kerajaan Negeri yang telah berjaya memberikan antara bajet terbaik yang pernah dibentangkan untuk negeri ini.

Saya berkata demikian kerana bukan sahaja kita merancang berbelanja untuk pembangunan infrastruktur dan kemudahan awam, malah kita juga memperuntukkan sejumlah dana yang besar untuk agenda keselamatan makanan yang saban tahun sejak bertahun-tahun sentiasa disebut sebagai satu isu penting yang perlu kita ambil serius dalam pelaksanaannya.

Datuk Speaker, Tema Belanjawan Negeri Sabah 2024 iaitu “Sabah Teguh, Rakyat Terbela” yang melihat keperluan rakyat negeri ini, dan mengambil kira juga perkembangan semasa global berkenaan ketenteraman dunia melibatkan perang Israel-Palestine, dan juga isu peningkatan kos harga barangan keperluan dan kos antara hidup dunia yang semakin meruncing pada ketika ini.

Justeru itulah, selain daripada kita berbelanja untuk menaikkan taraf infrastruktur seperti air, elektrik dan jalan raya dan bantuan-bantuan kewangan lain kepada rakyat di negeri ini, adalah merupakan sesuatu yang sangat *noble*, tindakan yang sangat *noble* atau berhemah apabila Kerajaan Negeri ini juga melihat betapa isu keselamatan makanan ini adalah isu yang tidak boleh kita pandang enteng dan wajib sebenarnya kita laksanakan.

Legasi kita Datuk Timbalan Speaker, banyak mana juga jalan raya yang kita bina, banyak mana juga bekalan air kita bekalkan, cukup mana juga eletrik kita bekalkan, kalau kita tidak tinggalkan cukup makanan untuk generasi akan datang, kucar kacir haru biru porak-poranda juga jadinya, nauzubillah.

Datuk Speaker.

28/11/2023- RAKAMAN 12 - [11:50 PAGI - 12:00 TENGAH HARI] - [LOVELLA] - TERESA - EZURA

Datuk Jasni bin Daya [Pantai Dalit]: Saya tidak akan berkias-kias dalam ucapan saya hari ini dan akan menyentuh hala tuju Kerajaan Negeri berkenaan dengan agenda keselamatan makanan negeri ini. Isu keterjaminan makanan bekalan padi dan beras SSL negeri Sabah dan sebagainya telah lama kita dengar bukan sahaja di peringkat negeri ini bahkan sering menjadi topik perbincangan di peringkat Persekutuan. Saya juga ingat, sejak 20 tahun lalu, pelbagai perancangan juga bajet pernah dikemukakan untuk menangani isu atau topik yang besar ini.

Datuk Speaker, saya mengimbau semula tahun yang lalu pada tahun 2013, Kerajaan Negeri pernah mengumumkan bahawa negeri Sabah bukan bakal mencapai SSL ataupun *sales sufficient level* pada kadar 60 peratus menjelang tahun 2018, yang mana ketika itu, SSL negeri ini adalah pada kadar 25 peratus. Pelbagai program, projek dan pelbagai *assignment* diberikan agensi kerajaan dan juga GLC atau *public listed companies* pernah dicadangkan untuk membantu mendepani isu keterjaminan makanan negeri ini, khususnya dalam sektor padi dan beras. Walau bagaimanapun, sehingga hari ini bukan saja kita tidak mempunyai penyelesaian tuntas untuk isu ini bahkan SSL kita pula yang menurun daripada 25 peratus kepada 22 peratus pada hari ini. Di mana sebenarnya kesilapan kita di dalam merangka penyelesaian isu keselamatan makanan untuk negeri ini, dan persoalan yang perlu kita tanya apabila kita menemui apa juga corak formula untuk mencapai objektif ini ialah, adakah kita betul-betul serius atau kita cuma merancang untuk gagal sekali lagi?

Datuk Speaker, pelbagai peruntukan juga pernah diumumkan oleh beberapa Menteri yang pernah menerajui Kementerian Pertanian di peringkat Persekutuan juga di peringkat Kerajaan Negeri. Sebagai contoh, Tan Sri Dato Seri Panglima Muhyiddin Yassin tahun 2004 telah menyalurkan tidak kurang daripada RM100 juta peruntukan untuk tujuan saliran pembangunan saliran di Kota Belud yang ketika itu digazetkan sebagai jelapang padi. Diikuti pula dengan, Dato' Sri Mustapha Mohamed 2008 menubuhkan *special vehicle* atau *governing body* untuk mengepalai Program Jelapang Padi Sabah. Selepas itu, Tan Sri Noh Omar 2009 telah mengumumkan perbelanjaan bajet sebanyak RM450 juta untuk pembinaan empangan untuk penanaman padi di kawasan jelapang padi Kudat dan Kota Belud. Selepas itu, Dato' Sri Ismail Sabri 2013 telah sendiri datang melawat kawasan penanaman dan kilang-kilang padi dan mencadangkan mencadangkan satu Program Pembangunan Beras Tempatan Negeri Sabah. Diikuti pula dengan Dato' Sri Ahmad Shabery Chik 2015 yang telah datang juga melawat sawah-sawah padi dan kilang-kilang padi di Kota Belud dan mengumumkan Projek Pembangunan Padi di Kota Belud dan Kudat.

Selepas itu, Allahyarham Datuk Seri Salahuddin Ayub 2018 menggariskan beberapa rancangan pembangunan padi di Sabah dan Sarawak dan selepas itu pula anak watan kita Datuk Seri Dr. Ronald Kiandee 2020 tahun 2020 walaupun, beliau tidak lama memegang jawatan sebagai Menteri Pertanian Malaysia, beliau sempat mengumumkan Program Penanaman Padi Berskala Besar di seluruh negara dan sekarang menteri yang terbaru Datuk Seri Mohamad Sabu baru-baru ini pada 19 Oktober, Menteri Pertanian dan Keterjaminan Makanan mengakui Sabah dan Sarawak memerlukan peruntukan yang besar bagi menambah baik infrastruktur penanaman padi untuk tujuan pembangunan jelapang padi yang sejajar dengan hasrat kerajaan pusat mahu menjadikan dua wilayah di Borneo itu sebagai jelapang padi kedua Malaysia.

Diakui besar belanja Datuk Speaker, dan juga semua Menteri-menteri yang pernah memegang Kementerian Pertanian Negeri Sabah daripada saya ingat, Datuk Seri Panglima Yahya Hussin, Datuk Seri Rahim Ismail, Junz Wong, Datuk Junz Wong ada di sini dan sekarang ini, Datuk Dr. Jeffrey dan semua juga ingin menjadi *champion* untuk beras tempatan ini, *sales sufficiency level* untuk Sabah ini. Semua mahu supaya benda ini berlaku dan kita sebagai rakyat, saya sebagai Ahli Dewan Undangan Negeri mewakili Pantai Dalit juga berharap agar kali ini berlakulah,

menjadilah, adalah sebenarnya kenyataan yang kita lihat adalah keputusan yang baik daripada *result* yang kita nampak daripada semua program yang telah digarapkan dalam belanjawan kita kali ini.

Datuk Speaker, saya amat menyokong apa juga perancangan atau polisi yang objektifnya untuk meningkatkan hasil padi negeri yang harus menyumbang kepada SSL kadar keupayaan bekalan makanan negeri ini, tetapi yang paling penting adalah *consistency* dalam pelaksanaan mendepani isu ini. Perlu ada kesinambungan dengan cara atau perancangan kita yang harus berterusan semata-mata untuk mencapai hasrat ini. Kita perlu konsisten, bukannya *consistently inconsistent*.

Penubuhan semula lembaga padi yang telah diumumkan oleh Kerajaan Negeri menggambarkan keazaman dan kesungguhan Kerajaan Negeri ini yang melihat perlu ada satu badan atau agensi Kerajaan Negeri yang lebih fokus dan teliti dalam memantau juga menyelenggara isu padi dan beras di negeri ini. Namun, saya berharap penubuhan ini bukan setakat mencanang usaha murni tetapi perlu digariskan dengan lebih berobjektif termasuklah memberi KPI dan menjelaskan segala fungsi dan matlamat penubuhan agensi ini. Datuk Speaker,

Timbalan Speaker [Datuk Haji Al Hambra bin Tun Haji Juhar]: Yang Berhormat, pencilahan.

Datuk Suhaimi bin Nasir [ADUN Dilantik]: Datuk Speaker, mohon mencelah. Yang Berhormat Pantai Dalit, mohon mencelah. Seperti apa yang dikatakan oleh Pantai Dalit, berbagai pemimpin menteri daripada Kementerian Persekutuan dan juga Kerajaan Negeri, tetapi keyakinan kita untuk berhadapan mencapai satu matlamat yang telah dicanang sekiranya wujud satu Lembaga Padi di Sabah. Pertanyaan saya dan juga cadangan saya, apakah Yang Berhormat bersetuju dengan peruntukan yang disediakan oleh Menteri Kewangan kepada Kementerian Pertanian sebanyak RM360.91 juta pembekalan, RM189.16 juta pembangunan? Apakah ini boleh melaksana dan boleh menjadi satu impian yang boleh kita jadikan sandaran dengan bajet yang ada? Terima kasih.

Datuk Jasni bin Daya [Pantai Dalit]: Terima kasih, ADUN Dilantik, sahabat saya, Datuk Suhaimi. Apabila kita bercerita soal bajet, ia perlulah berkaitan dengan apa

rancangan yang dibuat dan setahu saya apabila kita bercerita berkenaan dengan bajet dan keperluan untuk melaksanakan program SSL ataupun penanaman padi berskala besar, yang kita sebut sebagai jelapang padi negeri Sabah dan disebut juga sebagai *backup plan* untuk jelapang padi Semenanjung berada di negeri Sabah dan Sarawak. Saya melihat bukannya benda yang mudah tetapi dia memerlukan bajet yang sangat besar. Justeru itu, saya juga ingin meminta supaya pihak Kementerian Pertanian melihat bahawa perancangan ini bukanlah sesuatu yang mudah dan sesuatu yang kita boleh laksanakan dengan bajet yang kecil. Seingat saya, sejak 20 tahun yang lepas, banyak bajet-bajet telah diluluskan projek-projek besar untuk agenda ini. Tetapi malangnya sampai sekarang tidak ada sesuatu *result* yang betul-betul boleh kita banggakan kerana tidak berlaku perubahan yang kita harapkan.

Jadi, saya menyokong bajet yang ada tetapi perlu dinilai semula, dikaji semula berapa sebenarnya peruntukan yang diperlukan? Kalau dulu kita bercerita pasal jelapang padi mahu dijadikan Kota Belud mahu dijadikan jelapang padi ini, kita bercerita pasal infrastruktur yang tidak mencukupi. Apakah infrastruktur-infrastruktur ini? Kalau kita lihat dulu, mungkin masih muda. Kita cuma memikirkan soal empangan, memikirkan soal saliran tetapi sekarang ini mungkin benda menjadi semakin susah sebab banjir sering berlaku, air selalu naik dan ini adalah kekangan-kekangan yang bukan mudah untuk kita atasi kalau kita mahu pergi ke arah jelapang padi ini. Jadi, saya minta supaya benda ini dikaji semula.

Datuk Seri Panglima Moktar bin Radin [Lamag]: Pantai Dalit, boleh minta laluan?

Datuk Jasnih bin Daya [Pantai Dalit]: Boleh.

Datuk Seri Panglima Moktar bin Radin [Lamag]: Terima kasih, Yang Berhormat Tuan Speaker. Melihat perbahasan daripada Pantai Dalit bahawa betapa pentingnya...

Datuk Seri Panglima Moktar bin Radin [Lamag]: ... negeri Sabah, iaitu dalam industri pertanian. Apakah Yang Berhormat mungkin ingin mencadangkan kepada Kerajaan bahawa sudah tiba masanya Kerajaan Negeri harus membuat satu revolusi secara besar-besaran berhubung dengan industri pertanian di Sabah sebab Sabah ini, tanah dia subur dan berpotensi untuk dikembangkan dengan industri pertanian. Setujukah Yang Berhormat ataupun apa pandangan Yang Berhormat?

Datuk Jasni bin Daya [Pantai Dalit]: Terima kasih, Datuk Seri Panglima Bung Moktar. Bila kita bercakap soal setuju atau tidak kita *engaged* dengan skala yang besar bila kita bercakap pasal soal makanan dan pertanian. Benda ini sepatutnya berlaku sudah berlaku sudah lebih awal. Kalau kita lihat dunia kita sekarang ini bukan lagi kita ini berada di dalam tahap yang selesa bila kita bercerita bersoal-soal keselamatan makanan. Apa yang berlaku di luar ini sebenarnya benda yang perlu kita jadikan panduan. Bila krisis makanan berlaku, banyak negara sebenarnya yang tidak tenteram, ada yang berperang kenapa tidak cukup makanan. Dan alhamdulillah kalau di Malaysia ini kita masih boleh bertahan saya percaya kerana kita ada satu konsesi GLC yang telah diberi kepercayaan untuk menjamin bekalan makanan kita. Tetapi, itu tidak boleh terus menjadi sebab kenapa kita tidak pergi ke soal-soal yang lebih penting untuk negeri kita seperti menyediakan atau program pembangunan makanan berskala besar contohnya padi dan beras ini.

Jadi saya Datuk Speaker, soal ini sangat sangat dekat di hati saya sebab saya melihat krisis-krisis makanan ini berlaku bukan setakat kalau dulu kita bercerita *cycle* krisis beras ini setiap 30 tahun. Tetapi apa yang saya lihat sejak 20 tahun kebelakangan ini, kita mengalami krisis makanan bekalan beras yang semakin dekat jaraknya. Dalam tempoh 20 tahun sahaja mungkin ada dua tiga kali kita menghadapi krisis makanan ini.

Antara langkah-langkah saya sambung, Datuk Speaker, saya sebenarnya amat teruja dengan pengumuman yang disebutkan oleh Datuk Seri Panglima Jeffrey Kitingan, Menteri Pertanian negeri Sabah yang telah merencanakan pelbagai

program jangka masa pendek dan panjang untuk pembangunan industri padi dan beras untuk tujuan peningkatan SSL negeri ini.

Antara langkah-langkah yang digarap adalah pengaktifan atau penanaman semula padi di tanah-tanah sawah yang terbiar tanpa diusahakan. Begitu juga pembesaran saiz tanah penanaman dengan membuka kawasan-kawasan baharu di sekitar negeri Sabah. Tetapi saya ingin juga ingatkan supaya kita jangan lupa sebelum ini Kerajaan Negeri Sabah pernah mengumumkan strategi dan bajet yang hampir sama. Apabila merancang untuk meningkatkan SSL negeri ini, melalui peningkatan kadar pengeluaran beras negeri ini pada beberapa tahun yang lalu. Tetapi malangnya sehingga hari ini belum lagi juga dapat kita lihat hasil-hasil yang boleh kita banggakan untuk agenda keterjaminan makanan negeri ini. Harapan saya biarlah kali ini menjadi kenyataan.

Datuk Speaker, hakikatnya kita adalah pembeli beras yang kerdil jika dibandingkan dengan pengimport-pengimport beras yang lain di dunia ini. China adalah negara penanam beras terbesar di dunia tetapi China juga merupakan pengimport terbesar beras di dunia.

Timbalan Speaker [Datuk Richard Yong We Kong]: Yang Berhormat, sila gulung sekarang.

Datuk Jasni bin Daya [Pantai Dalit]: Sebelum tahun 2008 Padiberas Nasional Berhad mengimport kebanyakan beras kegunaan kegunaan negeri ini daripada negara China. Seinggalah negara China mengambil keputusan mengurangkan eksport berasnya dan memberi keutamaan kepada Program *Food Security*nya. Maka beralihlah kita kepada beras-beras yang kebanyakannya daripada negara Vietnam, Thailand dan Myanmar. Tidak mustahil, Datuk Speaker, untuk suatu masa akan datang negara-negara pembekal beras seperti Thailand, Vietnam, Cambodia dan Myanmar yang sangat dekat dengan kita ini juga boleh mengubah polisi industri padi dan berasnya ataupun beralih arah ke pasaran yang lebih besar seperti di Timur Tengah, *Middle East* dan juga Eropah. Nauzubillah, sama-sama kita doakan jangan berlaku peperangan yang boleh menjejaskan keupayaan kita mengimport beras ke negara ini.

Krisis bekalan makanan dunia adalah isu yang sebenarnya sangat menyeramkan kita. Kita telah diuji dan dilanda krisis ini berkali-kali dalam tempoh 20 tahun. Tetapi alhamdulillah kredibiliti dan *high reliability* kita kepada syarikat Padiberas Nasional Berhad, yang telah dipertanggungjawabkan untuk memastikan bekalan beras yang cukup di negeri ini masih lagi dalam skala berfungsi dengan baik dan masih relevan tetapi, Datuk Speaker, ini tidak bermakna Kerajaan Negeri tidak perlu mengeksplorasi segmen pengimportan beras ke negeri ini secara *micro* dan cermat sambil fokus kepada penanaman beras tempatan.

Datuk Speaker, apa ingin saya katakan ialah perlu berlaku keseimbangan di antara jumlah penanaman atau target pengeluaran beras tempatan negeri ini dengan jumlah beras yang perlu diimport. Hanya dengan ini nisbah seimbang, barulah berlaku persaingan yang sihat untuk beras tempatan dan beras import di pasaran. Kerajaan Persekutuan juga perlu meneliti semula Akta-akta Padiberas yang telah dibuat terlebih awal lama dahulu untuk dilihat dan disemak semula untuk kesesuaian dan keperluan industri ini di negeri Sabah.

Timbalan Speaker [Datuk Richard Yong We Kong]: Yang Berhormat Menteri.

Datuk Jasni bin Daya [Pantai Dalit]: Justeru saya mencadangkan juga Pihak Bernas yang telah beri konsesi...

Timbalan Speaker [Datuk Richard Yong We Kong]: Yang Berhormat.

Datuk Jasni bin Daya [Pantai Dalit]: ...untuk mengimport beras

Timbalan Speaker [Datuk Richard Yong We Kong]: Boleh gulung sudah.

Datuk Jasni bin Daya [Pantai Dalit]: ...untuk mengimport beras, untuk 78% lagi keperluan 3.6 juta penduduk negeri ini yang pada kadar purata puratanya makan 60kg setahun atau lebih untuk menggiatkan kerjasama dengan Kerajaan Negeri ini dalam pembangunan beras tempatan di negeri Sabah dan sebelum saya menutup aaa perbahasan saya, Datuk Speaker, saya juga perlu, kita juga perlu mengalukan mana-mana Agensi Kerajaan Negeri atau Persekutuan, swasta dan anak-anak syarikat Kerajaan yang berminat untuk membangunkan industri beras

tempatan di negeri ini untuk tampil bersama seiring mendepani cabaran yang dipertanggungjawabkan di bahu kita. Insya-Allah saya yakin dengan kesedaran dan niat ikhlas untuk keperluan rakyat Sabah di masa hadapan perkara ini pasti boleh kita selesaikan.

Penat berjalan mencari teduh,
Jaraknya jauh berbatu-batu;
Sekarang bukan masa bergaduh,
Demi Sabah kita harus bersatu.

Sekian, Datuk Speaker, Pantai Dalit mohon menyokong. Terima kasih.

Timbalan Speaker [Datuk Richard Yong We Kong]: Terima kasih, Yang Berhormat Pantai Dalit. Sekarang saya jemput Yang Berhormat Tungku.

Timbalan Speaker [Datuk Richard Yong We Kong]: Baru masukkah? Silakan.

Tuan Assaffal bin P. Alian [Tungku]: Terima kasih, Datuk Seri Speaker. Bismillahirrahmanirrahim. Assalamualaikum warahmatullahi taala wabaraktuh dan salam sejahtera. Aaa Datuk Seri Speaker, sebenarnya saya pun tidak menjangka yang masuk saja daripada luar tadi terus giliran saya untuk berbahas. Tapi Menteri Kewangan kita tidak ada sini. Saya lebih suka dalam perbahasan ini untuk bercakap dari hati saya mengenai belanjawan kali ini, Datuk Seri Speaker.

Saya tiga kali baca ini, ucapan belanjawan. Saya juga merujuk kepada laporan daripada Sabah Employers Associations. Saya juga membaca Pocket Book SMJ Edisi tahun 2023. Sepertimana dinyatakan oleh Pantai Dalit tadi dan rakan-rakan yang lain tidak banyak yang benda baharu dalam bajet kita kali ini. Ia merupakan perkara berulang seperti mana tahun-tahun yang terdahulu. Namun demikian, saya harus mengucapkan syabas dan tahniah jugalah kepada Kerajaan Negeri kerana telah berjaya membentangkan bajet surplus berjumlah lebih daripada RM34 juta. Namun demikian, sekejap, Datuk Speaker, baru cari saya punca (ketawa). Namun demikian, Datuk Seri Speaker, kalau saya buat perbandingan bajet kali ini, 2020 tahun ini hasil yang dijangkakan adalah 5.737. Berbanding dengan hasil daripada tahun lepas dalam bajet tahun lepas 5.268. Belanja yang akan dibelanjakan bernilai

5.701 berbanding dengan 5.138 tahun sebelumnya, lebih tahun ini cuma 35.87 berbanding 130.47. Bila kita melihat angka ini, Datuk Seri Speaker, ada satu perkara yang harus berada dalam fikiran kita. Mengenai lebih perbelanjaan daripada ...

28/11/2023- RAKAMAN 14 [12:10 TENGAH HARI – 12:20 TENGAH HARI] - [NURIAHTIKA] - NADIA - HADINIE

Tuan Assaffal bin P. Alian [Tungku]: ...daripada bajet ini. Dia menurun begitu drastik disebabkan pertambahan begitu tinggi dalam perbelanjaan bajet kali ini. Datuk Seri Speaker, apabila bercakap soal bajet, ini melibatkan kewangan dan melibatkan angka. Saya sebenarnya mendengar perbahasan kawan-kawan sebelum ini mengenai bajet kita ya dan saya tertarik dengan bajet ataupun perbahasan yang dibawa oleh Sindumin semalam. Apabila beliau cuba membandingkan pencapaian Sabah dan Sarawak dalam bajet dia. Ini adalah satu perbahasan yang baik. Sebabnya, kalau kita melihat kepada Sabah dua-dua wilayah yang berada di Borneo, kan? Lepas tu Sabah. Dua-dua wilayah yang sama-sama membentuk Malaysia pada tahun 1963 dan beliau juga melihat dan membaca naratif politik kita. Di mana Ketua Menteri di Sarawak cuma baru berapa berbanding dengan kita yang ada disini. Beliau akhirnya membuat konklusi bahawa, salah satu sebab kenapa Sabah ini jauh ketinggalan berbanding dengan Sarawak adalah disebabkan ketidakstabilan politik.

Datuk Seri Speaker, selain daripada kestabilan politik, ada satu perkara yang menarik perhatian saya mengenai perbandingan yang cuba dibawa oleh Yang Berhormat Sindumin dalam perbahasan beliau. Yang pertama sekali, apabila bercakap soal *trading amount*, Kerajaan Sarawak dan Kerajaan Sabah, cara kita membaca maklumat tersebut. Sebagai contoh, pada tahun lepas jumlah dagangan kita melebihi 118 billion dan import kita, eksport kita, yang dinyatakan dalam apa ni dalam dalam laporan tersebut menunjukkan bahawa lebih dagangan itu begitu sedikit. Namun demikian, Datuk Seri Speaker bila kita bercakap soal ekonomi dan menteri-menteri memegang portfolio ini, saya nampak antara perbezaan kita dengan Sarawak adalah kebijaksanaan kita untuk membaca angka dan melakukan sesuatu strategi berdasarkan data yang kita ada. Sebagai contoh, ok. Sebagai contoh. Eksport kita sama dengan Sarawak bergantung kepada *crude oil*, *crude farm oil*, kan? Bahan pertanian dan bahan mentah.

Dan import kita juga sama dengan Sarawak. Lebih kurang. Benda-benda yang sama. Tapi kelebihan Sarawak adalah, Datuk Seri Speaker apabila mereka mengindustrikan CO dan CPO ini yang menyebabkan eksport mereka bertambah, pulangan mereka juga bertambah. Dan apabila mereka fokus kepada *industrialization* dalaman domestik, mereka tidak perlu lagi mengimport begitu banyak bahan daripada luar. Contoh yang paling jelas, macam kita di Sabah Datuk Seri Speaker saya tengok, eksport kita minyak CO. Dalam masa yang sama kita mengimport masuk balik bahan-bahan yang berkaitan dengan produk minyak. Cuba bayangkan kalau kita buat *downstream* produk-produk tersebut, maka tidak perlu lagi kita mengimport. Apa mengimport bahan-bahan tersebut.

Jadi, sebenarnya saya Datuk Seri Speaker, bercakap soal bajet ni ataupun apa-apa juga dasar kerajaan ni, negeri Sabah ni sudah bersama dengan Malaysia begitu lama, ya. Kita sudah mempunyai dasar dan polisi yang begitu baik. Syabas dan tahniah kepada kerajaan sama ada yang sekarang ini, yang sebelum ini saya rasa bajet ini kali ini begitu *inclusive* di dalam kertas, di dalam pembentangan, begitu *inclusive* begitu cantik. Namun yang paling penting sebenarnya adalah apa yang sedang berlaku di bawah sana Datuk Seri Speaker.

Saya kadang-kadang merasa risau. Merasa risau sebabnya setiap tahun kita melakukan benda yang sama seperti yang dikatakan oleh Pantai Dalit tadi tu. Konsisten melakukan benda yang sama tapi dalam masa yang sama konsisten melakukan kesilapan yang sama dan kita tidak belajar daripada pengalaman ini, Datuk Seri Speaker dan akhirnya inilah kita di Sabah. Inilah keadaan kita. Yang menjadi persoalan kita sekarang di Sabah ini, kenapa Sarawak boleh buat, kenapa kita tidak boleh buat?

Dan ini harus menjadi apa ni. Saya bukanlah bermaksud untuk begitu apa ni mengagung-agungkan mana-mana pihak. Tapi sebagai orang yang bijak bergerak ke hadapan kita harus boleh membuat perbandingan. Antara pencapaian kita dengan pencapaian ni. Ini adalah satu cara yang terbaik untuk kita mencari *benchmark* bagaimana kita harus mengurus negeri ini.

Datuk Seri Speaker, sebenarnya disebabkan saya masuk secara kelam kabut tadi macam *ndak* teratur sudah saya punya *anu* ni (bunyi ketawa). Sebelum saya pergi lebih jauh mengenai bajet ini Datuk Seri Speaker, saya tidak lupa ingin menyentuh

soal kawasan saya dulu Datuk Seri Speaker, ya. Selaku wakil rakyat, saya tidak boleh berhenti daripada menyatakan dan menuntut keperluan kawasan saya. DUN Tungku ni adalah saya anggap DUN luar bandar. Sebab dia berada di hujung, sama dengan DUN-DUN mungkin Nabawan yang berada di tengah-tengah negeri Sabah. Tapi Tungku berada di penghujung kawasan paling timur negeri Sabah. Dan DUN Tungku ni begitu jauh daripada pusat pembangunan. Saya ingin mengulangi permohonan saya ya. Datuk Seri Speaker, mengenai perlunya Daerah Kecil Tungku dinaik taraf menjadi Daerah Penuh dalam usaha kita memberi perkhidmatan terbaik kepada rakyat. Dalam usaha kita untuk menjadikan pentadbiran sebagai pemangkin kepada pembangunan dan dalam usaha kita untuk membolehkan institusi kerajaan, agensi kerajaan melakukan tugas dengan baik melalui kutipan cukai.

Dalam masa yang sama juga, saya ingin meminta sekali lagi kepada kerajaan, Menteri dia tidak ada disini, mengenai cadangan pembangunan Pekan Kecil Tungku, yang sudah terhenti. Bukan terhenti. Tidak pun bermula sejak tiga tahun yang lepas. Daerah penuh dan pekan kecil adalah antara projek pembangunan yang boleh menjadi katalis kepada pembangunan daerah tersebut dan ianya juga boleh menyediakan peluang pekerjaan, peluang perniagaan, sumber ekonomi kepada masyarakat itu.

Datuk Seri Speaker, ada beberapa perkara yang ingin saya kemukakan di Dewan yang mulia ini sebab salah satu apa yang dinyatakan oleh Yang Berhormat Menteri mengenai hasil kita adalah melalui perundingan terus dengan Kerajaan Persekutuan mengenai Perkara 112(c), 112(d). Saya mohon kepada Kerajaan yang ada pada hari ini, ini bukan masa berunding lagi. Ini bukan masa berunding lagi. Kalau sebelum ini, Yang Berhormat Karanaan pernah berkata bahawa beliau sanggup menepuk meja, memukul meja untuk mendapatkan hak kita, maka kali ini kita menuntut beliau untuk melakukan itu dan kita semua disini akan menyokong beliau dalam apa juga usaha dia untuk buat tuntutan tersebut.

Satu lagi persoalan saya Datuk Seri Speaker, apabila saya bercakap soal saya kata bajet ni adalah bajet yang biasa setiap tahun tetapi pelaksanaan dia yang mesti kita mahu. Sebab kesan dia akan dirasa oleh rakyat. Mungkin satu kaedah baru harus kita buat dimana mesti ada *report card* daripada setiap kementerian daripada setiap agensi menyatakan pencapaian mereka. Saya tertarik dengan ucapan apa ni,

dengan satu keratan akhbar mengenai kenyataan Yang Berhormat Karanaan. Mengenai pencapaian GLC-GLC ataupun GLC Kerajaan, yang tidak menyumbang sebaiknya kepada Kerajaan. Malah ada di antara GLC tersebut menjadi beban kepada kerajaan...

Timbalan Speaker [Datuk Richard Yong We Kong]: Yang Berhormat 2 minit.

28/11/2023- RAKAMAN 15 [12:20 TENGAH HARI - 12:30 TENGAH HARI] - [MARIA] - AZYATUL - EZURA

Tuan Assaffal bin P. Alian [Tungku]: Ya, menjadi beban Kerajaan disebabkan pengurusan dan pentadbiran yang tidak baik dan tidak besar. Itu sebabnya saya sebut sebelum ini bahawa kalaulah kita mengurus, boleh mengurus Agensi Kerajaan ini dengan cara yang baik. Sebagai contoh, GLC kita tidak menjadikan sebagai *scheme opting*. Kita biarkan GLC itu diurus dan ditadbir oleh individu yang mempunyai kelayakan berdasarkan merit. Saya rasa itu boleh menyumbang kepada pendapatan negeri.

Datuk Seri Speaker, satu lagi saya ingin minta penjelasan daripada kerajaan mengenai Penerbitan Sukuk, 900 juta oleh SMJ. Kita, saya mahu tanya Sukuk ini untuk tujuan apa? Dan ke mana ia akan dibelanjakan dan bagaimana ia belum datang manfaat kepada Negeri Sabah? Dan satu lagi cadangan dan permohonan saya kepada Menteri supaya Datuk Seri Speaker, GLC, GLC yang ada sekarang ini, kalau boleh dibagi senarai dia kepada kita Ahli-ahli Dewan Undangan.

Dewan dibagitahu (dibertahu) siapa pengerusi dia dan mesti diberikan bersama juga pencapaian dan rekod kewangan mereka supaya kita tahu pencapaian mereka. Banyak GLC, GLC, sebagai contoh, Qhazanah, SAFMA, Ko-Nelayan dan sebagainya dan ada juga kita dengar cerita-cerita mengenai, kalau boleh Datuk Speaker, ini adalah saya mohon penjelasan dan pertanyaan mengenai pencapaian Sabah Development Bank.

Sabah Development Bank, kita mahu tahu apa sebenarnya yang sedang berlaku kepada bank ini dan bagaimana pencapaian bank tersebut dalam usaha untuk membantu ekonomi ini. Dan yang terakhir Datuk Seri Speaker, terakhir ya. Sebelum

ini ada tular cerita mengenai kelulusan tanah oleh Kerajaan Negeri, empat kelulusan tanah oleh Kerajaan Negeri di Pulau Balambangan kepada empat buah syarikat. Dan saya tidak dapat sebut nama dia satu-satu dan kita diberitahu, saya difahamkan bahawa syarikat tersebut telah mengambil keputusan untuk menarik pelaburan yang sepatutnya dicadangkan di empat lot tanah tersebut. Persoalan saya dan pertanyaan saya, bagaimana dengan tanah tersebut? Adakah dia dikembalikan kepada Kerajaan? Atau pun dia kekal menjadi milik syarikat tersebut? Datuk Seri Speaker, saya menyokong bajet ini. Terima kasih.

Timbalan Speaker [Datuk Richard Yong We Kong]: Terima kasih, Yang Berhormat Tungku. Seterusnya, saya jemput Yang Berhormat Kapayan. Silakan.

Puan Jannie Lasimbang [Kapayan]: Datuk Speaker, terima kasih kerana memberikan peluang kepada saya untuk membahas Belanjawan 2024 yang dibentangkan oleh Menteri Kewangan pada 24 November bulan ini. Syabas saya ucapkan kepada Menteri Kewangan atas belanjawan yang saya percaya cukup besar. Selepas mengambil kira pertumbuhan ekonomi Sabah masa kini, kita perlu ingat bahawa peruntukan kewangan hanya boleh membawa impak dan perubahan yang berkekalan jika penyampaian dilaksanakan dengan cara yang berkesan tanpa ketirisan dan peruntukan diberikan secara adil dan saksama.

Oleh yang demikian, pendekatan yang perlu diambil dalam penyampaian projek dan program kerajaan amat penting. Jika kita inginkan Sabah keluar dari gelaran paling miskin di Malaysia, usaha yang serius untuk memantau penyampaian segala peruntukan yang disalurkan kepada daerah Pitas, Kota Marudu, Beluran, Telupid, Nabawan, Tongod, Kota Belud dan Kinabatangan, yang digelar sebagai daerah miskin ini perlu dibuat. Lebih tumpuan harus diberikan kepada rakyat B40 dan yang miskin tegar dan bukan hanya kepada pemain industri atau pelaksana projek yang meningkatkan pendapatan golongan atasan.

Pembangunan ekonomi rakyat secara am perlu sokongan infrastruktur dan pemasaran yang berkait langsung dengan pembelian ekonomi bagi membolehkan masyarakat akar umbi menjana pendapatan. Ini termasuklah menaik taraf jalan, perhubungan luar bandar, membina jalan-jalan, pertanian, membina kemudahan

pemprosesan penduduk, produk tempatan dan menaik taraf bekalan air, elektrik dan telekomunikasi.

Isu-isu pegangan tanah dan hak milik tanah terutamanya tanah adat. Terutama di lapen daerah ini juga antara yang paling besar. Tanah adalah asas ekonomi dan kelangsungan hidup masyarakat orang asal dan jika isu tersebut diselesaikan, bukan sahaja kesejahteraan masyarakat orang asal terjamin. Tetapi dengan bantuan kerajaan yang tepat, ekonomi mereka akan meningkat dan mampu mengeluarkan mereka dari kepompong kemiskinan.

Datuk Speaker, saya syorkan agar Kerajaan Sabah mewujudkan *taskforce* tanah orang asal Sabah untuk menyelesaikan isu pegangan dan hak milik tanah. Suruhanjaya Hak Asasi Manusia atau SUHAKAM yang telah menjalankan inkuiri nasional. Mengenai hak tanah orang asal pada 2011 hingga 2013 mendapati bahawa syor-syor inkuiri tersebut yang telah diterima pakai oleh kerajaan belum dilaksanakan selepas 10 tahun.

Datuk Speaker, saya menyambut baik cadangan Yang Amat Berhormat Ketua Menteri baru-baru ini untuk mewujudkan Kementerian Wanita selain dua lagi kementerian. Kementerian Wanita amat perlu untuk memberi tumpuan kepada pembangunan wanita dan mengangkat martabat wanita. Sementara Kementerian ini ditubuhkan, saya amat berharap semua kementerian akan menggunakan amalan baik bagi memastikan peruntukan yang seimbang diberikan kepada pembangunan wanita yang saya juga sarankan agar rancangan 10 tahun untuk menghentikan perkahwinan bawah umur 18 tahun yang telah diterima pakai oleh Kerajaan Sabah sebelum ini akan diberi perhatian dan dilaksanakan. Rancangan tersebut merangkumi pindaan undang-undang di bawah Undang-undang Keluarga Islam dan Enakmen Mahkamah Anak Negeri dan meneruskan pelbagai usaha meningkatkan kesedaran melalui kolaborasi antara pelbagai pihak.

Datuk Speaker, saya mengalu-alukan belanjawan ini yang mementingkan perlindungan alam sekitar dalam setiap aktiviti pembangunan secara mapan dan meningkatkan pertumbuhan ekonomi lebih berdaya tahan terhadap perubahan iklim dan bencana melalui empat kajian pelan tindakan yang akan dilaksanakan. Saya sarankan agar peruntukan untuk “Program Kelestarian Hijau” digunakan dengan

penglibatan masyarakat secara aktif agar kesedaran dan kesediaan mereka dalam mitigasi dan adaptasi perubahan iklim dipertingkatkan. Saya juga ingin bertanya kepada Yang Amat Berhormat Ketua Menteri berkaitan dengan status pelaksanaan dasar yang memerlukan pensijilan semua hasil kelapa sawit yang dieksport dari Sabah mulai 2025. Datuk Speaker, Kerajaan Sabah dan Sarawak adalah antara bilangan kecil di seluruh dunia yang mengiktiraf dan giat membangun Mahkamah Anak Negeri. Kita harus bangga dan memastikan Mahkamah Anak Negeri kita diurus dengan oleh kakitangan yang bertanggungjawab dan berintegriti.

Oleh itu, proses pelantikan ketua-ketua adat harus berasaskan dasar yang boleh mencapai aspirasi ini. Saya juga mengharapkan bahawa dasar untuk pelantikan ini adalah konsisten dan tidak berubah-ubah. Saya juga sarankan agar Kementerian Kerajaan Tempatan Dan Perumahan dapat memastikan martabat dan kebebasan Mahkamah Anak Negeri di Sabah dengan mempercepatkan pewujudan Jabatan Kehakiman Anak Negeri.

Datuk Speaker, dalam penghujung perbahasan saya ini, saya juga ingin timbulkan beberapa isu di kawasan undangan, DUN saya di Kepayan. Isu bekalan air perlu ditangani dan diurus dengan lebih baik. Di Kepayan, paip yang sudah uzur di beberapa kampung telah pecah dan perlu diganti. Saya diberitahu bahawa paip di Kampung Hungab dan di Kampung Tunoh akan diganti sebaik sahaja peruntukan diluluskan. Saya harap ini akan menjadi satu kenyataan. Isu pengurusan perumahan termasuk apartment dan taman-taman perumahan perlu intervensi dari pihak Kementerian. Penduduk inginkan *management company* yang profesional dan bertanggungjawab terhadap penghuni dan pemilik unit dan usaha untuk memantau syarikat pengurusan dan mengadakan forum bersama penduduk diperlukan agar segala keresahan.

28/11/2023- RAKAMAN 16 [12.30 TENGAH HARI -12.40 TENGAH HARI] - [KHAIRUL] - RAMENAH - NADA

Puan Jannie Lasimbang [Kapayan]: ...dari kedua-dua pihak dapat diatasi dengan baik. Isu pembuangan sampah keenam parit utama di kawasan Kepayan semuanya mengalir ke sungai di Kampung Sundomun. Enam parit, Datuk Speaker. Di Kepayan ini, Parit Juta saya mohon agar semua jabatan yang berkenaan meningkatkan usaha

untuk membersihkan sungai di kampung tersebut dan memasang *trash trap* di enam Parit Juta yang mengalir ke sungai. Saya akan menjalankan tanggungjawab saya sebagai wakil rakyat di kawasan ini untuk menyumbang kepada usaha tersebut bersama pemimpin-pemimpin tempatan tahun ini, Datuk Speaker. Pesta sungai telah diadakan dengan jayanya dan di sana ramai penduduk telah sedar bahawa pentingnya pembersihan sungai ini dan juga saya sendiri terkejut bahawa enam Parit Juta telah akan adalah di dewan kawasan saya ini semuanya penuh dengan sampah dan ini perlu usaha kita bersama.

Isu penyalahgunaan alkohol semakin serius di kawasan saya sehingga mengakibatkan gangguan mental dan keganasan rumah tangga. Di Sabah belum terdapat pusat bantuan. Oleh itu saya sarankan agar Kerajaan memperuntukkan pembinaan pusat rehabilitasi di mana pengurusannya melibatkan badan-badan NGO dan pakar yang giat menangani isu tersebut. Saya telah memohon beberapa kali untuk penambahbaikan gelanggang futsal, takraw, bola keranjang, bola baling di Kompleks Sukan Penampang namun masih tidak berhasil. Saya hanya mampu membersihkan atau membaiki kemudahan tersebut semasa penganjuran sukan karnival tahunan yang saya pejabat saya anjurkan setiap tahun. Saya amat berharap ini akan dimasukkan dalam belanjawan tahun depan dan kalau tidak pun dalam tambahan untuk di Penampang ini sebab di kawasan saya sendiri, Datuk Speaker, ramai pemuda pemudi lebih cenderung untuk main di kawasan dan semakin banyak sudah tempat-tempat untuk mereka bermain berkumpul ditutup selepas pandemik. So harapan mereka gelanggang-gelanggang di Kompleks Sukan Penampang ini akan dibaiki.

Berkaitan perumahan, masih ramai lagi dari golongan B40 di Kepayan perlu dibantu. Saya mohon agar Lembaga Pembangunan Perumahan dan Bandar membangun lebih banyak rumah kos rendah untuk disewa atau sewa milik dan di...memberi keutamaan kepada mereka yang betul-betul memerlukannya. Saya percaya di peringkat Parlimen sudah ada juga saranan untuk melihat kepada sistem di mana kita penyewaan ini kerana tidak semuanya boleh mampu untuk membeli rumah di Sabah ini yang semakin harganya meningkat.

Pengeluaran geran subsidiari atau pun *subsidiary title* juga perlu dipercepatkan jawatankuasa yang telah diwujudkan untuk menangani isu ini harus diaktifkan oleh

Kerajaan supaya geran subsidiari tersebut dapat dikeluarkan dalam tempoh dua tahun seperti saya dapati di Penang. Akhir sekali, Tuan Speaker, saya ucapkan Selamat Hari Krismas dan Tahun Baru kepada semua semoga Tuhan memberkati segala usaha baik dan murni kita dalam menjalankan tanggungjawab kepada raja. Sekian, terima kasih. Saya mohon menyokong.

Timbalan Speaker [Datuk Richard Yong We Kong]: Terima kasih kepada Yang Berhormat Kapayan atas ucapan yang cepat dan tepat. Seterusnya saya jemput Yang Berhormat Merotai. Silakan.

Tuan Sarifuddin bin Hata [Merotai]: Bismillahirrahmanirrahim, assalamualaikum warahmatullahi wabarakatuh dan salam sejahtera. Terima kasih, Datuk Speaker, atas ruang dan peluang ini diberikan kesempatan untuk terlibat dalam perbincangan belanjawan 2024. Saya ingin mengucapkan ribuan terima kasih kepada Kerajaan Negeri kerana memberikan bantuan khas kewangan kepada semua penjawat awam negeri, iaitu sebanyak 2000 pada tahun hadapan, saya berharap penjawat awam negeri Sabah dapat meningkatkan mutu dan perkhidmatan kualiti perkhidmatan khususnya penjawat awam yang berhubung langsung dalam perkhidmatan di kaunter-kaunter perkhidmatan, pegawai-pegawai Kerajaan Negeri harus menepati masa kerja dan menjadikan tanggungjawab mereka sebagai pemudah cara yang baik kepada rakyat. Jadikan insentif 2000 ini sebagai satu anjakan memperbaiki segala perkhidmatan yang diberikan kepada rakyat.

Dari sudut lain pula, Datuk Speaker, persoalan saya kepada Kerajaan Negeri, rakyat yang tidak mempunyai pendapatan tetap, iaitu golongan B40 tidak mendapat manfaat khusus diberikan kepada mereka. Kalau pun ada, Datuk Speaker, secara tidak langsung tetapi tidak menyeluruh, ianya tidak cukup untuk menepati sasaran. Kesukaran rakyat mendapat peluang ekonomi termasuk peluang-peluang pekerjaan sehinggakan kadar pengangguran di Sabah menjangkau 7.7%, iaitu dua kali ganda peratus pengangguran peringkat nasional, iaitu 3.5%. Kerajaan perlu merangka hala tuju yang lebih jelas untuk memastikan semua peringkat rakyat akan dapat manfaat daripada belanjawan pada kali ini. Sebagai contoh, Datuk Speaker, dalam belanjawan yang dibentangkan oleh Yang Berhormat Kementerian Kewangan, Program Bantuan SMA-UP hanya 15 juta diperuntukkan dan ini adalah untuk membantu 5000 usahawan IKS. Kalau saya pukul rata, Datuk Speaker, 15 juta

dibahagi dengan lima ribu hanya seorang dapat tiga ribu sahaja. Bayangkan bagaimana mereka untuk dibantu untuk meningkatkan kualiti, kuantiti produk-produk mereka, IKS mereka. Jadi saya cadangkan, Datuk Speaker, supaya bantuan-bantuan ini untuk SMB ini ditingkatkan, Datuk Speaker.

Pada saya bila saya kira lima ribu orang peruntukan yang perlu sekurang-kurangnya 100 juta, Datuk Speaker. Supaya mereka dapat meningkatkan kuantiti dan kualiti produk-produk mereka ini secara langsung dapat menyumbang kepada peningkatan peluang pekerjaan kepada anak-anak tempatan jika produk-produk mereka boleh mencapai piawaian antarabangsa saya yakin usahawan IKS akan dapat memanfaatkan perpindahan ibu kota negara Indonesia ke Kalimantan. Kita mesti mengambil contoh negara China, Datuk Speaker, negara China mereka ada kesungguhan Kerajaan mereka ada kesungguhan mendokong usahawan-usahawan mereka dalam pengeluaran dalam apa saja bentuk produk sehinggakan kebanyakan keperluan dunia dikeluarkan oleh negara China pada hari ini.

Datuk Speaker, saya juga tertarik dengan jawapan Menteri Kerja Raya semalam, beliau menyatakan bahawa ada tiga kaedah yang diguna pakai untuk bagi penyelenggaraan jalan raya pertama rutin *maintenance*, kedua *periodic maintenance*, ketiga *emergency maintenance*. Melalui maklumat Yang Berhormat Menteri, pihak JKR juga membuat pemantauan dari masa ke semasa, iaitu seminggu sekali untuk jalan-jalan protokol dan setiap dua minggu untuk jalan-jalan bukan protokol. Yang Berhormat Menteri juga ada menyatakan bahawa dalam rutin *maintenance* jalan raya perlu diselenggara dalam masa 24 jam untuk jalan protokol dan tiga hari untuk jalan tidak protokol bukan protokol dalam konteks kawasan saya, Datuk Speaker, jalan dari Jambatan Putih hingga ke Kalabakan adalah tergolong dalam jalan yang bukan protokol dan jalan ini juga tidak terlibat dengan pembinaan pakej Pan Borneo yang amat mengecewakan saya sebagai wakil rakyat di kawasan Merotai jawapan-jawapan dan maklumat Yang Berhormat Menteri hanyalah jawapan yang hanya untuk kesenangan pen...

Tuan Sarifuddin bin Hata [Merotai]: ...pendengaran telinga kami, saya yakin Ahli-ahli Dewan Undangan Negeri juga sama, bila mengajukan soalan-soalan yang sama. Jawapannya hanya retorik. Tidak ada yang betul-betul terkesan kepada kami. Khususnya penyelenggaraan-penyelenggaraan yang dilakukan secara berkala di kawasan-kawasan kami.

Saya mendapat aduan tiap-tiap hari berkenaan keadaan jalan raya tersebut Datuk Speaker. Bahkan yang paling menyedihkan, kadang-kadang bila jalan tersebut telah ditampal tidak sampai dua, tiga hari, tidak sampai seminggu akhirnya berlubang lagi Datuk Speaker. Mungkin saya tidak tahu, mungkin juga kualiti tampalan oleh pihak kontraktor tidak mencapai piawaian, piawaian yang sepatutnya dan saya dapati ada di antara bahan tampalan tersebut adalah bahan kitar semula. Jadi ini perlu di ambil serius oleh Kementerian Jabatan Kerja Raya (JKR) untuk memastikan perkara ini tidak berulang-ulang ulang sekian lamanya.

Saya juga berharap pihak Menteri sentiasa turun. Ya. Jangan ikut sahaja jadual kementerian iaitu setahun sekali untuk turun di kawasan-kawasan. Saya jemput Yang Berhormat Menteri untuk datang ke kawasan saya. Ada banyak kawasan yang telah di *downgrade*. Jalan raya di *downgrade*. Daripada aspal kepada jalan raya ber-*gravel*, berbatu dan sampai hari ini tidak di selenggara dan tidak di aspal semua, semula.

Datuk Speaker, saya berharap Yang Berhormat Menteri datang melawat kawasan saya. Tapi jangan bagi tahu pegawai-pegawai, jangan bagi tahu kontraktor untuk datang. Buat jadual sendiri, datang sendiri, lihat sendiri. Rasai pengalaman jalan daripada Jambatan Putih ke Kalabakan. Kalau mahu lagi cantik dari Kalabakan terus ke Keningau. Boleh tahu keadaan sebenar jalan raya tersebut. Jangan berdasarkan *report report* pegawai sahaja, *report report* kontraktor sahaja. Saya dengar Yang Berhormat Menteri semalam ada mengatakan dia mendapat lebih kurang 2000 lebih aduan, tetapi tuan-tuan dan puan-puan, Yang Berhormat Menteri harus terus turun ke kawasan supaya ianya tidak berlaku lagi.

Datuk Speaker, dalam pembentangan belanjawan 2024 oleh Menteri Kewangan Kerajaan Negeri memperuntukkan sebanyak RM144.4 juta pada tahun hadapan untuk mengambil kira kelestarian hijau. Malahan Kerajaan Negeri memperuntukkan 7.81 juta kepada Jabatan Perlindungan Alam Sekitar untuk tujuan aktiviti perlindungan alam sekitar. Namun Datuk Speaker, saya berpendapat kelestarian alam tidak dapat kita capai jika kerja kerajaan sendiri tidak endahkan peraturan-peraturan yang telah ditetapkan dalam undang-undang khususnya dalam Perlombongan Emas di Bukit Mantri, Daerah Tawau Datuk Speaker.

Pada sembilan, pada tujuh haribulan Datuk Speaker, saya ada mengeluarkan satu kenyataan berhubung dengan Lombong Emas di Bukit Mantri. Saya mengatakan bahawa lombong emas ini adalah lombong emas yang haram. Sebab apa, tidak ada kelulusan daripada Jabatan Mineral dan Sains. Telah tamat tempoh pada 31 Oktober. Datuk Speaker, sehingga hari ini lombong emas tersebut masih lagi berjalan. Saya, kita mendapat jawapan daripada Kerajaan Negeri melalui Jabatan Tanah dan Ukur menyatakan bahawa banyak implikasi negatif untuk hentikan operasi di Bukit Mantri. Antaranya ialah kita akan kekurangan hasil, iaitu *royalty* sebanyak lima peratus. Kalau saya tengok daripada belanjawan pada tahun hadapan Datuk Speaker, cuma 5.8 juta sahaja yang kita terpaksa korbakan adalah eko-sistem dan juga kelestarian alam Datuk Speaker. Dan, daripada jawapan ini juga saya tengok bahawa mengesahkan bahawa tiada pelanggaran syarat EIA, Jabatan Perlindungan Alam Sekitar. Tetapi ada surat di sini Datuk Speaker, daripada Jabatan Perlindungan Alam Sekitar. Dalam jadual pematuhan ada menyatakan bahawa tidak menepati EIA. Pertama, kawalan air larian permukaan dan kelodak, kolam perangkap kelodak dan sistem perparitan tidak dibina. Itu antara Datuk Speaker. Kedua, kolam perangkap kelodak dan sistem perparitan tidak dibina. Ketiga, kestabilan cerun yang terutamanya kawasan simpanan tanah-tanah dan bahan buangan hendaklah distabilkan kerana mengalami risiko tanah runtuh. Menghentikan pembuangan bahan tanah daripada belakang muka lombong. Keempat Datuk Speaker, banyak minyak dan sisa toksik, terdapat tong-tong dibiarkan termasuk bekas simpanan sodium selenite yang tidak terlindung dari hujan dan lapangan.

Datuk Speaker, pada 22 Ogos ada surat juga daripada Jabatan Mineral Sains, Mineral dan Geosains Malaysia, jawatankuasa telah mengesyorkan permohonan

(SKSPM) iaitu Skim Pengendalian Melombong tidak dipertimbangkan kelulusan buat masa sekarang. Pada 22 Ogos Jabatan Mineral dan Sains, Geosains Malaysia ditujukan kepada Datuk Pengarah Jabatan Tanah dan Ukur, Jawatankuasa surat Perlombongan Skim Pengendalian Melombong yang bermesyuarat pada 22 Ogos 2023 mengesyorkan supaya aktiviti perlombongan dan pemprosesan di Bukit Mantri Balung diberhentikan operasi serta merta. Ini pada 22 Ogos Datuk Speaker. Pada 30 Oktober surat daripada Jabatan Tanah dan Ukur kepada Jabatan Mineral dan Geosains untuk memohon status Skim Pengendalian Melombong yang tarikh luput pada 31 Oktober. Pada 8 November Datuk Speaker, surat daripada Jabatan Mineral dan Geosains Malaysia kepada Yang Berbahagia Tuan Pengarah Jabatan Tanah Ukur juga diberikan kepada Peguam Besar Negeri Sabah, Setiausaha Hasil Bumi, Jabatan Mineral dan Geosains, Perlindungan Alam Sekitar. Surat ini bermaksud pihak Jabatan Mineral dan Geosains tidak akan mengeluarkan sebarang kebenaran beroperasi di atas Bukit Mantri CL105651438 sehingga satu permohonan lengkap pengendalian melombong dikemukakan dan diluluskan.

Timbalan Speaker [Datuk Richard Yong We Kong]: Ya, Yang Berhormat.

Tuan Sarifuddin bin Hata [Merotai]: Datuk Speaker.

Timbalan Speaker [Datuk Richard Yong We Kong]: Dua minit. Habis sudah.

Tuan Sarifuddin bin Hata [Merotai]: Ya, saya gulung Datuk Speaker.

Timbalan Speaker [Datuk Richard Yong We Kong]: Banyak surat tu ah.

Tuan Sarifuddin bin Hata [Merotai]: Pada 8 November Datuk Speaker, surat daripada Jabatan Mineral dan Geosains Malaysia, Sabah arahan pemberhentian operasi perlombongan di atas CL 105651438 di Bukit Mantri. Sehubungan dengan itu, pihak tuan tidak dibenarkan menjalankan operasi perlombongan di atas Bukit Mantri. Sebarang operasi perlombongan dijalankan tanpa kelulusan akan disabitkan kesalahan boleh didenda RM100 ribu ataupun penjara tidak melebihi lima tahun, Datuk Speaker.

Yang terkini Datuk Speaker, pada 20 November. Tarikh 20 November satu surat daripada Jabatan Mineral dan Geosains Malaysia juga menyatakan bahawa hasil mesyuarat tersebut sebarang urusan niaga pembelian dan penjualan mineral dalam lombong tidak boleh dijalankan tanpa surat kelulusan Skim Pengendalian Melombong yang sah sahaja, Datuk Speaker.

Yang Terakhir surat ini Datuk Speaker, kita terima daripada Jabatan Mineral dan Sains kepada Pesuruhjaya Polis Ibu Pejabat Polis Kontinjen Sabah juga kepada ketua Polis Daerah Tawau, iaitu surat ulasan teknikal bagi penggunaan bahan letupan untuk menjalankan kerja-kerja bagi operasi perlombongan yang telah tamat...

28/11/2023- RAKAMAN 18 [12:50 TENGAH HARI - 1:00 TENGAH HARI] - [ANNETY] - MOHELENA - EZURA

Tuan Sarifuddin bin Hata [Merotai]: ...pada 31 Oktober 2023 dan Jabatan Mineral dan Sains Sabah belum mengeluarkan sebarang kelulusan baru. Ini yang terkini Datuk Speaker, pada 23 November dan pada hari ini Datuk Speaker, masih ada aktiviti-aktiviti melombong Datuk Speaker dan saya juga mendapat aduan daripada orang ramai. Masih ada aktiviti-aktiviti melombong hari ini Datuk Speaker. Saya menerima aduan daripada orang ramai menyatakan bahawa kadang-kadang banjir lumpur sampai ke sungai dan ada ikan atau pun hidupan sungai mati. Timbul ikan itu, timbul Datuk Speaker.

Timbalan Speaker [Datuk Richard Yong We Kong]: Ya. Sila gulung, ah. Sila gulung.

Tuan Sarifuddin bin Hata [Merotai]: Jadi Datuk Speaker, saya ingin kerajaan atau pun geosains atau pun mana-mana agensi yang terlibat, tolong hentikan selagi tidak ada kelulusan EIA daripada Jabatan Perlindungan Alam Sekitar dan juga tidak ada surat penyambungan skim melombong daripada Jabatan Geosains Mineral dan Geosains Malaysia, Datuk Speaker. Kita ada undang-undang. Ini bukan negara-negara koboi. Suka-suka mahu buat. Bayangkan Datuk Speaker, hari ini baru satu lombong emas. Bayangkan kalau nanti kita saya dengar ada berapa lagi lombong-lombong akan dibuka. Bukan sahaja lombong emas, mineral-mineral lain. Kalau ini pun satu tidak boleh kita kawal, ini pun satu kita tidak boleh selesaikan, macam

mana kita mahu kawal 35, 50, 60 syarikat perlombongan akan datang? Surat ini bukan sahaja ditujukan kepada Jabatan Tanah, Peguam Besar juga ditujukan, juga kepada kementerian, agensi-agensi lain, Datuk Speaker.

Jadi, kita mohon Datuk Speaker, ah jangan sahaja belanjawan-belanjawan yang diberikan ini hanya untuk ...(sebutan kurang jelas) tetapi kita sendiri tidak mahu. Tidak mahu mengikuti apa yang telah kita tetapkan sendiri, Datuk Speaker. Jadi, untuk itu Datuk Speaker ah saya ucapkan ribuan terima kasih kerana diberikan peluang ini. Ah, saya ingin ah, mengucapkan terima kasih kepada semua dan juga ah, saya ah, berharap belanjawan kali ini yang dipaksakan untuk rakyat dapat dirasakan oleh seluruh rakyat di Negeri Sabah. Sekian, Datuk Speaker.

Timbalan Speaker [Datuk Richard Yong We Kong]: Terima kasih. Sekarang saya jemput Yang Berhormat Tempasuk. Silakan.

Datuk Mohd Arsad bin Bistari [Tempasuk]: Alhamdulillah. Terima kasih Datuk Speaker memberi ruang kepada saya untuk turut serta dalam sesi perbahasan dalam Dewan yang mulia ini. Bismillahirrahmanirrahim, assalamualaikum warahmatullahi wabarakatuh, salam sejahtera, salam Malaysia MADANI dan Salam Sabah Maju Jaya kepada Yang di-Pertua Datuk Speaker, Ahli-ahli Yang Berhormat di dalam Dewan yang mulia ini dan para pemerhati. Terima kasih dan syabas juga kepada pentadbiran Kerajaan Negeri yang diketuai oleh Yang Amat Berhormat Ketua Menteri Sabah, Timbalan-timbalan Ketua Menteri, Menteri-menteri, Pembantu-pembantu Menteri dan sahabat-sahabat, Ahli-ahli Yang Berhormat yang turut sama menyumbang buah fikiran pada pandangan dan bersuara demi kesejahteraan rakyat yang kita wakili. Syabas diucapkan kepada Menteri Kewangan juga Yang Berhormat Datuk Masidi Manjun di atas pembentangan Bajet Belanjawan Negeri Sabah Tahun 2024, belanjawan yang bertemakan “Sabah Teguh, Rakyat Terbela”.

Ini mencerminkan komitmen Kerajaan Negeri dalam membangunkan Sabah secara menyeluruh dan komprehensif. Tahniah! Dalam Belanjawan 2024 Negeri Sabah turut memberi perhatian kepada keterjaminan makanan asas terutamanya yang mana sahabat-sahabat Ahli Yang Berhormat pun ada bahaskan soal beras. Saya menyokong inisiatif-inisiatif yang akan diambil oleh kerajaan bagi meningkatkan

tahap sara hidup atau SSL beras daripada 22% tahun ini kepada 31% pada tahun 2025. Insya-Allah antara inisiatif diambil ialah penubuhan semula Lembaga Padi dan Beras Sabah. Inisiatif pembajak sawah padi, pemulihan sawah terbiar, pembangunan padi tanah yang kering, penambahan bilangan jentera pembajak dan jentuai. Kemudian baja dan pemberian subsidi penjualan padi. Inisiatif ini juga termasuk meneruskan kerja terhadap varieti padi yang sesuai ditanam di kawasan sawah padi yang dimasuki air masin khususnya Pantai Timur Sabah dan teknologi tanaman padi tanah kering ini adalah langkah teknologi dan kemajuan dalam memastikan bekalan makanan beras kita stabil dan berterusan.

Pemulihan tanah sawah terbiar di Sabah bukan sahaja meningkatkan pengeluaran padi tetapi juga memberi peluang pekerjaan dan menjana pendapatan kepada petani kita. Langkah ini bukan sahaja memperkuat asas ekonomi pertanian tetapi juga menjamin keselamatan makanan khususnya kepada negeri Sabah. Syabas!

Datuk Speaker, seperti yang kita sedia maklum bahawa Kota Belud telah menggazetkan kawasan jelang padi negara dan sejak diwujudkan kawasan pembangunan perindustrian bersepadu ...(sebutan kurang jelas) yang berpusat di Kota Belud telah berupaya meningkatkan produktiviti pengeluaran hasil padi di negeri ini serta meningkatkan teknologi pertanian khusus di Kota Belud.

Oleh yang demikian, saya mencadangkan agar Kerajaan Negeri, Kerajaan Persekutuan dan semua pihak meneruskan usaha bersepadu untuk membangunkan kawasan jelang padi Kota Belud seperti meningkatkan lagi kemudahan infrastruktur, sistem pengairan dan menambah bilangan jentera kerana ini merupakan antara permasalahan yang sering disuarakan oleh para pesawah di daerah Kota Belud khususnya di kawasan saya sendiri, DUN Tempasuk.

Selain Kota Belud, permohonan kawasan penanaman pagi seperti Keningau, Papar, Penampang, Tuaran, Kota Marudu dan kawasan Pantai Timur Sabah atau kawasan-kawasan berpotensi perlu diperkasakan agar produktiviti hasil pengeluaran padi ditingkatkan lagi. Pusat pengeluaran benih padi di mana kita sedia maklum Kementerian MAFI yang ada di Sabah ah, pusat benih di negeri Sabah ada tiga yang berada di Tenom, Papar, Kota Belud dan di Tuaran memainkan peranan penting mengembangkan sektor pertanian seterusnya meningkatkan lagi kualiti

pengeluaran padi di negeri kita. Ah Datuk Speaker dan ahli-ahli sahabat Ahli Yang Berhormat MAFI kita pun sedia maklum bahawa ada satu institusi kemahiran yang berasaskan pertanian. Insya-Allah kalau benda ini dinaiktarafkan lagi dapatlah melahirkan generasi yang baru dalam industri pertanian.

Datuk Speaker, inisiatif-inisiatif yang dibentangkan pada Bajet 2024 perlu disokong kerana saya yakin setiap usaha dan langkah-langkah yang diambil oleh Kerajaan Negeri Sabah adalah untuk keterjaminan makanan asas terutamanya beras dan juga sudah pasti dapat membantu melonjakkan lagi sumber ekonomi para petani atau pesawah di negeri Sabah.

Datuk Yang di-Pertua, saya ingin menyentuh sikit ah, Rumah Mesra Sabah Maju Jaya. Bantuan Rumah Mesra Sabah Maju Jaya atau SMJ adalah satu usaha murni oleh Kerajaan Negeri Sabah yang bertujuan untuk membantu rakyat di negeri ini memiliki kediaman sendiri terutama golongan yang kurang berkemampuan. Ini juga merupakan langkah proaktif dan memperbaiki taraf hidup kehidupan masyarakat. Namun terdapat beberapa perkara yang perlu diambil perhatian khususnya antara masalah yang dihadapi oleh penerima atau memohon.

Datuk Speaker dan Ahli-ahli Yang Berhormat:

1. Penerima yang tidak mempunyai tanah, salah satu kekangan untuk mendirikan rumah;
2. Ada juga pemohon dan penerima dapat membina rumah itu yang kawasan kerap dilanda banjir;
3. Sangat jauh dari kawasan komuniti atau kawasan perkampungan menyebabkan kesukaran untuk menyalurkan kemudahan jaringan jalan raya, air dan elektrik.

Untuk mengatasi masalah ini, saya mencadangkan pihak Kerajaan Negeri untuk menyediakan lot tanah Kerajaan atau tapak yang lebih tersusun khusus untuk penerima rumah SMJ dan konsep perumahan yang lebih teratur dan efisien. Dengan pendekatan ini...

Datuk Mohd Arsad bin Bistari [Tempasuk]: Ini dapat memastikan bahawa infrastruktur penting seperti jalan raya, bekalan air dan elektrik dapatlah disalurkan dengan lebih mudah dan efektif kepada penerima rumah mesra SMJ yang menghadapi tiga masalah seperti yang dinyatakan tadi. Tidak mustahil juga mungkin dia ada sahabat-sahabat Ahli Dewan Undangan menerima perkara yang sama juga di setiap kawasan. Jadi itu cadangan, Datuk Speaker.

Menyentuh kemudahan infrastruktur dan kemudahan asas, rasanya sahabat-sahabat Ahli Dewan Undangan pun perkara yang sama juga berlaku di seluruh kawasan terutama sekali negeri Sabah. Berkaitan kemudahan infrastruktur asas kawasan DUN Tempasuk tidak terkecuali daripada mengalami masalah bekalan air yang kerap terganggu terutama sekali selepas musim hujan atau banjir. Gangguan bekalan elektrik dan jalan raya memang benar. Pihak Kerajaan telah berusaha dengan gigih untuk menangani masalah ini namun masih banyak yang perlu dilakukan lagi.

Oleh yang demikian, di dalam Dewan yang mulia ini, saya ingin menyampaikan satu suara warga masyarakat di kawasan saya di DUN Tempasuk agar permasalahan bekalan elektrik dan jalan raya ini terus mendapat perhatian daripada pihak Kerajaan melalui Belanjawan 2024. Ini agar dapat masyarakat DUN Tempasuk juga terus menikmati kemudahan asas yang lebih selesa dan kehidupan yang lebih sejahtera.

Masyarakat DUN Tempasuk berharap agar pihak-pihak konsesi yang dilantik oleh pihak Kerajaan bertanggungjawab dalam hal penyelenggaraan infrastruktur jalan raya yang dapat lebih agresif dalam memantau dan membaiki sebarang kerosakan yang berlaku. Sebagai contoh, seperti jalan di kampung di dalam kawasan saya, Kampung Sangkir dan kampung-kampung yang terlibat. Kerosakan yang berlaku menyebabkan ketidakselesaan kepada pengguna jalan raya dan mengundang kepada musibah bahaya.

Datuk Speaker, di sini saya juga ingin menyuarakan berkaitan masalah, satu syarikat GLC Persekutuan, iaitu Telekom yang tidak terurus di banyak kawasan

dalam DUN Tempasuk, dan saya yakin bahawa permasalahan ini berlaku di kawasan-kawasan yang lain. Walaupun perkara ini agak kecil dan remeh tapi dia akan mengundang kepada satu permasalahan penceritaan yang tidak berapa bagus, mengundang kepada fitnah dan akan mewujudkan lagi satu musibah yang akan berlaku.

Keadaan kabel Telekom terjuntai, tidak terurus dan tiang kabel yang condong. Keadaan ini boleh mengundang kepada bahaya masyarakat terutama kepada pengguna jalan raya dan mengakibatkan berlakunya isu-isu aktiviti jenayah keselamatan seperti kecurian kabel dan yang akhirnya wakil rakyat setempat juga yang akan menyelesaikan masyarakat-masyarakat yang terlibat dalam aktiviti jenayah ini.

Kecurian kabel menyusahkan pengguna perkhidmatan ini kerana menyebabkan talian Internet Wi-Fi terputus dan mengakibatkan aktiviti ekonomi yang menggunakan talian perkhidmatan ini terganggu. Oleh yang demikian, tindakan segera perlu diambil bagi mengelak timbulnya pelbagai persepsi dan juga fitnah kepada pihak berkaitan, iaitu Telekom dan boleh mengundang musibah kepada masyarakat jika tidak diambil tindakan tuntas menyelesaikan perkara ini.

Sebelum mengakhiri kata, Datuk Speaker dan Ahli-ahli Yang Berhormat, dalam kita nak merealisasikan hala tuju “Sabah Maju Jaya”, saya mohon agar pembuat dasar dan pelaksana dasar itu, marilah kita bekerja dalam satu pasukan demi kepentingan, kepentingan masyarakat khususnya di negeri Sabah ini. Akhir kata, semoga Belanjawan 2024 untuk Sabah ini nanti dapat dilaksanakan sebaik mungkin agar pembangunan dan kemajuan Sabah dapat dipacu dengan lebih mampan seiring dengan tema “Sabah Teguh, Rakyat terbela”.

Selamat menyambut juga Hari Natal kepada sahabat-sahabat yang menyambutnya yang bakal tiba kepada semua yang meraikan. Yang di-Pertua Speaker, Tempasuk mohon menyokong.

Timbalan Speaker [Datuk Richard Yong We Kong]: Terima kasih, Tempasuk. Sekarang saya jemput Yang Berhormat Kuamut.

Datuk Masiung Banah [Kuamut]: Terima kasih, Datuk Speaker. Salam sejahtera, salam Sabah Maju Jaya dan salam Malaysia Madani.

Datuk Speaker, pada 24.11.2023 yang lalu, di Dewan yang mulia ini, kita telah mendengar belanjawan dengan tema “Sabah Teguh, Rakyat Terbela” yang dibentangkan oleh Yang Berhormat Menteri Kewangan dengan nilai RM5.701 bilion, iaitu lebih sebanyak RM35.87 juta. Sebagai Ahli Dewan Undangan Negeri yang diangkat oleh rakyat Kuamut, mewakili mereka sejak tahun 2008 sebagai Ahli Dewan, saya tidak pernah dalam bahasa Inggeris, *absent*. Tidak pernah tidak hadir malah memberikan pencerahan, memberikan sokongan dan membantu meluluskan belanjawan setiap tahun kerana pada hemat saya, Datuk Speaker, belanjawan ini amat penting kerana tanpa belanjawan, tanpa kelulusan belanjawan maka tidaklah berfungsi Kerajaan.

Cuma, Datuk Speaker, saya amat risau dengan satu *trend* ataupun budaya yang ada kepada anggota pentadbiran kita. Sama ada anggota pentadbiran itu terdiri daripada ahli politik ataupun penjawat awam dan bukan itu sahaja, Datuk Speaker, ini juga merupakan salah satu kerisauan rakyat jelata. Saya telah menelaah belanjawan yang dibentangkan setiap tahun dan saya dapati, Datuk Speaker, semakin banyak belanjawan yang sepatutnya dibelanjakan, semakin banyak duit yang tidak dibelanjakan.

Sebagai contoh, dalam masa mutakhir pada tahun 2022, sepatutnya kita boleh belanjakan RM4.596 bilion tetapi tidak dapat dibelanjakan semua dan akhirnya yang tertinggal ialah RM542 juta, dan pada tahun 2022, kita bentang belanjawan dan sepatutnya dibelanjakan pada tahun 2023 ini. Walaupun penggal ini ataupun tahun ini belum berakhir tetapi saya amat risau kerana, Datuk Speaker, sekarang ini menurut laporan, kita masih lagi ada lebih RM563 juta yang belum dibelanjakan.

Datuk Speaker, rakyat yang di luar memerhati kita. Mereka tidak faham berbilion-bilion yang kita luluskan di Dewan ini. Mereka hanya mahu supaya setiap belanjawan yang diluluskan di Dewan mulia ini dibelanjakan mengikut tahun semasa. Rakyat di luar, Datuk Speaker, mutakhir ini sudah yakin dengan kepimpinan GRS campur PH di bawah pimpinan yang Amat Berhormat Sulaman. Mereka sudah

faham dan sudah tahu bahawa Kerajaan ini berusaha untuk menstabilkan politik di negeri Sabah.

Mereka juga tahu dan sedar bahawa Kerajaan ini sedang berusaha memacu ekonomi negeri Sabah. Cumanya, Datuk Speaker, mereka mahu supaya pelaksanaan itu diperhebatkan lagi. Mereka tidak mahu dengar ada lagi cerita belanjawan ataupun duit yang tidak dapat dibelanjakan hasil daripada kelemahan kita sendiri. Rakyat juga tahu masalah elektrik, masalah air, masalah jalan raya, itu adalah warisan daripada Kerajaan-kerajaan dahulu. Cuma mereka mahu dan beri peluang kepada kita untuk menyelesaikan sedikit demi sedikit.

28/11/2023- RAKAMAN 20 [1:10 TENGAH HARI – 1:20 TENGAH HARI] - [NORHAZIRAH] - TERESA - HADINIE

Datuk Masiung Banah [Kuamut]: ...permasalahan ini supaya melalui bajet ini segala masalah yang kecil-kecilan dapat diselesaikan dengan segera.

Datuk Speaker, saya tertanya-tanya apa sebenarnya yang berlaku kepada negeri kita yang tercinta ini? Dalam hemat saya Datuk Speaker, kemungkinan besar ada beberapa tembok-tembok yang menghalang semua ini. Jadi, kalau ada tembok-tembok kesombongan, kalau ada tembok-tembok kepentingan peribadi, kalau ada tembok-tembok bekerja sambil lewa, kalau ada tembok-tembok tidak komitmen kepada kerja di kalangan anggota pentadbiran awam.

Datuk Speaker, kali ini saya mohon supaya tembok itu dipecahkan kerana inilah yang diinginkan oleh rakyat.

Datuk Speaker, kesempatan yang singkat ini saya ambil peluang untuk menjawab sedikit. Abang saya daripada Lamag tapi dia tidak ada di sini. Entah ke mana, Datuk Speaker? Tiada ribut, tiada angin sepatutnya masa 12 minit atau 15 minit yang diperuntukkan kepada ADUN Lamag untuk memberi pencerahan dan permasalahan tentang masalah yang ada di Lamag digunakan sepenuhnya untuk mencanangkan DUN kawasan Kuamut dan juga ADUN Kuamut. Cuma dalam masa yang singkat ini saya tidak boleh membagi (memberi) pencerahan kerana dia beritahu semua permohonan yang di Kuamut dia yang atur.

Datuk Speaker, dia sudah Ahli Parlimen dua penggal sebelum saya jadi ADUN. Rakyat Kuamut tahu dan di Dewan ini saya merakamkan simpati kepada abang saya ini, ADUN Lamag. Simpati pertama, Datuk Speaker, sebagai seorang tokoh politik yang lama dan memang saya hormati, beliau masih gagal memahami tentang peranan seorang Ahli Parlimen dan seorang Ahli Dewan Undangan Negeri. Yang kedua, beliau gagal...terima kasih abangku, ada sudah dia. Yang kedua, abang saya ini masih gagal lagi memahami antara fungsi Kerajaan Negeri dan Kerajaan Persekutuan dan yang ketiga masih gagal lagi memahami bidang kuasa Kerajaan Negeri dan Kerajaan Persekutuan dan Kerajaan Persekutuan dan Kerajaan Negeri sering kali bekerjasama. Kerajaan Negeri diwakili oleh ADUN dan Parlimen diwakili oleh Persekutuan. Saling bekerjasama, memerlukan antara satu dengan yang lain untuk membangunkan mana-mana tempat.

Datuk Speaker...

Timbalan Speaker [Datuk Richard Yong We Kong]: YB...

Datuk Seri Panglima Moktar bin Radin [Lamag]: Boleh minta penjelasan?

Timbalan Speaker [Datuk Richard Yong We Kong]: YB Kuamut...

Datuk Masiung Banah [Kuamut]: Sekejap abangku saya tidak ada masa. Saya 12 minit sahaja.

Datuk Seri Panglima Moktar bin Radin [Lamag]: Oh...

Datuk Masiung Banah [Kuamut]: 12 minit sahaja. Minta maaf abangku.

Timbalan Speaker [Datuk Richard Yong We Kong]: Minta pencerahan kawasan sahaja...

Datuk Masiung Banah [Kuamut]: Saya hendak tanya kegagalan demi kegagalan itu? Boleh?

Datuk Masiung Banah [Kuamut]: Minta maaf, saya tiada masa.

Timbalan Speaker [Datuk Richard Yong We Kong]: YB Lamag duduk dulu ya.

Datuk Masiung Banah [Kuamut]: Minta maaf abangku.

Timbalan Speaker [Datuk Richard Yong We Kong]: Yang Berhormat Kuamut, sebutkan perkara di dalam kawasan sahaja. Yang lain punya perkara janganlah.

Datuk Masiung Banah [Kuamut]: Datuk Speaker, saya kena menjawab sebab kawasan saya disebut.

Timbalan Speaker [Datuk Richard Yong We Kong]: Ya, itu peribadi punya peribadi tidak payah sebut ya.

Datuk Masiung Banah [Kuamut]: Kelmarin pun dia peribadi juga. ADUN Kuamut dia cakap.

Datuk Seri Panglima Moktar bin Radin [Lamag]: Saya tidak pernah cakap peribadi ya.

Datuk Masiung Banah [Kuamut]: Okey.

Datuk Seri Panglima Moktar bin Radin [Lamag]: Sebab saya ini matang punya orang. Bukan tidak faham pentadbiran Kerajaan Negeri dan Persekutuan. Yang Berhormat silap.

Datuk Masiung Banah [Kuamut]: Okey Datuk Speaker, saya tidak mahu memberi laluan...

Timbalan Speaker [Datuk Richard Yong We Kong]: YB...

Datuk Seri Panglima Moktar bin Radin [Lamag]: Saya ini lebih sudah orang kata *matured* daripada segala-galanya.

Datuk Masiung Banah [Kuamut]: Saya tidak mahu memberi laluan.

Datuk Seri Panglima Moktar bin Radin [Lamag]: Yang Berhormat ini, saya tahu sejarah. Kalau kamu mahu buat, mahu cerita sejarah Yang Berhormat. Macam mana masuk politik saya cerita, boleh?

Datuk Masiung Banah [Kuamut]: Saya tidak mahu memberi laluan.

Timbalan Speaker [Datuk Richard Yong We Kong]: YB... YB Lamag...

Datuk Masiung Banah [Kuamut]: Saya tidak mahu memberi laluan.

Datuk Seri Panglima Moktar bin Radin [Lamag]: Geli... Yang terhormat dulu masuk politik *through* mana *through* saya. Saya yang bawa. Jangan cakap banyak. Jangan tembirang.

Datuk Masiung Banah [Kuamut]: Datuk Speaker, saya tidak mahu memberi laluan.

Datuk Seri Panglima Moktar bin Radin [Lamag]: Dengan saya jangan tembirang. Orang lain Yang Berhormat boleh tembirang.

Datuk Masiung Banah [Kuamut]: Datuk Speaker, saya tidak tahu kau salah orang atau pun kau yang salah orang.

Datuk Seri Panglima Moktar bin Radin [Lamag]: Saya tidak pernah salah orang. Yang Berhormat...

Datuk Masiung Banah [Kuamut]: Datuk Speaker, saya tidak mahu memberi laluan.

Datuk Seri Panglima Moktar bin Radin [Lamag]: Yang Berhormat, merangkak-rangkak semasa menjadi ADUN...

Datuk Masiung Banah [Kuamut]: Datuk Speaker, saya tidak memberi laluan.

Timbalan Speaker [Datuk Richard Yong We Kong]: Okey.

Yang Berhormat Lamag duduk dulu ya. Satu-satu...

Datuk Seri Panglima Moktar bin Radin [Lamag]: Yang Berhormat masa menjadi ADUN merangkak-rangkak...jangan tembirang. Lain orang Yang Berhormat boleh tembirang. Saya jangan...

Datuk Masiung Banah [Kuamut]: Datuk Speaker, saya tidak memberi laluan.

Timbalan Speaker [Datuk Richard Yong We Kong]: Ya, ya. Tiada laluan.

Datuk Seri Panglima Moktar bin Radin [Lamag]: Jangan main personal sini. Tidak boleh.

Timbalan Speaker [Datuk Richard Yong We Kong]: Yang Berhormat Lamag, sila duduk dulu ya.

Datuk Seri Panglima Moktar bin Radin [Lamag]: Ya saya duduk. Tapi suruh dia jangan tembirang.

Datuk Masiung Banah [Kuamut]: Datuk Speaker, kelmarin pun dia ADUN Lamag cakap apa Kuamut buat?

Datuk Seri Panglima Moktar bin Radin [Lamag]: Cakaplah apa Kuamut buat di kawasan. Saya sudah cakap apa saya buat.

Datuk Masiung Banah [Kuamut]: Datuk Speaker, dia tidak tahu apa yang saya buat di Kuamut sebab satu penggal baru satu kali dia masuk kawasan. Dia tidak tahu.

Datuk Seri Panglima Moktar bin Radin [Lamag]: Yang Berhormat, apa projek saya bawa di kawasan dia, *claim* dia bawa. Itu saya cakap sini supaya dia punya tembirangnya habis.

Datuk Masiung Banah [Kuamut]: Jadi, Datuk Speaker saya tidak faham...

Timbalan Speaker [Datuk Richard Yong We Kong]: Okey, jangan *debate* itu lagi, yang faham, tidak faham. Teruskan perkara-perkara di kawasan saja ya. Ya...

Datuk Masiung Banah [Kuamut]: Okey, *stop*. Jadi Datuk Speaker, saya belum apa ini habis saya kena sentuh awal. Dia, saya yang kena sentuh awal. Saya hanya apa ini menjawab...

Timbalan Speaker [Datuk Richard Yong We Kong]: Ya, sudahlah. Ya, teruskan. Sudahlah itu.

Datuk Masiung Banah [Kuamut]: Okey...Datuk Speaker, abang saya ini kira saya punya guru, sahabat, persahabatan.

Timbalan Speaker [Datuk Richard Yong We Kong]: Okey...

Datuk Masiung Banah [Kuamut]: Saya pun tidak tahu kenapa tiba-tiba mungkin Datuk Speaker, mungkin ADUN Lamag ini ada cita-cita mahu bertanding di Kuamut.

Timbalan Speaker [Datuk Richard Yong We Kong]: Nanti kamu dua-dua YB berbincang di luarlah.

Datuk Masiung Banah [Kuamut]: Sebab saya dengar di kawasan Lamag, kawasan dia ini agak panas. ADUN kebal Lamag ini.

Datuk Seri Panglima Moktar bin Radin [Lamag]: Orang kampung cakap berbarislah kamu semua sana. Saya tidak peduli pun.

Timbalan Speaker [Datuk Richard Yong We Kong]: Okey, Yang Berhormat Kuamut, teruskan.

Datuk Masiung Banah [Kuamut]: Okey.

Timbalan Speaker [Datuk Richard Yong We Kong]: Jangan *debate* bawa yang lain daripada tu kawasan sendiri. Kalau bolehlah?

Datuk Masiung Banah [Kuamut]: Jadi Datuk Speaker...

Timbalan Speaker [Datuk Richard Yong We Kong]: Banyak lagi yang ingin berbahas.

Datuk Masiung Banah [Kuamut]: Mengenai kawasan saya...

Timbalan Speaker [Datuk Richard Yong We Kong]: Okey...

Datuk Masiung Banah [Kuamut]: Okey, saya tidak akan...

Timbalan Speaker [Datuk Richard Yong We Kong]: Itu pun saya sudah banyak masa digunakan. Saya berikan 3 minit lagi.

Datuk Masiung Banah [Kuamut]: Saya buat kesimpulan. Penggulungan sudah.

Timbalan Speaker [Datuk Richard Yong We Kong]: Penggulungan? Baik. Mempelbagaikan sumber protein dalam Sektor Unggas melalui Program Agihan Encik Jantan secara percuma di beberapa daerah termasuk Sook, Kinabatangan dan Kionsom.

Datuk Masiung Banah [Kuamut]: Baik, di kawasan saya ini Datuk Speaker, saya tidak boleh hurai satu per satu kerana saya telah melantik IDS. Saya himpunkan semua pemimpin-pemimpin tempatan untuk membuka atau pun membuat satu hala tuju DUN Kuamut sehingga 2030. buku ini bukan baharu. Ini merupakan cetakan kedua. Jadi, saya mohon kepada menteri-menteri, saya ingat ini pun saya sudah edarkan setiap menteri-menteri. Satu-satu. Sebab itu saya tidak boleh cerakinkan, huraikan apa yang sudah buat dan apa yang saya belum buat sebab terlampau panjang.

Datuk Speaker. Ada dalam buku ini. Cuma satu sahaja saya minta kepada kerajaan. Di Tongod ini ada masalah tanah dan syukur kepada jabatan apa ini jabatan pengarah tanah kerana telah meluluskan beberapa kakitangan kerajaan di Tongod untuk menyelesaikan masalah-masalah tanah yang ada di Tongod. Cuma Datuk Speaker saya agak simpati dengan kakitangan Pejabat Daerah Tongod sekarang ini mereka hanya menumpang di bilik kecil di Pejabat Daerah Tongod. Jadi, saya mohon kepada Kerajaan supaya membina sebuah pejabat PPHT sendiri di Daerah

Tongod. Kosnya saya tidak tahu berapa. Penggulungan sudah ini. Tapi tidak apa, kawan juga ini. Silakan...

Datuk Dr. Yusof bin Yacob [Sindumin]: Terima kasih Yang Berhormat dari Kuamut. Begitu baik perancangan. Yang Berhormat ada bincangkah ini dengan YB Lamag untuk membangun kawasan sana itu? Kerana berkongsi dengan bandar di situ. Jadi tengok siapa yang ada integriti atau tidak.

Datuk Masiung Banah [Kuamut]: Datuk Speaker, seperti saya cakapkan tadi ADUN Lamag saya punya abang, saya punya sahabat, kami dulu selalu berbincang apa yang mahu dibuat di Daerah Tongod tetapi mungkin dia sudah lupa.

Timbalan Speaker [Datuk Richard Yong We Kong]: Ya, sila gulunglah.

Datuk Masiung Banah [Kuamut]: Tidak apalah. Okeylah. Jadi, Datuk Speaker saya mohon supaya PPHT ini Pejabat Tanah ini...

28/11/2023- RAKAMAN 21 [1:20 TENGAH HARI - 1:30 TENGAH HARI] - [ADIBAH] - SITI JUBAIDAH - EZURA

Datuk Masiung Banah [Kuamut]: ...dibuat di daerah Tongod yang pertama. Yang kedua, saya ucap terima kasih juga kepada Kementerian Belia dan Sukan, ini pun disebut oleh ADUN Lamag, ini saya sokong dia. Ini saya sokong ADUN Lamag, memang betul Kompleks Sukan Tongod ini sudah lama dan sebenarnya sebelum saya bahas di DUN ini pun saya senantiasa *follow up* kepada Kementerian, Menteri, pihak-pihak tertentu supaya ini dipercepatkan dan akhirnya mudah-mudahan dengan adanya peruntukan tambahan, saya difahamkan RM1.5 juta untuk apa ini, Kompleks Sukan Tongod ini dapat menyiapkan Kompleks Sukan Tongod didamba dan diharapkan oleh belia-belia di daerah Tongod. Jadi Datuk Speaker, terima kasih, sebelum itu saya ingin mengucapkan Selamat Hari Natal kepada rakan-rakan yang beragama Kristian, Selamat Tahun Baru dan sekali lagi saya mohon menyokong. Terima kasih.

Timbalan Speaker [Datuk Richard Yong We Kong]: Terima kasih, Yang Berhormat Kuamut. Seterusnya, saya jemput ADUN Dilantik Yang Berhormat Dr. Aliakbar bin Gulasan.

Tuan Dr. Aliakbar bin Gulasan [ADUN Dilantik]: Bismillahirrahmanirrohimi. Assalamualaikum warahmatullahi wabarakatuh. Terima kasih er, pada Datuk Speaker. Pertama, saya mengalu-alukan pembentangan Belanjawan 2024 yang sudah dilakukan oleh Menteri Kewangan, mudah-mudahan apa yang dirancang mencapai matlamat dan juga objektif yang sudah dinyatakan dalam belanjawan itu. Datuk Speaker, sebelum saya membawa jauh sedikit ke perbahasan pada hari ini, saya ingin menarik perhatian kepada seluruh Sidang Ahli Dewan untuk kita sama-sama menginsafi bahawa sebahagian daripada saudara-mara rakan-rakan kita di Palestin sedang berada dalam kesusahan, dizalimi, dibunuh, sampai kepada saat ini lebih kurang 14 ribu rakyat Palestin sudah mati dan 70% peratus adalah di kalangan wanita dan kanak-kanak. Jadi, saya ingin masukkan dalam perbahasan ini sebagai tanda kasih dan sayang kita. Kita mendoakan mudah-mudahan negara Palestin akan merdeka dan akan dibebaskan daripada kejahatan dan kezaliman Zionis Israel.

Tuan Dr. Aliakbar bin Gulasan [ADUN Dilantik]: Datuk Speaker, saya mulakan ucapan perbahasan dengan mengajak semua Ahli Dewan menghayati satu surah daripada firman Allah Taala dalam Surah Al-A'raf, ayat ke-96.

وَلَوْ أَنَّ أَهْلَ الْقُرَىٰ آمَنُوا وَاتَّقَوْا لَفَتَحْنَا عَلَيْهِم بَرَكَاتٍ مِّنَ السَّمَاءِ وَالْأَرْضِ وَلَٰكِن كَذَّبُوا فَأَخَذْنَاهُم بِمَا كَانُوا يَكْسِبُونَ ﴿٩٦﴾

“Dan sekiranya penduduk negeri itu, beriman serta bertakwa, tentulah kami akan membuka kepada mereka pintu pengurniaan yang melimpah-limpah berkatnya dari langit dan dari bumi. Tetapi mereka mendustakan rasul Kami, lalu Kami timpakan mereka dengan azab seksa disebabkan apa yang telah mereka lakukan dan rosakkan”.

Datuk Speaker, perlu diingatkan bahawa matlamat utama perbelanjaan dalam konteks perbahasan ini adalah Belanjawan 2024. Perbelanjaan Kerajaan adalah merupakan nilai tambah kepada pertumbuhan ekonomi negeri. Seterusnya memastikan kek ekonomi yang didapati daripada negeri ini terus berkembang untuk dinikmati oleh segenap lapisan masyarakat. Sebagai mukadimah, saya cuba

melihat kepada beberapa andaian yang mesti dicapai daripada tema yang dibangkitkan dalam belanjawan kali ini, iaitu “Sabah Teguh, Rakyat Terbela”. Saya mengandaikan paling kurang dua perkara. Yang pertama, mencari keberkatan dalam ekonomi. Konsep ekonomi yang berkembang subur yang dikongsi dengan adil itu sebahagian daripada makna keberkatan. Dan bagi mereka yang meyakini akan adanya kewujudan Tuhan, dan kewujudan syurga dan neraka pastilah semuanya akan berlumba-lumba melakukan kebaikan dan menjauhi kemungkaran dan kemaksiatan. Maka, Kerajaan perlu mengambil kira cara mencari dan mendapatkan hasil daripada sumber-sumber yang baik, sumber-sumber yang halal, dan sumber-sumber yang bersih dan perbelanjaan pula tidak bakhil dan tidak berlakunya ketirisan, tidak membazir kerana membazir adalah saudara syaitan.

Tuan Dr. Aliakbar bin Gulasan [ADUN Dilantik]: Datuk Speaker, kebaikan dan keberkatan akan datang sekiranya kepatuhan pada Maha Pencipta berjalan seperti yang dikehendaki. Pemimpin wajib bersifat adil bukan hanya kepada penyokong tetapi juga kepada semua rakyat tanpa mengira agama, bangsa atau wilayah tempat tinggal mereka. Pembangunan kena meliputi bukan hanya bandar tetapi juga luar bandar. Jangan ada sebarang penyalahgunaan kuasa, rasuah, duit bawah meja, atau apa sahaja yang sama dengannya kerana semuanya itu akan mendatangkan kemurkaan dan dosa di sisi Tuhan. Maksud politik bukan maknanya untuk menjadi kaya tetapi untuk menyumbang kepada masyarakat dan rakyat. Kalau mahu jadi kaya, maka jadilah peniaga kerana matlamat peniaga adalah untuk menjadi kaya.

Tuan Dr. Aliakbar bin Gulasan [ADUN Dilantik]: Saya bawa satu hadis Nabi SAW daripada Aisyah RA berkata, aku mendengar Rasulullah SAW bersabda, di dalam rumahku. “Wahai Tuhanku, barang siapa dilantik menguruskan urusan umatku ini lalu ia menyusahkan urusan umatku. Maka, susahkanlah urusan mereka. Dan barang siapa yang dilantik menguruskan urusan umatku yakni manusia dan dia melakukan dalam keadaan yang lembut dan baik. Maka, Engkau berlaku lembutlah terhadap mereka.

Maka, jika ada pemimpin yang dijaga oleh kontraktor atau pegawai-pegawai yang senantiasa duduk bersama dengan kontraktor, sehingga kontraktor-kontraktor yang membuat keputusan. Maka, sedar dan insafilah kerana yang membuat keputusan adalah kita yang dipilih oleh rakyat. Biarlah mereka hanya menjadi pelaksana.

Matlamat yang kedua adalah konsep kesaksamaan dan merapatkan jurang ekonomi. Saya juga memetik kepada apa yang disebut oleh Nabi SAW, “Sesungguhnya perangai manusia itu, dia punya satu lembah yang penuh emas, nescaya dia tidak cukup dia akan mahu lagi satu lembah emas. Mulutnya tidak dapat dipenuhi melainkan disumbat dengan tanah. Namun, Allah menerima taubat sesiapa yang bertaubat.” Maka, konsep keadilan yang sebenar adalah meletakkan sesuatu pada tempatnya. Saya petik kata-kata Buya Hamka, adil ialah menimbang yang sama berat, menyalahkan yang salah dan membenarkan yang benar. Mengembalikan hak yang empunya dan jangan berlaku zalim ke atasnya. Berani menegakkan keadilan walaupun mengenai diri sendiri adalah puncak segala keberanian.

Tuan Dr. Aliakbar bin Gulasan [ADUN Dilantik]: Datuk Speaker, jangan sesekali ada *double standard* dalam pelaksanaan pembangunan. Semua rakyat Sabah berhak mendapat limpahan pembangunan akibat kemungkinannya daripada *double standard*. Inilah yang menyebabkan sampai saat ini Sabah masih berbahas, masih berbincang soal-soal keperluan asas, masih lagi mengatakan soal air, masih lagi membahaskan soal elektrik sedangkan kita sudah merdeka puluhan tahun, dan ratusan juta sudah diberikan sama ada daripada pusat ataupun Kerajaan Negeri. Datuk Speaker, saya ingin menyentuh beberapa isu dalam perbahasan ini. Yang pertama saya sudah timbulkan banyak dan dalam soalan bertulis juga saya sudah ada hantar dan sudah dijawab oleh pihak Kementerian Kerajaan Tempatan mengenai setinggan. Saya kira setinggan merupakan satu isu yang mesti diselesaikan. Di Sabah ini, terlalu banyak isu berkumpul-kumpul sampai berakar umbi yang tidak ada satu polisi yang jelas. Tahniah kepada Kementerian, jawapan ini ada perancangan..

28/11/2023- RAKAMAN 22 [1.30 TENGAH HARI -1.40 TENGAH HARI] - [ZURINA] - NADIA - NADA

Tuan Dr. Aliakbar bin Gulasan [ADUN Dilantik]: ...jangka panjang dan jangka pendek. Cuma saya melihat tidak ada satu *timeline*. Bila tempoh yang mesti diselesaikan? Saya timbulkan isu setinggan bukan bermakna perobohan setinggan. Datuk Speaker dan semua kena ingat bukan robohkan setinggan tapi uruskan setinggan. Yang tidak ada rumah dibagi rumah, yang menyebabkan isu-isu

keselamatan air dan sebagainya, maka kalau tidak ada satu tempoh yang kita tetapkan saya kira perkara ini akan sukar untuk dicapai.

Isu yang kedua, saya juga sudah bangkitkan beberapa kali dalam Dewan ini, berkaitan dengan elaun Imam Rawatib dan juga guru KAFA. Tahniah kepada pihak Kerajaan yang memberikan bantuan kewangan yang besar kepada Jabatan Hal Ehwal Agama Islam khususnya dan juga pada bulan lapan yang lepas sudah diberikan kenaikan elaun RM100 daripada MUIS pada masa itu. Saya melihat sekali lagi saya ulang sudah dijawab dalam jawapan saya kepada Ketua Menteri pada sesi yang lepas. Kerajaan Negeri ingin akan mengkaji elaun Imam Rawatib dan guru KAFA ini. Mereka hanya berjumlah 4400 orang. Saya mohon sangat kepada Kerajaan Negeri kita tidak mahu sebutkan elaun mereka kerana memang rendah. Saya mohon supaya elaun Imam Rawatib dan juga guru KAFA ini naikkanlah sampai paling kurang pada tahap gaji minima RM1500 sahaja. Mereka inilah mata rantai yang menghidupkan generasi di tahap di lapangan dengan agama, mengajar manusia mengenal Tuhan. Mereka inilah menghidupkan suasana masyarakat di lapangan. Maka saya mohon pada Kerajaan Negeri mudah-mudahan ada berita baik kepada mereka ini dengan susah payah mereka saya yakin mereka tidak minta tapi sebagai sumbangan kepada mereka yang bersusah-payah.

Yang ketiga, Datuk Speaker, saya mencadangkan supaya kawasan-kawasan perumahan baharu khususnya di kawasan perbandaran. Saya melihat dalam konteks kajian perbandaran ini, proses perbandaran kita semakin cepat. Semakin banyak pertumbuhan kawasan-kawasan perumahan baharu. Saya ingin mencadangkan supaya Kerajaan mengambil berat tentang kemudahan-kemudahan sosial di kawasan perbandaran di kawasan perumahan baharu. Binalah kawasan perumahan baharu dipenuhi dengan perancangan kemudahan...

Tuan Speaker: Sila mula gulung, ya. Yang Berhormat mula gulung.

Tuan Dr. Aliakbar bin Gulasan [ADUN Dilantik]: Ya. Terutamanya kemudahan-kemudahan sekolah, dewan masyarakat, rumah ibadah. Jadikan ini sebagai salah satu daripada undang-undang yang mesti dilaksanakan di kawasan-kawasan perumahan baharu.

Yang terakhir, Datuk Speaker, saya melihat rakyat Sabah sebenarnya suka kepada perniagaan. Cuma kadangkala, tidak ada tempat untuk mereka berniaga. Datuk Speaker dan sidang Ahli Dewan pun saya yakin menyedari kalau kita lihat sekarang di pinggir-pinggir jalan mereka berjual air, makanan-makanan ringan dan sebagainya. Maknanya orang Sabah ini ada semangat untuk untuk berniaga. Maka kita mohon dalam meningkatkan kemudahan-kemudahan asas yang lain jadikanlah juga minat di kalangan masyarakat dengan mendirikan *stall* atau tempat-tempat perniagaan yang kecil ini sebahagian daripada gerak kerja yang nanti boleh membangkit dan menaikkan semangat perniagaan dan juga boleh membangunkan semangat sosioekonomi masyarakat kita.

Di akhir ucapan ini, Datuk Speaker, saya mendoakan agar kesejahteraan kita khususnya nanti kita akan masuk pada tahun 2024 dalam keadaan aman, damai, harmoni. Semakin banyak rezeki daripada Tuhan yang Maha Esa. Mudah-mudahan tahun baharu menjadi satu tahun yang membawa kebaikan kepada kita semua Insya-Allah. Akhirnya saya mengucapkan Selamat Menyambut Tahun Baru dan Selamat Menyambut Hari Krismas pada seluruh mereka yang beragama Kristian. Saya mohon menyokong pada Belanjawan ini. Terima kasih.

Tuan Speaker: Terima kasih, YB ADUN Dilantik, YB Dr. Aliakbar. Sekarang saya menjemput Yang Berhormat daripada Karamunting. Sama masa ya. 12 minit.

Datuk Hiew Vun Zin [Karamunting]: 20 minit. Terima kasih, Tuan Speaker, bagi peluang untuk Karamunting buat perbahasan sini. Pertama sekali saya ingin mengucapkan ribuan terima kasih dan tahniah kepada Ketua Menteri Sabah, Datuk Seri Panglima Haji Hajiji Haji Noor dan Menteri Kewangan Sabah, Datuk Seri Panglima Masidi Manjun dan juga Kerajaan Negeri Sabah ke atas bajet negeri yang begitu menyeluruh. Yang nampak ada menambahkan peruntukan yang adil kepada hampir setiap kementerian dan jabatan.

Tuan Speaker, saya juga ingin mengucapkan tahniah kepada semua warga penjawat awam Sabah yang menerima bonus sebanyak RM2000. Saya harap ini akan bakar semangat semua untuk berikan perkhidmatan yang lebih baik dan lebih berkualiti kepada rakyat Sabah. Tuan Speaker, di sini saya ingin menyentuh beberapa isu bagi pihak rakyat di kawasan saya, iaitu Karamunting. Saya satu

perkara yang amat mustahak, iaitu Pasar Karamunting. Kini berada di dalam keadaan yang amat serius amat bahaya. Tuan Speaker, tanah di kaki lima ruang pasar dan tapak *parking* sudah mudah pecah dan retak dan banyak lagi masalah sampai penduduk Karamunting takut tapak di luar pasar ini akan runtuh bila-bila masa. Saya sudah bawa masalah ini ke Dewan yang mulia ini berkali-kali sebab ini penduduk Karamunting masih lagi sedang guna pasar ini. Jika melibatkan keselamatan rakyat kita *so this should be our priority*.

Tuan Speaker, buat masa sekarang kerja-kerja untuk buat kajian ke atas tapak tanah ini telah pun dibuat dan saya berharap pihak Kementerian Kerajaan Tempatan dan Perumahan, dan juga Kementerian Kewangan dapat utamakan kerja baik pulih tapak tanah Pasar Karamunting secepat mungkin. Selain daripada itu, Tuan Speaker, saya ingin sentuh tentang dan *street light* dan pokok besar di Jalan Cecily. Dalam masa beberapa bulan ini sahaja ada tiga kes pokok jatuh ke atas jalan raya sebab cuaca yang tidak baik. Ada sekali sebuah kereta Myvi langgar belakang satu lori sebab mahu tiba-tiba berhenti untuk elak pokok. Nasib tiada kemalangan jiwa. Tuan Speaker, ada banyak lagi pokok-pokok besar yang boleh jatuh ke atas jalan raya di Jalan Cecily bila-bila masa sekarang dan ini amat bahaya kepada pemandu dan penduduk sekitar.

Tuan Speaker, saya berharap Majlis Perbandaran Sandakan di bawah KKTP dan juga pihak JKR boleh tebang pokok-pokok besar ini secepat mungkin. Pada masa yang sama Jalan Cecily ini sangat gelap sebab tiada lampu jalan. Ada lampu jalan pun rosak. Jika saya, jadi saya harap pihak JKR dan SESB dapat ambil tindakan segera. Sekali lagi saya tekankan apabila libatkan *people's safety, it must become our priority*. Tuan Speaker, selain daripada itu saya ingin berharap pihak MPS boleh jadikan Pasir Putih sebagai pantai yang bersih dari sampah. *Upgrade facility* yang telah usang dan rosak sebab Pasir Putih ini ialah *beach* atau tempat rekreasi yang paling dekat dengan bandar Sandakan. Kita mahu penduduk daerah Sandakan dan juga *tourist* ada *tourist* ada satu tempat rekreasi yang cantik, bersih dan selamat.

Tuan Speaker, Saya juga ingin sentuh tentang tanggungjawab MPS. Saya memohon agar pihak MPS utamakan selesaikan masalah rakyat dulu. Sekarang setiap kali ada masalah bila ditanyakan MPS akan jawab tidak cukup peruntukan, tidak cukup kakitangan tapi, Tuan Speaker, saya juga dapat tahu MPS ada

peruntukan untuk tanam bunga di tengah jalan dari Batu Lapan hingga Batu 16 yang berjuta-juta. Kenapa peruntukan ini tidak digunakan untuk hal yang lebih penting dan lebih *urgent* seperti memotong rumput ikut jadual dan memotong pokok-pokok besar yang bahaya kepada pemandu. MPS seperti tidak *set priority* dengan betul.

28/11/2023- RAKAMAN 23 [1.40 TENGAH HARI - 1.50 TENGAH HARI] - [SALEHA] - AZYATUL - HADINIE

Datuk Hiew Vun Zin [Karamunting]: Tuan Speaker, saya berharap pihak KKTP akan mengambil bahagian tentang gerak kerja MPS kerana masalah-masalah yang dibawah MPS ini adalah masalah-masalah yang paling dekat dengan hati rakyat kerana semua rakyat di Sandakan terkesan jika, MPS tidak buat kerja dengan baik. Selesaikan masalah dulu, membaiki kemudahan yang rosak, potong rumput ikut jadual, tebang pokok besar tepi jalan, utamakan *solving the problem* dulu.

Selain daripada itu Tuan Speaker, saya nak sentuh tentang *tourist*. Kebelakangan ini ada ramai pelancong dari China dan lain-lain negara yang datang ke Sabah dan kritik tentang beberapa perkara negatif seperti sampah atas laut dan juga pengemis jalanan. Tuan Speaker, tambahan lagi sekarang semua benda boleh dilihat diseluruh dunia menerusi *social media* seperti Facebook, Tik Tok dan juga You Tube.

Jika apabila *tourist* ini *share* benda negatif seperti ini di *social media* mereka dan juga kawan-kawan mereka, mereka juga *share* negatif *image* tentang Sabah kepada seluruh dunia. Hal ini amat, amas, amat mustahak kerana ia bukan sahaja melakukan *image* Sabah, memalukan *image* Sabah, ia juga *effect* dengan pelancong yang mahu datang ke Sabah. Siapa lagi yang mahu datang Sabah, melancong, kalau cerita-cerita negatif ini tular seluruh dunia. Jadi, Kerajaan Negeri Sabah terutamanya Kementerian Perlancongan, Kebudayaan dan Alam Sekitar harus bertanggungjawab ke atas hal-hal seperti ini.

Tuan Speaker, Kementerian bertanggungjawab ke atas pusat perlancongan kita iaitu pastikan keselamatan pelancong. Di samping hapuskan perkara-perkara buruk seperti sampah di pantai, dan laut juga selesaikan masalah pengemis jalanan, terutamanya di *tourist hotspot* seperti di Semporna, Karamunting dan juga pulau-pulau kita. Kerajaan Sabah harus serius dalam perkara ini. Kementerian-

kementerian, aktiviti *actively promote* Sabah sebagai *tourist destination*. Tapi, tiada guna kalau akhirnya orang yang datang sini balik ke negara mereka dan sebarkan *image* yang buruk tentang Sabah.

Jadi, Tuan Speaker selain daripada itu, saya nak sentuhkan tentang pendidikan. Saya ingin memohon agar kerajaan membuka lebih banyak lagi tawaran kursus latihan dan pendidikan berkaitan dengan *oil and gas*, *the higher learning institute* di Sabah seperti UMS dan MARA. Ramai antara *high skill workers* di dalam bidang industri dan *oil and gas* ini, saya tengok datang dari luar. Luar Sabah, kena *import*. Manakala, belia kita sendiri habis SPM, tiada kerja.

Tuan Speaker, saya harap boleh banyakkkan kursus teknikal, *skill* dan sebagainya di Sabah supaya belia kita habis SPM, tidak payah pergi jauh untuk belajar. Tuan Speaker, lepas *graduate* murid terus dapat kerja di dalam Sabah juga, boleh sambung, boleh sumbang untuk membangunkan pembangunan Sabah. Ini penting sebab sekarang *this* bawah hala tuju “Sabah Maju Jaya” kita sedang rancak maju ke hadapan dengan jumlah *investment* yang tinggi kita dapat. Saya harap ini juga bermaksud anak-anak Sabah yang akan dapat peluang pekerjaan ini.

Jadi, untuk memenuhi *demand skill*, *skill worker* di sini. Kita sepatutnya *train* dan *educate* anak-anak Sabah kita sendiri untuk memenuhi *job demand* ini. Anak-anak kita pun ada kerja, yang ada gaji, yang bagus. Jadi, Tuan Speaker, sebelum saya akhiri perbahasan saya, saya ingin ambil peluang untuk ucapkan kepada semua Ahli Dewan di sini yang beragama Kristian, *Merry Christmas and Happy New Year*, sekian terima kasih. Karamunting minta menyokong.

Tuan Speaker: Terima kasih Yang Berhormat Karamunting kerana berbahas mengikut masa yang diberikan. Malahan belum sampai masa pun dia sudah berhenti. Sebelum saya memanggil pembahas seterusnya, saya ingin mengucapkan selamat datang kepada pelajar-pelajar UMS dan pengiringnya yang sedang berada mengikuti persidangan kita. Saya ucapkan selamat belajar. Dengan itu, saya menjemput Yang Berhormat Melalap. Dia lama sudah menunggu dia bilang. Dua belas minit juga ya.

Datuk Peter Anthony [Melalap]: Terima kasih, Datuk Speaker. Salam hormat, Salam Malaysia Madani. Tuan Speaker, terima kasih kerana memberi peluang kepada Melalap untuk turut serta berucap dan ah, dalam Bajet 2024. Seterusnya, menyuarakan permasalahan di kawasan Tenom, Melalap khasnya.

Datuk Speaker, dikala kawasan-kawasan lain daripada Sipitang, Papar, Tuaran, seterusnya ke Ranau, ke Tawau, Sandakan, begitu sibuk dengan pembangunan terutamanya Pan Borneo. Di kawasan saya Datuk Speaker, di mana kedudukan jalan daripada Tenom menuju ke Keningau masih menggunakan jalan British yang dibina beberapa puluh tahun yang lalu. Malahan, saya lihat peruntukan untuk menaik taraf jalan ini daripada Tenom ke Keningau ini juga ,seperti tidak dimasukkan di dalam bajet pada kali ini.

Datuk Speaker dan untuk makluman yang mulia ini, jalan keningau ah, jalan Tenom ke Keningau merupakan satu jalan yang begitu padat, begitu sibuk pada ketika ini. Pengguna bukan sahaja daripada Brunei, daripada Beaufort, daripada Labuan, Sipitang menuju ke Keningau dan ada juga yang menggunakan jalan ini untuk pergi ke Tawau seterusnya ke Sandakan dan kawasan-kawasan lain. Sepatutnya Datuk Speaker, jalan ini pernah dicadangkan untuk dinaik taraf kepada dua jalan. Kemalangan sering berlaku di kawasan ini, terutama apabila sahaja kawasan ini mendaki daripada Tipoh sehinggalah ke Keningau kita lihat. Kita nampak jalan ini bukan sahaja digunakan oleh pembawa ataupun lori-lori sawit begitu juga dengan hasil-hasil pertanian yang begitu sibuk menggunakan jalan tersebut.

Saya berharap supaya Kerajaan Negeri di bawah Jabatan Kerja Raya dapat mempertimbangkan peruntukan ataupun pembinaan. Sekurang-kurangnya jalan untuk mendaki tersebut diberikan kedudukan satu *line* untuk memotong. Oleh kerana di sini lah selalu berlaku kemalangan, bila sahaja ada kereta atau kenderaan yang tidak boleh menaiki bukit-bukit tersebut. Maka, di sana lah akan berlaku kemalangan yang begitu teruk dan mengakibatkan kemalangan seterusnya meragut nyawa baru-baru ini.

Datuk Speaker, saya juga ingin menyatakan sedikit sebanyak melibatkan konsesi iaitu konsesi bukan sahaja kemungkinan di kawasan saya. Tetapi, pada ketika ini

konsesi-konsesi yang dilantik oleh kerajaan ini kebanyakan kualiti-kualiti yang ditunjukkan oleh mereka jauh lagi baik daripada yang sepatutnya kita inginkan.

Saya masih ingat semasa saya menjawat menteri suatu ketika dahulu. Saya lawat semua kawasan Datuk Speaker. Saya pergi ke Sandakan, saya pergi ke Tawau, saya pergi ke semua kawasan dan saya menyatakan, meminta pandangan daripada semua agensi termasuk penguatkuasa-penguatkuasa daripada JKR dan saya nyatakan kepada mereka, konsesi ini berapa peratusan, konsesi itu berapa peratusan dan kebanyakan peratusan yang kita dapati daripada mereka ini cuma kurang daripada tiga, lima, paling tinggi empat, lima dan saya pernah buat keputusan supaya kontraktor-kontraktor tersebut kalau tidak boleh ditamatkan, dikurangkan kerja-kerja yang telah diberikan kepada mereka. Rungutan daripada masyarakat.

**28/11/2023- RAKAMAN 24 [1:50 TENGAH HARI - 2:00 PETANG] - [NABILA] -
RAMENAH - EZURA**

Datuk Peter Anthony [Melalap]: ...terutama di kawasan saya di Melalap. Baru-baru ini, berlaku kemalangan, patah kaki, patah pinggang, disebabkan ingin pergi memotong getah di waktu pagi. Ini disebabkan jalan tersebut tidak diselenggara dengan baik. Bila kita mengadu kepada agensi JKR di kawasan-kawasan tersebut, ada di antara mereka yang mengatakan tidak ada peruntukan, peruntukan belum sampai. Begitu juga dengan pembinaan jambatan-jambatan di kawasan-kawasan di pedalaman. Sepatutnya kontraktor ini sebelum dilantik mereka mempunyai kapasiti ataupun fasiliti sendiri. Kekuatan syarikat tersebut boleh menampung membina dahulu mana-mana kerja-kerja *emergency*. Mana mungkin satu mungkin menteri pun tahu daripada ucapan semalam menteri menyatakan bahawa ya ada berupa kaedah. Tetapi bagaimana kaedah kita untuk menyelesaikan masalah kontraktor-kontraktor yang bila kita tukul baru datang. Bila kita teriak, baru datang. Ini bukan ke arah kemajuan. Jadi, saya harap Menteri Kerja Raya pun ada di sini, saya berharap supaya satu kaedah. Kalau kontraktor ini tidak begitu *serious* dengan menyelesaikan permasalahan-permasalahan terutama konsesi ini, ambillah tindakan. Kaedah saya suatu ketika dahulu Speaker, saya akan bagi *warning* satu. Kedua, saya akan bagi *warning* dua dan dokumen dan ketiga kita akan potong ataupun bagi menghentikan kontraktor ini. Barulah mereka akan takut, kalau tidak balik-balik begini. Jalan rosak.

Jambatan rosak. Tidak diperbaiki. Alasan peruntukan belum sampai. Sedangkan ini adalah di bidang kuasa kontraktor yang dilantik oleh kerana jumlah yang diberikan kepada ini bukan sikit. Ada yang mencecah bilion. Ratusan juta konsesi. Sepuluh tahun, 20 tahun, 30 tahun diberikan kepada kontraktor-kontraktor ini jadi kalau mereka tidak bersungguh-sungguh ganti dengan kontraktor yang lain. Senarai hitamkan nama mereka oleh kerana saya percaya bukan mereka sahaja yang boleh melaksanakan kerja-kerja tersebut.

Ketiganya, Datuk Speaker, berkaitan dengan keretapi. Hampir satu tahun lebih di kawasan saya, jalan yang menghubungkan daripada Beaufort ke Rayo ke Pangi tidak diperbaiki. Seksyen 122(119). Kedudukan keretapi landasan tergantung. Putus jambatan. Saya terpaksa bergotong-royong dengan orang-orang kampung. Di Pangi dan Rayo. Berapa sangatlah gaji YB, RM16 000 lebih sikit untuk memberi sumbangan dan bantuan. Peruntukan pun tiada. Itu tidak masalah bagi saya. Tapi sepatutnya untuk kita maju bersama dengan kemudahan pembangunan yang begitu pesat terutama di kawasan-kawasan Pantai Barat, Pantai Timur. Bagilah, juga masyarakat di kawasan Tenom. Sekurang-kurangnya kalau tidak mahu buat. Jalan begitu dengan baik. Sambunglah jalan tersebut oleh kerana saya percaya, pembinaan keretapi ataupun landasan tersebut bukan banyak pun. Sikit, bukan bilion-bilion. Dia cuma memerlukan beberapa peruntukan untuk menyelesaikan masalah ini. Selain daripada itu, Datuk Speaker. Saya juga amat sedih disebabkan suatu ketika dahulu bagi kebajikan orang-orang kampung yang begitu susah. Di kawasan saya, saya pernah arahkan diletakkan satu IT. IT ini untuk makluman Dewan yang mulia ini adalah seperti kotak kereta kecil. Yang boleh memuatkan dua tiga orang. Dan kita letakkan di kawasan Pangi tersebut untuk *emergency*. Oleh kerana perkhidmatan keretapi ini akan automatik berhenti pada pukul enam dan kita letakkan satu IT tempat tersebut bagi kegunaan orang-orang kampung. Kalau ada sakit, kalau ada ingin bersalin dan sebagainya. Bolehlah digunakan IT tersebut. Malangnya Datuk Speaker, IT tersebut telah ditarik balik. Telah disimpan di stor saya dimaklumkan. Daripada digunakan kepada orang-orang, masyarakat di kampung. Saya mohon di Dewan yang mulia ini, supaya kalau tidak boleh diberikan perkhidmatan tersebut saya rela potong gaji saya. Supaya dikembalikan IT tersebut di kawasan Pangi bagi kegunaan masyarakat.

Datuk Speaker, saya juga ingin menyentuh sedikit sebanyak melibatkan jalan di kawasan Kimanis sehingga ke Keningau. Kedudukan jalan pada ketika ini begitu teruk. *Maintenance* yang menyelenggara jalan tersebut sangatlah teruk. Kedudukan parit-parit tidak diselenggara dengan baik menyebabkan air melimpah ke kiri dan kanan. Dan sekiranya kedudukan ini tidak ditangani dengan baik Datuk Speaker, kita akan menghadapi kerugian begitu teruk. Sekurang-kurang ada *resurface* kedudukan tersebut. Jadi, saya harap oleh kerana ini adalah jalan utama bagi kami, saya mohon kepada Yang Berhormat Menteri JKR supaya dapat memberi sedikit peruntukan ataupun menyelesaikan masalah ini oleh kerana inilah jalan utama pada ketika ini. Begitu juga dengan kedudukan...

Tuan Speaker: Mula gulung, ya.

Datuk Peter Anthony [Melalap]: Begitu juga dengan kedudukan jambatan. Kalau kita turun daripada Crocker, ada jambatan untuk ini dia terlalu sempit. Jadi di sana telah berlaku banyak kemalangan. Kalau boleh menteri, besarkan sedikit kawasan tersebut untuk memudahkan kadang-kadang ada kenderaan yang terputus *break* dan sebagainya yang terpaksa terjun di sungai disebabkan kedudukan jambatan tersebut agak kecil. Jadi, oleh kerana Datuk Speaker, sudah suruh saya gulung sebenarnya banyak lagi Datuk Speaker, yang ingin saya nyatakan di sini tapi...

Tuan Speaker: Saya suruh gulung, bukan saya suruh berhenti.

Datuk Peter Anthony [Melalap]: Okey. Jadi, saya ingat selain daripada itu. Banyak lagi ingin saya nyatakan di sini, Datuk Speaker. Tapi tidak apalah oleh kerana Datuk Speaker pun suruh saya gulung. Saya gulung. Jadi, saya harap daripada Kementerian JKR tolonglah agar dapat diambil tindakan apa-apa yang telah saya nyatakan tadi dan mudah-mudahan semua kerja-kerja ini dapat diselesaikan dengan secara baik. Jadi, Datuk Speaker. Saya ingin berpantun pada hari ini.

Tuan Speaker: Silakan.

Datuk Peter Anthony [Melalap]:

Si anak itik si anak angsa,

Mari bertelur di tanah merah;

*Apa guna memilih bangsa,
Sama-sama berdarah merah.*

Kupas-kupas menjadi benang,
Sudah benang menjadi kain;
Yang lepas janganlah dikenang,
Kita sama-sama cari *team* lain.

Jadi, saya juga ingin mengambil kesempatan ini untuk mengucapkan Selamat Hari Krismas. Selamat Tahun Baru. Mudah-mudahan, kita semua diberkati. Kalau ada tersilap dan salah saya selama saya menjadi wakil rakyat dalam tahun ini, saya mohon ampun dan maaf. Mudah-mudahan, kita semua diberkati. Melalap mohon menyokong. Terima kasih, Datuk Speaker.

Tuan Speaker: Terima kasih, Melalap. Pantun pertama itu, mencabar. Pantun kedua itu, merayu. Terima kasih.

Sekarang saya jemput ADUN yang Dilantik YB. Datuk Jaffari Waliam.

12 minit juga.

Datuk Jaffari bin Wiliam [ADUN Dilantik]: Terima kasih, Datuk Speaker. Datuk Speaker dan Ahli-ahli Yang Berhormat sekalian.

Assalamualaikum WBT, salam sejahtera dan salam Sabah Maju Jaya. Alhamdulillah, bersyukur kepada Allah SWT dengan limpah dan kurnianya, saya dapat berdiri di dalam Dewan yang mulia ini untuk sama-sama dalam perbahasan Belanjawan Negeri Sabah tahun 2024. Tidak lupa juga kepada Datuk Speaker, diucapkan ribuan terima kasih kerana memberi saya ruang dalam sesi perbahasan pada hari ini.

Terlebih dahulu, saya ingin merakamkan setinggi-tinggi tahniah dan syabas kepada YB Datuk Seri Panglima Haji Masidi selaku Menteri Kewangan Sabah di atas kejayaan memandangkan Belanjawan Negeri Sabah 2024 pada 24 November 2023 yang lalu.

Datuk Speaker, kita telah mendengar Pembentangan Belanjawan Negeri Sabah 2024 di mana Kerajaan Negeri mencadangkan, satu anggaran perbelanjaan perbekalan sebanyak RM5.701 bilion dengan anggaran hasil negeri sebanyak RM5.537 bilion...

28/11/2023- RAKAMAN 25 [2:00 PETANG – 2:10 PETANG] - [JULIAN] - THEODORA - NADA

Datuk Jaffari bin Waliam [ADUN Dilantik]: ... ini bermakna Belanjawan 2024 merupakan satu belanjawan lebih lebihan sebelum ini. Keadaan ini telah membuktikan bahawa kerajaan Gabungan Rakyat Sabah GRS PH Plus, di bawah kepimpinan Yang Amat Berhormat Datuk Seri Panglima Haji Hajiji Haji Noor, Ketua Menteri Sabah, telah berada di landasan yang tepat dengan hala tuju yang amat jelas dalam pertumbuhan ekonomi yang semakin meningkat dan terus meningkat pada masa akan datang, insya-Allah, Amin.

Datuk Speaker, tema Belanjawan 2024 “Sabah Teguh Rakyat Terbela” amat bertepatan dengan slogan Sabah Maju Jaya. Belanjawan ini adalah belanjawan yang tertinggi pernah dibentangkan dalam sejarah negeri ini, syabas dan tahniah saya ucapkan sekali lagi, di atas segala komitmen semua pihak yang terlibat dalam kadar peningkatan kadar ekonomi negeri ini. Ramai rakyat di luar sana yang amat ternanti-nanti dalam belanjawan yang telah dibentangkan ini. Kerajaan Negeri Sabah juga melalui Belanjawan 2024 ini, telah memastikan setiap lapisan masyarakat menerima kebaikan dan impak, di mana belanjawan ini dirangka khusus demi membela kesejahteraan hidup rakyat melalui pelaksanaan program pembangunan yang berterusan. Sesungguhnya Yang Amat Berhormat Ketua Menteri Sabah, sentiasa mendengar rintihan rakyat negeri ini tanpa mengira ideologi atau fahaman politik. Saya mendoakan agar kepimpinan Yang Amat Berhormat Ketua Menteri terus maju ke hadapan demi kemakmuran ekonomi negeri Sabah.

Datuk Speaker, seperti yang kita sedia maklum, dalam Belanjawan 2024 kali ini mempunyai matlamat strategi perbelanjaan. Antaranya ialah membangun pemboleh daya bagi menyokong pembangunan ekonomi yang meliputi infrastruktur dan asas serta kemudahan awam. Di atas perkara ini saya ingin membangkitkan beberapa isu yang telah disuarakan oleh rakyat khususnya di daerah Sandakan bagi kawasan

N.50 DUN Gum-Gum. Antara isu ingin saya bawa adalah berkaitan dengan masalah jalan menuju naikkan batu 33 ke batu 32 ke Sandakan, lebih kurang dalam 200 meter panjang. Untuk makluman sidang Dewan yang mulia ini, jalan ini adalah menjadi laluan utama untuk semua pengguna yang ingin ke Sandakan, ke Kinabatangan, Lahad Datu dan lain-lain. Namun sayang jalan ini sering mengalami kerosakan setelah beberapa bulan dibaiki oleh pihak konsensi yang telah dilantik. Saya mohon mencadangkan mencadangkan agar jalan ini dapat ditukar kepada jalan konkrit, memandangkan ianya lebih sesuai dan tahan untuk jangka masa yang panjang berbanding aspal.

Untuk makluman kepada media sosial yang sering kali memainkan peranan menimbulkan isu-isu yang sentiasa menyalahkan Kerajaan Negeri terutamanya isu jalan. Di sini saya ingin memaklumkan bahawa saya memohon kepada pihak Jabatan Pengangkutan Jalan negeri ini, agar dapat pergiatkan lagi operasi pemeriksaan bagi kenderaan berat agar had muatan ditetapkan dapat dipatuhi bagi mengelakkan kerosakan ke atas jalan ini, kerana lori yang membawa muatan melebihi had adalah salah satu faktor penyumbang kepada kerosakan jalan raya, bukan salah Kerajaan.

Datuk Speaker, selain daripada itu juga saya ingin menyuarakan kebimbangan pengguna jalan raya yang menggunakan laluan utama Batu 8 hingga ke Batu 32, terutamanya pada waktu malam. Saya mendapat aduan daripada masyarakat-masyarakat di kawasan Gum-Gum tentang masalah lampu jalan. Saya sendiri melihat keadaan lampu jalan pada waktu malam, bagi kawasan Gum-Gum dari Batu 8 hingga ke Batu 32 hanya dalam lebih kurang 40 tiang lampu yang masih menyala dan selebihnya tidak berfungsi. Keadaan ini menyukarkan pengguna terutamanya apabila melalui jalan ini ketika hujan lebat. Oleh itu saya ingin mencadangkan kepada Kementerian dan agensi kerajaan yang terlibat agar menukar lampu-lampu jalan ini kepada lampu solar untuk keselesaan pengguna selain dapat menjimatkan kos yang akan ditanggung oleh pihak PBT. Keselamatan pengguna juga perlu diambil perhatian.

Datuk Speaker, dengan kesempatan ini juga saya mengucapkan ribuan terima kasih kepada Timbalan Ketua Menteri III Merangkap Menteri Kerja Raya Negeri Sabah Yang Amat Berhormat Datuk Shahelmey bin Yahya kerana dapat

menyelenggarakan jalan utama antaranya, Batu 30, Batu 28, 24 dan Batu 16. Bulatan Batu 11 dari aspal ditukar kepada konkrit dan begitu juga Batu 9 terutamanya jalan utama ke bandar Sandakan. Tidak lupa juga kepada semua Menteri dan Pembantu Menteri yang terlibat dalam pembangunan kemajuan DUN N.55 Gum-Gum khususnya daerah Sandakan.

Datuk Speaker, sebelum saya mengakhiri ucapan perbahasan saya, saya ingin merakamkan setinggi-tinggi ucapan terima kasih kepada Yang Amat Berhormat Ketua Menteri Sabah dan juga Yang Amat Berhormat Menteri Kewangan Sabah di atas komitmen untuk membangunkan Sabah melalui bajet yang telah dibentangkan yang memenuhi inspirasi rakyat negeri ini. Harapan kami dengan pelaburan yang berimpak tinggi ini, akan dapat mengurangkan kadar pengangguran anak muda yang ada di negeri ini. Terima kasih juga saya ucapkan, kerana melalui Bajet 2024 Kerajaan Negeri telah meneruskan program pembinaan rumah MESRA SMJ untuk membantu mereka yang sudah berkeluarga, namun tidak mampu untuk memiliki kediaman yang selesa. Alhamdulillah, satu inisiatif yang mampu membantu golongan yang amat memerlukan dan tidak pernah dibuat oleh Kerajaan sebelum ini.

Datuk Speaker, dengan kesempatan ini saya ingin mengucapkan kepada Ahli-ahli Yang Berhormat serta rakyat yang beragama Kristian, Selamat Menyambut Hari Krismas dan kepada seluruh rakyat Sabah yang dikasihi, Selamat Tahun Baharu 2024. Datuk Speaker, saya mohon menyokong. Terima kasih.

Tuan Speaker: Terima kasih, Yang Berhormat ADUN Dilantik Datuk Jaffari Waliam. Sekarang saya jemput Yang Berhormat daripada Pantai Manis. 12 minit juga ya.

Tuan Mohd Tamin @Tamin bin Zainal [Pantai Manis]: Terima kasih, Datuk Speaker. Bismillahirrahmanirrahim, assalamualaikum warahmatullahi wabarakatuh, salam sejahtera. Terlebih dahulu izinkan saya merakamkan setinggi-tinggi penghargaan dan ucapan terima kasih atas kesempatan yang diberikan kepada saya untuk mengikuti perbahasan usul Belanjawan Negeri Sabah Tahun 2024 yang dibentangkan oleh Yang Berhormat Datuk Seri Panglima Haji Masidi Manjun, Menteri Kewangan Sabah bertemakan “Sabah Teguh Rakyat Terbela”, yang bermatlamat untuk menjamin kesejahteraan hidup rakyat, melalui pelaksanaan program pembangunan secara inklusif dan berterusan.

Saya ingin merakamkan ucapan setinggi-tinggi tahniah dan syabas kepada Kerajaan Negeri Sabah atas pembentangan bajet tersebut. Ini menunjukkan bahawa negeri Kerajaan Negeri amat prihatin dengan keluh-kesah rakyat di negeri ini, khususnya yang melibatkan isu jaringan infrastruktur dan kemudahan asas yang seolah-olah tiada berkesudahan.

Keprihatinan Kerajaan Negeri ini dapat dilihat menerusi tumpuan yang diberikan kepada penyelenggaraan jaringan infrastruktur dan kemudahan asas yang sedia ada bagi memastikan jalan raya, sistem perparitan, kemudahan bekalan air dan letrik serta bangunan-bangunan awam dapat berfungsi dengan baik. Sehubungan dengan itu, Kerajaan Negeri telah pun memperuntukkan dana terbesar dalam Belanjawan 2024. Justeru itu pada kesempatan ini, ingin saya menyampaikan beberapa cadangan dan rungutan rakyat di daerah Papar, berhubung dengan kemudahan asas sedia ada. Isu-isu ini saya ajukan bagi mewakili rakyat di kawasan saya, bagi memastikan kesejahteraan dan keselesaan mereka terjaga.

Tuan Speaker, sebelum saya bahas dengan lebih terperinci, izinkan saya mentafsirkan maksud kemudahan asas. Menurut Kamus Dewan kemudahan asas boleh didefinisikan sebagai kemudahan utama seperti jalan raya, bekalan letrik, air dan sebagainya.

28/11/2023- RAKAMAN 26 [2:10 PETANG – 2:20 PETANG] - [SAFWAN] - MOHELENA - HADINIE

Tuan Mohd Tamin @Tamin bin Zainal [Pantai Manis]: ...apabila kita melihat kepada senario berhubung dengan keperluan asas di Pekan Papar pada masa ini, terdapat isu-isu signifikan yang telah memberi dampak negatif kepada masyarakat setempat dan ianya memerlukan perhatian, pertimbangan dan peruntukan dana bagi tujuan penambahbaikan kemudahan asas yang sedia ada. Antara keluh resah yang sering meniti di bibir, ke bibir rakyat berhubung kemudahan asas adalah lampu jalan, yang kebanyakannya tidak menyala terutamanya di Pekan Papar. Berdasarkan aduan penduduk setempat, hanya separuh sahaja lampu jalan di sepanjang jambatan Papar menuju ke kedai, Kampung Benoni yang masih menyala. Manakala, separuh lagi tidak berfungsi. Masalah ini bukan sahaja mendatangkan ketidak-

selesaian kepada penduduk setempat, tetapi ianya dikhuatiri akan membahayakan keselamatan pengguna jalan raya yang menggunakan laluan tersebut.

Isu kedua yang ingin saya bangkitkan di Dewan yang mulia ini adalah berhubung dengan keperluan kerja-kerja pembersihan dan penjagaan seperti longkang dan sistem perparitan di kawasan sekitar Pekan Papar. Ianya perlu dilaksanakan secara berkala terutama di sekitar premis Bank Simpanan Nasional, di kawasan-kawasan perumahan kos rendah dan kawasan persekitaran kampung. Hal ini disebabkan sistem perparitan sedia ada banyak yang telah tersumbat alirannya dan banyak yang telah rosak. Seperti yang kita sedia maklum, masalah seperti sistem perparitan yang tersumbat akan menimbulkan pelbagai masalah seperti bau yang tidak menyenangkan dan perkara-perkara ini berpotensi untuk menjadi tempat pembiakan nyamuk Aedes.

Sekiranya tidak diselenggara, dikhuatiri ianya boleh menjejaskan alam sekitar serta mengancam kesihatan kepada penduduk setempat. Bukan itu sahaja, malah ianya juga boleh menjadi punca banjir dan melimpahnya air hujan di atas jalan raya apabila tibanya masa musim hujan. Oleh itu, saya memohon agar kerajaan cakna dan dapat menyediakan dana agar kerja-kerja pembersihan dan penyelenggaraan dapat dilaksanakan dengan kadar segera.

Datuk Speaker, isu kemudahan asas lain tidak kurang pentingnya adalah kemudahan tandas awam yang kotor. Berdasarkan aduan yang diterima, kebersihan tandas awam khususnya di hadapan Sekolah Kebangsaan Pekan Papar berada dalam keadaan yang kurang memuaskan. Masalah tandas kotor ini secara tidak langsung telah mengganggu keselesaan pengguna yang mana ianya boleh memberi imej negatif bukan sahaja kepada masyarakat tempatan, tetapi kepada para pelancong yang datang berkunjung ke negeri ini.

Saya juga ingin membahas berhubung garis petak tempat meletak kenderaan di kawasan pekan. Apabila diperhatikan, sebahagian cat garisan petak tersebut telah pun pudar. Oleh itu, saya mencadangkan agar ianya di cat semula dan memudahkan para pemilik kenderaan meletakkan kenderaan mereka di tempat yang betul. Begitu juga dengan pasar am Papar, yang banyak kerosakan dan perlu pembaikan dan naik taraf untuk keselesaan para peniaga.

Isu kemudahan asas lain yang juga dilihat signifikan adalah kemudahan jalan raya. Antara rungutan yang saya terima dari rakyat dari negeri, di daerah ini adalah keadaan aspal di laluan yang menghala dari Kampung Takis ke Hospital Papar banyak yang telah rosak dan berlubang. Untuk makluman Tuan Speaker, laluan ini merupakan salah satu laluan alternatif yang sering digunakan oleh kereta ambulan untuk membawa pesakit.

Saya juga memohon agar kerja-kerja penurapan semula laluan sepanjang 4.5km iaitu dari Pekan Papar ke Pantai Manis dilaksanakan dengan kadar segera memandangkan terdapat juga rungutan berkaitan dengan kerosakan di laluan berkenaan. Manakala kerja-kerja penurapan jalan bagi kawasan ... (sebutan kurang jelas) juga perlu dilaksanakan. Untuk makluman sidang Dewan yang mulia ini, jalan ini merupakan laluan alternatif bagi mengurangkan kesesakan lalu lintas yang menuju ke Pekan Papar sementara menunggu Projek Bina Baru Pan Borneo dan *Flyover* Benoni masih dalam proses pembinaan.

Sehubungan dengan itu, saya mohon agar kerja-kerja naik taraf jalan raya segera dilaksanakan memandangkan kerajaan telah memperuntukkan dana sebanyak RM767.01 juta bagi Projek Infrastruktur Kecil serta penyelenggaraan jalan raya dan jambatan di bawah konsesi yang telah dilantik.

Datuk Speaker, selain daripada menaikkan taraf kemudahan asas sedia ada, saya juga ingin mengusulkan cadangan pembinaan Kompleks Sukan di Daerah Papar. Cadangan ini telah pun diusulkan dalam Mesyuarat Peringkat Tindakan Daerah dan tanah telah tersedia dan telah dilawat oleh pihak kementerian. Pembinaan sebuah Kompleks Sukan ini adalah bertujuan bagi memastikan Daerah Papar ini memiliki sebuah kemudahan infrastruktur dan fasiliti sukan bagi menggalakkan lebih ramai golongan belia terlibat dalam aktiviti sihat selain dapat melahirkan lebih ramai para atlet dari daerah ini pada masa akan datang.

Saya juga ingin mempersoalkan kelulusan berkaitan Projek Tebatan Banjir di Kampung Kuala Papar yang mana ianya telah diluluskan oleh mantan Menteri Alam Sekitar dan Air Malaysia, Yang Berhormat Datuk Seri Ustaz Haji Tuan Ibrahim Tuan Man bersempena lawatan beliau bersama Kementerian, JPS, JKR, dan Pejabat Daerah Papar pada tahun 2022. Untuk makluman Datuk Speaker, Kerajaan

Persekutuan telah pun memperuntukkan sebanyak RM34 juta bagi melaksanakan projek tempatan banjir untuk menangani masalah banjir di daerah ini dan kawasan sekitarnya bermula awal tahun 2023 dan dijangka siap pada tiga tahun akan datang.

Skop projek yang akan dilaksanakan adalah dengan membina struktur pantai dan struktur perlindungan hakisan sebanyak 1,150 meter di Kampung Kuala Dalam. Projek ini akan dijalankan dengan melakukan kerja-kerja pembersihan tapak, kerja “pengurikan”, penambakan tanah, pembinaan struktur kawalan dan hakisan pantai telah mendalam muara Sungai Papar. Namun begitu, projek ini masih belum dimulakan. Oleh itu saya mohon agar projek ini mendapat kelulusan sepenuhnya untuk melaksanakan dalam jangka masa terdekat bagi membendung masalah banjir yang dihadapi oleh penduduk Papar.

Datuk Speaker, isu lain yang ingin saya bahaskan pada hari ni juga adalah berhubung dengan pengoperasian Riverfront. Untuk makluman Tuan Speaker, Riverfront merupakan kawasan yang dibangunkan di bawah seliaan Majlis Daerah Papar dan mula dibina pada tahun 2013 di pinggir Pekan Papar. Pengoperasian Riverfront ini sememangnya lebih banyak manfaat kepada penduduk di daerah ini melalui aktiviti perniagaan. Ini kerana ianya berpotensi menyumbang kepada sektor ekonomi, kepada penduduk setempat, selain mewujudkan lebih banyak peluang Kerajaan. Namun begitu, penularan wabak Pandemik COVID-19 telah menyebabkan aktiviti di kawasan terhenti beroperasi dan sehingga kini tiada makluman atau pemberitahuan berhubung bilakah waktu pengoperasiannya akan diteruskan semula.

Sehubungan dengan itu, saya ingin mengusulkan agar aktiviti di Riverfront ini sambung pengoperasiannya dalam masa terdekat bagi membantu golongan peniaga kembali aktif berniaga. Sememangnya, aktiviti peniaga di Riverfront ini bukan sahaja dapat menyediakan peluang pekerjaan kepada masyarakat setempat tapi juga boleh menjadi destinasi tarikan pelancong yang secara tidak langsung dapat menyumbang kepada pertumbuhan ekonomi di negeri ini.

Datuk Speaker, seperti yang kita sedia maklum, Negeri Sabah kaya dengan hasil bumi khususnya arang batu. Oleh itu saya ingin mencadangkan...

Tuan Speaker: (Mencela) Mula gulung ya.

Tuan Mohd Tamin @Tamin bin Zainal [Pantai Manis]: ...agar arang batu digunakan sebagai bahan penjana tenaga elektrik di negeri ini. Walau bagaimanapun, sumber tersebut perlu diurus secara berkesan bagi mengoptimumkan penghasilan sumber hasil negeri. Berdasarkan Panduan Statistik Negara, Tenaga Malaysia 2021, setakat 31 Disember 2020, laporan berkenaan sumber tenaga arang batu di Sabah, kapasiti jana kuasa arang batu masih belum tersedia. Tidak seperti di Semenanjung Malaysia yang telah dibangunkan sebanyak 12 180 Mega-Watt dan Sarawak 1103.9 Mega-Watt. Statistik ini menunjukkan bahawa Sabah masih jauh ketinggalan dari segi penggunaan arang batu sebagai sumber jana kuasa elektrik. Walau bagaimanapun, Laporan Aktiviti Perolehan Sumber Mineral 2021 yang dijalankan oleh **kompedium** menunjukkan bahawa rezab arang batu di Sabah mempunyai anggaran rezab berjumlah 1 562 150 000 tan metrik yang bernilai RM94 460 bilion. Dalam erti kata lain, Sabah mempunyai sumber arang batu sendiri dan kapasiti loji dan jana kuasa yang boleh dibangunkan lebih dari 1,000 Mega-Watt.

Sehubungan dengan itu, saya mencadangkan penggunaan arang batu sebagai sumber jana kuasa elektrik memandangkan arang batu merupakan pilihan alternatif paling murah untuk penjanaan kuasa elektrik. Dengan itu rakyat dapat menikmati kadar tariff elektrik yang rendah. Mengambil kira justifikasi ini, maka adalah...

28/11/2023- RAKAMAN 27 [2:20 PETANG - 2:30 PETANG] - [ROHANI] - JUDE - EZURA

Tuan Mohd Tamin @Tamin bin Zainal [Pantai Manis]: ...wajar jika arang batu dimanfaatkan seoptimumnya mungkin bagi menjana elektrik di negeri ini. Namun itu, pembinaan loji jana kuasa yang menggunakan arang batu di Sabah bagi menjana tenaga elektrik masih lagi belum dimuktamadkan oleh Kerajaan Negeri. Oleh itu, saya ingin menekankan agar usul ini diberi pertimbangan sewajarnya.

Tuan Speaker: Walau apa pun, gulung.

Tuan Mohd Tamin @Tamin bin Zainal [Pantai Manis]: Datuk Speaker, sebelum akhiri perbahasan saya ini, saya mengambil kesempatan untuk mengucapkan

Selamat Hari Natal dan Selamat Tahun Baru 2024 pada semua Ahli-ahli Yang Berhormat.

Akhir kata, saya berkeyakinan bahawa usul yang saya bawa bagi mewakili suara dari rakyat Papar berkenaan menaik taraf infrastruktur dan keperluan asas tersebut mampu merealisasikan inspirasi Kerajaan Negeri selaras dengan tema Belanjawan 2024, iaitu “Sabah Teguh, Rakyat Terbela” yang bermatlamat untuk menjamin kesejahteraan hidup rakyat melalui pelaksanaan program pembangunan secara inklusif dan berterusan. Tuan Speaker, saya mohon menyokong. Sekian, terima kasih.

Tuan Speaker: Terima kasih, Pantai Manis. Sekarang, saya menjemput ADUN nombor satu daripada Banggi, N.1.lah, 12 minit juga ya.

Tuan Mohammad bin Mohamarin [Banggi]: Terima kasih, Datuk Speaker. Assalamualaikum waramahtullahi wabarakatuh, salam sejahtera, salam Sabah Maju Jaya, salam Malaysia MADANI. Datuk Speaker, terima kasih atas kesempatan yang diberikan kepada saya berbahas sama berkaitan Belanjawan Negeri Sabah 2024 yang telah dibentangkan oleh Datuk Seri Panglima Menteri Kewangan Sabah pada 24 November 2023 yang lalu.

Saya ingin merakamkan ucapan syabas dan tahniah kepada khasnya, Datuk Seri Panglima Menteri Kewangan dan Datuk Seri Panglima Ketua Menteri serta amnya kepada Kerajaan Negeri Sabah atas kejayaan merencana Belanjawan Negeri Sabah 2024 dengan tema “Sabah Teguh, Rakyat Terbela” dengan jumlah perbelanjaan sebanyak RM 5.701 bilion kepada semua Kementerian termasuk Jabatan Ketua Menteri.

Saya fikir rakyat Sabah di luar sana teruja dengan belanjawan ini dan berharap benar dapat membela nasib mereka. Mudah-mudahan kerajaan ini melalui Menteri dan juga semua pelaksana dasar Kerajaan terus cemerlang membanting kudrat agar pada tahun-tahun mendatang peruntukan belanjawan akan terus meningkat. Tuan Speaker, sejajar dengan matlamat dan strategi Belanjawan 2024 yang juga mengutamakan pemerkasaan modal insan berpengetahuan, berkemahiran dan kerohanian yang tinggi khasnya bagi generasi muda.

Maka, saya mencadangkan agar sudah tiba masanya Kerajaan Negeri melalui Kementerian bertanggungjawab membuka lembaran baharu dengan mewujudkan dan memperbanyakkan hab pendidikan berkualiti yang berkonsepkan penerokaan dan pembangunan kekayaan yang ada di negeri Sabah seperti alam marin, minyak dan gas, pelancongan, kebudayaan, masyarakat Sabah selain masih menerapkan teknologi digital dan sains. Selain membuka ruang kepada anak tempatan meningkatkan kualiti diri dengan ilmu pendidikan baharu. Ianya juga akan menjana ekonomi setempat dengan kehadiran pelajar-pelajar antarabangsa dan kemasukan pelabur dalam sektor pendidikan.

Hab pendidikan ini akhirnya mampu meningkatkan lagi sumber tenaga kerja tempatan yang berkemahiran. Datuk Speaker, mewakili masyarakat di kawasan saya, kami menyambut baik dan menyokong penuh belanjawan ini dengan harapan, kawasan saya, Pulau Banggi tidak ketinggalan mendapat tempas peruntukan melalui Belanjawan tahun 2024 kerana sepanjang tahun 2023, kawasan ini belum lagi mendapat peruntukan yang besar sama seperti bertahun lamanya sebelum ini, yang boleh memberikan impak kepada sama ada pembangunan infrastruktur atau pembangunan ekonomi rakyat dari mana-mana kementerian yang ada di negeri ini.

Adalah mendukacitakan bila mana saban tiba hari Persidangan DUN, wakil rakyat sebelum ini atau semasa saya sendiri selaku suara akar umbi, membentangkan sekian rentetan isu dan juga masalah rakyat serta cadangan tetapi kementerian-kementerian berkaitan tidak mengambil tindakan susulan dan menyalurkan sekian jumlah peruntukan untuk pembangunan kemudahan asas dan program ekonomi rakyat yang berimpak tinggi.

Tuan Speaker, kali ini saya merayu kepada semua barisan para menteri yang budiman, bantulah bangunkan Pulau Banggi kerana saya yakin dan percaya jika Kerajaan Negeri hari ini melalui kementerian-kementerian terlibat memberikan peruntukan wajar pada apa juga bentuk pembangunan. Akhirnya nanti akan memberi dampak yang lebih besar kepada pembangunan ekonomi negeri Sabah secara keseluruhannya.

Penting bagi Kerajaan Negeri meletakkan asas yang kukuh ke atas pembangunan Pulau Banggi bermula sekarang atau dalam beberapa tahun mendatang ini kerana

telah banyak pihak melihat dan meyakini potensi besar pulau ini bukan hanya dalam sektor perindustrian, merangkumi industri berasaskan silika serta minyak dan gas, bahkan termasuk juga dalam bidang pelancongan dan pertanian. Sekali lagi dalam Dewan Yang Mulia ini, saya mengangkat dan menyatakan bahawa Pulau Banggi sangat berpotensi sebagai zon perdagangan bebas digital.

Sepertimana yang pernah dibentangkan oleh Profesor Madya, Dr. Geoffrey dari Universiti Malaysia Sabah, yang bertajuk “Menghapus Kemiskinan Melalui Pintu Gerbang Emas Asia Tenggara” dalam *National Human Capital Conference* pada Julai 2023 yang lalu. Idea beliau ini sememangnya idea yang besar dan sudah tentu bukan mudah untuk dilaksanakan, akan tetapi, jika Kerajaan Negeri bersama agensi-agensi terlibat, serius dan komited. Maka, ianya tidak mustahil untuk dilaksanakan kerana Datuk Speaker, seumpama China Construction Bank (CCB) Cawangan Labuan telah memberikan komitmen dan berupaya menyediakan *bon* hijau, khususnya menerusi dana sepadan serta kemudahan geran sepadan untuk menarik pelaburan asing, pelaburan langsung asing.

Tuan Speaker: Yang Berhormat Bingkor, tumpu pada perbincangan. Terima kasih.

Tuan Mohammad bin Mohamarin [Banggi]: Saya teruskan, Datuk Speaker. Sekiranya berjaya kelak, ianya sudah tentu menjadi pemangkin pertumbuhan ekonomi baharu sekali gus, membuka peluang pekerjaan melalui pelbagai sektor yang bakal dibangunkan kelak. Idea ini mengaitkan data bahawa lapan daripada daerah termiskin di Sabah, tiga daripadanya berada di utara, iaitu Kudat merangkumi Pulau Banggi, Pitas dan Kota Marudu.

Bukti jelas pengenalan industri baharu di Sabah telah dialami apabila 242 kilang di Taman Perindustrian Kota Kinabalu (KKIP) memberikan sekitar 7963 peluang pekerjaan selain industri minyak dan gas di SOGIP membuka 20 000 peluang pekerjaan.

Datuk Speaker, idea Profesor Madya ini jangan pula disalah anggap sebagai pesaing kepada pelabuhan sedia ada yang lain di Sabah kerana negeri-negeri lain di Semenanjung juga mempunyai lebih dari tiga kawasan zon perdagangan dan perindustrian bebas telah berkembang maju.

Kedudukan Pulau Banggi yang terletak di lokasi paling hujung di utara Negeri Sabah dan berkedudukan di pertengahan Laut China Selatan dan Laut Celebes serta dikelilingi oleh negara-negara jiran seperti Filipina, Thailand, Kemboja, Vietnam, Singapura, China dan Indonesia yang berada dalam lingkaran aktif perdagangan, Brunei Darussalam, Indonesia, Malaysia, Philipine *as asian growth area* BIMP-EAGA akan menjadi mercu kejayaan dan kebanggaan Sabah pada masa akan datang.

Tuan Speaker, ringkas perbahasan saya hari ini. Saya akhiri perbahasan dengan dua rangkap pantun.

Di langit biru ada mentari,
Bersinar indah menyinari bumi;
Saya merayu para menteri,
Untuk salurkanlah peruntukan ke Pulau Banggi.

Kembang gula di perigi,
Datang tamu dihidang jamu;
Kepada Ketua Menteri dan Kerajaan Negeri,
...

28/11/2023- RAKAMAN 28 [2:30 PETANG - 2:40 PETANG] - [MOHD. NOOR] - TERESA - NADA

Tuan Mohammad bin Mohamarin [Banggi]: ...
(pantun)

Potensi Pulau Banggi perlu dipacu.

Datuk Speaker, Banggi mohon menyokong. Terima kasih.

Tuan Speaker: Terima kasih, Yang Berhormat Banggi. Tolonglah Menteri-menteri merayu dalam pantun sudah dia tu. Tengok-tengok juga Banggi tu. Sekarang, saya jemput Yang Berhormat Tanjong Kapor. Giliran dia juga ini, 12 minit juga ya.

Tuan Chong Chen Bin [Tanjong Kapor]: Okey. Terima kasih kepada Datuk Speaker kerana memberi ruang dan peluang kepada Tanjong Kapor untuk menyertai perbahasan belanjawan negeri Sabah 2024 yang bertemakan “Sabah Teguh Rakyat Terbela”. Sebelum meneruskan ucapan saya, saya ingin mengalu-alukan kedatangan beberapa sahabat ahli jawatankuasa bahagian saya yang ada bersama-sama dengan kita di dalam Dewan mulia ini pada petang ini.

Datuk Speaker, kawasan saya N.4 Tanjong Kapor, meliputi sebahagian besar untuk area Kudat dengan keluasan 1287 km persegi. Keluasan N.4 jauh lebih besar daripada negeri-negeri Perlis dan juga negara Singapura. DUN Tanjong Kapor juga mempunyai jumlah penduduk lebih daripada 70 000 orang dan jumlah pengundi, lebih kurang 35 000 pengundi berdaftar. Secara ringkasnya, N.4 Tanjong Kapor adalah kawasan DUN yang mempunyai jumlah pengundi yang keenam terbanyak di seluruh Sabah selepas Bugaya, Elopura, Kepayan, Inanam dan Luyang dan merupakan kawasan DUN yang kedua terbanyak pengundinya dalam kategori kawasan luar bandar Sabah.

Saya ingin mengambil kesempatan ini, untuk mengucapkan tahniah dan syabas kepada Lembaga Bandaran Kudat atas kejayaan meraih anugerah sijil penarafan bintang pihak berkuasa tempatan dengan mencapai anugerah lima bintang. LPK juga merupakan PPD nombor satu di Sabah selain turut berjaya meraih antara lima PPD terbaik di Malaysia menerima Anugerah Apresiasi Khas 2022, Bandar Keluarga Bahagia Kudat. Walau bagaimanapun, di samping kejayaan yang penuh bermakna ini, kawasan saya ini masih belum dapat keluar dari status antara sepuluh daerah termiskin di Malaysia. Walaupun, kami mempunyai PPD antara yang terbaik di seluruh negara.

Oleh kerana itu, Datuk Speaker, saya mohon pertimbangan yang sewajarnya daripada Ketua Menteri Yang Amat Berhormat Sulaman, agar dapat meningkatkan lagi peruntukan tahunan kepada LPK dan juga Pejabat Daerah Kudat ataupun kepada ADUNnya. Inisiatif daripada Kerajaan ini akan digunakan untuk membantu lebih ramai rakyat Tanjong Kapor agar dapat keluar daripada kepompong kemiskinan melalui beberapa program yang sedang saya rencanakan. Tidak dapat nafikan bahawa usaha kerajaan negeri untuk membawa pelabur asing ke Sabah

telah membantu orang ramai warga Kudat mendapatkan pekerjaan di syarikat-syarikat ini.

Namun, ia belum cukup untuk mengubah nasib penduduk miskin tegar di kampung yang lain terutama di kawasan persisiran pantai. Selain itu, saya dapati ada banyak jambatan yang perlu diperbaiki dengan segera terutamanya di kawasan persisiran pantai. Keadaan kayunya yang sudah mula reput serta uzur dan agak membahayakan kepada penduduk setempat dan perlu dibaik pulih segera. Jika peruntukan kepada LPK dan Pejabat Daerah Kudat dapat ditambah, saya pasti jambatan kayu ini, akan dapat dinaik taraf kepada jambatan konkrit supaya lebih tahan daripada ancaman air pasang atau ombak.

Saban tahun, Tanjong Kapor, akan dilanda fenomena ombak besar yang kerap mengakibatkan kerosakan rumah-rumah penduduk setempat. Tambah menyedihkan, semalam terdapat dua buah rumah di Taman Lajong Kudat telah roboh dihanyut air laut akibat daripada fenomena ombak besar semalam. Sebab itulah, saya dengan rendah diri amat berharap agar Ketua Menteri atau Menteri Kewangan dapat mempertimbangkan permohonan saya tadi.

Datuk Speaker, saya juga ingin menarik perhatian Kerajaan untuk mempercepatkan pembinaan pelabuhan antarabangsa Kudat. Pembinaan pelabuhan antarabangsa ini bukan sahaja dapat meningkatkan taraf hidup rakyat Kudat, tetapi juga dapat membantu menjana ekonomi yang lebih baik kepada seluruh rakyat negeri Sabah.

Kedudukan Kudat yang sangat strategik untuk menjadikan *transshipment port*, di antara rantau ini. Jadi, jika faktor kos pembinaannya yang pastinya akan tinggi perlu mendapat peruntukan daripada Kerajaan Persekutuan mungkin Kerajaan Negeri boleh usahakan dana tersebut. Kalau tidak cukup juga, izinkan kami mencari pelabur yang sanggup melabur dan menampung kos pembinaannya. Saya yakin dengan pembinaan pelabuhan antarabangsa ini, akan membantu Kudat keluar dari status daerah termiskin. Pembinaan pelabuhan antarabangsa ini pasti akan memberi impak besar ...

Tuan Assaffal bin P. Alian [Tungku]: Datuk Seri Speaker, mohon mencelah.

Tuan Speaker: Ada minta laluan, kalau mahu bagi.

Tuan Chong Chen Bin [Tanjong Kapor]: Saya, aiii, nanti sekejap habis dululah, haa.

Tuan Assaffal bin P. Alian [Tungku]: Okey *settle*. Janji ya.

Tuan Chong Chen Bin [Tanjong Kapor]: Pembinaan pelabuhan pasti akan memberi impak besar terhadap pembangunan dan ekonomi Kudat di samping boleh menyediakan peluang perniagaan dan pekerjaan yang banyak untuk warga Kudat. Pembinaan pelabuhan ini juga pasti akan memberi pulangan yang lumayan kepada Kerajaan Negeri nanti.

Datuk Speaker, satu lagi perkara yang saya rasa perlu ditangani dengan segera, iaitu masalah pengangkutan dari daerah Kudat khususnya bagi pesakit-pesakit yang perlu datang ke hospital di Kota Kinabalu untuk buat *review*. Untuk makluman Datuk Speaker, setiap hari ...

Tuan Assaffal bin P. Alian [Tungku]: Datuk Seri Speaker.

Tuan Chong Chen Bin [Tanjong Kapor]: Terdapat peratus pesakit dari Kudat yang perlu berulang alik ke hospital-hospital besar di Kota Kinabalu.

Tuan Speaker: Tanjong Kapor, *you* bagi laluanakah tidak ?

Tuan Assaffal bin P. Alian [Tungku]: Saya mahu tanya, tanya saja, bos, endak (tidak) juga banyak. Jangan kau risau ya.

Tuan Chong Chen Bin [Tanjong Kapor]: Oh, okey, okey, okey.

Tuan Assaffal bin P. Alian [Tungku]: Haa, sebab tadi Yang Berhormat Tanjong Kapor ada bercakap soal, pelabuhan Kudat ya. Adakah Yang Berhormat Tanjong Kapor bersetuju bahawa rancangan untuk membina satu pelabuhan di Kudat itu adalah satu cadangan yang baik. Terutamanya sekali, apabila ada usaha daripada

Kerajaan Thailand untuk membangunkan apa ini, aaa, Terusan Kerah di utara Semenanjung. Terima kasih.

Tuan Chong Chen Bin [Tanjong Kapor]: Ya, saya memang menyokong penuh pembinaan pelabuhan Kudat, di Kudat ini memang merupakan satu cadangan yang amat baik memandangkan Thailand akan membina sebuah jambatan darat. Jadi kita perlu mengambil kesempatan itu untuk menguntungkan ini menjana ekonomi seluruh negara Malaysia.

Datuk Speaker, ada yang perlu menghadiri *review* sehingga tiga kali dalam seminggu dan ramai di antara pesakit ini terpaksa mengabaikan rawatan dan *review* ini kerana tidak mampu untuk membayar tambang untuk ulang alik dari Kudat ke KK, ke Kota Kinabalu. Dan ada yang terpaksa berhutang dan menggadaikan emas dan juga harta benda. Oleh itu, saya memohon kepada Kerajaan dapat membekalkan perkhidmatan pengangkutan bas percuma dari Kudat ke Kota Kinabalu khas untuk pesakit yang perlu *review* ke hospital di Kota Kinabalu. Saya pasti inisiatif tambahan bantuan ini akan sangat bermanfaat dan dihargai kerana ia akan meringankan beban beribu rakyat yang memerlukan di daerah Kudat.

Datuk Speaker, sebelum saya mengakhiri ucapan saya di Dewan yang mulia ini, saya ingin mengambil kesempatan untuk mengucapkan *Merry Christmas* dan *Happy New Year* kepada semua yang meraikannya terutama seluruh rakyat di N.4 Tanjong Kapor. Terima kasih buat Kerajaan Negeri di atas bantuan kewangan kepada kerja-kerja seluruh Sabah. Semoga tahun depan bantuan ini akan dapat ditambahkan lagi. Tanjong Kapor mohon menyokong. Sekian dan terima kasih.

28/11/2023- RAKAMAN 29 [2.40 PETANG - 2.50 PETANG] - [NOREERA] - SITI JUBAIDAH - HADINIE

Tuan Speaker: Terima kasih Tanjong Kapor, tapi bantuan bukan pekerja seluruh Sabah, hanya penjawat jawatan awam ya kalau seluruh Sabah susah tu banyak tu, ramai tu mahu di kasih.

Sekarang, saya jemput Yang Berhormat Kukusan. 12 minit juga.

Puan Rina binti Haji Jainal [Kukusan]: Bismillahirrahmanirrahim, saya mulakan dengan pantunlah ya Datuk Speaker.

Pergi Tenom naik kereta api,
Berangan ke Tawau naik LRT;
Sudah lama saya menanti,
Akhirnya di panggil Datuk Speaker Yang Dihormati.

Assalamualaikum Warahmatullahi Wabarakatuh, Salam Sejahtera, Salam Malaysia Madani, Salam Sabah Maju Jaya

Pergi kenduri bersama besan,
Makan bersimpuh nampaklah sopan;
Saya dari Dun Kukusan;
Punya 10 minit bahas belanjawan.

Terima kasih sekali lagi Datuk Speaker, hampir setiap tahun saya membangkitkan isu yang sama bukan sahaja saya malahan ADUN-ADUN yang lain juga membawa perkara yang sama iaitu isu setinggan yang masih tidak terlihat lagi penyelesaiannya malahan jumlahnya juga semakin bertambah.

Saya ingin membawa perhatian Dewan kepada isu yang setiap kali sidang pastinya dibangkitkan, di hari ini juga saya membangkitkan lagi isu setinggan terutamanya di Tawau sehinggalah satu tindakan yang benar-benar jitu dilaksanakan. Meski jawatankuasa pengurusan setinggan dilantik dalam Majlis PBT kita tidak lihat apa-apa *progress* ke arah penyelesaian tersebut.

Saat ini, terdapat 28 kolonis setinggan dengan jumlah penduduk mencapai 16,384 orang yang mendiami 3,596 buah rumah mengikut data dari Pelan Pembangunan SMJ 1.0 iaitu daripada 2021 hingga 2025 edisi ke-2. Saya sangat *consent*, risau apatah lagi dengan kawasan Kukusan yang hanya mempunyai keluasan 8 kilometer persegi di tambah dengan penempatan setinggan yang tidak berpenghujung. Berapa banyak sahaja yang dapat di selesaikan dengan Projek Perumahan SMJ dengan kouta kepada Wakil Rakyat sebanyak 20 pemohon setiap tahun, itu pun

punya syarat tetap harus memiliki geran tanah dan wajib termasuk dalam garis e-kasih lagi.

Berapa ramai golongan B40 ini mempunyai tanah sendiri *in fact* jika difikirkan tidakkah mereka jatuh dalam kategori miskin, jika mereka mempunyai harta pelaburan seperti tanah sendiri. Oleh itu, saya memohon pihak Kementerian Pembangunan Luar Bandar membawa sekali lagi terma syarat ini untuk di perhalusi di dalam kabinet.

Saya menghadiri *Pre-Council Meeting*, pihak Kementerian juga ada menyebut akan membuat kajian terhadap permohonan rumah SMJ yang masing-masing mempunyai isu unik *custom problem*. Sudah hampir 2 tahun projek ini di lancarkan terdapat banyak isu-isu di luar jangkaan yang tidak di jangka oleh Ahli-ahli Kabinet dalam perhalusi masalah yang bakal timbul. Saya kira sudah perlu kelonggaran beberapa aspek keputusan untuk dipertimbangkan agar tidak menyusahkan pemohon-pemohon yang sudah sedia susah. Masih lagi dalam rangkaian isu setinggan.

Datuk Speaker dan juga Ahli-ahli Dewan sekalian, banyak kampung yang ada pada hari ini terutamanya yang berada dekat dengan bandar adalah kampung-kampung yang belum bergazet, ada yang sudah mencecah lebih daripada 30 tahun masih belum mempunyai status yang tetap peruntukan-peruntukan yang di umumkan ini begitu sayang sekali didengar kerana pastinya syarat-syarat untuk mendapatkan peruntukan ini adalah kepada kampung-kampung yang telah berdaftar atau sekurang-kurangnya mempunyai lantikan JKKK untuk membantu pengurusan dan pembangunan kampung.

Oleh itu, adalah penting Kerajaan Negeri mengambil langkah proaktif menggazetkan kampung setinggan yang berpotensi untuk diangkat secara rasmi. Terdapat kampung setinggan yang mempunyai sistem pembuangan sampah yang teratur, punya masjid yang menyediakan ruang berkumpul tapi terikat dengan projek naik taraf dewan ataupun balai raya di sebabkan tidak mempunyai status kampung yang rasmi. *After all*, adakah Kerajaan Negeri mempunyai solusi yang lebih baik untuk menempatkan pengundi-pengundi sah berwarganegara Malaysia ini di satu tempat yang lebih baik setelah lebih 30 tahun menetap di tanah kerajaan ini?

Sidang Dewan sekalian, rangkaian isu setinggan ini juga membawa kepada permasalahan jangka panjang yang sangat getir. Pertumbuhan setinggan di persisiran sungai menyukarkan kerja-kerja pembersihan sungai dijalankan. Bagaimana jentera besar boleh masuk ke tapak laluan jentera jika laluan ini sudah dipenuhi dengan penempatan setinggan? Ini acap kali pihak kami hadapi apabila hujan lebat berpanjangan banjir kilat pasti berlaku dengan takungan sungai yang sudah tidak mampu menampung lagi aliran dek sampah sarap yang berleluasa.

Seterusnya, saya ingin membawa semua Ahli Sidang sekalian ke Lapangan Terbang lama Tawau. Datuk Speaker, sekadar mengingatkan Dewan Lapangan Terbang Tawau pada awalnya terletak di jalan utara telah mengalami beberapa peristiwa penting termasuklah peningkatan kemampuan landasan pada awal 80an dan yang menusuk hati 1 Malaysia pada tahun 1995 tragedi kecelakaan Pesawat Fokker 50 yang telah banyak mengorbankan nyawa.

Sejak pembukaan pada 1968, lapangan terbang ini telah menjadi pusat perhatian dan juga tempat pemukiman pesawat kecil. Namun, peluasan landasan pada awal 80an membawa bersama masalah setinggan di sekitarnya. Kejadian tragedis pada 1995, di Kampung Sri Menanti menyoroti kegentingan menangani isu setinggan dengan lebih serius. Pembukaan Lapangan Terbang Antarabangsa di Tawau pada 2001 menandakan tonggak penting dalam sejarah kemudahan pengangkutan di Daerah Tawau. Airport lama ini bukanlah hanya bukti kepada transformasi dalam pengangkutan udara tetapi menghadapi cabaran setinggan yang semakin meningkat, isu setinggan di bekas Lapangan Terbang Tawau ini bukan sahaja melibatkan masalah sosioekonomi tetapi juga risiko keselamatan dan pembakaran terbuka yang mampu berlaku di luar kawalan. Sudah berapa kali berlaku di depan mata saya sendiri sampah-sampah yang terkumpul daripada penduduk-penduduk kampung ini malahan dari luar di bakar secara terbuka akhirnya terpaksa memanggil pihak bomba untuk mengawal api kebakaran.

Yang diPertua Datuk Speaker, sedikit cadangan pembangunan dan pengawalan setinggan ini. Sebagai langkah pertama, saya ingin mencadangkan agar peruntukan Bajet 2024 dielokasikan untuk merancang pembangunan kawasan ini dengan lebih sistematik. Pembangunan yang terancang boleh membantu mengawal peningkatan setinggan dan merancang penempatan yang lebih selamat dan teratur. Ini termasuk

pembinaan infrastruktur dan kemudahan asas yang mencukupi. Kementerian Kerajaan Tempatan dan Perumahan dengan usaha sama dengan Jabatan Pekhidmatan Awam Negeri Sabah juga bersama Sekretariat Hala Tuju Sabah Maju Jaya telah menubuhkan satu Jawatankuasa Teknikal Pengurusan Setinggalan bagi merangka Pelan Tindakan Setinggalan Negeri Sabah.

Kerjasama ini adalah selaras dengan teras modal insan dan kesejahteraan rakyat dalam Pelan Pembangunan SMJ iaitu menekankan penyelesaian masalah setinggalan di negeri Sabah. Saya dengan hormatnya, ingin membawa perhatian Datuk Speaker dan semua wakil yang hadir dan mencadangkan agar KPLB dan KKTP mengambil peranan aktif dalam merancang pembangunan bagi mengatasi masalah setinggalan di kawasan Lapangan Terbang Tawau.

Yang diPertua Datuk Speaker dan Hadirin Dewan sekalian, begitu juga saya ingin mengusulkan agar kita merancang pembangunan yang strategik untuk mengawal peningkatan setinggalan adalah dengan mempercepatkan pewartaan kampung-kampung untuk memudahkan pelantikan JKKK. JKKK memainkan peranan penting dalam memastikan pembangunan yang berterusan dan memberikan fokus keselamatan dan kebajikan masyarakat setempat. Dengan pewartaan yang lebih cepat ini dapatlah meningkatkan pengurusan setinggalan dan memberi kuasa kepada komuniti tempatan untuk lebih proaktif dalam pengurusan kawasan mereka.

Saya pasti Kerajaan GRS, pada hari ini juga sudah celik dengan permasalahan yang berpanjangan ini. Ambillah peluang ini menyelesaikan isu akar umbi agar Kerajaan ini dilihat mampu mengurus takbir rakyat kita dengan lebih baik.

28/11/2023- RAKAMAN 30 [2:50 PETANG - 3:00 PETANG] - [CHARITY] - NADIA - EZURA

Puan Rina binti Haji Jainal [Kukusan]: Di kesempatan ini juga, saya ingin mengucapkan tahniah kepada Kerajaan Negeri kerana akhirnya Kerajaan Negeri sendiri mampu melantik dan keluar dengan ordinan sendiri, melantik rasmi badan JKKK Negeri, di mana RUU akan dibentang pada akhir sidang nanti.

Diharapkan juga agar tiadalah kesempatan cuba dibolosi oleh di seberang sana yang mengganggu sistem pentadbiran Kerajaan Negeri.

Yang di-Pertua Datuk Speaker, saya juga ingin menggariskan bahawa peruntukan yang diberikan kepada Kementerian Pembangunan Luar Bandar Sabah dan Kementerian Kerajaan Tempatan dan Perumahan adalah langkah positif dan kita dapat melihat sokongan Kerajaan kepada pembangunan dan kebajikan rakyat di Sabah.

Tuan Speaker: Mula gulung, ya.

Puan Rina binti Haji Jainal [Kukusan]: Dengan ini, dengan peruntukan yang telah diumumkan sama amatlah saya berharap. Akhir sekali, *for once and for all* antara yang paling meyakinkan adalah memulakan pembangunan di kawasan *aerodrome* ini.

Equal doesn't mean fair. Saya ingin menyentuh sedikit pembahagian peruntukan di zon Pantai Timur. Dalam kabinet Kerajaan Negeri, kekurangan kami mungkin di Pantai Timur adalah mungkin juga kerana ketiadaan Menteri yang dapat mewakili kami menuntut peruntukan yang saksama dalam memastikan potensi zon Pantai Timur dimaksimakan kepada peningkatan ekonomi negeri secara lebih agresif. Pembukaan Nusantara di Kalimantan telah memberikan tanda, *a wake up call that we cannot wait anymore but exit quitting the plans we have been rafting a long time ago.*

Ada yang sudah dirancang 20 tahun lalu, namun masih lagi dalam peringkat kajian. Sebagai contoh, Pembangunan Pelan Lapangan Terbang Lama Tawau juga telah berapa kali di bawah oleh UPEN dibentang kepada Kabinet untuk diputuskan.

Blueprint juga telah disiapkan yang bertemakan “Smart City”, lengkap dengan pembahagian *zoning*. Ditambah lagi isu tanah bukanlah juga menjadi alasan atas penundaan ini kerana pemilikan tanah telah pun diberikan kepada Kerajaan Negeri untuk dibangunkan. *It's a matter of political will.* Saya berharap Kerajaan bersedia untuk melakukan pembangunan sesegera mungkin.

Datuk Speaker, *last* sekali sebelum saya menggulung, penaiktarafan jalan utara. Saya turut mengambil perhatian Dewan dan Kementerian JKR mengenai projek menaik taraf di Jalan Utara, Tawau yang sedang giat dilaksanakan sejak pengumumannya tahun lepas. Sebelum ini, saya pernah menyuarakan agar satu mesyuarat melibatkan Majlis PBT dan pemimpin-pemimpin tempatan hadir untuk mendapat *update* seterusnya memantau *progress* projek naik taraf Jalan Utara secara berkala.

Laju ya, Datuk Speaker? Sehingga ke hari ini, pihak Majlis dan saya sendiri belum lagi menerima apa-apa notis mengenai mesyuarat projek naik taraf jalan tersebut. Kami berhadapan dengan aduan langsung daripada premis berdaftar yang bakal terjejas. Adalah penting pemantauan dilakukan. Maka dengan adanya mesyuarat berkala ini, kita dapat memastikan apa isu yang terlibat seperti berapa banyak peruntukan yang sudah digunakan dalam RM206 juta yang telah diumumkan pada Mac lalu. Berapa peratus kerja-kerja pelaksanaan yang sudah siap? Berapakah bilangan lot yang sudah dikenal pasti untuk diberikan pampasan?

Pemantauan *progress* ini amat penting bagi mengelak ketidaktelusan penggunaan peruntukan Kerajaan Negeri yang terhad dalam menangani isu terbesar rakyat, iaitu kemudahan infrastruktur dan jalan.

Di kesempatan ini juga, terima kasih kepada Belanjawan 2024 yang meneruskan bantuan pendidikan kepada anak-anak sekolah seperti pemberian buku-buku latihan, seragam dan kasut-kasut sekolah. Namun, zahirkanlah keikhlasan itu dengan melantik kilang jahit yang menjaga kualiti kerja mereka. Agak menghampakan kualiti kasut dan baju sangat di bawah paras boleh pakai.

Jadi, itu sahaja. Kesimpulan yang ingin saya sampaikan pada hari ini dalam menangani isu setingan di kawasan Lapangan Terbang Tawau, kita perlu bersatu tenaga untuk melestari penyelesaian yang efektif dan berketelanjutan. Saya berharap agar usul-usul dan cadangan saya dapat dipertimbangkan demi kepentingan bersama.

Makan udang terasa gatal,
Jumpa doktor ambil *injection*;

Sebulan lagi menyambut Natal,
Hope you have a good celebration.

Sekian, terima kasih. Kukusan mohon menyokong.

Tuan Speaker:

Pergi ke sungai untuk mengail,
Tepi sungai ada teratai;
Nama YB memang dipanggil,
Sebab terdapat dalam senarai.

Sekarang saya jemput, Yang Berhormat Limbahau. 12 minit juga ya?

Datuk Juil bin Nuatim [Limbahau]: Terima kasih, Datuk Speaker. *Kopivosian*.
Salam sejahtera dan salam Sabah Maju Jaya.

Terima kasih Datuk Speaker kerana telah memberi ruang dan peluang kepada saya untuk turut sama berbahas berkaitan Belanjawan Negeri Sabah untuk tahun 2024 yang telah dibentangkan oleh Menteri Kewangan Sabah, Yang Berhormat Datuk Seri Panglima Haji Masidi Manjun.

Saya secara peribadi merakamkan ucapan tahniah kepada Menteri Kewangan atas pembentangan belanjawan yang bertemakan “Sabah Teguh, Rakyat Terbela”. Secara dasarnya, saya pasti dalam merangka belanjawan ini Kerajaan Negeri, Gabungan Rakyat Sabah telah menelaah sebaik mungkin cabaran ekonomi global hari ini. Bagaimana ia boleh memberikan impak kepada negeri dan mencari solusi terbaik agar ekonomi dan kesejahteraan rakyat Sabah terpilih.

Berdirinya saya di sini seperti mana Ahli-ahli Dewan yang lain adalah bertujuan mengemukakan input-input saya selaku wakil suara rakyat mengenai Belanjawan Negeri 2024 yang dibentangkan pada Jumaat lalu. Mana yang positif, pasti saya dukung dan jika ada kekurangan, saya harap ia dapat ditampung.

Datuk Speaker, tidak dinafikan Sabah berjaya merekodkan jumlah keseluruhan pelaburan sebanyak sembilan bilion bagi tempoh enam bulan pertama 2023 berbanding hanya sebanyak enam bilion dalam tahun 2021 dan 11.5 bilion bagi 2022.

Pun begitu, tahap kemiskinan negeri yang kita cintai ini masih lagi tinggi berbanding negeri-negeri lain di Malaysia. Media sebelum ini melaporkan lapan daerah di Sabah masih dalam kategori termiskin di Malaysia. Justeru itu, pada hemat saya dalam membangunkan negeri, Kerajaan Negeri di bawah pimpinan Yang Amat Berhormat Ketua Menteri Sabah Datuk Seri Panglima Haji Haji Hajiji Noor juga perlu membangunkan ekonomi di akar umbi. Bagi menggerakkan ekonomi di akar umbi, ia banyak bergantung kepada peruntukan Kerajaan dan harga komuniti. Pada hakikatnya, isu keterjaminan makanan adalah permasalahan yang secara konsisten saya bangkitkan dalam persidangan, setiap persidangan Dewan Undangan Negeri sejak saya dipilih menjadi wakil rakyat Limbahau kira-kira tiga tahun lepas.

Boleh dikatakan setiap kali saya berbahas di Dewan mulia ini, saya berulang kali merayu Kerajaan Negeri agar mendengar rintihan pesawah di kawasan Limbahau, terutama dari segi kekurangan jentera membajak dan jentuai. Bukan meminta-minta tetapi ternyata kekhuatiran saya selama ini telah menjadi kenyataan. Apabila masyarakat global, bukan sahaja di Sabah, diuji dengan krisis kenaikan harga beras import. Burukkan lagi krisis ini lagi ialah kekurangan bekalan beras tempatan.

Sabah dikenali dengan tanah subur yang luas yang dinyatakan juga oleh sahabat saya daripada Pantai Dalit. Tapi malangnya, berdasarkan statistik Kementerian Pertanian, Perikanan dan Industri Makanan sebelum ini, Sabah sebelum ini, negeri kita mengimport 290 ribu metrik tan beras pada 2021 tetapi pengeluaran tempatan hanya 22 ribu tan metrik sahaja.

Dalam Belanjawan Negeri 2024, Yang Berhormat Menteri Kewangan telah menyebut bahawa bagi meningkatkan tahap sara diri, pengeluaran beras daripada 22% tahun ini kepada 31% pada tahun 2025, Kerajaan telah menggariskan beberapa inisiatif antaranya pemulihan tanah sawah terbiar, pembangunan padi tanah kering, penambahan bilangan jentera pembajak jentuai, pemberian bajak

kepada kadar optimum serta pemberian subsidi penjualan padi kepada semua pengusaha dengan peruntukan sebanyak 5.16 juta.

Pun begitu, saya beranggapan peruntukan bernilai 5.16 juta ini adalah terlalu kecil. Jika kita teliti dalam Belanjawan Negeri Sabah 2024, peruntukan keseluruhan untuk Kementerian Pertanian, Perikanan dan Industri Makanan Sabah adalah 363.91 juta untuk perbekalan dan 189.6 juta lagi bagi pembangunan. Di kawasan saya, iaitu Limbahau rata-ratanya, kebanyakan penduduknya adalah pesawah padi dan sejak sekian lama mereka berdepan masalah kekurangan mesin membajak dan...

28/11/2023- RAKAMAN 31 [3:00 PETANG - 3:10 PETANG] - [AMIRUL] - AZYATUL - NADA

Datuk Juil bin Nuatim [Limbahau]: Tuai, tanpa kedua ini, sawah padi tidak dapat diusahakan dan petani tiada mempunyai pendapatan. Saya bersyukur dan berterima kasih kerana setelah perjuangan yang lama akhirnya permintaan pesawah padi di Limbahau ditunaikan apabila menerima tambahan tujuh lagi jentera membajak dan jentera penuai pada tahun ini. Terima kasih daripada Kementerian Pertanian dan begitu pun, jumlah ini belum mencukupi kerana sebelum ini saya telah mengutarakan bahawa mereka memerlukan sekurang-kurangnya 25 buah jentera untuk dan jentera bagi menampung keperluan mereka.

Isu kedua yang menjadi kekangan pesawah padi di Limbahau ialah isu saluran air ekoran pembinaan jalan raya di sekitar sawah padi ini. Meskipun ada usaha untuk menangani masalah ini oleh Jabatan Kerja Raya, Jabatan Pengairan dan Saliran, dan Jabatan Pertanian. Namun, ia belum menyelesaikan isu saluran air ini secara tuntas. Jika semua ini dirancang serta dilaksanakan dengan baik dengan membantu petani-petani kita meningkatkan hasil pertanian mereka dan akhirnya pendapatan mereka. Saya pasti ekonomi akar umbi akan subur. Saya optimis pada awal tahun depan bahawa kawasan Limbahau akan mengeluarkan berasnya sendiri untuk memastikan orang-orang di kawasan saya ini mendapat, mencukupi beras tempatan untuk keperluan mereka.

Datuk Speaker, sekali lagi saya merayu di Dewan yang mulia ini agar satu cadangan pembinaan sekolah menengah di Limbahau diberikan perhatian sewajarnya oleh

Kerajaan Negeri dan Kementerian Persekutuan. Sebenarnya, Limbahau tidak mempunyai sekolah menengah kerajaan. Limbahau hanya mempunyai sebuah sekolah menengah, iaitu sekolah mubaligh yang hanya menempatkan 400 murid untuk satu sesi. Tetapi, sekarang ini kita mempunyai dua sesi, iaitu pagi dan petang dan boleh menampung 800 oranglah murid.

Tetapi, saya mengharapkanlah supaya Kerajaan Negeri dapat memohon kepada Kerajaan Persekutuan untuk membina sebuah sekolah di kawasan Limbahau ini yang telah pun ditetapkan di dalam kawasan seluas 30 ekar dan tanah sudah pun ada dan kita minta disegerakan peruntukan ini. Kita tidak mahu anak-anak di luar bandar, mereka akan keciciran pelajaran di, ke sekolah menengah. Kita faham di sekolah rendah, banyak sekolah rendah di kawasan saya. Lebih kurang sepuluh sekolah rendah. Tapi tiada sekolah menengah, inilah yang membimbangkan kita.

Saya takut orang-orang di kawasan saya, di akar umbi, mereka hanya mendapat pendidikan di awal pendidikan sahaja tetapi di sekolah menengah, tidak ada. Jadi, saya mintalah kepada Kerajaan. Saya merayu kepada Kerajaan agar supaya dapat mewujudkan sebuah sekolah menengah yang berasrama kerana ini adalah perlu. Anak-anak yang di luar bandar pendapatan ibu bapa mungkin tidak banyak untuk hantar mereka ke sekolah, memerlukan tambang dan memerlukan kewangan. Sedangkan pendapatan mereka orang bilang dikatakan kais pagi makan pagi, kais petang makan petang. Saya mengharapkan kepada pihak Kerajaan Negeri untuk membantu dalam perkara ini.

Datuk Speaker, izinkan saya sekali lagi untuk menyuarakan tentang pembinaan menara telekomunikasi yang direncana untuk empat buah di kawasan Limbahau, iaitu Kampung Gana, Kampung Tanaki, Kampung Mandalipau dan Kampung Marahang. Ini juga saya telah suarakan beberapa kali dan mungkin untuk JENDELA ini telah pun diwarkan sudah sekian lama. Mungkin sudah tiga tahun, empat tahun. Tetapi belum dapat dilaksanakan lagi. Saya berterima kasihlah kerana telah terwujudnya sebuah menara di Gana. Tetapi, ada tiga buah lagi telah dijanjikan sehingga sekarang belum dilaksanakan.

Mungkin ini dalam fasa pertama. Kita tiada tahu kenapa dalam fasa pertama ini tidak dapat diteruskan dan saya mengharapkan untuk fasa yang kedua ini, kita

mengharapkan tiga kawasan kampung ini, yang memerlukan ini juga saya harap dia dapat didirikanlah menara ini dan kita mengucapkan terima kasihlah kepada Kerajaan juga yang mana telah memberi, apa ini, mendirikan sebuah menara di Kampung Gana, yang telah boleh memberi manfaat kepada lebih kurang 500 orang dan pengguna-pengguna yang melalui kawasan tersebut dan menjadi masalahnya, apabila selepas Gana limpas Tanaki, lepas Tanaki dan juga Marahang, mereka akan kecewa. Tidak ada *line* di situ. Apapun kita mengucapkan terima kasihlah atas ada dapat satu daripada Gana.

Datuk Speaker, sekali lagi saya ingin mengucapkan terima kasih kepada Kerajaan yang mana telah membina Pan Borneo. Pan Borneo di kawasan saya daripada Papar sehingga ke Kinarut. Semuanya sudah siap. Tempat lain saya tidak tahulah Pan Borneo. Tetapi di kawasan saya Limbahau dari hujung sampai ke hujung semuanya selesa, semuanya baik, Pan Borneo sudah dibuat.

Tetapi masalahnya Datuk Speaker, saya, apa ini, merasakan sedih sedikit tentang jalan, iaitu *u-turn* di Kampung Mook ini. Kampung Mook ini dia ada sahaja satu *u-turn* tetapi di sebelah kiri kalau daripada KK itu. Di situ mempunyai banyak kampung dan juga perumahan tetapi *u-turn*nya hanya satu. Sedangkan rumah PPR, kampung ada lima buah kampung, lebih kurang lima, enam ribu orang yang pengguna di situ. Kereta tidak tahu berapa ribu kenderaan dan cuma hanya satu *u-turn*.

Di waktu pagi, di waktu puncak, ramai yang beratur daripada simpang itu sampailah ke Pekan Kinarut. Ada kadang ada yang Whatsapp marah, maki hamun tetapi kita terimalah, kita bahawa hakikat itu adalah, hakikat yang sebenar. Jadi saya mohonlah kalau boleh *u-turn* ini, kita pertimbangkan. Kita minta daripada JKR untuk melihat agar *u-turn* ini dapat di, apa ini, kalau dapat membina lampu isyarat untuk menggantikan pusingan *u-turn* ataupun sebarang cadangan penyelesaian yang difikirkan terbaik untuk menyelesaikan masalah ini dengan segera.

Untuk pembinaan, Datuk Speaker, pembinaan mini stadium yang telah diminta oleh rakan daripada Pantai Manis juga mengenai pembangunan belia. Saya percaya belia-belia di Limbahau dan Papar amnya amat kehausan untuk menikmati prasarana sukan yang lebih baik sebagai tempat untuk beriadah dan bersukan. Kita faham, saya dulu bercakap juga daripada untuk, apa ini. Kompleks sukan ini, kalau

daripada Kota Kinabalu kemudian sampai Putatan, lepas itu pergi Beaufort, Sipitang pusing ke Tambunan, pusing ke Nabawan, sampai ke Keningau, ada stadium.

Tapi, di Papar macam anak tiri pula. Tiada stadium. Jadi kita mintalah daripada Kementerian Belia dan Sukan, kalau boleh yang telah minta juga daripada rakan saya daripada Pantai Manis juga menyuarakan perkara ini, kerana padang ini amat penting untuk anak-anak ataupun belia-belia yang inginkan ataupun jadi pusat riadah dan sukan untuk kawasan ini.

Timbalan Speaker [Datuk Haji Al Hambra bin Tun Juhar]: Sila gulung, YB.

Datuk Juil bin Nuatim [Limbahau]: Okey, Datuk Speaker. Saya, yang terakhir sekali adalah mengenai tentang pegawai-pegawai tempatan ataupun anak-anak tempatan di negeri Sabah ini. Ramai anak-anak ataupun pegawai-pegawai Kerajaan daripada negeri Sabah yang berjawatan di Persekutuan dan apabila mereka telah dihantar ke, apa ini, di Kuala Lumpur, bertugas dan kembali kepada Sabah akan menjadi seseorang. Ada yang menjadi pegawai dan ada yang menjadi pengarah tetapi kadang-kadang apabila anak-anak tempatan ini yang telah berjasa dan telah pun mengenal pasti isi hati mereka tentang orang-orang Sabah, mereka orang Sabah.

Kadang-kadang ada juga pegawai ini, sampai masanya, mungkin sengaja ataupun tidak dan kemudian ditukar balik kepada di Kuala Lumpur dan kita mohonlah kalau boleh, pegawai-pegawai kerajaan yang ada daripada Sabah ini yang bertugas di Persekutuan dan kalau boleh dinaikan pangkat menjadi pengarah seperti Pengarah Kastamkah, Pengarah Imgiresankah. Bagilah orang Sabah. Bagilah anak-anak kita. Mereka lebih memahami kita di sini dan kita ucap tahniah kepada kita punya Pesuruhjaya Polis kita, orang Sabah, orang kita yang telah menjalankan dengan baik kepada negeri ini.

Jadi saya mengharapkan kepada Kerajaan agar mengambil berat tentang ini bahawa bagilah peluang kepada anak-anak tempatan kita supaya mereka berkhidmat di negeri Sabah ini. Kita tidak mahu, kadang-kadang anak kita ini, anak tempatan ini bila sudah berjaya di sini, dihantar ke Kuala Lumpur, dihantar, apa ini, bekerja di Kuala Lumpur tiba-tiba mereka tidak mahu.

Datuk Juil bin Nuatim [Limbahau]: ...mereka mahu letak jawatan, merugikan kita. Merugikan orang Sabah. Merugikan tempatan. Anak-anak tempatan kita. Jadi saya merayu kepada kerajaan agar dapat mempertahankan anak-anak walaupun mereka bertugas di persekutuan tetapi kalau mereka boleh memegang jawatan yang ada di negeri Sabah ini seperti yang saya nyatakan tadi Kastam, Imigresen dan lain-lain juga Pendaftaran bagilah peluang kepada anak-anak Sabah. Saya ingat itu sajalah daripada saya Datuk Speaker. Saya dengan itu mohon menyokong dan sebelum itu saya ingin mengucapkan selamat Hari Natal dan Selamat Tahun Baru kepada semua yang merayakan dan kepada semua penyokong-penyokong ataupun daripada N.27 Limbahau saya juga ingin mengucapkan selamat Tahun Baharu dan juga selamat Hari Natal kepada semua. Terima kasih. Dengan itu saya mohon menyokong.

Timbalan Speaker [Datuk Haji Al Hambra bin Tun Juhar]: Terima kasih Yang Berhormat Limbahau. Sekarang saya menjemput Yang Berhormat daripada Balung.

Datuk Hamild @Hamid bin Awang [Balung]: Bismillahirrahmanirrahim, Assalamualaikum warahmatullahi wabarakatuh. Selamat petang, salam sejahtera, salam Malaysia Madani dan salam Sabah Maju Jaya.

Datuk Speaker. Pertama sekali izinkan saya mengucapkan tahniah kepada Yang Berhormat Datuk Seri Panglima Haji Masidi Manjun, Menteri Kewangan Sabah atas pembentangan bajet Kerajaan Negeri bagi Tahun 2024 yang telah dibentangkan pada 24.11.2023 pada hari Jumaat yang lalu. Saya juga ingin mengambil kesempatan ini untuk mengucapkan terima kasih kepada Datuk Speaker, yang telah memberikan saya peluang untuk membahaskan Belanjawan Negeri Sabah 2024.

Belanjawan ini dibentangkan dengan penuh wawasan dan perancangan teliti oleh Yang Berhormat Datuk Seri Panglima Haji Masidi bin Manjun, Menteri Kewangan Sabah adalah gambaran nyata komitmen kita terhadap pembangunan negeri Sabah. Kita melihat bagaimana setiap segmen masyarakat di Sabah akan merasai manfaat dari alokasi dan peruntukan yang telah dirancang dengan teliti dan strategik.

Sebagai wakil rakyat daripada Balung, saya merasa bangga untuk menjadi sebahagian daripada proses pembahasan belanjawan ini yang bukan hanya menekankan kepentingan pembangunan infrastruktur dan ekonomi tetapi juga meliputi aspek kebajikan, pendidikan dan juga kesihatan. Ini adalah langkah maju yang signifikan dalam usaha kita untuk membawa negeri Sabah ke arah kemajuan yang lebih holistik dan inklusif.

Datuk Speaker. Belanjawan negeri Sabah tahun 2024 yang memperuntukkan sebanyak RM5.701 bilion dengan belanjawan lebih sebanyak RM35.87 juta untuk menampung perbelanjaan perbekalan bagi mensejahterakan rakyat. Saya ingin merakamkan setinggi-tinggi penghargaan kepada Yang Berhormat Menteri Kewangan dan Kerajaan Negeri Sabah di atas pencapaian ini.

Tema Belanjawan 2024 “Sabah Teguh, Rakyat Terbela” dirangka khusus demi membela kesejahteraan hidup rakyat melalui pelaksanaan program pembangunan yang berterusan. Justeru itu, untuk menjayakan dan merealisasikan hasrat ini, kerajaan perlu fokus kepada pelaksanaan projek-projek pembangunan untuk memastikan sistem pencapaian dilaksanakan secara efektif dan telus sekaligus dapat dirasakan dan dinikmati oleh rakyat keseluruhannya.

Datuk Speaker, dalam aspek ekonomi dan sosial kita perlu memberikan perhatian khusus isu kemiskinan yang masih melanda Sabah meskipun negeri ini dikenali sebagai negeri yang kaya dengan sumber semulajadi tetapi masih terdapat jurang besar antara potensi dan realiti. Sabah yang menyumbang signifikan kepada ekonomi Malaysia ironisnya masih berada di kedudukan terendah dalam aspek pendapatan perkapita dan memiliki kadar ketidakseimbangan pendapatan yang tinggi. Ini adalah petunjuk yang jelas bahawa walaupun kita kaya dengan sumber namun masih banyak yang perlu kita lakukan untuk memastikan kemakmuran ini dapat dirasakan oleh lapisan masyarakat di seluruh Sabah.

Kemiskinan bukan sekadar isu statistik, dia ialah realiti yang dialami rakyat kita setiap hari. Masih terdapat di kalangan anak-anak yang kekurangan nutrisi. Keluarga yang bergelut menyediakan makanan yang cukup dan komuniti yang terpaksa bergantung kepada bantuan makanan adalah gambaran sebenar isu ini. Oleh itu saya menyeru kepada Kerajaan Negeri agar mengambil langkah-langkah yang lebih

proaktif dan strategik dalam mengurangkan jurang pendapatan dan menangani kemiskinan dengan lebih efektif.

Datuk Speaker, dalam perbahasan saya pada pagi ini, saya juga ingin menyuarakan hasrat dan aduan rakyat daripada kawasan DUN Balung. Saya berhubung bermasalah infrastruktur fizikal iaitu jalan raya dan jambatan di mana muka surat 33, Perkara 112 dalam Belanjawan Negeri Sabah 2024, Kerajaan Negeri telah memperuntukkan Jabatan Kerja Raya RM430.84 juta bagi pembangunan pemeliharaan infrastruktur. Saya ingin mencadangkan pada Yang Berhormat Menteri Kerja Raya, agar Jabatan Kerja Raya di bawah Kementerian Kerja Raya dapat menaik tarafkan jambatan Valley Sungai Serudung Baru Kilometer 06 jalan Meriah dan jambatan Valley Sungai Kinabutan 1 Kilometer 9.8, Jalan Sinontiku.

Yang Berhormat Menteri, saya mohon agar kementerian dapat memberikan peruntukan segera ke atas kedua-dua jambatan ini agar dapat dinaik taraf dengan jambatan konkrit dua hala. Untuk makluman menteri, jambatan Sungai Serudung dan Sungai Kinabutan 1 Kilometer 9.8 Jalan Sinontiku adalah merupakan laluan utama penduduk kampung untuk melakukan aktiviti harian mereka dan juga pekebun-pekebun kecil yang ingin mengeluarkan hasil tanaman mereka. Di samping itu juga, jambatan ini adalah laluan penting ke sekolah-sekolah yang ada di kawasan Kampung Rangu Andrasi Blok 31 Sinontiku dan juga jambatan penghubung ke lapangan terbang Tawau dan kawasan sekitarnya.

Datuk Speaker, di kesempatan ini saya ingin mengucapkan terima kasih kepada Yang Berhormat Menteri Kerja Raya di atas pelaksanaan projek Jalan Meriah 0.6 Kilometer yang mana dalam proses pembinaan dan dijangkakan akan siap pada hujung tahun ini setelah menunggu puluhan tahun untuk menaik tarafkan jalan ke jalan tar. Penduduk-penduduk kampung di kawasan sekitar telah memaklumkan saya mereka berasa syukur dan berterima kasih kepada Kerajaan Negeri di atas pembinaan Jalan Meriah ini.

Datuk Speaker, merujuk muka surat 34, Perkara 116, Kerajaan Negeri menyediakan peruntukan RM68.28 juta untuk menangani dan mencegah banjir dan hakisan tebing sungai di kawasan berisiko banjir. Memandangkan ada peruntukan tersedia bagi mencegah banjir dan hakisan sungai maka saya mohon kepada pihak Kerajaan

Negeri memberikan peruntukan bagi pembangunan tembatan banjir dan pertahanan tebing sungai ke atas Sungai Gading Batu 22, yang mana sungai ini bila berlaku banjir, ia melibatkan air sungai melimpa ke kawasan sekolah, merendam bangunan, bilik-bilik darjah dan Pejabat Pentadbiran Sekolah, SK Batu 22 Apas dan mengganggu proses pembelajaran anak-anak kita. Dalam konteks ini, saya ingin menekankan pentingnya pembinaan Tembok Kekal Pencegahan Banjir oleh Jabatan Pengairan dan Saliran untuk melindungi kawasan sekolah ini daripada ancaman banjir pada masa depan. Ini bukan hanya soal infrastruktur Datuk Speaker, tetapi juga tentang keselamatan...

28/11/2023- RAKAMAN 33 [3:20 PETANG - 3:30 PETANG] - [ARINA] - THEODORA - EZURA

Datuk Hamild @Hamid bin Awang [Balung]: ...dan kesejahteraan anak-anak kita yang merupakan aset dan harapan masa depan negeri Sabah. Saya merayu kepada GRS dan Yang Berhormat Menteri dan pihak kuasa berkuasa terkait untuk memberikan perhatian serius terhadap isu ini dan mengambil langkah segera untuk membangunkan tembok tambatan banjir yang efektif di kawasan tersebut.

Datuk Speaker, saya ingin meminta jasa baik, saya ingin meminta Kementerian Perumahan dan Kerajaan Tempatan, khususnya YB Menteri mengenai penjawat Mahkamah Anak Negeri Tawau untuk membina bangunan pejabat Mahkamah Anak Negeri Tawau yang baru di mana pejabat yang sekarang ini telah berkongsi dengan pejabat Majlis Perbandaran Tawau sejak tahun 80-an lagi sehingga hari ini, lebih kurang 45 tahun sudah. Pejabat Mahkamah Anak Negeri Tawau yang ada sekarang agak kecil dan sempit dan tidak mempunyai bilik khas sekiranya ada kes perbicaraan Mahkamah Anak Negeri dijalankan serta mempunyai jumlah kakitangan seramai 13 orang dan ia tidak kondusif serta tidak selesa bagi warga Tawau berurusan di pejabat ini. Untuk makluman Yang Berhormat Menteri, tapak untuk bangunan mahkamah ini tersedia dalam pelan juruukur daerah bagi keluasan 1.138 ekar dan terletak di Jalan Utara. Saya merayu pada Yang Berhormat Menteri agar pejabat Mahkamah Anak Negeri Tawau dapat disegerakan agar kerja-kerja pengurusan dan pentadbiran dapat dilaksanakan dan kes-kes pembicaraan dijalankan dengan baik dan selesa.

Saya juga ingin membawa masalah air di daerah Tawau yang mana perkara ini selalu kita bangkitkan di dalam Dewan ini tapi oleh kerana saya melihat ada sudah amaran daripada Datuk Speaker. Maka di sini saya ingin memaklumkan bahawa masalah air ini masih berlarutan di mana terdapat catuan bekalan air masih lagi berlaku di taman-taman perumahan termasuklah di Kampung Kongsu 10. Ada kawasan perumahan kampung yang mempunyai paip air tapi tiada bekalan air bersih dan ia sudah berlaku cukup lama. Begitu juga di taman-taman perumahan di luar bandar masih lagi berlaku catuan bekalan air. Oleh itu, saya berharap kepada Jabatan Air Negeri Sabah agar dapat menyelesaikan masalah air daerah Tawau ini dan saya berharap agar Projek Empangan Tawau yang dijangkakan siap 2024 yang mana saya difahamkan telah disambung, diberikan EOT ke tahun 2026 ini dapat disiapkan mengikut jadual yang telah ditetapkan. Dengan adanya empangan Tawau ini nanti, mungkin ia sedikit sebanyak akan menyelesaikan masalah air di daerah Tawau. Saya juga ingin mencadangkan di sini kepada Jabatan Air Negeri Sabah untuk membina loji baru di Sungai Apas agar ianya dapat mengatasi masalah bekalan air bersih di kawasan Apas dan sekitarnya.

Datuk Speaker, setiap tahun Datuk Speaker, Tawau pernah menganjur Festival Kebudayaan Antarabangsa berapa tahun yang lalu dan mendapat sambutan dari rakyat tempatan dan luar negara. Selepas era COVID-19 berlalu pada tahun 2022, 2023 banyak program yang besar dianjurkan oleh badan-badan NGO, agensi-agensi kerajaan dan kerajaan sendiri. Semua program ini dibuat di pekarangan Majlis Perbandaran Tawau. Memandangkan Tawau mempunyai program-program yang tertentu untuk dijayakan, saya ingin tahu mengenai cadangan projek membina bangunan dan Pusat Kebudayaan Antarabangsa Tawau, iaitu TICC yang telah diumumkan oleh Yang Berhormat Ketua Menteri dan Yang Berhormat Menteri KKTP sendiri. Rakyat Tawau sangat mengharapkan agar TICC dapat dilaksanakan dan direalisasikan segera bagi mempersiapkan Tawau untuk mempamerkan hasil-hasil IKS keusahawanan Tawau dapat dan bila mana datangnya pelancong-pelancong daripada negara-negara jiran Indonesia dan Filipina atau negara China terutama sekali bila Ibu Kota Indonesia di Nusantara di Kalimantan Timur siap.

Tuan-tuan dan Yang Berhormat Datuk Speaker, saya juga ingin menarik perhatian Menteri Pertanian berhubung dengan pewujudan tanaman kekal pengeluaran makanan TKPM fasa 2 di daerah Tawau yang mana dalam ucapan Yang Berhormat

Ketua Menteri yang disampaikan oleh Yang Berhormat Menteri Pertanian sendiri Sempena Festival Agrotek TKPM Sabah tahun 2023, Jabatan Pertanian Sabah pada 21 Oktober 2023 di Batu 15, Jalan Apas, Tawau. Saya mohon ianya dapat dilaksanakan dengan konsep tanaman buah-buahan seperti *musang king*, avokado dan nanas yang mempunyai nilai tanaman tinggi dan saya mohon agar para peserta projek ini nanti melibatkan golongan B40 bagi menjana pendapatan mereka dan sekaligus Tawau sebagai penyumbang buah-buahan tempatan berkualiti tinggi bagi Kerajaan Negeri Sabah.

Saya juga mengucapkan terima kasih kepada Kerajaan Negeri di bawah kepimpinan Yang Amat Berhormat Ketua Menteri yang mana telah bersetuju memberikan bantuan khas kewangan sebanyak Ringgit Malaysia 2000 kepada semua penjawat awam negeri Sabah termasuklah penjawat awam sementara, kontrak dan pekerja sambilan harian.

Datuk Speaker, saya amat menyokong inisiatif yang diberikan oleh Kerajaan Negeri Sabah sejajar dengan tema Belanjawan 2024, "Sabah Teguh, Rakyat Terbela". Akhir sekali, saya ingin mengambil kesempatan untuk mengucapkan pada Ahli-ahli Yang Berhormat serta rakyat yang beragama Kristian, Selamat Menyambut Hari Krismas dan kepada seluruh rakyat Sabah, Selamat Tahun Baharu 2024. Datuk Speaker, saya mohon menyokong. Sekian, wabillahi taufiq walhidayah, assalamualaikum warahmatullahi wabarakatuh dan terima kasih.

Timbalan Speaker [Datuk Haji Al Hambra bin Tun Juhar]: Terima kasih, Yang Berhormat Balung. Sebelum saya memanggil Ahli Yang Berhormat daripada Bandau untuk membahaskan, suka saya ingin mengingatkan kepada Yang Berhormat Segama dan juga ADUN Dilantik Datuk Raime Unggi untuk bersedia. Seterusnya, saya menjemput Ahli Yang Berhormat Bandau.

Datuk Wetrom bin Bahanda [Bandau]: Bismillahirrahmanirrahim. Assalamualaikum warahmatullahi wabarakatuh. Salam Sabah Maju Jaya. Salam Malaysia MADANI. Datuk Speaker, terima kasih kerana memberikan saya peluang untuk menyertai perbahasan belanjawan yang telah dibentangkan oleh Menteri Kewangan kita pada Jumaat yang lepas. Alhamdulillah, dalam kesempatan ini, saya ingin membahaskan serba sedikit soal keperluan dan hala tuju kawasan saya, iaitu

kawasan Bandau. Pertamanya, saya ingin menyentuh soal infrastruktur di kawasan DUN Bandau. Datuk Speaker, kawasan DUN Bandau ataupun Pekan Kota Marudu ini terletak dalam kawasan DUN Bandau. Kawasan pekan ini adalah merupakan satu kawasan yang amat amatlah *jammed* pada setiap masa dan alhamdulillah, terima kasih kepada Yang Amat Berhormat Ketua Menteri kerana pada tahun yang lepas pada tahun 2022 telah bertandang ke Kota Marudu dan telah mengumumkan untuk pembinaan jalan dua hala bagi kawasan pekan Kota Marudu. Saya sempat berbincang dengan Menteri JKR kita, dia telah menyatakan bahawa perancangan untuk pembinaan jalan berkembar Kota Marudu ini akan dilaksanakan dalam masa yang terdekat. Dan, sebagai wakil kepada rakyat di kawasan ini saya ingin menyeru supaya perancangan ini haruslah dilaksanakan dalam masa terdekat kalau boleh pada tahun hadapan. Pmbinaan jalan berkembar Kota Marudu ini dapat kita laksanakan dengan apa ini mengikut jadual yang telah dicadang oleh Yang Amat Berhormat Ketua Menteri.

Datuk Speaker, jalan ini adalah merupakan jalan sebenarnya jalan alternatif juga ke pantai timur, iaitu daripada Kota Kinabalu, Kota Marudu ke Pitas juga ke Sandakan. Sekarang ini, musim perayaan Krismas. Tidak lama lagi perayaan Krismas akan kita tempuhi dan selalunya pada musim perayaan, kalau sesiapa yang pernah mengikuti jalan Kota Marudu daripada Simpang Tiga Langkon sampai ke Sumbilingon...

28/11/2023- RAKAMAN 34 [3:30 PETANG - 3:40 PETANG] - [HASTRINA] - MOHELENA - NADA

Datuk Wetrom bin Bahanda [Bandau]: ...kita akan mengambil masa satu jam hingga dua jam untuk melalui kawasan ini. Dan sebab itu, kadang-kadang ada insiden yang ... apa ni, orang yang hendak bersalin kita hantar ke hospital, terpaksa bersalin dalam kereta kerana tidak sempat ke Hospital Kota Marudu. Jadi, ini merupakan satu keutamaan pada saya sebagai ADUN Bandau. Mudah-mudahan tahun depan perkara ini dapat direalisasikan.

Keduanya, mengenai infrastruktur juga, iaitu jalan. Penyelenggaraan jalan- jalan di kawasan saya. Ini juga merupakan suatu yang perlu diberi perhatian oleh pihak Kerajaan, terutamanya Kementerian JKR sebab ada insiden ataupun banyak kali insiden kereta terbalik. Kerana ketiadaan penyelenggaraan jalan-jalan, iaitu antara

jalan yang saya maksudkan itu, iaitu Jalan Terintidon Gontoi ke Pampang Poring, iaitu **Godok** Kota Belud dan Kota Marudu. Jalan ini kadang-kadang setahun hanya sekali ataupun dua kali diselenggara. Tidak ada penyelenggaraan rutin daripada pihak JKR. Jadi saya minta, kepada pihak JKR dan juga Kerajaan supaya dapat melihat ini sebagai suatu keutamaan kepada apa ni, keperluan masyarakat kita. Jangan sampai nanti ada apa ni, kemalangan jiwa barulah kita apa ni, mengambil tindakan. Begitu juga dengan jalan di Koromoko, jalan ini juga memerlukan perhatian kerana kadang-kadang bukan dalam musim apa ni, musim tengkujuh pun jalan ini sukar dilalui oleh kenderaan-kenderaan kecil.

Datuk Speaker, dalam kesempatan ini juga saya ingin menyentuh sedikit soal kebajikan rakyat kita. Kota Marudu ini adalah antara daerah yang termiskin di Malaysia dan lapan adalah antara lapan daerah yang termiskin di negeri Sabah dan sudah semestinya keperluan rumah-rumah rakyat ini amat diperlukan oleh rakyat kita. Alhamdulillah, saya melihat dalam belanjawan kita RM125 juta telah diperuntukkan untuk pembinaan Rumah Mesra ataupun SMJ. Ini merupakan satu harapan baharu kepada rakyat kita supaya mereka yang benar-benar memerlukan perkara ini dapat diambil perhatian oleh Kerajaan. Sebagai makluman Dewan yang mulia ini. Tadi pagi saya telah mendapat apa ni, satu maklum, makluman daripada penduduk di Kampung Koromuko. Satu rumah ibu tunggal telah roboh kerana terlalu uzur. Alhamdullillah tidak ada kemalangan jiwa. Jadi rumah ini, sekarang dalam perhatian ataupun tindakan kebajikan kita. Saya minta Menteri Kebajikan kita juga yang baru keluar tadi supaya kalau boleh melihat perkara ini dan dapat diambil tindakan segera. Sebenarnya bukan Rumah Puan Yook Min Kulas, bukan rumah beliau saja ini yang akan menunggu untuk roboh, banyak lagi senarai yang kita telah hantar kepada pihak Kementerian sama ada peringkat Kementerian peringkat negeri ataupun KKLW tapi setakat ini, belum mendapat apa-apa balasan ataupun kelulusan daripada pihak Kementerian.

Dan saya mencadangkan kepada Kerajaan Negeri Sabah, kalau boleh untuk mengelakkan perkara-perkara ini berlaku ataupun untuk supaya tindakan kita jelas dan cepat. Kalau boleh kita ada peruntukan khas kepada perkara-perkara seumpama ini, yang rumah roboh ataupun rumah yang dihanyutkan oleh banjir, untuk diambil tindakan yang segera tanpa menunggu peruntukan daripada KKLW ataupun kementerian-kementerian yang berkaitan. Supaya kesengsaraan masalah

rakyat kita ini, dapat diatasi secepat yang boleh. Tidak guna kita mempunyai apa ni, belanjawan yang begitu besar kalau perkara pokok soal kebajikan rakyat, kita tidak dapat tangani dengan segera.

Datuk Speaker, saya juga ingin menyentuh sedikit, soal elemen penting bagi kehidupan rakyat kita, iaitu masalah tanah. Kawasan DUN saya ini, merupakan kawasan pertanian terutamanya komoditi getah. Tapi amat malang kerana kebanyakan kita punya peladang-peladang ataupun petani-petani yang mengusahakan getah ini di bawah tanah SAFODA. Saya dalam ucapan, saya ingat tahun lalu saya telah menyuarakan soal perkara ini bahawa perlu ada tindakan daripada Kerajaan dengan segera supaya mereka ini dapat pemilikan yang penuh. Supaya bukan sahaja mereka dapat mengusahakan tanaman getah tapi juga untuk tanaman-tanaman yang lain.

Dalam belanjawan, ekonomi adalah satu usaha penting yang telah dimasukkan dalam belanjawan kita oleh Menteri Kewangan kita. Jadi, saya minta supaya masalah tanah di bawah SAFODA ini dapat dilaksanakan, kerana sewaktu saya Pembantu Menteri kepada Yang Amat Berhormat Ketua Menteri, kerana SAFODA ini di bawah kita telah ada mula perbincangan dan pihak SAFODA telah maklumkan kepada kita bahawa dalam peringkat itu SAFODA tengah membuat *survey* mana-mana yang telah diusahakan kam, ah, peringkat kampung ataupun rakyat kita diserahkan kepada rakyat kita. Dan saya minta proses ini dapat disegerakan mudah-mudahan apa ni, rakyat kita ini dapat hak yang sebenar, ya. Contohnya kampung-kampung yang terlibat ini, iaitu Kampung Bintasan Darat, Mangin 1 dan 2, Manggaris 1, 2 dan 3, Kampung Nalapak, Bukit Lalang, Sungai Laut dan juga beberapa kampung yang lain yang tidak sempat ah, yang tidak sempat saya sebutkan satu per satu.

Untuk makluman bukan sahaja mereka telah mengusahakan tanaman getah ini pada ketika ini tapi berpuluh tahun yang lepas. Ada yang 30 tahun mereka telah usahakan tanaman getah ini. Jadi ini merupakan satu sumber bagi mereka dan selayaknya saya ingat Kerajaan Negeri akan bagi peluang, bagilah tanah-tanah yang telah mereka usahakan ini kepada penduduk kampung. Kalaupun Kerajaan kerana ada isu pada ketika itu, ada isu yang kita risau bila tanah ini diberikan kepada pemilikan kepada penduduk kampung mereka akan jual kepada pihak yang ketiga.

Saya ingat kalau dulu, kita ingat waktu Kerajaan Negeri telah memperkenalkan geran komunal. Dalam geran komunal kita telah masukkan satu syarat di situ. Bahawa tanah itu tidak akan boleh dipindah milik melainkan kepada ahli keluarga. Saya ingat tanah-tanah SAFODA yang kita keluarkan untuk rakyat ini, juga kita boleh buat syarat yang sama supaya dia tidak boleh dijual cuma boleh diturunkan kepada ahli waris daripada pemilik asal. Jadi tidak akan ada kekeliruan ataupun kerisauan daripada Kerajaan dan ia akan dapat dimanfaatkan penuh oleh rakyat kita.

Datuk Speaker, saya ucapkan syabas dan tahniah kepada Kerajaan Negeri kerana telah mempunyai, mengorak langkah usaha-usaha untuk mengembalikan kegemilangan kita. Bagi apa ni, mengusahakan agar pengeluaran makanan kita, keterjaminan makanan untuk di negeri Sabah ini dapat diteruskan. Kita lihat dalam pembentangan bajet, telah ada penubuhan semula Lembaga Padi Negeri Sabah. Ini merupakan satu platform bagi kita untuk meningkatkan hasil padi kita. Dengan adanya lembaga ini mudah-mudahan usaha Kerajaan untuk memperkasakan tanaman padi dan juga penghasilan beras negeri Sabah. Bukan sahaja kita, boleh memanfaatkan untuk negeri Sabah tapi juga kita menyumbang kepada pengeluaran padi beras negara kita.

Bulan lepas saya telah berbahas di Parlimen soal perkara yang sama dan dalam masa yang sama juga ah, telah difahamkan telah ada perbincangan di antara Menteri kita daripada Parlimen Keningau ataupun Timbalan Menteri kita ini, Menteri Pertanian kita, ada perbincangan dengan Menteri Keterjaminan Malaysia. Soal bagaimana untuk membantu untuk merancakkan lagi pengeluaran ataupun mengusahakan lebih besar kawasan padi di kawasan negeri Sabah ini. Dan telah dinyatakan bahawa antara yang perlu kita titik beratkan di sini adalah jentera penanaman padi. Ataupun dan juga apa ini, jentera untuk menuai padi.

Selain daripada itu soal *variety* padi soal apa ini, baja semua telah diceritakan dalam pembentangan bajet kita. Saya cuma ingin menambah sedikit, sebab contohnya Kota Marudu kawasan saya di DUN Bandau adalah antara kawasan di Kota Marudu yang menyumbang kepada kawasan penanaman padi. Kawasan DUN Bandau dan kawasan saya banyak ataupun banyak tempat yang merupakan telah digazet sebagai tanaman sawah padi. Tapi kita tidak dapat usahakan kerana antara

masalahnya ialah ketiadaan tali air ataupun tali air yang tidak sempurna. Pengairan yang tidak sempurna dan keduanya, tidak ada jalan, bagaimana kita usahakan kalau tidak ada jalan masuk di kawasan tersebut?

Ini juga perlu diambil perhatian oleh Kementerian Pertanian saya ingat supaya dapat ditokok tambah di dalam kita punya bajet ini supaya perkara pokok ini, infrastruktur jugalah, iaitu pengairan kita dan juga jalan ini dapat kita apa ni, tangani. Ataupun adakan di kawasan yang telah digazetkan untuk tanaman padi ini. Ini secara tidak langsung dapat memperkasakan untuk pengeluaran ataupun ialah apa ni, pengeluaran beras kita peringkat negeri Sabah.

Timbalan Speaker [Datuk Haji Al Hambra bin Tun Juhar]: Sila gulung, YB.

Datuk Wetrom bin Bahanda [Bandau]: Sikit lagi ya. Seperkara lagi Datuk Yang, Speaker, ini adalah pesan daripada pemuda-pemuda ataupun belia di kawasan Kota Marudu. Seperti yang kita tahu bahawa kami pun telah, bukan sahaja diumumkan sekarang ini dalam...

28/11/2023- RAKAMAN 35 [3:40 PETANG - 3:50 PETANG] - [ANNETY] - JUDE. - HADINIE

Datuk Wetrom bin Bahanda [Bandau]: Pembinaan pun apa ini pembinaan stadium untuk kawasan Kota Marudu yang terletak di kawasan saudara saya Tandek, ADUN Tandek. Tapi apa yang merisaukan belia kita adalah sampai sekarang yang sepatutnya apa ini, stadium ini telah pun diguna pakai oleh rakyat masih tidak kelihatan. Saya tahu ada usaha daripada pihak Menteri dan juga pihak-pihak tertentu untuk berbincang bagaimana untuk supaya melancarkan pembinaan Stadium Kota Marudu ini.

Tapi saya minta pihak Kerajaan Negeri secara keseluruhannya campur tangan dan kalau boleh, mempercepatkan perkara ini sebab kita tidak mahu pilihan raya akan datang lagi, perkara ini masih sama dibincangkan di Dewan yang mulia ini. Jadi terima kasih kepada apa ini Datuk Speaker, yang telah memberikan saya masa sebenarnya ada dua tiga perkara lagi perlu saya utarakan tapi dalam kesempatan

yang begitu singkat Alhamdulillah, terima kasih, banyak perkara juga yang telah kita sebut di sini ataupun telah kita ulas.

Mudah-mudahan bajet yang begitu besar, bajet yang begitu sempurna kita dengar akan sampai kepada akhirnya penyelarasan dan juga pelaksanaan di peringkat akar umbi. Ini yang rakyat mahu. Rakyat sudah tidak mahu mereka mendengar tapi tidak ada yang dapat dirasakan oleh rakyat kita. Begitu juga di peringkat saya *Federal*, kita minta pihak *Federal*, Persekutuan agar melihat keperluan ini dan antara yang kita minta kepada pihak *Federal* dan juga saya minta Kerajaan Negeri juga, supaya minta benda yang sama adalah peruntukan khas untuk daerah-daerah yang termiskin ini.

Bagaimana kita mengeluarkan daerah yang termiskin ini? Sekiranya mempunyai peruntukan yang sama dengan daerah-daerah yang lain. Sudah tentu 60 tahun sudah merdeka. Pada 60 tahun akan datang, saya ingat kawasan Kota Marudu seperti Sonsogan Monggis dan juga Sonsogon Magandai masih dalam keadaan yang sama. Sekiranya tidak ada usaha daripada Kerajaan Negeri dan Persekutuan yang seimbang untuk memastikan kawasan ini keluar daripada kepompong kemiskinan. Datuk Speaker, terima kasih. Kota Marudu mohon menyokong.

Timbalan Speaker [Datuk Haji Al Hambra bin Tun Juhar]: Terima kasih Yang Berhormat Bandau. Seterusnya saya menjemput Yang Berhormat Segama.

Datuk Mohamaddin bin Ketapi [Segama]: Bismillahirrahmanirrahim. Assalamualaikum W.B.T. dan salam sejahtera. Yang Berhormat Datuk Seri Speaker. Terlebih dahulu saya ingin mengucapkan penghargaan dan terima kasih kepada Yang Berhormat Datuk Seri Speaker serta Dewan yang mulia ini kerana memberi ruang kepada Segama untuk menyertai perbahasan Rang Undang-undang Perbekalan atau Bajet Negeri Sabah tahun 2024.

InsyAllah saya akan berusaha menyampaikan perbahasan ini dalam tempoh masa yang diberikan dengan bahasa yang mudah dan berkesan. Terlebih dahulu saya ucap tahniah kepada Menteri Kewangan kerana konsisten dalam menyediakan bajet setiap tahun. Bajet setiap tahun ini menampakkan pengawalan penggunaan wang Kerajaan Negeri Sabah dengan tepat dan cermat. Saya, Tuan Speaker, saya

mendapati ada berapa terma baharu yang cuba diketengahkan oleh Kerajaan bila memetik teks pembentangan bajet 2024 oleh Menteri Kewangan.

Antaranya konsep *blue economy*. Saya menyedari keperluan bagi pihak Kerajaan menerokai sumber pendapatan alternatif bagi mengurangkan kebergantungan kepada komoditi hydro karbon dan *CPO, Crude Palm Oil* untuk menambah pendapatan tahunan negeri. Namun demikian, saya tidak melihat penerokaan *blue economy* boleh menjadi solusi berimpak jangka pendek sedangkan terdapat sub-sektor ekonomi yang sudah tersedia tetapi perlu diperkasakan potensinya oleh Kerajaan dari sudut pembangunan serta *R & D* iaitu, industri hiliran berasaskan sumber alam negeri kita yang kaya ini.

Terma ekonomi ada menyebut *concentration always better than diversified*. Jika kekayaan sumber alam negeri kita mampu menarik FDI besar seperti *Kibing Solar* yang perlukan sumber *silica* untuk operasinya. Pasti aset semula jadi negeri kita dapat menarik minat syarikat yang besar yang lain untuk mengembangkan industri hiliran dipacu kerjasama di antara GLC dan Kerajaan Negeri Sabah.

Saya mengikut perkembangan hala tuju Kementerian Pertanian dan Perikanan Negeri. Saya mengucapkan tahniah oleh kerana hala tuju penanaman padi secara meluas sama ada padi sawah atau padi bukit. Memang tepat pada masanya kita ini memperluaskan penanaman padi. Kita di Sabah mempunyai tanah yang besar, luas, tanah yang subur tidak ditanam padi. Malahan kita membeli padi beras untuk dimakan daripada negara jiran, Thailand, Vietnam dan sebagainya. Jadi tujuan hala tuju ini saya berharap sangat. Menteri Pertanian ini kawan lama saya. Saya berharap sangat hala tuju ini akan menjadi kenyataan dan bukan setakat rancangan di kertas.

Demikian juga dengan getah. Kita di Sabah ada industri Lembaga, Lembaga Tabung Getah Sabah. Saya mencadangkan supaya diperluaskan lagi penanaman getah di Negeri Sabah ini. Pekebun-pekebun kecil, orang-orang tempatan yang mempunyai tanah, bagi subsidi kepada mereka untuk menanam getah. Getah ini semua kita tahu keperluan dia sungguh meluas tetapi kita ini membeli tayar kereta daripada Thailand. Ini masalahnya. Jadi kalau boleh, ini hanya cadangan kepada sahabat saya Menteri Pertanian. Kalau boleh, buat sekali. Buat sekali penanaman

padi secara meluas dan getah industri ini. Sabah ini akan bergantung kehidupan dia kepada industri pertanian di masa akan datang dan juga industri. Ada Menteri Perindustrian di sini? Kalau kita lihat Thailand.

28/11/2023- RAKAMAN 36 [3:50 PETANG - 4:00 PETANG] - [ROHANI] - TERESA - EZURA

Datuk Mohamaddin bin Ketapi [Segama]: ...kita lihat Taiwan, semua bergantung penghidupan negara ini kepada pertanian dan industri. Kita ambil lagi negara yang lebih lagi, yang lebih apa ini lebih maju seperti England. Dia tidada (tidak ada) kayu balak tetapi duit dia, bergantung pada pendapatan pertanian. Pertanian dan industri. Tetapi industri ini tidak akan berkembang maju kalau tidak ada asas dia. Apa asas industri? Tenaga elektrik, apa lagi? Air. Kalau saya tidak silap, saya ada terbaca, bahawasanya satu kerjasama, kalau saya tidak silap, *correct me if I'm wrong*, Yayasan Sabah akan bekerjasama, *joint venture* dengan syarikat daripada luar mungkin untuk, untuk, apa ini menjamin tenaga elektrik di Sabah ini, akan apa, berjalan dengan, dengan apa ini, dengan mencukupi untuk kegunaan kita.

Ini satu hala tuju yang tepat. Macam mana orang mahu buat industri di negeri kita ini, kalau elektrik tidak cukup, air tidak cukup. Saya ada dengar juga bahawasanya Sarawak ini menjual tenaga elektrik, kita sepatutnya mengambil di situ tetapi kita ini mesti ambil kesempatan, yang mana dulu dapat kita buat, itu dulu kita buat. So, industri dan pertanian ini, ini hala tuju yang tepat dan betul. Di samping itu, Yang Berhormat daripada Sulabayan tadi menyentuh soal pelancongan. Pelancongan ini mimang (memang) membawa atau menjana pendapatan yang tinggi, yang besar untuk negara.

Saya juga ingin menggunakan kesempatan ini, perbahasan menyentuh tentang perkembangan industri pelancongan negeri Sabah. Tahniah saya ucapkan atas kejayaan Kerajaan menerima jumlah resit pelancongan melebihi 100% pada tahun 2023. Berbanding tahun 2022, iaitu pada kadar RM2.45 billion berbanding dengan 1.19 billion pada tempoh sama tahun 2022. Sehubungan dengan itu, negeri ini jelas perlu, jelas perlu *accommodate* permintaan industri pelancongan yang *rapid grow* dengan penyediaan produk baharu, seperti destinasi baharu untuk diterokai pengunjung domestik dan *international*.

Berhubung kait dengan cukai pelancongan, yang telah diutarakan dari Yang Berhormat daripada Senallang. Ini hanya sebagai peringatan kepada Menteri Pelancongan kita. Tolong notakan dan kasitau (beritahu) Menteri Palancongan tidada (tidak ada) di sini saya nampak. Cukai pelancongan. Cukai pelancongan ini kita perlu buka mulut dan minta kepada Kerajaan Persekutuan. Kalau kita tidak buka mulut dan minta, cukai ini mungkin kita tidak dapat. Tidak kita terima.

Ketikanya dulu saya, Menteri Pelancongan, Seni dan Budaya Malaysia, bukan mudah untuk mendapat ini cukai pelancongan. Saya banyak kali berbincang dengan Tun Dr Mahathir ketika itu, Perdana Menteri Malaysia dan Lim Guan Eng ketika itu Menteri Kewangan. Tetapi kalau kita punya Menteri Pelancongan di Sabah ini, mungkin melalui Menteri Kewangan kita boleh bersuara pigi (pergi) atas, minta. Ini cukai pelancongan ini, saya rasa untuk Sabah agak besar kerana pada ketika itu saya masih ingat, nombor satu yang terbesar Selangor, Kedua Pulau Pinang, ketiga Johor, keempat, Sabah dan Sarawak, puluhan juta. Jadi, kalau kita tidak minta, kita rugi di situ. Jadi, kita kena minta.

Timbalan Speaker [Datuk Haji Al Hambra bin Tun Juhar]: Sila gulung, YB.

Datuk Mohamaddin bin Ketapi [Segama]: Iya.

Timbalan Speaker [Datuk Haji Al Hambra bin Tun Juhar]: Sila gulung.

Datuk Mohamaddin bin Ketapi [Segama]: Iya. Iya. Ada sedikit, sedikit lagi saya perlu utarakan di sini kepada Menteri, Kementerian Pertanian dan Perikanan juga, iaitu tentang, apa ini, parit. Parit di Jalan Sigama Lama. Ini nama tempat. Jalan Sigama Lama daripada Batu 5 hingga Batu 6. *Or else, I will write personally to the Menteri nama tempat itu.* Terdapat di tepi jalan raya satu sungai. Sungai ini perlu diluaskan, diluruskan, didalamkan. Oleh kerana dia kalau hujan, satu jam seja (sahaja) hujan, habis banjir di tempat ini. Jalan raya daripada Menteri JKR pun tidada (tidak ada) disini, tetapi nanti *I think somebody will take note of that.*

Jalan raya itu pun parit tidada (tidak ada). Tambah dengan sungai itu lagi di tepi jalan lagi yang bingkuk (bengkok) sana sini, tolong minta luruskan. Habis banjir di tempat itu, orang lalu di jalan itu pun mahu tunggu satu jam turun air, dua jam turun

air, baru dapat, baru dapat apa ini, baru dapat melalui tempat itu. Banyak perkara lagi yang saya apa, perlu cakap, tetapi oleh kerana kita ini banyak lagi mahu berbahas ini, apapun sekali lagi saya mengucapkan ribuan terima kasih di atas peluang diberi kepada saya, untuk Segama berbahas dalam belanjawan ini.

Oleh yang demikian, selamat menyambut Hari Krismas dan juga Tahun Baharu kepada Ahli-ahli Yang Berhormat dan seluruh rakyat Sabah yang beragama Kristian dan dengan itu, Datuk Seri Speaker, Segama menyokong bajet negeri Sabah Tahun 2024. Sekian, terima kasih.

Timbalan Speaker [Datuk Haji Al Hambra bin Tun Juhar]: Terima kasih, Yang Berhormat Segama. Sebelum saya memanggil ADUN Dilantik, Yang Berhormat Sungai Manila dan Yang Berhormat Bugaya, sila bersedia. Seterusnya, saya memanggil ADUN Dilantik, YB Datuk Raimie Unggi.

Datuk Raime bin Unggi [ADUN Dilantik]: Assalamualaikum warahmatullahi wabarakatuh. Salam hormat. Sabah Teguh, Rakyat Terbela. Terima kasih, Datuk Yang Dipertua kerana terus memberi peluang kepada saya untuk turut berbahas Belanjawan pada tahun hadapan dalam Dewan yang mulia ini.

28/11/2023- RAKAMAN 37 [4:00 PETANG - 4:10 PETANG] - [ZULFIKREE] - SITI JUBAIDAH - NADA

Datuk Raime bin Unggi [ADUN Dilantik]: Sebelum saya meneruskan perbahasan saya Datuk Speaker, saya ingin menyelitkan dua rangkap pantun,

Bunga raya dipetik sunti,
Kelopak lima merah membara;
Rakyat Sabah bersatu hati,
Teguh sesama membina negeri dan negara.

Pergi ke belukar memasang pikat,
Pulangnya lewat di hujung petang;
Jikalau Sabah sentiasa berjimat cermat,
Rezeki secupak terasa segantang.

Datuk Yang di-Pertua, saya ingin mengambil kesempatan juga dalam Dewan yang mulia ini, Datuk Speaker, turut untuk mengucapkan takziah dan dibekalkan bacaan al-Fatihah kepada rakyat Palestin terutamanya di Gaza yang jelas sekali memperlihatkan jenayah perang secara terang-terangan oleh tentera Israel Zionis. Ini adalah satu malapetaka kemanusiaan yang tidak dapat digambarkan dan dunia seolah-olah memerhati saja tentera Zionis ini membantai rakyat Palestin tanpa ada rasa bersalah dan berperikemanusiaan. Semoga Allah SWT Datuk Yang di-Pertua terus memberi kekuatan dan ketabahan luar biasa kepada rakyat Gaza dan Palestin keseluruhannya, moga Malaysia termasuk negeri kita negeri Sabah dan rakyat Sabah terus membantu rakyat Palestin mengikut pelbagai saluran sehabis sebaik.

Datuk Yang di-Pertua, sepertimana yang saya sebutkan perihal Palestin tadi seharusnya rasa rakyat Sabah perlu mengambil iktibar dalam keadaan negeri ini aman sentosa, berada dalam keadaan suasana perpaduan yang harmoni serta rahmat yang tidak pernah putus-putus. Sebab itu menerusi pembangunan ekonomi yang sekata di setiap pelusuk negeri Sabah sangatlah dituntut dalam mengimbangi kesejahteraan kehidupan rakyat Sabah, pada waktu aman dan harmoni inilah seharusnya Kerajaan perlu bijak untuk mengenal pasti koridor pembangunan di negeri ini berkembang secara teratur. Saya berpandangan sudah tiba masanya negeri Sabah dikeluarkan daripada persepsi negeri termiskin seperti mana telah disentuh oleh rakan-rakan Ahli Berhormat yang lain. Sudah tiba masanya daerah-daerah di negeri Sabah dititknoktahkan sebagai daerah termiskin negara ini malah sudah tiba masanya rakyat Sabah tidak lagi lihat sebagai rakyat termiskin bagi di negara kita. Sabah adalah negeri yang luas, negeri yang telah mencapai kemerdekaan sejak pembentukan Malaysia berdekad-dekad lamanya. Sabah sangat kaya dengan sumber dan semula jadinya, kaya dengan galian yang belum diterokai sepenuhnya tetapi mengapa Sabah masih dilihat belum mencapai pembangunan yang pesat walaupun saya tidak nafikan, Datuk Yang di-Pertua, kita juga dapat menikmati pembangunan yang telah dilangsungkan oleh pihak Kerajaan.

Timbalan Speaker [Datuk Haji Al Hambra bin Tun Juhar]: Sebentar, YB, ada usul daripada Menteri.

Menteri Pembangunan Perindustrian dan Keusahawanan [Datuk Phoong Jin Zhe]: Datuk Speaker, usul.

Timbalan Speaker [Datuk Haji Al Hambra bin Tun Juhar]: Silakan.

Menteri Pembangunan Perindustrian dan Keusahawanan [Datuk Phoong Jin Zhe]: Datuk Speaker, saya mencadangkan bahawa menurut Peraturan Tetap 2(1)(b) Peraturan-peraturan Tetap Dewan, Dewan ini tidak ditangguhkan sehingga jam 8 malam hari ini.

Timbalan Speaker [Datuk Haji Al Hambra bin Tun Juhar]: Ahli Berhormat yang menyokong.

Pembantu Menteri Pertanian, Perikanan dan Industri Makanan [Tuan Peto Galim]: Datuk Speaker, saya memohon menyokong.

Timbalan Speaker [Datuk Haji Al Hambra bin Tun Juhar]: Ahli-ahli Yang Berhormat, masalah di hadapan majlis ialah bahawa Dewan ini tidak akan ditangguhkan sepertimana yang dicadangkan.

Ahli-ahli yang bersetuju, katakan bersetuju. Yang tidak bersetuju, katakan tidak. Lebih suara yang bersetuju, usul disetujui.

Yang Berhormat ADUN Dilantik, teruskan.

Datuk Raime bin Unggi [ADUN Dilantik]: Datuk Speaker, sudah tiba masanya belanjawan negeri pada tahun hadapan 2024 ini perlu diterjemaahkan secara bersungguh-sungguh untuk membersihkan setiap agihan itu sampai ke golong sasar. Pembangunan yang sudah kenal pasti dan harus mencapai pelaburan kekayaan negeri serta pendapatan baharu. Sepertimana yang telah dibentangkan pada hari Jumaat yang lalu, Kerajaan Negeri telah mencadangkan satu anggaran perbelanjaan perbekalan sebanyak RM5.701 bilion dengan anggaran hasil negeri sebanyak RM5.737 bilion. Ini bermakna, belanjawan pada tahun hadapan ini, Datuk Speaker, adalah satu belanjawan surplus ataupun lebih, iaitu ya sebanyak RM35.87 juta.

Datuk di-Pertua, apa yang telah dimaksudkan oleh surplus bajet ini, dengan izin, adakah kita berpandangan sesuatu yang baik atau sudah mengambil kira ia perlu

berhati-hati dengan apa yang kita hendak belanjakan walaupun menampakkan hasil ya hasil dari menjana pendapatan. Perbelanjaan belanjawan ini jangan pula menghimpitkan kesengsaraan rakyat dengan pungutan cukai-cukai yang tinggi dan cukai yang tidak nampak malahan jangan menampakkan ada bebanan kepada syarikat ataupun pelabur yang melihat Sabah ini adalah negeri yang berpotensi besar dan juga dinamik. Moga peruntukan pada tahun hadapan Datuk Yang di-Pertua untuk negeri Sabah ini dijadikan sebagai pencetus untuk menitiknotkahkan pelbagai masalah ekonomi dan juga rakyat yang semakin mengakar dan dapat dirasai. Ini benar, sangat benar apatah lagi sewaktu lawatan Tuanku Agong dan rombongannya dalam Kembara Borneo Diraja telah menceritakan kesulitan dan gambaran sebenar rakyat. Prasarana kawasan luar bandar serta kemudahan asas yang masih terkial-kial untuk mencari jawapan penyelesaian sehingga sekian lama Sabah yang membentuk negara Malaysia.

Datuk Yang di-Pertua, memang benar Kerajaan Negeri pernah mengunjurkan ekonomi negeri ini untuk lebih baik pada kadar 4% atau 5% pada tahun lepas pada tahun ini 2023. Tetapi, adakah ianya telah benar-benar memberi impak kepada momentum pemuliharaan ekonomi Sabah walaupun dalam pembentangan belanjawan negeri ada menyebut Sabah mencatat 3.7% pada tahun 2022. Persoalan besar saya, Datuk Speaker, iaitu sudahkah capaian yang disasarkan capai pada tahun 2023 pada tahun ini? Ini belum lagi diambil kira pada tahun hadapan, Datuk Yang di-Pertua, yang mana dijangka akan mengalami satu cabaran yang besar terhadap ekonomi dan perkembangan di negeri kita.

Jika saya ingin mencadangkan supaya Kerajaan Negeri membuat satu susulan pencapaian dalam soal pemberian insentif, imbuhan, agihan, peruntukan, pelaksanaan dan apa saja yang dicapai dan sebaliknya pada tahun 2021, 2022 dan 2023, belanjawan yang telah diumumkan terdahulu. Kerajaan Negeri perlu mempunyai satu pasukan khas juga telah disentuh oleh Yang Berhormat Menteri tadi untuk memantau dan mengenal pasti kajian dapatan bagi setiap peruntukan pembangunan dan juga pengurusan barulah kita nampak ke arah mana wang itu dibelanjakan untuk pengurusan dan juga pembangunan. Soal ini sangat penting, Datuk Speaker, kerana setiap wakil-wakil rakyat dapat menceritakan kepada rakyat di kawasan DUN masing-masing, apa yang telah diberikan dan apa yang belum

diberikan dan apa yang akan menyusul kepada rakyat di kawasan DUN masing-masing barulah rakyat nampak keberhasilan yang dicapai oleh Kerajaan Negeri.

Saya sebenarnya juga sangat kluatir sepertimana rakan-rakan saya Yang Berhormat dari Segama tadi apabila melihat negeri Sabah terlalu bergantung kepada hasil petroleum mentah (CO) dan juga minyak sawit mentah (CPO) yang dilihat menyusut jumlah nilai eksport negeri sehingga menjejaskan imbalan perdagangan negeri sebanyak 45.8%, saya memahami akan faktor dan punca mengapa CO dan CPO ini terjejas seperti mana yang telah dijelaskan dalam Dewan yang mulia ini pada hari Jumaat lalu. Tetapi saya hendak ingatkan kepada pihak Kerajaan Negeri supaya secara segera untuk mencari atau mengenal pasti sumber baharu dan juga punca pendapatan negeri baharu sebagai *back up* kepada CO dan CPO ini. Perkara ini sangat penting apatah lagi sudah tiba masanya GLC-GLC dan juga agensi-agensi Kerajaan Negeri mengubah corak pemikiran perniagaan mereka yang lebih dinamik, perniagaan yang berganda dan berani. Saya akan ulas dengan lebih lanjut, Datuk Yang di-Pertua nanti.

Dalam belanjawan ada menyentuh soal pelaburan yang lalu sekarang telah diperuntukkan dalam belanjawan tahun hadapan, saya tidak nafikan di bawah Pelan Pembangunan Hala Tuju Sabah Maju Jaya memang banyak difokuskan dalam soal pelaburan. Tahun lalu saja Datuk Yang di-Pertua, saya telah difahamkan Kerajaan Negeri telah menjana hasil RM6.6...

28/11/2023- RAKAMAN 38 [4:10 PETANG - 4:20 PETANG] - [LOVELLA] - NADIA - HADINIE

Datuk Raime bin Unggi [ADUN Dilantik]: ...bilion dan rekod pelaburan ini bernilai RM33.4 bilion dalam belanjawan kali ini, ada juga menyebut sehingga Jun 2023 Sabah telah menerima pelaburan sebanyak enam sembilan bilion melalui pelaburan kemasukan pelaburan-pelaburan baru. Malah, negeri China juga adalah antara rakan dagangan utama bagi negeri Sabah iaitu dengan nilai dagangan yang meningkat kepada 1.2 peratus iaitu 6.56 bilion pada tempoh enam bulan pertama pada tahun ini.

Bunyinya cantik Datuk Speaker, tapi setakat ini mana rakyat benar-benar merasai? Setakat manakah sebenarnya pelaburan langsung asing FDI ini dibawa masuk ke negeri Sabah pada tahun 2020, 2021, 2022 dan juga pada tahun ini. Walaupun dalam pembentangan Belanjawan ada dihidangkan beberapa contoh pelaburan yang masuk dan jumlah pekerjaan yang telah ditawarkan kepada rakyat Sabah. Saya juga ingin tahu Datuk Speaker, setakat manakah jumlah pekerjaan yang telah diwujudkan.

Datuk Haji Yakubah Khan [Karambunai]: Yang Berhormat, mohon laluan. Boleh? Terima kasih. Saya ingin memberi pandangan dan bertanya kepada Yang Berhormat, adakah Yang Berhormat bersetuju dimana kita melihat pada peningkatan pendapatan negeri Sabah itu. Adakah Yang Berhormat bersetuju sekiranya Kerajaan melaksanakan subsidi bersasar, sama ada secara langsung ataupun tidak langsung kepada rakyat negeri Sabah iaitu mereka-mereka bersasar memandangkan kita juga menginsafi dan menyadari hakikat bahawa peningkatan kos sara hidup dari sehari ke sehari. Saya harap Yang Berhormat dapat juga memberi pandangan, terima kasih.

Datuk Raime bin Unggi [ADUN Dilantik]: Datuk Speaker, saya bersetuju dengan pandangan yang telah dikemukakan oleh Yang Berhormat Karambunai tadi. Yang penting Datuk Speaker, subsidi yang diberikan kepada rakyat itu jangan disalahgunakan. Jangan dipesongkan oleh pihak-pihak tertentu untuk apa ini untuk mereka saja. Saya harap Kerajaan memberi subsidi bersasar itu biarlah tepat kepada sasarannya. Jangan disalah guna ah.

Datuk Speaker, saya ingin menyambung. Saya juga ingin tahu setakat manakah pekerjaan yang telah diwujudkan di bawah FDI di bawah masuk ke negeri ini? Berapa pula jumlah rakyat Sabah yang dapat pekerjaan di bawah kemasukan FDI- FDI pada tahun 2020, 2021, 2022 dan juga pada tahun ini? Saya juga ingin tahu setakat manakah jumlah projek ini telah direalisasikan berbanding yang telah diumumkan pada tahun 2020, 2021, 2022 dan juga pada tahun ini. Saya bertanya ini semua Datuk Speaker, kerana ingin mengetahui adakah projek-projek besar ini telah benar-benar memberi dan memberi manfaat dan telah dirasai oleh rakyat Sabah dan juga pembangunan negeri Sabah.

Kalau dilihat secara realitinya Datuk Speaker, ia seolah-olah tidak digambarkan seperti yang diumumkan. Bukannya saya untuk menafikan kesungguhan Kerajaan Negeri Sabah. Saya sangat menghargai tetapi rakyat di luar sana mereka mengatakan tidak merasai, tidak menikmati. Dimana sebenarnya pekerjaan yang ditawarkan itu? Jadi inilah perkara-perkara besar kecil yang perlu diterjemahkan oleh Kerajaan Negeri bahawa rakyat Sabah menaruh harapan yang sangat tinggi dalam keadaan kehidupan yang mencabar Datuk Speaker.

Datuk Speaker, salah satu isu yang telah banyak dikemukakan oleh rakan-rakan iaitu isu kemiskinan. Saya rasa Datuk Speaker, isu kemiskinan ini perlu kesungguhan yang luar biasa dan saya percaya tidak ada yang mustahil dan tentu ada caranya. Kalau mengikut *survey* pendapatan isi rumah dan kemudahan asas 2019 Datuk Speaker, Sabah telah menunjukkan perbelanjaan penggunaan isi rumah bulanan purata terendah mengikut negeri-negeri pada tahun 2016 mencatat pada kadar RM2 595.00 dan pada tahun 2019 pada kadar RM2 792.00 dan pada tahun 2023 ini Datuk Speaker, anggaran kadar perbelanjaan isi rumah bulan di Sabah adalah sekitar RM2 980.00 masih lagi terendah berbanding dengan negeri-negeri yang lain. Dapatan yang turut yang sama turut mencatatkan Sabah mempunyai kadar insiden kemiskinan mutlak tertinggi iaitu sebanyak 25 peratus, tidak kira di kawasan bandar ataupun di luar bandar berbanding dengan negeri-negeri yang lain.

Kebanyakan rakyat Sabah bekerja sebagai petani nelayan yang hanya berpendapatan kurang daripada RM2000 sebulan. Ini belum lagi mengambil kira ahli-ahli keluarga dalam isi rumah itu. Akibat kemiskinan yang tinggi ini memberi kesan kepada golongan wanita dan juga kanak-kanak sebagai contohnya Datuk Speaker. Saya bagi contoh Datuk Speaker, kadar celik huruf di Sabah bagi wanita berumur 15 tahun hingga 24 tahun adalah yang terendah, sehingga kadar kemasukan di IPT merekodkan Sabah punya mempunyai kadar kemasukan terendah antara tahun 2009, 2021. Malahan, negeri Perlis dan Melaka mencatatkan kadar lebih tinggi daripada negeri Sabah.

Jika kita biarkan perkara ini Datuk Speaker, dalam masa jangka yang panjang dan sekarang ini pun memang dah lama berlaku dan telah menyebabkan tahap mobiliti pendidikan sangat terkesan dan akhirnya mencipta kemiskinan di negeri kita. Saya sebenarnya sangat bimbang. Seharusnya Datuk Speaker, Jabatan Pendidikan

Negeri perlu melihat perkara ini secara mendalam kerana asas utama untuk bangkit dari belenggu kemiskinan adalah soal adalah pendidikan. Saya tidak mahu Sabah bakal mengalami kekurangan modal insan, kekurangan tenaga kerja yang berkecukupan dan kompeten mengisi pekerjaan di negeri Sabah yang akhirnya menyebabkan wujud penggantungan terhadap tenaga kerja daripada luar. Ini berlaku dengan pesat dan Sabah akan kerugian dari semasa ke semasa.

Jadi dalam Belanjawan Negeri yang telah diumumkan, saya mengalu-alukan peruntukan sebanyak RM101 juta untuk biasiswa dan juga dermasiswa kepada 1500 orang bakal pelajar yang akan melanjutkan pengajian ke peringkat yang lebih tinggi. Cuma saya hendak mengesyorkan supaya pelajar-pelajar ini yang mana telah melanjutkan pengajian berteraskan TVET, mesti diutamakan dalam kehendak pasaran kerja dan juga industri sekarang. Saya juga berharap peruntukan RM44 juta kepada para pelajar yang kurang berkemampuan untuk meneruskan pengajian seperti bantuan yang menyokong bagi menyokong institusi-institusi pendidikan ini perlu sampai ke golongan rentan yang benar-benar memerlukannya.

Mesti ada saringan dan saya berharap wakil-wakil rakyat juga perlu dilibat urus sekali, supaya tata kelola yang diunjurkan berjalan secara efektif. Setidak-tidaknya ia dapat membantu di DUN masing-masing. Walaupun saya dilantik Datuk Speaker, namun kawasan saya di Tenom juga sebagai contoh ramai yang masih memerlukan bantuan seperti ini. Pemasangan 300 buah VSAT akan membolehkan penduduk di kawasan pedalaman menerima akses jalur lebar melalui rogram kerjasama dengan Suruhanjaya Komunikasi dan Multimedia Malaysia. Ini sangat diperlukan pada masa kini, serta peruntukan RM43.49 juta untuk menaik taraf rangkaian internet termasuk di pusat-pusat e-Desa menggunakan gentian optik berkelajuan minima kepada 300 Mbps ini sangat penting.

Penyediaan yang baik adalah aras petanda kemajuan dalam sesuatu kawasan yang bukan sahaja meningkatkan pendidikan dan pembelajaran, malah urusan perniagaan dan harian yang akan merancakkan lagi sosioekonomi setempat bagi memastikan ikhtiar bagi menitik-noktahkan kemiskinan dicapai secara pantas.

Datuk Yang diPertua, sebagai penutup perbahasan saya, seperkara asas yang penting untuk saya bangkitkan ialah kemudahan prasarana jaringan komunikasi dan

logistik di negeri ini. Kalau kita lihat kemudahan prasarana dan jaringan komunikasi, memang aspek yang perlu diberikan penekanan dan juga penekanan dalam memastikan proses pembangunan ini dapat berjalan dengan lancar. Kebanyakan proses pembangunan masih lambat ataupun terbantut disebabkan oleh ketiadaan kemudahan prasarana infrastruktur dan sistem jaringan komunikasi yang baik sepertimana jalan raya, tali...

28/11/2023- RAKAMAN 39 [4:20 PETANG - 4:30 PETANG] - [AZWANA] - AZYATUL - EZURA

Datuk Raime bin Unggi [ADUN Dilantik]: ...*phone, internet* dan juga sebagainya. Saya sangat berharap Kerajaan Negeri ini perlu berani dan tangkas. Bagi melaksanakan pembangunan-pembangunan koridor ekonomi di bawah Belanjawan 2024 pada kali ini dan ianya menjadi satu *platform*, di bawah usaha untuk memastikan kemudahan-kemudahan seperti ini dapat disediakan berasaskan teknologi yang serba moden dan lengkap agar matlamat belanjawan negeri pada tahun hadapan, dapat menjadikan Sabah sebagai sebuah negeri yang maju, dapat direalisasikan.

Pohon juga Datuk Speaker, saya harap kepada pihak Kerajaan lihat. Lihatlah jalan perhubungan melalui laut, udara, dan juga darat juga perlu diperbaiki dan perlu dipertingkatkan lagi bagi penggunaan agar ketiga-tiga jalan perhubungan ini, menjadi satu jambatan transmisi bagi pelbagai bentuk aktiviti, perniagaan dan juga pelaburan dari dalam ataupun daripada luar negeri Sabah.

Lalu. Lualan udara misalnya Datuk Speaker, penerbangan secara langsung harus juga diperbanyakkan seperti penerbangan pergi balik Kota Kinabalu, ke Jakarta dan juga ke Manila, China, Jepun dan juga negara-negara yang lain. Bangkok, juga sebagai contoh bagi menarik masuk dan meningkat daya tarikan para pelabur dari luar untuk melabur di Sabah dan juga menarik masuk lebih ramai pelancong asing ke negeri Sabah.

Dinaik taraf dan dimodenkan pelabuhan sedia ada, di negeri Sabah ini dan jaringan darat melibatkan kawasan pendalaman, kampung dan desa, kerana inilah asas dalam menggerakkan aliran ekonomi. Contohnya Datuk Speaker, Pulau Labuan

yang dilihat sebagai pusat dagangan pesisir pantai bertaraf antarabangsa. Tetapi isu bekalan air terputus dan gangguan bekalan air setiap hari, tidak menggambarkan sepertimana yang kita ketahui. Walaupun bertaraf Wilayah Persekutuan, tapi masih dalam keadaan yang sama dan lama juga. Sepertimana di dalam belanjawan negeri, rakyat menaruh harapan tinggi sebenarnya. Saban tahun dibentang segala peruntukan tetapi, masalah tidak pandai selesai-selesai. Malah semakin bertambah masalah itu, kerana peruntukan-peruntukan dahulu saya tidak pasti ke mana dia pergi ataupun lesap begitu sahaja. Ini bukan satu tuduhan tetapi Datuk Speaker, ialah satu realiti dan perlu dihadapi.

Jadi saya amat berharap wang sebanyak RM120 juta diperuntukkan untuk kerja-kerja di bawah peruntukan khas dan pembangunan. Projek pembangunan kecil ke atas pembinaan atau penyelenggaraan infrastruktur dan kemudahan asas di seluruh negeri Sabah. Besar angka ini, Datuk Yang di-Pertua. Sepatutnya ia dapat memberi impak yang secara positif seperti juga wang RM3 juta diperuntukkan untuk program bekalan elektrik luar bandar. Bekalan air luar bandar. Ini satu cerita yang besar Datuk Yang di-Pertua, tapi peruntukan sentiasa ada. Malah, bekalan terputus pun sentiasa ada. Jadi bagaimana? Jadi saya harap Datuk Yang di-Pertua, apa yang saya bangkitkan ini akan mendapat tindakan dan mendapat perhatian daripada setiap kementerian.

Datuk Yang di-Pertua akhirnya sekali, Sabah terkenal dengan perkhidmatan kereta api kerana ianya juga, ianya merupakan salah satu pengangkutan awam yang paling penting dan juga murah. Dalam bajet, saya melihat peruntukan sebanyak RM58.62 juta bagi menambah baik perkhidmatan kereta api dan juga infrastruktur pada tahun hadapan sangat saya alu-alukan dan seharusnya laluan ke Tenom menyusuri Sungai Padas, perlu diberi promosi yang lebih baik serta pakej yang menarik.

Jadi mungkin Datuk Yang di-Pertua, saya ingin bertanya kepada pihak kementerian, melalui peruntukan sebanyak RM58 juta ini, saya harap tidak disia-siakan. Tenom di negeri Sabah, kereta api ini cuma ada daripada Tanjung Aru ke Tenom sahaja. Jadi, saya harap ianya menjadi salah satu pengangkutan bukan sahaja, salah satu pengangkutan kepada kawasan-kawasan yang terlibat tetapi ianya menjadi satu pakej untuk menjana ekonomi-ekonomi yang ekonomi kepada penduduk setempat yang terlibat dengan laluan kereta api ini.

Jadi, Datuk Yang di-Pertua, jelas sekali sudah tiba masanya Sabah mengorak langkah berani kurangkan birokrasi ah ini Datuk, Datuk Yang di-Pertua, paling penting kurangkan birokrasi dan juga kurangkan retorik. Kurangkan berpolitik, dan kurangkan **simak**, sifat tamak haloba. Saya percaya di bawah kepimpinan Yang Amat Berhormat, Sabah akan maju dan rakyat akan sentiasa terbela.

Akhirnya Datuk Yang di-Pertua, saya juga turut ingin mengucapkan *Merry Christmas* kepada rakan-rakan yang beragama Kristian dan Selamat Menyambut Tahun Baharu pada seluruh rakyat di negeri Sabah. Jadi, saya mohon menyokong.

Timbalan Speaker [Datuk Richard Yong We Kong]: Terima kasih, ADUN Dilantik Yang Berhormat Datuk Raimie Unggi. Seterusnya, saya ingin menjemput Yang Berhormat Sungai Manila.

Datuk Mokran Ingkat [Sungai Manila]: Bismillahirrahmanirrahim. Assalamualaikum warahmatullahi taala wabarakatuh. Salam sejahtera, selamat pagi, salam Sabah Maju Jaya, salam Malaysia MADANI. Datuk Speaker, syabas dan tahniah kepada Kerajaan Negeri di bawah pimpinan Yang Amat Berhormat Ketua Menteri, ADUN Sulaman khususnya juga kepada Yang Berhormat Menteri Kewangan, ADUN Karanaan dan Kementerian Kewangan dan Kementerian-kementerian serta Jabatan-jabatan Kerajaan Negeri, kerana telah dapat menyediakan dan membentangkan satu dokumen Belanjawan Tahunan Negeri Sabah bagi tahun 2024, yang bertemakan “Sabah Teguh, Rakyat Terbela”.

Saya yakin dan percaya kita semua yang berada di dalam Dewan yang mulia ini, mempunyai niat yang sama untuk menjadikan Sabah sebagai satu wilayah yang teguh dalam erti kata lumayan hasilnya dan mampan ekonominya agar kita dapat meneruskan pembelaan kepada rakyat untuk maju dan berjaya hidup makmur, aman dan sejahtera.

Datuk Speaker, unjuran Anggaran Hasil Pendapatan Negeri Sabah sebanyak RM5.737 bilion dan Anggaran Perbelanjaan Perbekalan RM5.701 bilion, dengan lebihan belanjawan sebanyak RM35.87 juta, merupakan satu angka yang realistik pada khidmat saya. Berdasarkan petunjuk-petunjuk ekonomi dunia, negara kita sendiri dan juga prestasi terdahulu negeri Sabah dan semasa serta prospek

ekonomi Sabah dalam tahun yang akan datang. Mudah-mudahan bila keadaan ekonomi dunia bertambah baik, khususnya gergasi-gergasi ekonomi dunia yang utama seperti Amerika Syarikat, China, Eropah dan India. Nilai-nilai komoditi utama kita akan bertambah baik dan hasil pendapatan Sabah boleh meningkat melebihi RM6 bilion sepertimana yang berlaku pada tahun lalu.

Namun, kita juga harus menguruskan perbelanjaan dan memastikan pencapaian, matlamat strategik pertama, keempat dan kelima khususnya dalam belanjawan 2024 ini diperkasakan dengan mengurangkan birokrasi perlaksanaan dipelbagai peringkat dan meningkatkan pemantauan di lapangan supaya tiada ketirisan yang melampau dan tiada kegagalan membelanjakan peruntukan yang sudah dirancang dan diperuntukkan.

Datuk Speaker, usaha Kerajaan untuk terus memberikan fokus utama pertumbuhan ekonomi meliputi tiga sektor utama, iaitu sektor pertanian dan pengeluaran makanan, perindustrian dan pelancongan masih sangat relevan. Perkara ini telah banyak diucapkan oleh rakan-rakan Ahli-ahli Dewan yang mulia ini daripada kelmarin sehingga tadi, kerana sememangnya Sabah mempunyai sumber-sumber yang sesuai di dalam sektor-sektor ini. Walau bagaimanapun, kalau boleh biarlah pengembangan sektor-sektor ini meliputi seluruh kawasan dan daerah di Negeri Sabah supaya tidak ada wilayah dan kawasan yang tertinggal.

Datuk Speaker, setelah meneliti dokumen Anggaran Hasil dan Perbelanjaan, bagi tahun 2024, saya berpendapat, sependapat dengan ADUN Elopura kelmarin, mengenai kurangnya tumpuan bagi pembangunan ekonomi dan pembangunan infrastruktur untuk menyokong pembangunan ekonomi di Semenanjung Sandakan. Semenanjung Sandakan ini Tuan yang di-Pertua, Datuk Speaker, meliputi tiga Parlimen dan tujuh DUN.

28/11/2023- RAKAMAN 40 [4:30 PETANG - 4:40 PETANG] - [NURIAHTIKA] - RAMENAH - NADA

Datuk Mokran Ingkat [Sungai Manila]: ...iaitu Parlimen Libaran, Sandakan dan Batu Sapi dan di dalamnya tujuh DUN, iaitu Sekong, Karamunting, Tanjong Papat, Elopura, Sungai Sibuga, Sungai Manila dan Gum-Gum. Dan kesemuanya ini berada

di dalam Majlis Perbandaran Sandakan. Datuk Yang di-Pertua, kurangnya tumpuan bagi pembangunan eko ... ekonomi dan pembangunan infrastruktur di Sandakan ini telah menyebabkan fenomena berlakunya penghijrahan belia. Begitu juga, pemben .. .pembantuan aktiviti perniagaan di daerah ini dan ... kadang-kadang sesiapa sahaja yang pergi Sandakan, kalau waktu malam memang bandar Sandakan ini dalam keadaan yang macam bandar yang mati. Selain itu, salah satu punca utama juga yang membantutkan pembangunan dan kemajuan Sandakan ialah kerana kurangnya penyelidikan dan perancangan terperinci di peringkat tempatan sehingga apabila bajet digubal kita tidak mengetengahkan keperluan sokongan untuk membina maju Sandakan. Saya harap, seiring dengan pandangan ADUN Karamunting tadi, Pentadbiran Majlis Perbandaran Sandakan, peranan Ahli-ahli Majlis Perbandaran, dan expos ... *ex officio* yang terlibat perlu diperkasakan, supaya lebih proaktif agar Sandakan tidak ketinggalan.

Saya juga menyeru pihak Kerajaan, khususnya Majlis Perbandaran untuk melibatkan kami wakil-wakil rakyat dalam perancangan pembangunan daerah ini di masa hadapan. Sekurang-kurangnya kami dapat memberikan sumbangan idea untuk manfaat bersama. Datuk Speaker, seharusnya sebagai bandar kedua terbesar di Sabah, bandar Sandakan semestinya mendapat perhatian sewajarnya dan diberikan suntikan pembangunan ekonomi yang lebih baik melalui usaha menarik pelaburan dalam ataupun luar negeri. Kita tidak mahu bandar Sandakan yang merupakan pemangkin kepada pembangunan Sabah ketika dahulu. Malah dikenali sebagai *Little Hong Kong* dibiarkan semakin mundur. Sudahlah kita ni mengalami, masih lagi meng ... mengalami air masin, jalan kurang sempurna dan tenaga elek ... elektrik pun masih berkurangan.

Datuk Speaker, Sandakan ini jika diberikan perhatian mempunyai potensi untuk menjadi bandar yang berdaya maju sebenarnya, dalam pelbagai industri. Sandakan ada pelbagai sumber yang boleh menarik pelabur, seperti hasil hutan, kelapa sawit, hasil laut, hasil pertanian kontan, objek pelancongan asli dan akhir-akhir ini ada khabar kuat tentang penemuan petroleum dan gas. Soal tempat bukan masalah sebenarnya untuk memajukan Sandakan. Cadangan POIC Sandakan dulu yang kini sudah ditadbir urus oleh Sawit Kinabalu, amat sesuai dan berpotensi untuk dimajukan sebagai sebuah kawasan perindustrian. Saya telah pernah membawa pelabur berpotensi dari Korea Selatan pada tahun lalu, meninjau lokasi ini dan

pelabur berkenaan telah pun mengemukakan kepada saya cadangan pelaburan yang sesuai berasaskan kajian mereka. Intigresi ... integrasi loji tenaga, pusat penyejuk bekuan makanan, pemerosesan makanan, kilang pembuatan kapal nelayan berteknologi tinggi seperti yang pernah saya lihat di Korea Selatan dan lain-lain kilang pembuatan barangan siap adalah di antara industri-industri yang berpon ... berpotensi dibawa ke Sandakan. Jika sumber bahan mentah industri menjadi suatu masalah, saya ingat itu bukanlah satu masalah yang besar.

Jika hendak industri makanan bahan mentah boleh sahaja kita perolehi dari kawasan pertanian, di Kinabatangan, di Beluran, di Keningau selain dari kawasan Libaran sendiri ataupun lain-lain Taman Pengeluaran Makanan. Sa ... saya ambil satu contoh, Datuk Yang di-Per ... Datuk Yang di-Pertua, hari ini Afghanistan, dulu baru sahaja habis berperang, negeri kering dan tandus telah menjadi pengeluar terbesar dunia makanan kering diproses dalam tempoh yang singkat. Pelbagai bijirin, kacang dan buah-buahan dengan nilai berbilion dolar dieksport setelah diproses. Walaupun bahan asas industrinya diimport dari negara luar seperti China, Pakistan, Iran, India, Kazakhstan, dan Rusia. Satu lagi contoh yang berada di negeri Sabah sendiri, iaitu pembuatan *copper coil* oleh Syarikat SK Nexilis di POIC KK. Bahan asasnya juga bukan berasal dari negeri Sabah tetapi diimport daripada luar negeri Sabah.

Pada pandangan saya, dengan usaha gigih dan insentif yang sesuai, Sandakan boleh diwujudkan industri berdaya maju. Apatah lagi jika usaha cari gali Petronas yang saya sebutkan tadi di kawasan Sandakan membuahkan hasil. Oleh yang demikian, saya ingin bertanya kepada Kerajaan, adakah Kerajaan berhasrat menarik dan membawa pelabur ke Sandakan? Selain daripada kawasan-kawasan lain di negeri Sabah untuk mewujudkan satu industri *anchor* yang berskala besar, khususnya di kawasan perindustrian yang telah pun tersedia sekian lama milik Sawit Kinabalu.

Datuk Speaker, selain daripada cadangan ... cadangan mewujudkan *anchor* industri berskala yang telah saya sebutkan tadi, bandar Sandakan juga pernah disasarkan sebagai kawasan Hab Pendidikan Negeri Sabah. Yang boleh menempatkan 20 institusi pengajian tinggi, kapasiti ... berkapasiti 20 000 pelajar dan tenaga pengajar semasa peme ... pemerintahan Kerajaan Barisan Nasional. Malah, tapak

berkeluasan 1 000 ekar di *acquire* oleh Kerajaan daripada syarikat swasta telah pun tersedia lengkap dengan kemudahan infrastruktur. Dan pada ketika ini, sudah terdapat empat institusi pengajian, iaitu Fakulti Pertanian Lestari (UMS), Kolej Vokasional, Politeknik dan MRSM. Walau bagaimanapun, apabila pertukaran Kerajaan berlaku, usaha meneruskan pembangunan hab pendidikan ini terbantut. Sayang kawasan ini. Yang agak menyedihkan lagi, sebahagian institusi yang sepatutnya ditempatkan di sini, seperti Sekolah Menengah Seni Malaysia Sabah akan dipindahkan ke tempat lain. Begitu juga dengan cadangan Pusat Latihan JPJ. Kawasan ini sepatutnya boleh diwujudkan sebagai institusi penting untuk sains dan teknologi berimpak tinggi. Melalui tawaran kepada institusi terkemuka sepertimana yang telah dilakukan semasa Kerajaan dahulu, tetapi terbantut. Jadi, penubuhan pusat sains dan teknologi dan inovasi di hab pendidikan ini boleh dimanfaatkan dalam pelbagai pene ... penerokaan, penyelidikan, pembelajaran, teknologi AI, reka cipta mesin perusahaan, robotik, farmaseutikal, *aeronautical*, dan pelbagai lagi.

Timbalan Speaker [Datuk Richard Yong We Kong]: Yang Berhormat. Yang Berhormat, tiga minit ah. Sila gulung.

Datuk Mokran Inkat [Sungai Manila]: Selain tapak pembangunan institusi pengajian tinggi, tapak yang cukup luas juga diperuntukkan untuk pembangunan komersial dan perumahan. Datuk Speaker, saya juga ingin membangkitkan beberapa isu berkaitan kawasan saya di DUN N.51 ini. Yang pertama, saya mengucapkan terima kasih di atas usaha Kerajaan untuk memperbaiki sistem retikulasi bekalan air di kawasan N.51 Sungai Manila. Saya nampak sendiri, kerja-kerja pembinaan berlaku di sana sini. Walau bagaimanapun, kita berharap bukan sahaja aa ... paip dan juga tangki air serta loji yang tersedia harap-harap bila siap nanti, airnya pun ada. Dan tidak masin. Saya juga, ingin mengulang perkara yang disuarakan ADUN Yang Dilantik yang juga Ahli Parlimen Libaran, mengenai penggantian paip di PPR Sungai Manila yang sudah terbengkalai lebih empat tahun. Kelulusan sudah ada. Sepatutnya jangan dilengahkan lagi kalau kita betul-betul berniat membela rakyat. Hapuskan biro ... birokrasi di peringkat manapun yang telah melambatkan proses peng ... penggantian paip supaya dapat memberi manfaat kepada penghuni PPR Sungai Manila yang telah mengharapkan perkara ini dapat diselesaikan.

Yang kedua, saya ingin bertanya kepada pihak Kerajaan, barangkali khususnya Kementerian Perumahan. Adakah Kerajaan bercadang menubuhkan stesen bomba yang baharu di daerah Sandakan? Setakat ini ada satu sahaja. Kerana dalam tempoh dua bulan kebelakangan ini, di Sungai Manila sahaja lima kebakaran rumah di kawasan ... di kawasan ini dan belum pun sempat bomba sampai, hangus sudah. Ditambah lagi tidak ada bekalan air paip. Jadi memang tidak boleh padam punya. Jadi saya mohon perkara ini diambil pertimbangan untuk ... dima ... di ... dipohon ... di ... kepada Kerajaan Persekutuan. Yang seterusnya, adakah pihak Kerajaan merancang untuk melaksanakan tiga batang jalan JKR yang utama di DUN Sungai Manila. Iaitu Blok 17, Blok 20, dan Blok 26 ...

28/11/2023- RAKAMAN 41 [4:40 PETANG - 4:50 PETANG] - [MARIA] - THEODORA - HADINIE

Datuk Mokran Ingkat [Sungai Manila]: ...jalan-jalan ini saya sudah selidiki pernah disenaraikan pada tahun 2021 dan 2022 di JKR. Jalan-jalan JKR ini selalunya bila kita berhubung dengan em, Majlis Perbandaran tidak boleh menggunakan peruntukan lain sebab dia tersenarai sebagai jalan JKR. Jadi, ini yang menjadi kekangan kami untuk membina jalan-jalan ini. Lagi pun kalau jalan-jalan JKR ini dia punya *spec* memang tinggi sedikit daripada jalan-jalan lain. Yang keempat, adakah pihak Kerajaan ada merancang untuk membina jambatan penghubung Kampung Lalasun ke Kampung Tanjung Pisau yang dianggarkan 90 meter panjangnya? Sebelum ini, usaha telah dilakukan untuk memohon melalui peruntukan pihak berkuasa tempatan tetapi dia tolak kerana mahal. Namun, adanya jabatan ini kelak penting untuk anak-anak menyeberang ke sekolah dan penduduk kampung pula selesa membawa hasil ke daratan. Selain itu, kawasan Tanjung Pisau sangat berpotensi sebagai ikon pelancongan jika ada perhubungan darat, kerana mempunyai pantai yang baik dan merupakan laluan terdekat menyeberang ke Taman Pulau-pulau Penyu Sandakan. Jabatan ini jika ada akan dapat memberikan ekonomi yang lebih baik kepada kawasan ini. Dicadangkan kalau harga jambatan konkrit biasa mahal, pakai jambatan *bailey bridge* sahaja.

Yang kelima, ini berkaitan dengan Menara MCMC di seluruh Sabah. Sejumlah 343 dijadualkan sepatutnya dibina melalui Program Jendela 1 dan difahamkan hanya 60 yang siap. Yang siap itu pun, banyak lagi yang belum diserahkan. Jadi, saya minta

kepada Menteri yang berkenaan untuk bertanya pastikan bahawa Program Jendela ini disiapkan sepenuhnya dalam memberi manfaat kepada masyarakat.

Yang keenam, adakah Kerajaan mempunyai perancangan untuk membina padang bola sepak awam di kawasan DUN N.51 Sungai Manila? memandangkan kawasan ini belum mempunyai padang bola sepak awam. Seterusnya, merujuk kepada Jalan Sungai Batang, UMS Batu 10, Sandakan, saya ungkap soalan ini dalam sebuah pantun.

Bunga dicari si bunga dedap;

Tumbuh meletok di piring sawah;

Lampu cantik tetapi gelap;

Jangan dibiarkan rakyatkan resah.

Datuk Seri, Datuk Speaker, saya ungkapkan ini sebab jalan ini masih gelap walaupun tiangnya cantik, ya. Seterusnya, Datuk Speaker, jika ditanya adakah saya berpuas hati dengan jumlah peruntukan dalam Belanjawan ini, saya akan menjawab, belum berpuas hati kerana jika dibandingkan dengan Negeri Sarawak, unjuran belanjawan mereka jauh lebih besar walaupun penduduk mereka adalah kurang berbanding dengan Sabah kerana niat kita ialah untuk membela rakyat yang lebih ramai. Namun begitu, saya juga sedar bahawa Kerajaan telah berusaha sedaya upaya untuk meningkatkan hasil Negeri supaya lebih banyak peruntukan dapat diagihkan. Saya juga menyeru kepada Kerajaan Persekutuan untuk mempertimbangkan menambah peruntukan kepada Sabah dalam apa bentuk sekali pun supaya kita tidak jauh ketinggalan. Akhirnya, saya menaruh keyakinan jika kita bersama-sama berusaha mengembleng tenaga dan buah fikiran mengurangkan salah faham, menyokong dasar yang betul, memperbaiki dasar yang belum mantap, kita akan mampu meningkatkan hasil lebih daripada yang dianggar. Saya berdoa melalui Belanjawan ini juga sekurang-kurangnya kita dapat menangani dan menyelesaikan sebahagian besar perkara pokok dalam usaha merealisasikan tekad menjadikan Sabah teguh, rakyat terbela dengan Belanjawan Negeri Sabah 2024.

Datuk Speaker, terima kasih kerana telah memberikan peluang kepada 14 ADUN-ADUN Sabah termasuk saya menimba ilmu di Parlimen UK, London selama seminggu pada tahun ini. Terima kasih juga kepada Kerajaan dan Konsulat China

kerana memberi peluang kepada saya melawat Beijing dan Tianjin bersama lapan ADUN yang lain yang diketuai ADUN Tanjung Papat. Kalau ada lagi lawatan tahun depan, bagitahu saja. Insya-Allah saya akan turut serta. Dalam kesempatan ini, saya mengucapkan Selamat Menyambut Hari Natal kepada semua Ahli-ahli Dewan yang mulia ini dan para pemerhati yang beragama kristian dan Selamat Menyambut Tahun Baharu 2024 kepada semua.

Indah berseri sarang tempua;

Tidak rata bentuknya oblong;

Terima kasih Tuan Speaker;

Sungai Manila reda menyokong.

Terima kasih.

Timbalan Speaker [Datuk Richard Yong We Kong]: Terima kasih Yang Berhormat Sungai Manila. Sekarang saya jemput Yang Berhormat dari, Yang Berhormat Bugaya. Silakan.

Tuan Haji Jamil bin Datuk Haji Hamzah [Bugaya]: Bismillahirrahmanirrahim, Assalamualaikum warahmatullahi wabarakatuh. *(Doa pembuka kata)*

Salam Sejahtera, Alhamdulillah, segala puji bagi Allah yang telah memberikan hidayah dan petunjuk kepada kita semua yang mana tidak sekali-kali akan memperolehi petunjuk kalau Allah tidak memimpin kita, selawat dan salam keatas junjungan Nabi Muhammad S.A.W

Pertama-tama saya ingin mengucapkan setinggi-tinggi penghargaan kepada Yang Berhormat Menteri Kewangan yang telah membentang Belanjawan 2024. Datuk Speaker, Sabah dan Sarawak adalah dua negeri yang lahir selepas merdeka 1963. Di antara faktor Sabah bersetuju untuk membentuk Malaysia adalah kerana masyarakatnya berharap agar mereka boleh bergantung dan juga boleh berjalan seiring dengan arus pembangunan yang dijanjikan oleh Kerajaan Persekutuan pada masa itu dengan harapan mereka, generasi mereka yang akan datang dapat meningkatkan taraf hidup selaras dengan pembangunan di tanah Semenanjung. Nenek moyang kita telah dijanjikan dengan kehidupan yang lebih baik, peluang

pendidikan dan juga berbagai hasil kekayaan yang sama rata antara setiap negeri. Kini, setelah Sabah membentuk Malaysia, harapan nenek moyang kita berdiri sama tinggi, duduk sama rendah, hanyalah tinggal impian yang masih belum menjadi kenyataan. Harapan hanya tinggal harapan apabila janji tidak ditunaikan, di mana rakyat Sabah terus jauh ketinggalan dalam pelbagai faktor. Malaysia telah membina beberapa bangunan antara yang tertinggi di dunia. Menara Merdeka 118, Twin Towers, namun kita gagal menyediakan rumah dan juga kemudahan asas bagi yang miskin dan lebih parah lagi masyarakat Bumiputera di pedalaman Sabah.

Kajian dan juga laporan daripada Jabatan Perangkaan Malaysia (JPM) menunjukkan tujuh daerah termiskin di Malaysia adalah dari Sabah dan terdapat ramai rakyat Sabah terutamanya golongan Bumiputera tergolong dalam kalangan termiskin di Malaysia. Kita berbangga dapat menghantar seorang doktor angkasawan ke angkasa tetapi kita gagal meneruskan dan juga mengekalkan perkhidmatan doktor di kawasan pedalaman Sabah yang memerlukan perkhidmatan tersebut yang mengakibatkan ramai kehilangan dan terhalang dari mendapat rawatan perubatan yang sepatutnya yang diutamakan. Ketamakan dan juga saingan perniagaan tanpa memikirkan kepentingan masyarakat yang miskin yang memerlukan bantuan adalah punca semua ini berlaku. Kita berbangga dengan Kereta Nasional tetapi jalan di pedalaman Sabah masih tidak dihubungkan dengan jalan perhubungan yang baik dan masih ramai rakyat kita yang tidak mempunyai jalan raya yang baik menghubungkan mereka. Jalan perhubungan yang paling bahaya ialah jalan balak, yang paling memenatkan terlalu lama berjalan kaki. Ini menunjukkan keuntungan kita tersalah arah akibat ketidaktelusan, diputar belitkan dan juga perbuatan korup ditaburi sikap tamak dan juga materialistik.

Sabah yang kita sayang ini sememangnya berpotensi besar dan diakui semua pihak termasuk komuniti antarabangsa. Kedudukannya yang strategik di rantau ini dan kaya dengan hasil bumi serta geografi kita yang lebih dekat dengan negara kuasa besar seperti China, Hong Kong dan juga Jepun. Pelabur tidak melihat dari aspek hasil bumi dan kedudukan geografik sahaja, infrastruktur asas, pengangkutan, guna tenaga kerja dan industri hiliran tempatan juga memainkan peranan penting dalam mereka membuat keputusan untuk melabur. Di sini yang kita jauh ketinggalan berbanding di tanah Semenanjung. Mengapa ini berlaku? Tidak lain dan tidak bukan adalah kerana kita punya ketamakan dan juga ketidakadilan dan penindasan yang

berlarutan lama yang mengakibatkan sosioekonomi rakyat Sabah hari ini ketinggalan jauh berbanding rakan kita yang ada di sebelah sana. Memburukkan lagi keadaan apabila segelintir di antara...

28/11/2023- RAKAMAN 42 [4:50 PETANG - 5:00 PETANG] - [KHAIRUL] - MOHELENA - EZURA

Tuan Haji Jamil bin Datuk Haji Hamzah [Bugaya]: ...ada pemimpin kita yang mementingkan jawatan dan poket mereka sendiri hingga mengabaikan membela rakyat, amanah, tanggungjawab dan janji mereka kepada Allah SWT dan rasulnya, jangan sampai kita terkena, firman Allah SWT dalam surah al-Anfal (bacaan surah) yang mana maksudnya:

“Wahai orang-orang yang beriman, janganlah kamu mengkhianati Allah dan rasulnya dan janganlah kamu mengkhianati amanah-amanah kamu, sedang kamu mengetahui salahnya dan ketahuilah bahawa harta benda kamu dan anak-anak kamu itu hanyalah menjadi ujian dan sesungguhnya, di sisi Allah jualah pahala yang besar.”

Mengorak langkah ke hadapan, kita sebagai pemimpin tidak boleh membenarkan lagi cubaan penindasan dan salah guna kuasa sama ada di kalangan pemimpin atasan mahupun pelaksana.

Datuk Speaker, untuk mengulas mengenai kewangan Belanjawan Negeri Sabah Tahun 2024 ini saya ingin menarik perhatian Dewan yang mulia ini yang mana pada tahun lepas, 25 November, Menteri Kewangan telah menyatakan KDNK per kapita Sabah pada tahun 2021 adalah RM29 960.00 dan pada tahun, pada 24 November 2023, minggu lepas Menteri Kewangan sekali lagi menyatakan KDNK berkapita Sabah pada tahun 2021 adalah RM30 022.00. Adakah Menteri Kewangan telah terkhilaf ataupun memutarbelitkan fakta? Mohon penjelasan.

Saya tertarik dengan tema dan juga fokus Belanjawan Negeri Tahun 2024, iaitu “Sabah Teguh, Rakyat Terbela”. Semoga tema ini menjadi tujuan dan juga matlamatnya. Jangan pula jadi seperti tahun yang masa tahun lepas, temanya “Ekonomi Diperkasa, Rakyat Sejahtera”. Kalau mengikut Kamus Dewan Bahasa dan

Pustaka, sejahtera maksudnya ataupun definisinya, aman dan makmur, senang dan tenteram, terpelihara dari bencana kesusahan dan juga gangguan dan lain-lain.

Mengenang peristiwa yang berlaku pada tahun ini, rakyat dilanda kesusahan dan gangguan seperti ketiadaan air, seperti di kawasan saya di kawasan DUN Bugaya, Kampung Simunul, Kampung Bugaya dan bukan saja di Bugaya, saya rasa semua tempat, dan air bukan air yang keluar tapi angin. Elektrik kerap mati ada yang dicatu tapi kadar bayaran sama, bak kata kedua-dua almarhum S. Samsuddin dan juga Datuk Aziz Sattar dalam layar Nujum Pak Belalang, “Ini tidak adil!”.

Saya tertarik juga dengan mengulas perenggan 11 hingga 17 dalam ucapan belanjawan di mana disebutkan sebahagian besar hasil negeri adalah berasaskan komoditi yang terdedah dengan harga yang tidak menentu. Jika harga komoditi maka makin bertambahlah hasil kerajaan dan sebaliknya berlaku sebaliknya berlaku jika harga menurun. Jika dilihat pada tahun 2022 dan juga tahun 2023 jumlah hasil daripada komoditi meningkat disebabkan kenaikan pengeluaran dan juga harga dan jika dibandingkan pada tahun 2018 dan juga 2019, kejatuhan harga dan juga permintaan komoditi global telah pun menyebabkan hasil kerajaan menurun. Harus diingat dalam menyentuh hasil cukai pada tahun 2018, kita mengutip RM2.68 bilion dan pada tahun 2019 meningkat kepada 2.79 bilion, tahun 2020 menurun kepada 1.88 bilion, 2021 meningkat 2 bilion, 2022, 2.56 bilion dan tahun 2023, 2.76 bilion dan tahun 2024, dianggarkan 2.37 bilion. Saya ingin menanya, bertanya kepada YB Menteri Kewangan dan mohon penjelasan, komponen manakah yang masih terjejas ataupun mengalami pertumbuhan yang perlahan?

Perenggan ke-29, iaitu meningkat dan juga memampankan hasil negeri dengan memperkasakan aspek penguatkuasaan. Pertama, disebut sebagai kerajaan yang bertindak bagi menangani ketirisan hasil pada tahun 2010 pengasas Petronas pernah mengatakan, iaitu Tengku Razaleigh Hamzah mencadangkan agar dipasang *meter gauge*. Perkara ini ada pernah saya bangkitkan sebelum ini tapi tidak ada jawapan saya peroleh. Jadi saya bangkitkan kembali, di mana syarikat-syarikat yang ada di syarikat minyak di perairan Sabah tidak ada *meter gauge* walaupun jumlah pengeluaran minyak dan hasil gas yang dinyatakan di dalam Buku Laporan Tahunan Petronas namun tidak dinyatakan secara spesifik, jumlah pengeluaran mengikut wilayah dan juga negeri. Justeru, saya mohon perincian daripada Kerajaan Negeri

adakah *meter gauge* ini telah dipasang dan jika tidak, apakah kaedah yang diguna pakai oleh Yang Berhormat Menteri dan juga Kerajaan Negeri bagi menentukan jumlah pengeluaran minyak dan gas kita oleh Petronas mahupun syarikat cari gali minyak?

Saya juga ingin menyentuh mengenai perkara kelima di dalam perenggan 29 iaitu mengenai Pemberian Khas Persekutuan di bawah perkara 112B agak dan juga 11C sedangkan Kerajaan Negeri sebelum ini berkeras tetap untuk memperjuangkan 40% hasil yang dikutip di Sabah. Dan adakah Yang Berhormat Menteri Kewangan dan juga kerajaan sudah bersetuju bersama Persekutuan bahawa perkara 112C tidak lagi terpakai? Mohon penjelasan.

Datuk Speaker, dalam ucapan belanjawan yang komprehensif yang telah dibentangkan oleh Yang Berhormat Menteri Kewangan, saya tidak melihat usaha kerajaan untuk mengatasi kos sara hidup rakyat yang kian meningkat atau pun kadar inflasi semasa di Sabah juga tidak dinyatakan. Saya berpandangan tidak sepatutnya isu kos sara hidup dan juga rakyat hanya diletakkan sepenuhnya di Kerajaan Persekutuan memandangkan banyak lagi inisiatif dan program yang boleh dilaksanakan di Sabah bagi meringankan beban rakyat Sabah...

Timbalan Speaker [Datuk Richard Yong We Kong]: Yang Berhormat, sila gulung.

Tuan Haji Jamil bin Datuk Haji Hamzah [Bugaya]: Datuk Speaker, di sini saya ingin membangkit perkara yang berkali-kali diulang saya rasa sebelum saya memegang Wakil Rakyat di Bugaya ini, pemimpin-pemimpin sebelum saya pun telah menyatakannya, masalah perumahan Kampung Bugaya dan juga Kampung Simundul yang mana sudah terbakar, yang mana mangsa kebakaran Kampung Bangau-bangau sudah masuk tahun yang ke-7 ataupun tahun yang ke-6. Jadi jelas menunjukkan masyarakat bahawa Bangau (Kampung Bangau-bangau) diabaikan, tidak dipedulikan. Mereka juga rakyat Malaysia dan layanan yang adil dan berperikemanusiaan wajib diberikan kepada oleh kerajaan. Walaupun peruntukan lapan juta pernah diberikan kerajaan terdahulu tetapi ianya tidak dilaksanakan setelah ada pertukaran kerajaan.

Saya ingin menarik perhatian Dewan ini, di mana di dalam anggaran hasil dan juga perbelanjaan bagi tahun 2024, saya perhatikan Jabatan Ketua Menteri mempunyai projek pembangunan khas berjumlah RM50 juta. Sila rujuk muka surat 100 dan Kementerian Pembangunan Luar Bandar mempunyai 110 juta peruntukan khas, sila rujuk muka surat 185. Saya minta daripada peruntukan Yang Amat Berhormat Ketua Menteri dan juga Yang Berhormat Menteri yang berkenaan membantu masyarakat mangsa kebakaran Kampung Simunul dan juga Bangau-bangau mereka sudah lama menunggu sampai bila mereka menunggu sampai bila baru mereka terbela diharap tema belanjawan kali ini Yang Berhormat Menteri Kewangan, iaitu “Sabah Teguh, Rakyat Terbela”, bukanlah sekadar retorik semata-mata.

Datuk Speaker, untuk menggulung sebenarnya ada banyak lagi Datuk Speaker, berkaitan dengan...

28/11/2023- RAKAMAN 43 [5.00 PETANG - 5:10 PETANG] - [THEODORA B.] - JUDE - NADA

Tuan Haji Jamil bin Datuk Haji Hamzah [Bugaya]: Kita punya *flek* sektor pelancongan ya, yang mana banyak terjejas akibat tidak ada kawalan yang mana banyak merosakkan kita punya aset-aset pelancongan terutamanya di kawasan Sipadan ya Mabul. Mereka punya keindahan yang ada di dasar laut itu, ada yang hampir musnah. Begitu juga dengan pendapatan-pendapatan nelayan-nelayan ya, yang mana memohon cuba untuk mendapatkan permohonan bantuan dan mereka, saya dimaklumkan mereka sukar untuk mendapat bantuan dan juga mungkin informasi. Saya berharap pihak, di pihak Kerajaan dapat menyampaikan bantuan-bantuan dan juga informasi-informasi kepada mereka agar mereka ini dapat dibantu.

Datuk Speaker, bertahun-tahun kita membentangkan berbilion-bilion belanjawan. Peruntukan besar sana sini namun hasilnya tidaklah seperti mana yang kita rancang. Apabila kita membaca laporan Ketua Audit Negara ya, isu yang sama dan juga kerap ditegur mengenai pencapaian pelaksanaan projek-projek pembangunan. Transformasi perlu ada di peringkat yang atas, begitu juga dengan peringkat pelaksana untuk mengubah cara kerja agar lebih efisien dan produktif. Kita tidak boleh bersikap berterus, berterusan menyalahkan pihak-pihak lain ataupun Persekutuan jika kita sendiri tidak ingin mengubah sikap dan bersifat lebih

bertanggungjawab dalam melaksanakan amanah yang telah diberikan oleh rakyat kepada kita.

Kadang-kadang perkara baharu susah mahu diterima tapi mungkin baik untuk kita. Sebelum mengakhiri ada satu permintaan daripada rakyat Bugaya khususnya kepada Yang Berhormat Menteri Kerja Raya, yang mana penduduk kami di Kampung Bugaya khususnya Jalan Kemiri dan juga Jalan Sungai Tuhok ya, yang mana keadaan jalannya sudah begitu uzur dan perlu penurapan yang baharu kepada dua jalan-jalan utama ini.

Diharap Yang Berhormat Menteri berkenaan, terutama Yang Berhormat Menteri Kerja Raya dapat membantu rakyat-rakyat yang ada di kawasan Bugaya terutamanya Kampung Bugaya yang tinggal di kawasan Jalan Kemiri dan juga Jalan Sungai Tuhok.

Untuk yang akhirnya, sebelum saya mengakhiri saya ingin memetik ayat al-Quran dalam surah al-Baqarah ya, berkenan dengan kita punya perubahan ataupun transformasi (bacaan surah al-Baqarah ayat 216) yang mana bermaksud “dan boleh jadi kamu benci kepada sesuatu padahal ia baik bagi kamu, dan boleh jadi kamu suka kepada sesuatu padahal ia buruk bagi kamu dan ingatlah Allah jualah yang mengetahui semuanya itu sedang kamu tidak mengetahui”.

Sebelum mengakhiri ... mengakhiri kalam saya, saya mengucapkan terima kasih kepada Yang Berhormat Menteri Kewangan dan juga semua penjawat awam yang terlibat secara langsung dan juga tidak langsung dalam menjayakan pembentangan Bajet 2024.

Demi kepentingan umum dan kebaikan rakyat negeri Sabah saya dengan ini menyokong Rang Undang-undang Perbekalan 2024-2023 saya mohon ampun kepada Allah SWT untuk saya dan juga kepada anda semua dan kepada semua umat Islam moga pemohon, kita memohon ampun kepada-Nya sesungguhnya Dia Maha Pengampun lagi Maha Penyayang. Wabillahi Taufik Wal Hidayah Wassalamuaikum Warahmatullahi Wabarakatuh.

Timbalan Speaker [Datuk Richard Yong We Kong]: Terima kasih, Bugaya. Seterusnya saya jemput Yang Berhormat Gum-Gum. 12 minit ya.

Tuan Arunarnsin bin Taib [Gum-Gum]: Terima kasih, Yang Berhormat Speaker. Bismillahirrahmanirrahim assalamualaikum warahmatullahi wabakatuh, salam sejahtera dan salam Malaysia Madani. Allahumma Salli 'Ala Sayyidina Muhammadin Wa'Ala Ali Sayyidina Muhammad. Syukur kepada Allah SWT kerana dengan limpah kurnia izin-Nya membolehkan saya menghadiri persidangan ini dan mengucapkan ribuan terima kasih kerana diberi peluang untuk menyampaikan ucapan menggulung perbahasan ucapan Belanjawan Negeri Sabah tahun 2024 yang telah disampaikan oleh Yang Berhormat Menteri Kewangan pada 24 hari bulan yang lalu.

Datuk Speaker, dalam kesempatan masa yang diberikan ini, saya merujuk kepada ucapan Yang Berhormat Menteri Kewangan bahawa sekali lagi Kerajaan Negeri melakar sejarah apabila berjaya menembusi angka RM6.69 bilion kutipan hasil pada tahun lepas. Diucapkan tahniah kepada Kerajaan.

Sebagai wakil rakyat yang mewakili kawasan DUN Gum-Gum, berita ini sungguh tentu suatu yang sangat besar dan merupakan harapan baharu bagi mereka. Demikian juga kepada seluruh rakyat negeri Sabah. Mereka pasti teruja dan menganggap sesuatu fenomena baharu pencapaian prestasi peningkatan ekonomi yang baik, lebih-lebih lagi ketika kita masih bergelut dengan masalah suasana politik yang tidak menentu ini.

Datuk Speaker, negeri Sabah ini luas kawasannya. Kaya dengan hasil bumi dan alam semula jadinya. Tumpuan pelancong dunia megah Gunung Kinabalunya namun sedih masih ramai rakyatnya yang miskin. Tahap kemiskinan rakyat negeri ini, dilabel sebagai yang termiskin di Malaysia sehingga menjadi satu fakta daripada 10 daerah di Malaysia adalah lapan buah daerah daripada Sabah. Ini sering disebut sebagai contoh di mana-mana persidangan, forum, perbahasan, mesyuarat-mesyuarat NGO sama ada di peringkat nasional, malah ke peringkat antarabangsa.

Bila mana media asing juga, kadang kala memberi laporan dan liputan mengenainya. Dengan kutipan hasil yang begitu banyak, malah lebih banyak lagi sekiranya kita benar-benar dapat mengembalikan hak tuntutan Sabah daripada Kerajaan

Persekutuan. Saya amat yakin kita semua akan mampu membuang jauh-jauh *level* yang, label yang memalukan itu dan mengangkat taraf ekonomi rakyat negeri ini ke arah yang lebih baik bagi, dari segi sosio ekonominya sesuai dan setara dengan kekayaan negeri kita yang sebenarnya.

Datuk Speaker, apa yang lebih penting sekarang ini adalah urus tadbir dan tatakelola agihan pembangunan yang lebih fokus, mencapai golongan sasar agar pembangunan yang lebih seimbang dapat dinikmati oleh semua lapisan rakyat negeri ini. Pada saya, isu utama yang perlu ditangani segera pada masa ini ada, antara lain adalah ketidakseimbangan pembangunan Wilayah, kemiskinan dan kadar pengangguran. Sehubungan dengan itu, bersesuaian dan bertepatan dengan jumlah tiga agihan peruntukan yang telah dirancang, iaitu sektor ekonomi RM555.6 juta, sektor sosial RM272.99 juta dan sektor pentadbiran am RM18.64 juta untuk ditatakelola pelaksanaannya oleh Kementerian-kementerian dan Agensi Kerajaan yang berkenaan. Saya menyeru agar rancangan pembangunan ini disegerakan pelaksanaannya. Projek-projek yang baharu yang dimulakan, projek sedia ada diteruskan sehingga mencapai kejayaan.

Datuk Speaker, semasa saya menjadi wakil rakyat pada penggal sebelum ini dan berpeluang duduk dalam Kerajaan selama 22 bulan, saya telah merancang dan melaksanakan beberapa pelan pembangunan untuk rakyat di kawasan saya di Gum-Gum. Antara, antaranya, saya berhasrat membina Dewan Serbaguna setiap kampung yang memerlukan, membina jeti nelayan yang selesa, memastikan bekalan air bersih dinikmati oleh rakyat Gum-Gum, menaik taraf Tamu Gum-Gum batu 16, membina Klinik Kesihatan di beberapa buah kampung yang jauh daripada bandar, mewujudkan pusat pengumpulan hasil-hasil pertanian untuk pekebun kecil dan juga menyelesaikan masalah banjir.

Namun sampai sekarang perkara-perkara yang saya sebut ini masih juga tidak dapat dilaksanakan padahal Kerajaan yang sekarang ini telah mencapai usianya tiga tahun lebih. Apa lagi yang menyedihkan saya, perancangan ini tidak dapat diteruskan apabila menjadi ADUN pembangkang dan Kerajaan yang baharu ini pula tidak meneruskan pelan pembangunan yang saya rancang itu hingga ...

Tuan Arunarnsin bin Taib [Gum-Gum]: Ke hari ini. Kadang-kadang hairan juga selama jadi wakil rakyat pembangkang ini. Mesyuarat Tindakan Daerah pun tidak pernah dipanggil untuk sama membincangkan pembangunan DUN yang saya wakili.

Sungguhpun demikian, Sabah diterajui oleh Kerajaan GRS. Saya menyeru dan bertegas agar projek-projek yang sudah dirancang demi untuk kepentingan dan kegunaan rakyat ini mestilah diteruskan oleh kerajaan sekarang melalui agihan bajet Belanjawan 2024 yang kita bahaskan sekarang.

Pelaksanaan projek di kawasan DUN yang lain juga barangkali terhenti semasa perubahan kerajaan. Saya cadangkan terus disambung dan selesaikan agar peruntukan ketidakseimbangan pembangunan wilayah itu mencapai matlamat dan sasaran demi untuk kesejahteraan rakyat serta menjadikan kerajaan yang ada pada hari ini sebuah kerajaan yang bertanggungjawab.

Datuk Speaker, saya turut mengambil peluang ini untuk mengemukakan pertanyaan kepada kerajaan yang ada sekarang khususnya kementerian berkenaan mengenai usul berikut. Untuk makluman Dewan yang mulia ini, semasa Kerajaan Warisan Plus, Warisan mahu status rumah PPR yang hanya sebagai rumah sewa itu ditukar statusnya kepada sewa beli.

Kalau masih juga status rumah PPR ini rumah transit atau sewa seumur hidup, saya ingin bertanya kepada kerajaan adakah kerajaan ini bercadang untuk mewujudkan sebuah kampung tersusun untuk mereka tinggal seumur hidup dan dapat diwarisi oleh anak cucu. Perkara ini saya fikir perlu mendapat perhatian kerana ramai yang takut suatu masa nanti mereka di halau dan pada masa itu, di manakah mereka mahu tinggal untuk meneruskan hidup mereka?

Untuk menyelesaikan masalah ini saya bercadang supaya perkampungan tersusun patut diwujudkan supaya ianya lebih baik lebih kondusif untuk didiami daripada rumah PPR di samping memudahkan rakyat untuk menjalankan aktiviti

meningkatkan ekonomi melalui pertanian, perikanan dan penternakan walaupun di belakang rumah berbanding tinggal di rumah PPR yang ada sekarang.

Datuk Speaker, kaum nelayan juga menjadi perhatian saya yang mana untuk memudahkan urusan mereka, saya mencadang melalui Dewan yang mulia ini, supaya Pegawai-pegawai Perikanan atau LKIM buat program di kampung untuk pembaharuan lesen bot yang sudah tamat tempohnya. Lagipun mereka mahu supaya pegawai kerajaan juga turut masuk kampung dan bukannya wakil rakyat semata-mata.

Datuk Speaker, banyak masalah di kawasan DUN Gum Gum yang belum dapat diselesaikan oleh kerajaan selama tiga (3) tahun memerintah. Antaranya masalah banjir yang sering berlaku di Kampung Jaya Bakti, di Kampung Memanjang, di Kampung Pertanian. Masalah air bersih di Kampung Sungai Monyet, di Kampung Semawang Darat dan Kampung Semawang Laut, di Kampung Dandulit, di Kampung Sungai Beruang, di Kampung Sungai Banting, di Kampung Kuala Gum Gum. Masalah penggunaan solar di Pulau Libaran yang sudah bertahun-tahun tidak siap. Masalah jalur lebar yang juga masih belum berfungsi walaupun sudah ada beberapa menara sudah didirikan. Masalah jalan raya daripada Batu 16 ke Batu 32. Masalah jambatan runtuh di Batu 16. Masalah jeti nelayan tidak selesa digunakan. Masalah gangguan hidupan liar seperti monyet dan buaya juga menjadi masalah di kawasan saya.

Soalan saya Datuk yang di-Pertua, adakah kerajaan berusaha untuk menyelesaikan masalah-masalah itu atau selesa di cop sebagai kerajaan yang gagal. Tentu tidak. Jawapan saya tentu tidak barangkali.

Datuk Speaker, tinggal sebulan sahaja lagi kita akan meninggalkan 2023 dan melangkah ke tahun baharu 2024. Sesuai dengan pembentangan belanjawan bajet dan hala tuju pembangunan Sabah yang menghidupkan kembali slogan “Sabah Maju Jaya” itu pada tahun depan kita akan memasuki satu (1) lagi fasa sejarah baru. Belanjawan 2024 yang ditunjangi tiga (3) teras utama SMJ itu akan menjadikan Sabah Maju Jaya apabila agihan belanjawan yang telah dibentangkan di Dewan ini diurus tadbir dengan baik. Kalaulah pelaksanaannya dengan amanah dan dilaksanakan pembinaannya secara profesional.

Kami di blok pembangkang yang sememangnya selama ini pun mempunyai aspirasi untuk membangunkan Sabah secara holistik dan mengangkat taraf kehidupan rakyat di negeri ini ke tahap yang lebih baik akan terus berperanan menjadi pembangkang yang *alert, spot on* dan CCTV yang terang. Menjadi nadi dan suara rakyat yang kami wakili untuk memainkan peranan sebagai *check and balance*. Janganlah belanjawan ini hanya *on surface* sahaja tetapi pelaksanaannya lembab dan tidak mencapai sasaran dengan tema “Sabah Teguh, Rakyat Terbela”, dengan semangat SMJ “Sabah Maju Jaya”. Jangan sampai jadi lain definisi SMJ itu sebagai “Sabah Mundur Juga”.

Teruskan memerintah. Teruskan mentadbir. Kami memerhati.

Timbalan Speaker [Datuk Richard Yong We Kong]: Yang Berhormat, sila gulung ya.

Tuan Arunarnsin bin Taib [Gum-Gum]: Kami *check*.

Timbalan Speaker [Datuk Richard Yong We Kong]: Gulung.

Tuan Arunarnsin bin Taib [Gum-Gum]: Kami *check and balance* sekarang kerajaan. Saya mendoakan semoga Negeri Sabah ini dipimpin dengan telus dan saya mengajak semua wakil rakyat di Sabah ini bersatu padu demi negeri dan demi rakyat yang disayangi. Kepada wakil rakyat Parlimen, atau MP yang mewakili Negeri Sabah, Kerajaan Pusat, tolonglah bersuara untuk rakyat Sabah. Jangan buang masa duduk-duduk dan mendengar sahaja ketika perbahasan di sidang Parlimen. Bersuaralah. Bangkitlah demi rakyat Sabah kerana tembuni kita semua ini ditanam di Negeri Sabah ini. Terima kasih. Terima kasih kepada MP saya. MP Libaran yang juga ADUN dilantik kerana turut menuntut hak Sabah seperti MP-MP yang lain. Saya bersyukur ada MP Libaran seperti Yang Berhormat.

Akhir sekali saya ingin mengambil kesempatan ini untuk mengucapkan kepada Ahli-ahli Yang Berhormat serta yang beragama kristian, selamat menyambut hari Natal dan kepada seluruh rakyat Negeri Sabah yang dikasihi, selamat menyambut tahun baharu 2024.

Datuk Speaker, saya Arunarnsin bin Taib, ADUN N50 Gum Gum mohon menyokong. Sekian.

Timbalan Speaker [Datuk Richard Yong We Kong]: Terima kasih Yang Berhormat Gum Gum. Seterusnya saya jemput Yang Berhormat Silam.

Tuan Dumi bin Pg Masdal [Silam]: Terima kasih Datuk Yang di-Pertua. Bismillahirrahmanirrahim. Assalamualaikum Warahmatullahi Taala Wabarakatuh, salam sejahtera, selamat petang dan salam Sabah Maju Jaya.

Datuk Speaker, terima kasih izinkan saya mengambil bahagian dalam perbahasan bajet Negeri Sabah yang dibentangkan oleh Yang Berhormat Datuk Seri Panglima Haji Masidi bin Manjun, Menteri Kewangan Sabah pada petang Jumaat 24 November 2023, jam 3.00 petang bertemakan “Sabah Teguh, Rakyat Terbela” dengan jumlah perbelanjaan mengurus mencecah RM5.701 bilion, kerajaan berupaya mentadbir negeri kita sendiri di mana tata kelola yang baik dan berjaya meraih pencapaian sijil tanpa teguran dari Ketua Audit Negara dengan tata kelola pentadbiran negeri yang begitu baik di bawah kepimpinan Datuk Seri Panglima Haji Hajiji bin Haji Noor, Ketua Menteri Sabah.

Pembentangan Bajet Negeri RM5.701 bilion dan peruntukan Persekutuan kepada Negeri Sabah RM6.58 Bilion, kita mempunyai kewangan yang kukuh. Maka Silam mengharapkan agar permasalahan yang Silam bangkitkan selama ini dapat perhatian dan beri peruntukan terutama keselamatan murid-murid di sekolah menyeberang sekolah khusus SK Pekan 2 dan SMK Sepagaya Lahad Datu yang tiada jejantas untuk menyeberang dua hala jalan raya yang melibatkan kesesakan jalan raya yang sangat teruk bila murid-murid ini masuk dari keluar dari sekolah dan paling menyedihkan lagi Datuk Speaker, Sekolah Menengah Sepagaya yang begitu besar dan mempunyai bilangan murid-murid dan guru yang ramai, tiada disediakan dewan untuk mereka berhimpun dan membuat aktiviti sekolah. Pihak kementerian yang bertanggungjawab harus melihat masalah ini dengan serius.

Datuk Speaker, kerajaan komited dengan memperkasa modal insan dengan memperkukuhkan pengetahuan, kemahiran dan keharmonian agar rakyat kita mempunyai jati diri tinggi dan berakhlak yang mulia.

Datuk Speaker, sebagaimana kita sedia maklum bahawasanya perjanjian MA63 hampir kita perolehi kesemuanya. Kerajaan GRS di bawah kepimpinan Datuk Seri Panglima Hajiji bin Haji Noor, Ketua Menteri Sabah yang kita anggap mempunyai ke...

**28/11/2023- RAKAMAN 45 [5:20 PETANG - 5:30 PETANG] - [NORHAZIRAH] -
SITI JUBAIDAH - EZURA**

Tuan Dumi bin Pg Masdal [Silam]: ...kekuatan kewangan dan keupayaan mengurus pentadbiran negeri kita sendiri. Adakah Kerajaan Negeri bercadang untuk kita wujudkan pengurusan Tabung Haji kita sendiri yang kita namakan Tabung Haji Wilayah Sabah? Kita sedia maklum setiap tahun Kerajaan Arab Saudi peruntukkan 10% jemaah dari bilangan penduduk sesebuah negara, bererti negara kita Malaysia diberi kuota 31 600 orang jemaah haji setiap tahun.

Apa yang mendukacitakan kita, rakyat Wilayah Sabah cuma diberi kuota tidak sampai seribu orang pun setiap tahun. Kalau kita juga diberi kuota 10% oleh Tabung Haji Malaysia berpandukan penduduk Wilayah Sabah hampir 3.5 juta orang bererti sekurang-kurangnya 3000 orang rakyat Wilayah Sabah dapat menunaikan haji setiap tahun, yang selebihnya Tabung Haji Malaysia yang mengurus, sama ada diberinya kepada syarikat pakej haji atau sebaliknya. Apakah Kerajaan Sabah tidak berupaya untuk mengurus jemaah kita sendiri? Dan berbincanglah dengan pengurusan Tabung Haji Malaysia dan buatlah lawatan ke Arab Saudi. Suarakan hasrat kita mengurus jemaah haji kita sendiri. Apa apabila cadangan ini dapat direalisasikan kita namakan Tabung Haji Wilayah Sabah?

Kerajaan Negeri Sabah, bantulah kepada badan ini sama ada dana pinjaman atau berikan tanah untuk mereka dapatkan dana apabila berhasil tanaman mereka. Contoh Tabung Haji Malaysia mempunyai ladang sawit sendiri di Wilayah kita Sabah. Sampai bila kita bernaung di bawah Tabung Haji Malaysia, di masa akan datang generasi kita akan kesal dan persoalkan masalah ini. Apa yang kita tinggalkan untuk mereka seram mereka seramai 79 orang wakil rakyat termasuk yang dilantik di Dewan yang mulia akan dicemuh dan dipersalahkan oleh generasi anak cicit kita di masa akan datang?

Semasa penggulungan, kita berharap ada jawapan yang kita harapkan dari menteri yang bertanggungjawab dalam mengurus hal ehwal agama Islam Wilayah Sabah. Bangun dan bangkitlah kita, jangan jadi pak turut sahaja malu kita. Contohilah negara Brunei Darussalam, walaupun negara kecil tapi mereka mampu hantar jemaah haji mereka ke Arab Saudi. Kita berharap Kerajaan GRS buatlah sesuatu untuk kita tinggalkan kepada generasi kita di masa akan datang. Renung dan fikirkanlah, tinggalkan legasi, kepimpinan Yang Amat Berhormat Ketua Menteri dapat mewujudkan pengurusan haji sendiri yang menjadi lipatan sejarah untuk generasi dan anak cucu kita di masa akan datang.

Datuk Speaker, subsektor perikanan merupakan penyumbang kedua terbesar kepada KDNK Sabah. Peruntukan RM41.61 juta untuk subsektor perikanan ini untuk meneruskan program-program pembangunan dan sokongan seperti sokongan seperti aktiviti konservasi melalui penempatan tukun tiruan dan aktiviti tagal dan lain dan beri peluang kepada nelayan kita untuk menambah pendapatan mereka. Tapi, satu masalah timbul di kawasan saya bandar Lahad Datu dan bandar Tabanak.

Datuk Speaker, bandar Lahad Datu ini adalah unik dan menghairankan. Pengurusan Majlis Daerah meluluskan dan mengeluarkan lesen jual ikan kepada orang perseorangan, iaitu pasar ikan di dalam deretan kedai di bandar Tabanak, Lahad Datu. Dengan lori-lori memunggah ikan dan boleh mengundang kemalangan jalan raya dan menimbulkan kacau gangguan seperti bau kepada persekitaran yang mana kedudukan premis menjual ikan itu dipanggil I-FISH tidak sesuai di kawasan tersebut dan kewujudannya boleh mengundang kehadiran anjing liar, lalat, nyamuk dan tikus yang mana binatang-binatang ini boleh membawa penyakit seperti penyakit bawaan tikus yang boleh mengundang maut jika termakan, atau terminum air kencing tikus dan jika ada takungan air di kawasan itu, membolehkan nyamuk membiak dan mengundang penyakit seperti demam denggi dan ketidakselesaan terutama kepada pelanggan kedai sebelah-menyebelah. Adakah pegawai kesihatan tidak dilibatkan untuk kelulusan berkaitan lesen yang melibatkan kesihatan umum?

Datuk Speaker, dan ada pihak kementerian tidak ambil peduli dan seolah-olah menutup sebelah mata. Ke mana perginya penguatkuasa Majlis Daerah dan 20 orang Ahli Majlis yang dilantik oleh Kementerian yang bekas dilantik oleh Jabatan Kementerian. Ada yang bekas jurutera, pegawai daerah, profesor dan ada yang

bergelar Datuk? Apa peranan mereka sebagai Ahli Majlis? Adakah mereka ini menyokong pengeluaran lesen menjual ikan di deretan kedai tersebut atau kuasa perseorangan pegawai Majlis yang mengeluarkan lesen di kedai I-FISH? Kerana dengan adanya kelulusan lesen di deretan yang dipanggil I-FISH telah menjejaskan peniaga-peniaga ikan, terutama sepuluh ruang gerai di bandar Tabanak dan 184 peniaga-peniaga ikan di Pasar Ikan Bandar Lahad Datu.

Datuk Speaker, mereka membayar lesen berniaga ke Majlis Daerah setiap tahun berjumlah RM83 843.00 dan difahamkan keadaan tidak tiada bekalan air di pasar sana. Difahamkan juga, kedai I-FISH yang hanya memiliki *Trading* lesen sahaja dengan bayaran RM25 setahun manakala peniaga seramai 184 orang itu bayar tahunan RM480 setahun, seorang.

Untuk makluman Dewan yang mulia ini, luahan tidak puas hati peniaga-peniaga yang terjejas ini harus diambil perhatian. Mereka berniaga untuk menampung persekolahan anak-anak mereka dan kos sara hidup mereka yang tinggi kini dan Silam merayu supaya tindakan tegas dari Kementerian mengambil tindakan dan membatalkan lesen perniagaan I-FISH di deretan kedai bandar Tabanak kerana kewujudannya telah menjejaskan pendapatan mereka, terutamanya sepuluh ruang gerai jual ikan di bandar Tabanak itu dan pegawai yang meluluskan lesen itu harus dipantau dan ikut prosedur sebelum lesen diluluskan. Ini diluluskan di tempat yang tidak sesuai. Ambil tindakan dan teguran mereka yang luluskan lesen dan ada yang cakap bagus lagi buat laporan kepada pihak SPRM jika ada pelanggaran dalam pengeluaran lesen tersebut. Pegawai pelesenan harus ditukar demi kebaikan Majlis Daerah, khususnya Majlis Daerah Lahad Datu.

Datuk Speaker, satu lagi luahan orang-orang ramai, bagaimana pihak Majlis boleh mengeluarkan dan membenarkan kaki lima kedai diletakkan barang-barang jualan dan menyulitkan orang awam sehingga mereka berjalan di jalan raya berkongsi jalan dengan kereta. Ini membahayakan nyawa orang awam. Saya ingin bertanya kepada Kementerian, apakah pihak berkuasa tempatan tiada kuasa atau ada di sebalik kelulusan ini?

Datuk Seri Speaker, masalah seperti kesesakan jalan raya, penjualan barang-barang di kaki lima kedai dan sebagainya yang berlaku itu tidak harus dibawa ke

Dewan yang mulia ini. Boleh diambil tindakan di daerah tersebut tapi malang sekali ADUN ADUN pembangkang di kawasan itu yang diujani luah perasaan tidak puas hati oleh orang ramai tidak dilibatkan dalam sebarang mesyuarat tindakan daerah dan yang lain mesyuarat kerana Pegawai Daerah dan Pegawai Eksekutif dan lain-lain jabatan takut dengan Kerajaan yang memerintah.

Datuk Speaker, pada 24 Mei 2023, Mesyuarat Pertama Penggal Keempat Dewan Undangan Negeri Sabah, Yang Berhormat Menteri Kementerian Kerajaan Tempatan dan Perumahan maklumkan Dewan yang mulia ini berkenaan pemungutan sisa pepejal sampah di kawasan Lahad Datu. Walaupun kenderaan ada bertambah tapi sampah masih juga pengurusannya lambat. Apakah Kementerian tiada perancangan untuk serahkan sepenuhnya pengurusan sisa pepejal ini kepada Majlis Daerah supaya dapat diselenggara dengan sempurna. Difahamkan di daerah Lahad Datu, ada dua buah syarikat, iaitu Syarikat Hana Mega Sdn. Bhd. dan Syarikat Mega Teknologi Sdn. Bhd. di mana dipunyai oleh individu sama mengurus sampah ini dengan kos pembayaran bulanan RM360 000.00.

Ada baiknya pegawai eksekutif boleh kemukakan cadangan untuk Kementerian untuk membeli kenderaan sendiri dan mengurangkan kos pengurusan. Pihak Majlis dapat jimatkan kos pembayar cukai dan difahamkan kesemua syarikat yang dapat konsesi seperti selenggara lampu jalan, pungut sampah, tanam bunga dan lain-lain diberikan kepada syarikat bukan orang Lahad Datu. Kami pembayar cukai, Datuk Seri Speaker, kepada Majlis Daerah semestinya berilah keutamaan kepada syarikat milik orang Lahad Datu supaya tuan punya syarikat tersebut dapat melihat sendiri kerja mereka setiap hari misalnya lampu jalan mati hari itu juga mereka tukar tapi kalau syarikat luar, tiga atau seminggu baru diganti. Pihak Kementerian atau SUT Kementerian buatlah pemantauan terutama syarikat luar dan berilah kepada syarikat milik orang Lahad Datu.

Datuk Speaker...

Timbalan Speaker [Datuk Richard Yong We Kong]: YB, sila gulung ya.

Tuan Dumi bin Pg Masdal [Silam]: Datuk Speaker, pada persidangan DUN pada 22 23 2023 lalu, Silam ada kemukakan permasalahan pesakit buah pinggang

seramai 110 orang yang menerima rawatan tiga kali seminggu yang mana membebankan seramai 19 orang pesakit yang tinggal jauh di Tambisan, Tanjung Labian, Felda Sahabat, dengan Tungku dan Membatu jauhnya lebih kurang di antara 60 hingga 120 Kilometer. Mereka terbeban dengan kos perjalanan mereka yang tinggi tiga kali seminggu di Hospital Lahad Datu dan lebih teruk lagi.

28/11/2023- RAKAMAN 46 [5:30 PETANG - 5:40 PETANG] - [ADIBAH] - NADIA - NADA

Tuan Dumi bin Pg Masdal [Silam]: ... setiap menerima rawatan diminta daftar dengan bayaran RM13 sekali rawatan. Sebulan 12 kali menerima rawatan bererti terpaksa bayar RM156 ditambah dengan kos pengangkutan dan ada pesakit terpaksa buat rawatan seminggu sekali atau dua kali sahaja, Datuk Seri Speaker, kerana beban kos perjalanan mereka ke Hospital Lahad Datu begitu tinggi.

Hospital Tungku yang begitu cantik dan indah dikelilingi dengan kebun-kebun kelapa sawit, tiada kemudahan rawatan buah pinggang terutama 19 orang pesakit ini kerana difahamkan bilik untuk mesin dialisis tidak tersedia. Kalau adapun bilik untuk rawatan, tiada pegawai perubatan ataupun staf. Silam berharap janganlah dilambatkan, wujudkan bilik wujudkan bilik untuk dialisis. Jangan tunggu ada pesakit meninggal baru buat. SILAM berharap wujudkan balik Kementerian Kesihatan dalam pentadbiran Kerajaan GRS, supaya dapat peruntukan untuk meringankan pesakit-pesakit kita di Sabah ini.

Datuk Speaker, pada Persidangan DUN Ke-16 Penggal Ketiga pada 16 Mac 2022, Kerajaan Negeri bercadang untukewartakan 75 kawasan di Sabah sebagai perkampungan. Adakah cadangan itu telah dijalankan dan bilakah cadangan itu dibentangkan di Dewan yang mulia ini supaya kita sebagai ADUN mengetahui untuk dimaklumkan kepada penduduk di kawasan kita wakili. Kerana di kawasan saya pun ada penempatan rakyat Sabah dipanggil Kampung Tampinaw yang mana penduduknya adalah 90 peratus suku kaum KDM.

Tampinaw membawa maksud adalah mengambil suku kaum yang tinggal di kawasan itu yang kebanyakannya berasal dari Tambunan, Penampang dan Ranau dan kampung ini telah wujud lebih kurang 25 tahun dan didiami lebih kurang 800

orang dan kemudahan jalan raya, bekalan air bersih dan elektrik dan di kampung ini pun mempunyai sebuah gereja dan mini dewan terbuka untuk kegiatan masyarakat kampung tersebut. Saya berharap dan merayu agar Kampung Tampinau tersebut dapat perhatian.

Datuk Seri Speaker, begitu juga Kampung Bakau Baru berhampiran Kampung Tabanak, pengurusan kampung ini telah membuat permohonan melalui PT 98110339 dan permohonan tersebut telah disokong oleh Pegawai Daerah Lahad Datu dan Jabatan Tanah dan Ukur Kota Kinabalu. Kampung ini didiami oleh lebih kurang 619 orang dan 100 buah rumah, sebuah masjid ...

Timbalan Speaker [Datuk Richard Yong We Kong]: Yang Berhormat. Yang Berhormat, sila gulung.

Tuan Dumi bin Pg Masdal [Silam]: ... dan bekalan air, elektrik, dan jalan raya sudah disediakan oleh Kerajaan dan Silam berharap dan merayu agar penempatan ini diberi pertimbangan dan diluluskan sebagai perkampungan.

Datuk Speaker, sebelum saya mengakhiri ucapan ini, Silam merasa terpanggil untuk menyuarakan masalah ini diminta Kementerian yang bertanggungjawab mengambil tindakan kerana di kawasan saya di DUN Silam beberapa masalah telah Silam suarakan tetapi tiada tindakan berhubung dengan bekalan air, jalan raya dan masalah elektrik. Bulan lalu, seorang budak sekolah maut. Kerana renjatan elektrik di Kampung Sarip Lahad Datu kerana penyambungan wayar secara haram dan lebih membimbangkan lagi di waktu malam lampu jalan tidak menyala dan ada yang rosak.

Untuk makluman Dewan yang mulia ini, kawasan Lahad Datu adalah kawasan perintah berkurung. Walaupun dikuatkuasakan di laut tapi di KM8 Jalan Lahad Datu - Silam, Kem Batalion 16 (suara tidak jelas) terletak pentadbiran tempat tinggal anggota PGA serta keluarga mereka dan lampu jalan selalu tiada menyala dan menyukarkan operasi pengurusan mereka kerana di sekitar kawasan mereka gelap. Satu lagi masalah, banjir sering melanda Kampung Sepagaya dari kilometer enam hingga kilometer sepuluh. Banjir sehingga lima hingga sepuluh kaki dan sukar dilalui oleh kenderaan terutama mereka kereta kecil. Di kilometer sepuluh Jalan Silam,

selama ini tidak pernah banjir. Tapi pada 24, 23 lalu banjir berlaku kerana sistem perparitan yang tidak teratur yang berlaku sehingga sukar dilalui dan yang lebih teruk lagi di Kampung Sepagaya, seorang wanita dibaham buaya pada 24 haribulan 9 sekitar jam 10 malam kerana limpahan air dari sungai dan buaya pun naik cari mangsanya.

Datuk Seri Speaker, mengikut data dari tahun 2011 hingga tahun 2023 Jabatan Hidupan Liar Lahad Datu, jumlah serangan buaya sebanyak 28 serangan yang melibatkan kematian 21 orang dan tujuh orang cedera. Silam ingin tahu, apakah tindakan Kerajaan Negeri untuk menangani masalah serangan buaya ini? Masyarakat kita di Silam ini terancam dan takut dibaham buaya sehingga menyukarkan mereka ke laut menangkap ikan.

Timbalan Speaker [Datuk Richard Yong We Kong]: Okey.

Tuan Dumi bin Pg Masdal [Silam]: Datuk Speaker, Silam mengucapkan berbanyak-banyak ribuan terima kasih kerana diberi peluang untuk meng ... bajet ini dan saya Silam menyokong. Terima kasih. Assalamualaikum warahmatullahi wabarakatuh.

Timbalan Speaker [Datuk Richard Yong We Kong]: Terima kasih, Yang Berhormat Silam. Mengikut senarai yang membahaskan yang dikemukakan ADUN Petagas adalah pembahas yang terakhir. Sekarang saya jemput, Yang Berhormat Petagas.

Datuk Awang Ahmad Sah bin Datuk Haji Sahari [Petagas]: Terima kasih, Datuk Speaker. Assalamualaikum warahmatullahi wabarakatuh. Selamat petang dan salam sejahtera. Sepatutnya saya berucap kelmarin, tapi keadaan kurang sihat dan pada hari ini boleh-bolehlah bila sudah makan sedikit ubat. Rasanya bolehlah memberi sedikit ucapan ataupun membahaskan bajet yang telah dikemukakan oleh Yang Berhormat Menteri Kewangan, Datuk Seri Masidi Manjun. Bajet ini adalah satu bajet yang bersifat surplus dan pada kali ini bajet ini memang bolehlah disifatkan satu bajet yang agak menyeluruh. Tapi apa pun sebagai rakyat, sebagai pemimpin yang senantiasa berada dengan rakyat di bawah sana, mungkin ada beberapa perkara yang perlu kita lihat. Walaupun kadang-kadang ianya bersifat mikro tetapi bila kita

sebut soal bajet dan bila kita sebut soal peningkatan bajet dan penambahan *revenue*, oleh Kerajaan Negeri tentulah rakyat yang berada di bawah sana sedikit sebanyak bukan hanya sekadar mahu mendengar, melihat tetapi mahu juga merasa.

Jadi mungkin kalau tidak dapat pada kali ini, pada masa-masa yang akan datang rakyat yang ada di bawah sana perlu juga merasa walaupun tidak banyak, walaupun sedikit, walaupun besar, walaupun kecil, pada waktu dan ketika yang baik, di mana pendapatan meningkat perbelanjaan juga dijangka meningkat, rakyat yang ada di bawah sana ramai yang susah. Mungkin ada baiknya kita perlu melihat agar secara langsung walau sedikit rakyat yang ada di bawah sana dapat merasa apa sahaja peningkatan-peningkatan pendapatan yang telah diperolehi oleh Kerajaan, perlulah mereka juga merasa apakah yang boleh kita tawarkan selain daripada meningkatkan perbelanjaan ataupun anggaran-anggaran perbelanjaan untuk Kementerian-kementerian, Jabatan-jabatan ataupun Agensi-agensi Kerajaan. Tetapi dalam masa yang sama kita jangan lupa, rakyat di bawah sana perlu merasa.

Tidak perlulah saya sebut apa yang perlu kita lakukan. Tetapi, kita perlu lain kali melihat secara mikro, melihat secara kecil mudah-mudahan bila kita dapat merasakan membawa rakyat untuk merasa segala anggaran yang kita buat ini, insya-Allah rakyat akan berpuas hati dengan pemimpin dan Kerajaan yang ada pada hari ini. Dan dalam masa yang sama, ketika tahun 1976 sehinggalah ke tahun 2023 ...

28/11/2023- RAKAMAN 47 [5:40 PETANG - 5:50 PETANG] - [ZURINA] - AZYATUL - HADINIE

Datuk Awang Ahmad Sah bin Datuk Haji Sahari [Petagas]: Mengambil masa selama lebih kurang 46, 47 tahun. Di mana hak-hak kita mengikut Perjanjian 1963 telah dicabul. Lihat, bergantunglah kepada cara kita melihat bagaimama hak-hak kita ini telah dirampas, telah dirompak dan *alhamdulillah* pada tahun lepas, dan pada tahun ini, kerajaan dengan sokongan lebih daripada dua pertiga Ahli-ahli Parlimen telah mengembalikan Perjanjian 1963 dan saya hanya lihat perkara ini sebagai satu perkara yang penting.

Satu perjuang yang sudah lama dan satu perkara yang sebenarnya tidak banyak rakyat Sabah tahu. Hanyalah pada ketika di mana ramai pemimpin mula menyuarakan apa yang terdapat dalam Perjanjian 1963 barulah pada hari ini, kita sedar bahawa kita adalah sebuah negeri yang banyak mengeluarkan hasil minyak, gas dan sebagainya. Tetapi dan mudah-mudahan juga apabila Perjanjian 1963 ini telah dikembalikan, jangan kita sekali-kali membenarkan keadaan yang merugikan kita kembali.

Perjanjian 1963 itu mestilah dihormati sepenuhnya. Kalau Perjanjian 1963 menyatakan royalti itu mesti ada 30 atau 40% minyak mesti dikembalikan kepada Negeri Sabah. Ianya mesti dikembalikan sepenuhnya. Begitu juga dengan hasil-hasil cukai yang dikutip, yang dikutip di Negeri Sabah yang berbilion ringgit juga mesti dikembalikan, sebagaimana Perjanjian 1963. Kalau Perjanjian 1963 menyatakan 40% mesti dikembalikan ke Negeri Sabah, ianya mesti dikembalikan sepenuhnya.

Cuma barangkali di dalam keadaan di mana negara kita ini terlalu banyak hutang dan mungkin apabila kita mendapat Sabah dan Sarawak mendapat sepenuhnya. Mungkin, kerajaan pusat menghadapi sedikit kesukaran. Sukar itu soal biasa tetapi, dalam masa yang sama kita tidak boleh kerana, kerana keadaan yang sukar itu kita terus bertolak ansur. Maknanya, kalau pun kita terpaksa bersetuju. Contohnya, macam minyak itu daripada 30%, mungkin dia mula dengan 15%. Mungkin itu boleh tetapi, bukan. Bukan ertinya kita bersetuju untuk menerima 15%. Maknanya kita bermula dengan berapa peratus yang kerajaan kita di Negeri Sabah ini bersetuju sehinggalah mungkin kita *stager*. Mungkin lima tahun kemudian, kita kena *revisit* balik.

Kalau dia bermula dengan 15%, *after five years* dia naikkan lagi lima peratus. Jadilah 20% dan seterusnya. Sehinggalah dalam masa 15 tahun, 20 tahun atau 25 tahun, kita boleh mendapat sepenuhnya royalti yang saya maksudkan. Kerana dalam masa yang sama, kita juga tidak bererti, bila kita bersetuju dengan menerima 15%, tidak bererti kita bersetuju menerima hanya 15% sahaja. Apa sahaja yang tidak dibayar sepenuhnya mengikut Perjanjian 1963 mereka kena bayar balik kemudiannya. Hak kita adalah hak kita. Sudah banyak hak-hak kita dirompak, sudah banyak hak-hak kita tidak diberi dan tidak dikembalikan sepenuhnya. Jadi maknanya

pada kali ini, kita tidak boleh melepaskan begitu sahaja. Bila kita bersetuju dengan 15%, yang selebihnya itu dia kena bayar juga kemudiannya.

Jadi, ini perkara-perkara yang sangat penting dan kita tidak boleh melakukan kesilapan sekali lagi kerana kesilapan sekali lagi akan menyukarkan kita untuk mendapatkan kembali Perjanjian 1963. Disitulah letaknya kita sebagai sebuah kerajaan negeri yang berwakil rakyatkan, seramai 73 orang ADUN dan beberapa orang ADUN yang dilantik mesti bersatu hati mesti berkerjasama demi Sabah. Apa pun dalam konteks mengembalikan, untuk mendapatkan hak kita kembali mengikut Perjanjian 1963, kita mesti bersatu. Semua kita mesti bersatu bersama-sama untuk memastikan kita bertegas di dalam soal ini.

Saudara-saudara dan saudari-saudari yang Ahli-ahli Berhormat yang saya hormati sekalian, dalam kita mula membangun, dalam kita mula mendapat peruntukan-peruntukan yang banyak, dalam keadaan di mana nanti apabila Malaysia *agreement* telah dikembalikan sepenuhnya kepada kita, kita jangan lupa. Peluang yang banyak, peruntukan yang banyak, perolehan yang banyak, rakyat juga seperti yang saya kata tadi, perlu merasa. Di Sabah ini, biarpun gaji 4000, 5000 untuk membeli rumah, sudah tidak, sudah tidak. Tidak ramai yang mampu. Semakin hari, semakin ramai yang merasa tertekan. Semakin hari, semakin tinggi lonjakan kenaikan harga-harga barang.

Jadi, dalam keadaan begini, saya rasa kita mesti mengambil satu langkah yang proaktif. Satu langkah, di mana kita suka atau tidak mesti mengambil langkah-langkah yang perlu pada bajet yang akan datang untuk memastikan kepentingan rakyat ini dapat kita lihat secara dekat, agar rakyat yang ada di bawah sana berbangga dengan kita selaku pemimpin. Agar rakyat yang susah di bawah sana dapat bantuan dengan cara yang lebih mudah. Jangan terlalu sulit, jangan terlalu sukar.

Begitu juga dengan peluang-peluang untuk melanjutkan pelajaran ke Universiti, kerajaan perlu menambah peruntukan agar lebih ramai lagi rakyat kita yang dapat peluang untuk menghantar anak-anak mereka ke sekolah dalam bidang apa sekalipun. Walaupun mempunyai, kerajaan mempunyai dasar terhadap pendidikan ataupun apa pendidikan yang diambil dalam memberi keutamaan kepada bidang-

bidang yang tertentu. Tetapi, apapun bidang pendidikan ini semuanya baik, semuanya mendatangkan manfaat dan kepentingan pada anak-anak dan juga generasi akan datang.

Timbalan Speaker [Datuk Richard Yong We Kong]: Yang Berhormat, sila gulung.

Datuk Awang Ahmad Sah bin Datuk Haji Sahari [Petagas]: Terima kasih. Ya. Saudara-saudara, Wakil-wakil rakyat sekalian, saya dengan ini sekali lagi merayu kepada kerajaan supaya tahun hadapan kita melihat perkara-perkara yang kecil ini, *micro* ini supaya kita dapat membawa rakyat bersama-sama di dalam apa sahaja yang kita lakukan dan mereka dapat menikmati apa sahaja lebih-lebih pendapat yang kita belanjakan.

Saya dengan ini memberi, menyokong. Menyokong bajet yang di bawah oleh Yang Berhormat Menteri Kewangan, Datuk Seri Masidi Manjun dan saya ucapkan berbanyak terima kasih kerana memberi peluang kepada saya. Dalam masa yang sama, saya ambil kesempatan ini mengucapkan selamat menyambut Hari Krismas kepada yang beragama kristian dan Selamat Tahun Baru 2024 kepada seluruh Ahli-ahli Yang Berhormat dan juga kepada seluruh rakyat-rakyat di Negeri Sabah.

Sekian, *Wabillahi Taufik Wal Hidayah Wassalamualaikum Warahmatullahi Wabarakatuh.*

Timbalan Speaker [Datuk Richard Yong We Kong]: Terima kasih Yang Berhormat Petagas. Ahli-ahli Yang Berhormat, maka selesailah sudah sesi perbahasan atas Rang Undang-undang perbekalan 2024, 2023. Oleh itu, sekarang saya jemput YB Timbalan Ketua Menteri, merangkap Menteri Kerja Raya untuk mulakan penggulangannya.

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: *Bismillahirrahmanirrahim. Assalamualaikum Warahmatullahi Wabarakatuh.* Salam sejahtera, Salam Malaysia Madani dan Salam Sabah Maju Jaya.

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: ...Tuan Speaker, terlebih dahulu saya mengambil kesempatan ini untuk mengucapkan terima kasih kepada Ahli-ahli Yang Berhormat yang telah mengambil bahagian dalam sesi Perbahasan Belanjawan 2024 yang melibatkan Kementerian Kerja Raya Sabah. Segala cadangan, pandangan dan teguran oleh Ahli-ahli Yang Berhormat itu amat dihargai dan akan diberi perhatian yang sewajarnya. Sebagaimana ditekankan oleh Yang Berhormat Menteri Kewangan, Belanjawan Negeri Sabah tahun 2024 yang bertemakan “Sabah Teguh Rakyat Terbela” dirangka khusus demi membela kesejahteraan hidupan rakyat melalui pelaksanaan program pembangunan yang berterusan. Bagi tahun 2024, Kementerian Kerja Raya Sabah diperuntukkan sebanyak RM1.03 bilion perbekalan dan RM689.66 juta pembangunan. Kementerian saya merakamkan ucapan terima kasih kepada Yang Berhormat Menteri Kewangan atas peruntukan tersebut.

Tuan Speaker, seiring dengan pelan Pembangunan Sabah Maju Jaya 1.0 2021-2025, pelaksanaan projek dan program yang difokuskan dalam Belanjawan Negeri tahun 2024 sudah tentulah bagi membolehkan rakyat di negeri ini mendapat kemudahan asas yang mampan dan saling berhubung. Justeru, Kementerian Kerja Raya Sabah kekal komited menggalas tanggungjawab berkenaan melalui agensi-agensi di bawahnya, iaitu Jabatan Kerja Raya, Jabatan Air Negeri Sabah, Jabatan Perkhidmatan Pembetungan Sabah, Jabatan Keret api Negeri Sabah, Jabatan Pelabuhan dan Dermaga Sabah serta Lembaga Pelabuhan-pelabuhan Sabah. Kementerian saya akan terus menggembleng tenaga untuk bersama-sama berganding bahu melaksanakan program-program pembangunan, khususnya pembangunan kemudahan infrastruktur dan prasarana awam secara berterusan.

Tuan Speaker, di bawah Belanjawan 2024, Kementerian saya melalui JKR akan melaksanakan pembinaan jalan-jalan raya dan menaik taraf serta menyelenggara jalan-jalan di seluruh negeri Sabah secara berterusan. Pengurusan dan penambahbaikan sistem trafik di bandar-bandar utama dan bandar-bandar kecil juga akan dilaksanakan. Dalam usaha menangani isu gangguan bekalan air di negeri Sabah, Kementerian saya melalui Jabatan Air Negeri Sabah akan berusaha

memperkasakan sistem penyampaian bekalan air melalui beberapa inisiatif antaranya melaksanakan tindakan penyelesaian jangka pendek di sembilan daerah seperti Kota Kinabalu, Tuaran, Papar, Lahad Datu, Keningau, Beaufort, Tawau dan Sandakan. Kementerian juga akan melaksanakan inisiatif pemasangan sistem meter pukal atau *water vendor* di kawasan-kawasan yang telah dikenal pasti kerap berlakunya penyambungan haram dan kecurian air. Selain itu, Kementerian juga telah dan akan melaksanakan beberapa projek berimpak tinggi dan tindakan penyelesaian bekalan air di bawah peruntukan Pinjaman Mudah Persekutuan.

Dalam konteks perkhidmatan pembedungan pula, pada tahun 2024, beberapa program baharu dan sedia ada akan diteruskan. Ini meliputi pembaikan rangkaian paip pembedungan yang telah uzur di kawasan Kota Kinabalu dan Tawau serta membaik pulih aset pembedungan milik Pihak Berkuasa Tempatan yang telah diserahkan kepada Jabatan Perkhidmatan Pembedungan Sabah. Selain itu, kajian bagi penyediaan reka bentuk bagi sistem pembedungan di seluruh di negeri Sabah juga akan dilaksanakan. Dalam usaha meningkatkan perkhidmatan kereta api. Keutamaan Kementerian ini dalam tahun 2024 adalah bagi melaksanakan program-program yang boleh meningkatkan kualiti perkhidmatan konsisten dan berkesan. Ini melibatkan program penaiktarafan infrastruktur dan landasan, penaiktarafan aset dan kemudahan lain yang berkaitan serta pendigitalan yang bertujuan untuk membolehkan penambahan bilangan perkhidmatan dan memperkenalkan perkhidmatan baru secara berperingkat. Antara yang menjadi tumpuan adalah perkhidmatan baru *tourism train* yang berasaskan pelancongan dan rekreasi. Untuk makluman Ahli Dewan yang mulia ini, anggaran pengguna perkhidmatan keret api bagi tahun 2022 adalah seramai 426 583 orang manakala pada tahun 2023 sehingga penghujung Oktober tahun ini adalah seramai 423 490 orang.

Berhubung dengan perkhidmatan pelabuhan dan dermaga pada tahun 2024, Kementerian saya akan terus menyediakan perkhidmatan untuk manfaat rakyat secara berterusan. Antaranya dengan menyediakan penanda laluan pelayaran selamat di perairan sebagai panduan kepada nelayan setempat, pengukuran hidrografi untuk pemetaan kedalaman sungai, penyelenggaraan ke atas kemudahan-kemudahan pelabuhan seperti jeti, dermaga, bangunan, terminal dan program pendaftaran pelesenan kapal kecil di bawah 15 tan di peringkat daerah secara berperingkat.

Tuan Speaker, saya beralih kepada isu-isu yang dibangkitkan semasa sesi perbahasan. Saya ingin mengucapkan terima kasih kepada Ahli-ahli Yang Berhormat yang telah membangkitkan isu yang berkaitan pembangunan infrastruktur sama ada jalan raya, bekalan air dan lain-lain yang berkaitan dengan Kementerian sama ada secara umum atau spesifik. Oleh itu, izinkan saya untuk menjawab pertanyaan isu dan cadangan mahupun pandangan tersebut. Pertama, saya mulakan berkenaan isu-isu yang berkaitan dengan Jabatan Kerja Raya. Ahli Yang Berhormat dari Liawan bertanya tentang jumlah projek pembangunan di bawah nilai RM50 juta, untuk makluman Ahli Yang Berhormat dari Liawan, pengiktirafan JKR Sabah sebagai Jabatan Teknik di bawah Arahan Perbendaharaan 182 atau singkatannya AP182 telah menyaksikan secara keseluruhannya Sabah telah menerima sejumlah 141 projek pembangunan Persekutuan daripada pelbagai kementerian yang setiap satunya bernilai RM50 juta ke bawah dengan jumlah keseluruhan bernilai RM1.635 bilion dalam *Rolling Plan* ketiga, daripada 141 senarai projek tersebut 61 projek dengan kos RM8.967 juta mendapat pengecualian ke atas AP182, iaitu 60 projek daripada Kementerian Kesihatan Malaysia dan satu daripada Kementerian Kemajuan Desa dan Wilayah dengan had nilai sehingga satu juta ringgit bagi projek penyelenggaraan dan pembaikan kecil manakala, 15 projek yang bernilai keseluruhan 316.563 juta ringgit diberikan pengecualian berdasarkan permohonan yang dibuat oleh pelbagai Kementerian Persekutuan yang lain selaku pihak pemilik. Oleh itu, senarai akhir projek yang dilaksanakan oleh JKR Sabah adalah sebanyak 65 projek dengan kos keseluruhan sebanyak RM1.3 bilion daripada 65 projek 44 projek dijangka di tender pada tahun 2023 dan 21 projek pada tahun 2024, iaitu pelaksanaan adalah di peringkat kerja awalan. Setakat ini, 17 projek daripada 44 projek yang disasarkan untuk ditender berada di peringkat perolehan dengan kos perbelanjaan berjumlah 824 200 ringgit sebanyak sembilan projek telah ditender dan satu lagi projek dalam menunggu keputusan Lembaga Perolehan, empat akan ditender pada Disember 2023 dan tiga lagi dijangka ditender pada awal Januari tahun 2024.

Berkaitan dengan naik taraf jalan di kawasan Liawan, iaitu Kampung Gaulan, Kampung Sigapon, Kampung Batu 27, Kampung Senagang, Kampung Keritan, Kampung Mempikit Ulu dan Kampung Ulu Keningau Tarapa, untuk makluman Ahli Yang Berhormat Liawan, jalan yang disebutkan oleh Ahli Yang Berhormat memang telah dikenal pasti oleh pihak JKR Sabah dan telah dimasukkan, telah dimasukkan

ke dalam pangkalan data JKR Sabah untuk dicadangkan dalam *Rolling Plan* yang seterusnya di bawah program jalan luar bandar biayaan Kerajaan Persekutuan melalui Kementerian Kemajuan Desa dan Wilayah...

28/11/2023- RAKAMAN 49 [6:00 PETANG - 6:10 PETANG] - [NABILA] - THEODORA - NADA

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: ... wilayah. Berkaitan dengan status terkini kelulusan pembinaan *design and build* Klinik Kesihatan Daerah Membakut yang dibangkitkan oleh Ahli Yang Berhormat dari Bongawan. Kementerian Kesihatan Malaysia telah melantik JKR Sabah sebagai agensi pelaksana pada 25 Julai 2023. Untuk makluman, status projek ini masih dalam proses pelantikan perunding dan dijangka akan dimuktamadkan pada awal tahun 2024.

Bagi menjawab pertanyaan ahli Yang Berhormat dari Tungku tentang unit khas bagi membuat pemantauan kualiti kerja konsesi penyelenggaraan jalan. Sukacita saya memaklumkan bahawa kesemua 24 pejabat JKR bahagian ataupun daerah mempunyai unit penyelenggaraan jalan yang diketuai sama ada oleh seorang jurutera atau penolong jurutera dan mempunyai beberapa orang penolong jurutera serta pembantu awam operasi. Unit ini bertanggungjawab dan bertindak untuk memantau dan memeriksa semua kerja-kerja penyelenggaraan berturap di daerah masing-masing bagi ke semua syarikat-syarikat konsesi atau kontraktor penyelenggaraan jalan berturap dan jalan tidak berturap yang di bawah tanggungjawab JKR Sabah.

Bagi memudahkan orang awam untuk mengetahui status pemilikan jalan-jalan di dalam negeri Sabah. Kementerian ini melalui Jabatan Kerja Raya Sabah telah membangunkan aplikasi *Sabah Public Road Map*. Aplikasi ini membolehkan orang awam untuk mengenal pasti mana-mana jalan yang berada di bawah pemilikan JKR Sabah untuk memudahkan penyaluran sebarang aduan. Aplikasi ini juga turut memberikan maklumat asas berkaitan jalan tersebut seperti lokasi, daerah, berapa panjang, syarikat konsesi, kontraktor penyelenggaraan yang bertanggungjawab bagi jalan tersebut, jenis permukaan jalan, jenis jalan sama ada jalan negeri dan persekutuan dan lain-lain.

Selain daripada itu, bagi mewujudkan hubungan *interrelation* di antara orang awam sebagai pengguna utama jalan raya Sabah dan JKR Sabah. JKR Sabah juga telah membangunkan aplikasi aduan jalan raya JKR Sabah. Bagi memudahkan orang awam menyampaikan aduan berkaitan kerosakan jalan. Aplikasi ini juga membolehkan JKR Sabah memantau maklum balas terhadap aduan kerosakan jalan yang diterima serta membolehkan aduan direkod dengan lebih teratur dan mudah diperolehi. Pihak JKR Sabah melalui pegawai-pegawai yang telah dipertanggungjawabkan di peringkat ibu pejabat dan daerah akan memantau aduan-aduan yang diterima daripada orang awam melalui laman *Dashboard* Aduan Jalan Raya JKR Sabah. Pengendalian aduan awam yang lebih sistematik ini secara langsung dapat menyumbang kepada jalan raya yang berkualiti selamat dan selesa untuk diguna pakai oleh orang awam.

Berkaitan dengan isu yang dibangkitkan oleh Ahli Yang Berhormat dari Sindumin. Pada tahun 2023, penyelenggaraan jalan tidak berturap jabatan bagi kerja-kerja rutin dan berkala daerah Sipitang adalah bernilai lebih kurang 4 juta ringgit. Manakala bagi kontrak penyelenggaraan jalan adalah sebanyak 2.2 juta ringgit. Untuk tahun 2024, anggaran keperluan adalah sebanyak 4 juta ringgit bagi kerja penyelenggaraan secara jabatan dan 2.5 juta ringgit bagi kontrak penyelenggaraan. Bagi jalan berturap yang diselenggara oleh syarikat konsesi pula kos penyelenggaraan sebanyak 2.49 juta telah diperuntukkan kepada daerah Sipitang yang merangkumi kerja pembaikan *pavement* dan bukan *pavement*. Pada tahun 2023, anggaran keperluan tahun 2024 adalah sebanyak 9.4 juta ringgit yang merangkumi kerja pembaikan *pavement*, non-*pavement* dan jambatan.

Bagi jalan berturap luar bandar kos pembaikan *pavement* adalah sebanyak 1.55 juta ringgit. Anggaran keperluan tahun 2024 adalah sebanyak 3.7 juta ringgit. Pelaksanaan kerja tahun 2024 adalah tertakluk kepada kelulusan peruntukan dan keutamaan pelaksanaan di peringkat negeri dan daerah. Kementerian ini mengambil perhatian terhadap keperluan menaik taraf Jalan Mendolong Meligan dan akan berusaha mendapatkan dana untuk keperluan tersebut.

Pada ketika ini, sebuah projek, iaitu projek naik taraf Jalan Kampung Bamban Mendolong Meligan Sipitang Sabah yang telah diluluskan dalam *Rolling Plan* satu

Perancangan Malaysia ke-12 berada dalam peringkat perolehan jabatan. Ahli Yang Berhormat dari Kedamaian menyentuh tentang isu ...

Datuk Dr. Yusof bin Yacob [Sindumin]: Penjelasan. Penjelasan. Terima kasih kepada Yang Berhormat Menteri kerana telah pun memberi penjelasan mengenai kedudukan jalan-jalan di Sipitang ataupun di kawasan DUN Sindumin. Begitu baik dan terima kasih juga kerana ada cahaya yang nampak jalan daripada Bamban untuk ke Meligan. Namun, itu lambat lagi, Yang Berhormat, saya minta kalau boleh bagaimana sebelum kontrak itu dibuat. Sekarang ini jalan Bamban ke Meligan begitu teruk begitu juga jalan Meligan ke Long Pasia. Lebih-lebih lagi menjelang Krismas dan cuti sekolah hujung tahun ini. Saya ada meminta kontraktor untuk menyelenggara. Kontraktor bagi tahu tidak ada peruntukan untuk beli batu. Jadi, saya tidak faham apakah dalam kontrak itu dikatakan duit sudah habis untuk membeli batu. Untuk batu kelikir untuk bikin timbus. Jadi, saya mohon Yang Berhormat dapat mempertimbangkan kalaulah ada peruntukan tambahan ataupun peruntukan khusus untuk menimbus batu di kawasan itu sebelum atau menjelang Krismas ini. Terima kasih.

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: Terima kasih kepada Ahli Yang Berhormat Sindumin. Saya mengambil maklum tentang pertanyaan tersebut dan akan menyemak sama ada betulkah, sebab iyalah kita faham sekarang kita berada di penghujung tahun kemungkinan jumlah peruntukan yang diperuntukkan awal juga sudah tercapai siling ataupun limitnya. Tetapi saya akan semak dan bagi maklum balas terhadap pertanyaan tersebut.

Ahli Yang Berhormat dari Kedamaian menyentuh tentang isu jalan raya di kawasan Kedamaian. Untuk makluman, Ahli Yang Berhormat Kedamaian ke semua jalan raya yang disebut memang telah dikenal pasti oleh pihak JKR Sabah dan telah dimasukkan ke dalam bekalan data JKR Sabah untuk dicadangkan dalam *rolling plan* yang seterusnya di bawah Program Jalan Luar Bandar Biayaan Kerajaan Persekutuan melalui Kementerian Kemajuan Desa dan Wilayah. Sebanyak lima senarai projek tersebut telah disenaraikan.

Bagi projek yang melibatkan Jalan Tiong Kamburaon SMK Narinang, sebuah projek naik taraf Jalan Raya Taginambur Kamburaon, Kota Belud Sabah yang telah diluluskan dalam *Rolling Plan To* Perancangan Malaysia ke-12 berada dalam peringkat reka bentuk oleh pihak juruperunding. Bagi projek yang melibatkan jalan Kampung Tundau menuju ke SK Piasau sebuah cadangan telah dimasukkan ke dalam senarai keutamaan negeri, iaitu Projek Menaik Taraf Jalan Piasau Tundou Sayasai Kota Belud Sabah telah disenaraikan dalam keutamaan negeri untuk kelulusan *rolling plan for* Perancangan Malaysia ke-12 luar bandar biayaan Kerajaan Persekutuan melalui Kementerian Kemajuan Desa dan Wilayah. Namun kelulusan adalah mengikut keutamaan dan kedudukan semasa kewangan Kerajaan.

Berkaitan dengan status jalan yang dibangkitkan oleh Ahli-ahli Yang Berhormat dari Kemabong. Status bagi jalan adalah seperti berikut membina jalan-jalan penghubung di Kampung Gumisi dan Kampung Inubai Fasa Dua, peruntukan tersedia untuk perkhidmatan perunding sahaja. Pelaksanaan projek hanya boleh dimulakan sekiranya peruntukan tersedia dan ianya tertakhluk kepada kewangan semasa Kerajaan.

Manakala naik taraf membaiki jalan Kampung Sumambu telah dikenal pasti oleh pihak JKR Sabah dan tersenarai di dalam pangkalan data untuk dicadangkan dalam senarai permohonan *rolling plan* yang akan datang. Naik taraf membaiki jalan Kampung Tilis telah disenaraikan di bawah program menaik taraf jalan raya. Jalan raya SRT2, SRT3 JKR dan *unqualified road* di Sabah untuk dinaik taraf daripada jalan kelikir kepada jalan berturap.

Hakisan tanah dan tanah runtuh di kilometer 16 Kemabong-Sipitang adalah kejadian yang berlaku di kilometer 47.90 Jalan Sipitang-Tenom. JKR Sabah telah membuat lencongan sementara dan terpaksa menurun taraf ataupun *downgrade* permukaan jalan di lokasi tersebut kepada tidak berturap ataupun *gravel surface*...

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: ...JKR Sabah akan sentiasa memantau pergerakan tanah dan tebing cerun di lokasi berkenaan. Kerja pembaikan sementara yang bersesuaian akan dilaksanakan, sekiranya berlaku pergerakan tanah dan tebing cerun yang semakin teruk di lokasi tersebut, sehinggalah kerja kekal pembaikan cerun dimulakan.

Bagi isu penyelenggaraan jalan rosak dan jalan kampung, merujuk kepada Garis Panduan Tatacara Pengurusan Pemberian Penyelenggaraan 3.0 jalan kampung, boleh didaftarkan di dalam Sistem MARIS oleh agensi-agensi kerajaan seperti JKR, Majlis Bandaraya, Majlis Perbandaran, Majlis Daerah dan juga Pejabat Daerah. Berdasarkan data MARIS yang dikena dikemaskini sehingga 31 Disember 2022, di jalan kampung di seluruh Negeri Sabah adalah sepanjang 2731 kilometer dan panjang jalan diselenggara mengikut agensi adalah seperti berikut:

- i. JKR - 2224 kilometer
- ii. Majlis-majlis Daerah, Perbandaran dan Bandaraya - 493 kilometer
- iii. Pejabat Daerah - 14 kilometer

Bagi jalan-jalan kampung yang di bawah tanggun tanggungjawab JKR Sabah, jalan berturap diselenggara sama ada oleh syarikat konsesi atau kontrakte kontraktor penyelenggaraan berkenaan dengan jalan-jalan yang rosak yang perlu dibaik pulih dibina semula. Pelaksanaan kerja baik pulih bina semula adalah tertakluk kepada peruntukan yang diluluskan setiap tahun, dan dilaksanakan mengikut keutamaan di peringkat negeri dan daerah.

Bagi jalan-jalan kampung tidak berturap pula, iaitu *gravel road*, penyelenggaraan dilaksana sama ada secara jabatan iaitu kerja penyelenggaraan dilaksana sendiri oleh JKR, atau pun melalui syarikat-syarikat kontraktor. Penyelenggaraan berkenaan dengan jalan-jalan kampung yang telah rosak dan perlu dibaik pulih, pelaksanaan kerja pembaikan bagi penyelenggaraan yang dilaksana secara jabatan, adalah tertakluk kepada peruntukan yang diluluskan setiap tahun, dan dilaksanakan mengikut keutamaan di peringkat daerah. Manakala bagi kerja penyelenggaraan

secara kontrak, peruntukan telah tersedia mengikut tempoh kontrak yang telah diluluskan.

Ahli Yang Berhormat Sri Tanjong, menyentuh tentang isu kesesakan trafik yang berkaitan dengan pembinaan dua lagi bulatan atau pun *round about* di Jalan Sin On. Untuk makluman Ahli Yang Berhormat, Pelan Pembangunan Bagi Kompleks Perumahan **THE WELL** telah diluluskan pada 29 April 2022 oleh Majlis Perbandaran Tawau dan ini termasuklah penyambungan jalan ke Jalan Sin On. Ia merangkumi penyelesaian mitigasi trafik keseluruhan iaitu menaik taraf sebahagian daripada Jalan Sin On ke lorong berkembar dua hala dan pembinaan simpang jenis bulatan, bagi melancarkan aliran trafik berdasarkan daripada Laporan Impak Trafik ataupun *Traffic Impact Analysis Assisment* yang telah dikemukakan di Jabatan Kerja Raya, untuk ulasan teknikal terhadap pembangunan tersebut.

Bagi menjawab pertanyaan berkaitan proses pengambilan tanah, bagi tujuan naik taraf jalan utara kepada dua laluan, **dual carriage way** di Tawau. Pengambilan balik tanah dan pampasan struktur yang terlibat dalam jajaran projek naik taraf Jalan Utama Baru Tawau telah dihantar kepada Jabatan Tanah dan Ukur dan kini masih dalam proses. Sebanyak 85 lot tanah telah diproses di bawah Seksyen 3 Ordinan Pengambilan Tanah Bab 69.

Ahli Yang Berhormat dari Tanjong Papat dan Sri Tanjong turut membangkitkan isu lampu jalan. Kementerian ini melalui Jabatan Kerja Raya menyedari berkenaan permasalahan ini. Penyelenggaraan dan penambahbaikan lampu-lampu jalan ini sebenarnya telah dilaksanakan secara berfasa dari tahun 2022 dan masih diteruskan pada tahun ini, tertakluk kepada peruntukan daripada Kementerian Kerja Raya Malaysia.

Sebagai makluman lampu jalan di Sabah yang terletak di sepanjang Jalan Majlis, Jalan JKR sama ada jalan Negeri dan Persekutuan antara tahun 2015 hingga 2020, berada di bawah jagaan Pihak Berkuasa Tempatan. Pada pertengahan tahun 2021, lampu jalan sepanjang jalan Persekutuan adalah di bawah seliaan JKR Sabah, daripada peruntukan kewangan daripada Kementerian Kerja Raya Malaysia, manakala lampu jalan sepanjang jalan negeri masih di bawah seliaan Pihak Berkuasa Tempatan.

Tuan Justin Wong Yung Bin [Sri Tanjong]: YB Menteri, ah berkenaan dengan isu lampu jalan, tadi YB Menteri ada sebut kebanyakan lampu jalan yang rosak ini tidak dapat diperbaiki oleh sebab dana yang tidak mencukupi. Saya rasa bagi ah, satu ah bagi Sabah yang begitu ah kaya sebab kami bentang salah satu antara negeri yang bajet yang terbesar di Malaysia *in term of budget* tapi YB Menteri sebut tiada dana untuk perbaiki lampu jalan yang asas kepada pengguna jalan. Ah saya nampak ada Menteri Kewangan di sini, mungkin Menteri Kewangan duduk di sebelah saja boleh tolong bantu JKR supaya lampu jalan ini sangat penting. Di se Tawau ni bukan sahaja di bandar tiada lampu jalan, banyak yang rosak, taman-taman juga. Walaupun itu di bawah KKTP juga, saya sebelum sidang ini, saya pernah bertanya kepada YB Menteri dan saya terima jawapan, terdapat 8 ribu lampu jalan di Tawau, tapi banyak yang tidak berfungsi, jadi bagi...

Tuan Speaker: Okey YB, *you make your point* jangan berhujah.

Tuan Justin Wong Yung Bin [Sri Tanjong]: Bagi saya, soalan saya kepada YB Menteri adalah tidak boleh setiap kali apabila seorang ADUN bangkit pasal isu ini, **cuk** jawapan sama tiada dana. Jadi saya ingin bertanya apakah usaha yang akan dilakukan oleh Yang Berhormat Menteri? Kalau tidak jawatan Menteri ini cuma untuk bagi jawapan tiada dana saja. Jadi, soalan saya kepada YB Menteri ialah apakah usaha yang akan dilakukan oleh YB Menteri supaya isu lampu jalan ini, bukan saja di kawasan saya, saya rasa di seluruh Sabah dapat diatasi? Terima kasih.

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: Okey, ya bukan tugas Menteri untuk hanya berdolak-dalih. Menteri juga bersama dengan pegawai-pegawai kerajaan kementerian sentiasa berfikir bagaimana mencari solusi untuk menyelesaikan masalah, namun demikian, masalah ada sebahagian masalah bukannya boleh diselesaikan dengan memetik jari sahaja.

Jadi bagi untuk makluman YB Sri Tanjong dan juga Ahli Dewan yang mulia ini, kementerian pertama, cuba berusaha untuk mendapatkan peruntukan yang lebih. Keduanya, kita juga sedang mengenal pasti bagaimana untuk mengganti lampu-lampu yang sedia ada, kepada lampu yang lebih jimat tenaga ya, untuk memastikan bahawa kos penyelenggaraan ini dapat dikurangkan. Okey.

KKR Sabah telah mula melaksanakan beberapa kerja pembaikan lampu di jalan di sepanjang jalan Persekutuan, termasuk di kawasan persimpangan, seperti bulatan, berdasarkan peruntukan tahun semasa yang diluluskan oleh KKRM.

Ahli Yang Berhormat Elopura, memohon penjelasan sebab keperluan setiap lori, bas mini dan bas sekolah, memasang GPS. Di mana ini akan membebaskan pengusaha-pengusaha pengangkutan. Kerajaan sebenarnya telah mula memperkenalkan inisiatif pemasangan GPS terhadap kenderaan perdagangan di Semenanjung Malaysia sejak tahun 2008 sebagai satu langkah keselamatan kepada pengguna jalan raya secara amnya. Bermula Mac 2023, kenderaan barangan di Sabah dan Labuan telah diwajibkan untuk memasang GPS bagi tujuan yang sama. Pemasangan GPS kepada kenderaan barangan boleh meningkatkan keselamatan. Sementara itu berkaitan dengan kerja-kerja penyelenggaraan atau menaik taraf jambatan atas air, seperti yang dibangkitkan oleh Ahli Yang Berhormat dari Darau...

28/11/2023- RAKAMAN 51 [6:20 PETANG - 6:30 PETANG] - [SAFWAN] - JUDE - EZURA

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: Ia adalah di bawah bidang kuasa Kementerian Kerajaan Tempatan dan Perumahan.

Tuan Calvin Chong Ket Kiun [Elopura]: Ya, Tuan Speaker. Tuan Speaker, minta maaf, minta maaf Datuk Menteri, tapi saya ingat *you* mahu sambung Elopura punya kawasan. Jadi sekarang saya hentikan sekejap. Saya ingat GPS yang memang wajib, jadi apa Kerajaan nak bantahkan ini atau Kerajaan yang sokong? Sebab setiap bulan mahu bayar RM50 dia punya yuran dan sebagainya. Ini akan tambah dia punya *costing* atau sekarang bas sekolah, lebih kurang *called* Grab, panggil e-hailing. Lebih kurang dia punya harga jadi ini di Sandakan ada 300 buah bas sekolah.

Jadi ada, apa tindakan, atau kurangkan, atau tundakan, atau yang fasa yang ke yang belakangkah atau cara-cara yang kasih kurangkan atau Menteri ada yang, cara yang? Sebab saya ada sebut jalan raya di Sabah tidak sama dengan Semenanjung sebab ada *highway*, sini ada bukit, ada jalan lubang macam bulan dan sebagainya,

spare parts mahal, bateri mahal, dan *absorber* pun mahal. Jadi apa yang tindakan, yang sama dengan Semenanjung? Semenanjung dia punya bas sekolah macam bas ekspres punya. Sini punya bas, van punya. Jadi apa yang boleh sama dengan Semenanjung, ikut Semenanjung sahaja? Ini yang saya rasanya Menteri mahu *fight* untuk orang Sabah ini. Ya, silakan.

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: Ya, kita mengambil maklum. Walau bagaimanapun, keselamatan adalah keselamatan. Sama ada van atau bas besar, keselamatan adalah sama.

Tuan Calvin Chong Ket Kiun [Elopura]: Ya, *I agree, I agree..*

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: Namun demikian, duduk dulu. Namun demikian, saya mengambil maklum komen yang diutarakan, cuma ini baru diutarakan daripada Elopura ya. Sekiranya ianya membabitkan satu isu negeri, kita akan perhalusi dan cuba cari jalan bagaimana mendekatinya. Okey?

Tuan Speaker, Ahli Yang Berhormat dari Telupid bertanya tentang perancangan infrastruktur jalan raya secara menyeluruh di Sabah. Kementerian ini melalui JKR Sabah sememangnya mempunyai program tersedia di bawah peruntukan Kerajaan Negeri bagi membina prasarana jalan raya di Negeri Sabah. Walau bagaimanapun, pelaksanaan projek adalah mengikut keutamaan dan tertakluk dengan keadaan kewangan semasa Kerajaan.

Sekarang saya beralih kepada isu-isu berkaitan Jabatan Air Negeri Sabah. Beberapa Ahli Yang Berhormat telah membangkitkan isu-isu berkaitan permasalahan air. Bagi menjawab pertanyaan Ahli Yang Berhormat dari Kadamaian, projek bekalan air luar bandar di Kampung Kapa, Kampung Sinalapak dan sekitarnya telah diluluskan dalam program bekalan air luar bandar Negeri Sabah untuk Rancangan Malaysia yang ke-12. Walau bagaimanapun, disebabkan oleh bantahan keras dan memorandum dari penduduk dari kawasan Bundu Paka yang mana terletaknya kawasan cadangan *intake* baru, maka pihak KKDW telah bersetuju untuk menangguhkan projek ini. Cadangan untuk perubahan nama projek seperti

yang dicadangkan oleh ADUN Kadamaian akan dirujuk kepada KKDW dan tertakluk kepada kelulusan selanjutnya.

Ahli Yang Berhormat dari Tanjong Papat dan juga Elopura telah membangkitkan isu bekalan air masin di Sandakan. Untuk makluman Ahli-ahli Yang Berhormat, pemantauan kepekatan klorida telah dimulakan pada Disember 2022 sehingga kini. Persampelan, *sample* dilakukan setiap hari dan kemudian setiap minggu dan dikendalikan oleh makmal wilayah Jabatan Air Negeri Sabah bagi memantau *trend* tahap kepekatan klorida. Kaedah yang digunakan untuk menentukan kepekatan klorida adalah kaedah *American Public Health Association 4500 cl*. Masalah penyusupan air masin dari Sungai Segaliud ke empangan Bentotan kini adalah terkawal.

Berdasarkan kepada laporan pemantauan kualiti air yang dilaporkan oleh pihak makmal Jabatan Air Negeri Sabah bagi bulan Januari sehingga bulan November 2023, tahap kandungan klorida yang telah menunjukkan *trend* penurunan yang konsisten dan telah berada dalam piawaian, seperti yang ditetapkan oleh Kementerian Kesihatan Malaysia sejak bulan Jun 2023. Pemantauan ini dilaksanakan secara mingguan di bawah Program Pemantauan Kualiti Air, Jabatan Air Negeri Sabah bersama-sama Nnit Kawalan Mutu Air Minum, Kementerian Kesihatan Malaysia.

Sebagai langkah penyelesaian kekal, Jabatan Air Negeri Sabah akan memohon kelulusan dari Kementerian Kewangan bagi melantik perkhidmatan perundingan kejuruteraan untuk menyediakan dan melaksanakan kajian kemungkinan terperinci dan reka bentuk untuk menaik taraf loji rawatan air Sagaliud termasuklah pembinaan muka sauk baru, Sandakan bermula pada awal tahun 2024. Terma dan syarat untuk menjalankan kerja-kerja kajian ini adalah untuk mengkaji serta mengenal pasti lokasi baharu sumber air mentah yang mempunyai keupayaan bagi menampung keperluan permintaan bekalan air sehingga tahun 2050, dan seterusnya termasuklah mereka bentuk loji rawatan air baru dengan kapasiti sebanyak 125 juta liter sehari.

Ahli Yang Berhormat dari Kemabong bertanya tentang projek sistem bekalan air baharu di kawasan Kemabong...

Tuan Calvin Chong Ket Kiun [Elopura]: Ya, *sorry* Menteri, *sorry*, ya, *sorry*, terima kasih Speaker. Iyalah, sebelum tu saya bahas pun ada cerita, ada langkah *bah*. Sekarang 2024 *start* yang gaji dan *study*, *feasibility study* sampai 2050 baru ada satu empangan yang...

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: Permintaan bekalan air sehingga 2050. Kajian mahu dibuat 2024.

Tuan Calvin Chong Ket Kiun [Elopura]: Oh okey, okey. Ya, tadi Menteri belum ada selesai masalah, sekarang masih ada air masin. Jadi, jadi bila kita mau minum berhenti, minum yang air bersih ini?

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: Kalau menurut laporan makmal yang kita terima, kandungan *chloride* adalah dalam keadaan terkawal.

Tuan Speaker: Selagi ada bukit garam, masinlah dia itu.

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: Minum sup lagi masinlah.

Tuan Calvin Chong Ket Kiun [Elopura]: Ya okey, Menteri, jawapan yang bagus. Jadi kalau Menteri yang setuju ini *amount*, ini *figure*, jadi kasi kurang kita punya yuranlah. Kita punya *water bill*. Kasi kurang, percumakah apakah? Kenapa lain tempat saya sudah.

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: Apa kena mengena kurang bil dengan kandungan *chloride* yang masih terkawal?

Tuan Calvin Chong Ket Kiun [Elopura]: Tidak, itulah yang saya, kenapa lain tempat boleh, yang bersih punya, yang sekarang, Sandakan tidak adil untuk Sandakan, saya sudah sebutkan? Mungkin.

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: *Inda (tidak), as far as we are concern.*

Tuan Speaker: Yang Berhormat Menteri, dia ini mau minta *compensation*. *That's why* itu air masin. Bolehkah pihak Jabatan Air mempertimbangkan kurangkan bil air dia orang?

Tuan Calvin Chong Ket Kiun [Elopura]: Ya.

Tuan Speaker: Itu maksud dia itu.

Tuan Calvin Chong Ket Kiun [Elopura]: Ya.

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: Kita tengok *relationnya* nanti macam mana.

Tuan Calvin Chong Ket Kiun [Elopura]: Ya. Boleh *study bah* saya rasa.

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: Kita.

Tuan Speaker: Dia inda (tidak) boleh sampaikan, pusing sana, pusing sini, cakap itu.

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: Kita bincang dengan kewangan nantilah.

Tuan Calvin Chong Ket Kiun [Elopura]: Yes.

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: Okey, tapi kita kena tengok, kita kena tengok dari sudut justifikasi teknikal ya, dan daripada sudut, kenapa kita mau *compensate*lah.

Tuan Calvin Chong Ket Kiun [Elopura]: Ya, *compensate*, lepas tu ada yang orang boleh beli air mineral, air mineral lah. Dia *compensate* pergi jumpa doktor yang cuci buah pinggang, cuci buah pingganglah. Ini yang, yang apalah, sebab apa yang

boleh buat? Sekarang air, *sourcenya* semua yang masin. *You* bilang minum sup pun masin, jadi orang yang buah pinggang rosak punya itu, dia tidak minum sup, dia terpaksa minum air masin...

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: Buah pinggang rosak kita kena *establish*.

Tuan Calvin Chong Ket Kiun [Elopura]: *That's why*.

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: Kita kena *establish the link*, jangan sembarang cakap.

Tuan Calvin Chong Ket Kiun [Elopura]: Ya, *I mean*, ya.

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: Jangan sembarang cakap. Saya terima laporan-laporan yang mengatakan dibuat apa ni, *testing* melalui *apparatus* yang mungkin dibeli daripada Shopee. Kita, bila kita buat *testing* di makmal, semua perlu diakreditasi, *dicertified*, bukan ambil daripada RM2 punya kedai, buat, *and then test*, ah inilah *result*, tidak. Kita tidak bekerja sedemikian rupa.

Tuan Calvin Chong Ket Kiun [Elopura]: Okey, saya hanya faham rakyat Sandakan, itu yang.

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: Terima kasih.

Tuan Calvin Chong Ket Kiun [Elopura]: Saya punya kerjalah.

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: Ahli Yang Berhormat dari Kemabong bertanya tentang projek sistem bekalan air baharu di kawasan Kemabong. Untuk Makluman Ahli Yang Berhormat, Tenom telah diluluskan dalam Program Bekalan Air Luar Bandar Negeri Sabah di bawah Rancangan Malaysia ke-12. Status projek pada masa kini sedang dalam

peringkat reka bentuk terperinci dan perlu melalui peringkat makmal kejuruteraan, nilai yang akan ditetapkan oleh pihak KKDW pada tahun 2024 kelak.

Bagi menjawab pertanyaan Ahli Yang Berhormat dari Sebatik, Jabatan Air Negeri Sabah melalui Program Pembangunan Bekalan Air Negeri Sabah di bawah pembiayaan Kerajaan Negeri Rancangan Malaysia Ke-12 telah diluluskan dua buah.

28/11/2023- RAKAMAN 52 [6:30 PETANG - 6:40 PETANG] - [GRACE] - TERESA - NADA

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: ... projek, iaitu Projek Penambahbaikan Sistem Pengedosan Coagulant di sembilan buah loji Rawatan Air Negeri Sabah. Penambahbaikan sistem rawatan air, sistem klorin bagi loji-loji rawatan air seluruh Sabah. *Supply and install of complete electrochlorination system to water treatment plants in Sabah.*

Pelaksanaan kedua-dua projek ini telah bermula sejak September 2023 dan dijangka akan siap masing-masing pada Mei dan Jun 2025. Skop pelaksanaan kedua-dua projek tersebut juga melibatkan penambahbaikan di Loji Rawatan Air Kalabakan dan Loji Rawatan Air Kampung Murud.

Jabatan Air Negeri Sabah juga telah mengemukakan cadangan Projek Bekalan Air Luar Bandar, Sistem Air Kalabakan dan kawasan sekitarnya. Tawau dalam Program Bekalan Air Luar Bandar Negeri Sabah *rolling plan* ke-empat tahun 2024. Namun, tidak mendapat pertimbangan kelulusan dari Kementerian Kemajuan Desa dan Wilayah.

Walau bagaimanapun, projek ini akan disusuli dan akan dikemukakan semula dalam RP5 tahun 2025 untuk pertimbangan kelulusan. Ahli Yang Berhormat Seri Tanjung membangkitkan tentang status terkini Skim Bekalan Air Tawau Fasa 2. Status terkini, Skim Bekalan Air Tawau Fasa 3 adalah berada di peringkat reka bentuk dan pembinaan empangan air masih sedang dalam pembinaan.

Terdapat kelewatan terhadap pembinaan projek ini khususnya berkenaan dengan masalah bekalan mentah seperti simen daripada satu-satunya pembekal di Tawau

menyebabkan kelewatan dalam kerja-kerja pembinaan komponen empangan yang melibatkan kerja-kerja konkrit.

Walaupun bagaimanapun, perkara tersebut telah diselesaikan dan tarikh jangkaan baharu siap projek ini adalah pada Julai 2026. Jabatan Air Negeri Sabah sedang bekerjasama rapat dengan pihak Jabatan Tanah dan PPHT Tawau dalam menyelesaikan isu-isu berhubung dengan pampasan bayaran tanah yang terlibat dengan projek ini dan akan diselesaikan dengan segera.

Mengenai isu yang dibangkitkan oleh Ahli Yang Berhormat dari Bongawan. Jabatan Air Negeri Sabah melalui Program Bekalan Air Luar Bandar Negeri Sabah Rancangan Malaysia Ke-12 telah diluluskan Projek Bekalan Air Luar Bandar Loji Air Bongawan dengan kos RM38 juta. Projek tersebut telah dan dalam peringkat penyediaan dokumen tender dan tertakluk kepada Kementerian KKDW untuk melaksanakan proses tender.

Ahli Yang Berhormat dari Telupid, turut membangkitkan masalah bekalan air di Telupid. Jabatan Air Negeri Sabah sedang melaksanakan Projek Pembesaran Paip Air Agihan dari tangki simpanan air R5 Kampung Tapang ke Kampung Wonod, Kampung Malapi, Kampung Taviu, Kampung Kopuron, Kampung Lumau, Telupid melalui peruntukan pembiayaan Kerajaan Negeri dalam RMK-12.

Projek ini sedang dalam pelaksanaan dengan peratus fizikal setakat Oktober 2023 telah mencapai 72% dan dijangka akan siap menjelang Februari 2024. Oleh itu, Jabatan Air Negeri Sabah telah membuat beberapa inisiatif tindakan-tindakan segera bagi menstabilkan dan memulihkan bekalan air di kawasan Pekan Telupid antaranya seperti berikut:

- i. Membuat pengawalan injap suis untuk membuat tekanan air dibekalkan sama rata dan untuk *build up* tekanan air ke semua kawasan.
- ii. Memastikan saluran-saluran paip transmisi dan agihan kepada pengguna sentiasa dalam keadaan baik dan dipantau melalui Unit Penyelenggaraan NRW Daerah.

- iii. Menggerakkan Loji Tangki Air Jabatan dan membekalkan air terawat kepada pengguna-pengguna berdaftar Jabatan Air.
- iv. Melaksanakan kerja-kerja penyelenggaraan dan pembaikan paip di bawah kontrak penyelenggaraan yang sedang dalam pelaksanaan.

Untuk makluman Ahli Yang Berhormat dari Moyog, Pelan Jangka Panjang Bekalan Air Negeri Sabah telah pun dijawab oleh Yang Amat Berhormat Ketua Menteri dalam sesi soalan lisan pagi tadi.

Saya juga ingin menyentuh sedikit ataupun menjelaskan sedikit kenyataan yang dibuat oleh ADUN Lamag pada perbincangan ADUN Lamag kelmarin yang menyatakan RM320 juta adalah satu jumlah yang tidak cukup untuk menyelesaikan masalah bekalan air.

Sudah tentulah tidak cukup kerana untuk menyelesaikan masalah bekalan air, kita memerlukan perbelanjaan yang lebih RM12 milion yang kita bentangkan kepada Yang Amat Berhormat Perdana Menteri pada 1 Jun tahun ini berjumlah RM320 juta adalah langkah-langkah jangka pendek yang meliputi sekitar lapan inisiatif yang mana antara inisiatif tersebut adalah untuk menukar paip-paip lama, menukar pam yang rosak, membuat pemotongan-pemotongan dan *vendor scheme* bagi memastikan ataupun mengurangkan kegiatan sambung haram kepada paip-paip Jabatan Air.

Jadi, saya buat *correction*, bukan kita kemukakan RM320 juta untuk selesaikan semua masalah air Sabah. Itu hanya untuk jangka pendek, ya, kerana keluar di *newspaper* tadi seakan-akan kita tidak pandai bekerja.

Tuan Speaker, Kementerian Kerja Raya Sabah sememangnya menyedari akan masalah dan isu air yang sering dibangkitkan. Kementerian akan berusaha sehabis daya menangani dan menyelesaikan isu ini apatah lagi air merupakan asas kepada kehidupan dan pemangkin kepada pembangunan ekonomi dan industri di negeri ini.

Oleh itu, selain pelaksanaan projek-projek pembangunan seperti Program Bekalan Air Negeri di bawah biayaan Kerajaan Negeri. Program Bekalan Air serta-merta

Rancangan Bekalan Air Negeri Sabah melalui Kementerian Sumber Asli, Alam Sekitar dan Perubahan Iklim dan Geran Persekutuan untuk Program Bekalan Air Luar Bandar Negeri Sabah melalui Kementerian Kemajuan Desa dan Wilayah. Struktur dan organisasi Jabatan Air Negeri Sabah itu sendiri dirombak

Datuk Dr. Haji Jaujan bin Haji Sambakong [Sulabayan]: (suara tidak jelas) minta laluan ...

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: ... agar relevan dengan tuntutan semasa. Saya juga ingin sedikit, sekejap! Ini sedikit menyentuh tentang komen atau kenyataan yang dibuat oleh ADUN Senallang pada pagi tadi yang mengatakan Pengarah dan juga kakitangan-kakitangan Jabatan Air Negeri Sabah rasuah, ya?

Bagaimana untuk membendung masalah rasuah? Untuk makluman, kita telah melaksanakan Pelan Integriti dan Pelan Anti Rasuah di Jabatan Air Negeri Sabah. Ya, kita tahu, kita sedar sejarah lampau Jabatan Air Negeri Sabah telah terlibat dalam skandal yang agak memeranjatkan itu.

Namun demikian, apa yang berlalu kita ambil sebagai pengajaran untuk *the way forward*, kita kena memperbaiki dan meningkatkan budaya integriti, budaya berkualiti kerja di Jabatan Air Kerajaan Negeri Sabah. Ya, Sulabayan?

Datuk Dr. Haji Jaujan bin Haji Sambakong [Sulabayan]: Terima kasih, Datuk Speaker. Cuma saya nak ingin tahu. Terima kasih. Sebelum itu di atas penjelasan yang cukup panjang. Saya ingat kita, di bahagian kita cukup faham. Cuma saya nak ingin tahu tentang konsesi. Pasal saya melihat contoh di Semporna dan di Kota Kinabalu, tiada masalah paip. Masalah dia ini ialah bekalan air. Itu yang saya nak tahu. Adakah masalah konsesi ini dihadapi? Boleh pihak Jabatan Kerja Raya? Kementerian Kerja Raya?

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: Apa maksud dia masalah konsesi?

Datuk Dr. Haji Jaujan bin Haji Sambakong [Sulabayan]: Okey. Peranan konsesi. Sekarang banyak dibagi konsesi untuk pembekal Jabatan, pembekal air ini. Tidak ada masalah paip. Contoh, di Kota Kinabalu di Gaya Street tu sendiri. Berapa tempat di bawah itu dia masalah air, bekalan air. Ini melibatkan konsesi. Maksud saya, adakah terdapat masalah kita bagi konsesi ini untuk membekalkan air? Cuma saya ingin tahu kalau ada. Kalau tiada, tiada masalah.

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: Ya, terima kasih kepada ADUN Sulabayan. Apa yang sedang kita alami, senario yang kita lalui sekarang adalah kita mempunyai beberapa konsesi untuk merawat air seperti Syarikat JETAMA, *Timatch Water* dan Lahad Datu *Water Supply*.

Tetapi selepas mereka merawat air, keluar daripada Loji Rawatan Air mereka, paip yang menuju ke *consumer* adalah di bawah jagaan Jabatan Air Negeri Sabah. Jadi, di situlah antara risiko yang sebenarnya kita hadapi. Paip-paip lama yang perlu ditukar, paip-paip pecah disebabkan oleh tekanan ataupun kerja-kerja kontrak pembinaan dan juga kecurian daripada setingan-setingan haram.

Jadi, kita juga ada melihat model yang mana kita buat satu *complete water management* daripada merawat air sehingga *distribution* kepada *billing*. Ya? Tetapi ini belum lagi dimuktamad ...

28/11/2023- RAKAMAN 53 [6.40 PETANG - 6.50 PETANG] - [MOHD. NOOR] - SITI JUBAIDAH - HADINIE

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: Dapatkan. Kita melihat bagaimana cara yang boleh kita berikan perkhidmatan yang efisien dan tidak rugi kepada negeri Sabah dan kepada rakyat Sabah.

Tuan Assaffal bin P. Alian [Tungku]: Datuk Speaker dan Yang Berhormat Menteri. Satu ya. Saya ingin berhubung rapat dengan soalan Senallang yang, Yang Berhormat Menteri sebut tadi itu, ada satu soalan dia mengenai wang yang dirampas semasa kes tersebut. Bagaimana dia punya status sama ada sudah dikembalikan ataupun belum. Baik.

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: Ini di luar bidang sayalah. Terima kasih. Okey, seterusnya, saya aa, isu Jabatan Kereta Api Negeri Sabah yang telah dibangkit oleh Ahli Yang Berhormat Melalap, yang menyentuh mengenai laluan landasan daripada Rayoh ke Pangi yang masih belum boleh digunakan sekian lama disebabkan oleh bencana alam serta isu penempatan sebuah *inspection trolley* ataupun IT untuk kegunaan penduduk Kampung Pangi, untuk kegunaan kecemasan diluar waktu operasi perkhidmatan kereta api. Untuk makluman Yang Berhormat, peruntukan bagi pembaikan kerosakan jambatan dan landasan kereta api telah pun diterima daripada Kerajaan Persekutuan mengenai penempatan sebuah IT. Untuk makluman, IT berkenaan terpaksa diambil oleh Jabatan Kereta Api Negeri Sabah disebabkan keperluan *inspection trolley* ataupun IT yang semakin bertambah untuk menjalankan kerja-kerja penyelenggaraan dan pembaikan struktur landasan serta pemantauan terhadap keselamatan operasi kereta api disebabkan bencana alam pada tahun lepas. Sebaik saja kerja-kerja pembaikpulihan telah selesai, Kementerian akan pastikan bahawa Jabatan Kereta Api Negeri Sabah akan menempatkan semula sebuah IT di Kampung Pangi untuk maksud berkenaan.

Sebentar tadi, apa yang sempat saya catitkan tidak semua ada permintaan ataupun persoalan daripada ADUN Bugaya berkenaan dengan Jalan Kamiri dan Jalan Kemuruk. Ya. Yang ini saya akan semak...

Tuan Haji Jamil bin Datuk Haji Hamzah [Bugaya]: Minta maaf, Sungai Tuhok. Jalan Sungai Tuhok.

Timbalan Ketua Menteri III / Menteri Kerja Raya [Datuk Ir. Shahelmey bin Yahya]: Okey, nanti saya minta Yang Berhormat, *whatsapp* saya nama *title* tu dan saya boleh semak dengan Jabatan Kerja Raya. Haa, itu sahaja yang Gum Gum, Silam, Sungai Manila. Sebelum mengakhiri ucapan penggulungan ini, saya sekali lagi mengucapkan terima kasih dan menghargai komitmen serta penyertaan aktif Ahli-ahli Yang Berhormat, yang telah mengemukakan soalan dan isu-isu berkaitan dengan Kementerian Kerja Raya Sabah.

Walau bagaimanapun, tidak semua isu yang dibangkitkan oleh Ahli-ahli Yang Berhormat semasa perbahasan di Dewan yang mulia ini, dapat dijawab pada

persidangan kali ini, terutamanya terhadap ADUN yang berbahas di sesi petang ini. Oleh itu, Kementerian saya mengambil perhatian dan akan menjawab beberapa isu yang dibangkitkan secara bertulis kepada Ahli-ahli Yang Berhormat dan sekali lagi saya juga terus menawarkan bahawa saya mengamalkan dasar pintu terbuka boleh berhubung dengan saya bila-bila masa berkenaan dengan hal-hal di kawasan masing-masing. Akhir kata, saya ingin mengucapkan selamat menyambut Hari Natal dan selamat menyambut Tahun Baru 2024. Tuan Speaker, saya mohon menyokong.

Tuan Speaker: Terima kasih Yang Berhormat Menteri. Sekarang, saya jemput Yang Berhormat Menteri Sains, Teknologi dan Inovasi untuk membuat penggulungan.

Menteri Sains, Teknologi dan Inovasi [Datuk Dr. Haji Mohd Arifin bin Datuk Haji Mohd Arif]: Terima kasih Datuk Speaker. Bismillahirrahmanirrahim. Assalamualaikum warahmatullahi wabarakatuh. Alhamdulillah wa syukurillah, wassalatu wassalamu 'ala rasulillah, la hawla wala quwwata illa billah. Salam Sejahtera, Salam Malaysia Madani, Salam Sabah Maju Jaya. Datuk Speaker, syukur ke hadrat Allah SWT pemilik segala kurnia lagi sebaik-baik perancang, kerana dengan izin-Nya, kita dapat berhimpun sekali lagi pada sidang DUN Sabah yang Ke-16 2023. Saya bersama-sama Pembantu Menteri, SUT, pimpinan warga KSTI serta agensi seluruh agensi di bawahnya termasuklah agensi yang berhubung pendidikan dan hal-hal ehwal Islam merakamkan setinggi-tinggi penghargaan kepada Yang Berhormat Datuk Seri Panglima Haji Masidi bin Manjun, Menteri Kewangan Sabah atas pembentangan Belanjawan 2024 dengan tema “Sabah Teguh, Rakyat Terbela” yang telah disampaikan pada 24 November 2023 yang lepas. Terima kasih dan tahniah juga kepada semua Ahli Yang Berhormat yang mengambil bahagian dengan pembahasan yang sangat bernas dan sangat bermanfaat.

Belanjawan yang diumumkan sesungguhnya membuktikan komitmen dan kesungguhan Kerajaan Negeri membela kesejahteraan hidup rakyat melalui pelaksanaan program pembangunan yang berterusan. Saya tertarik dengan kenyataan yang disebutkan oleh Menteri Kewangan dengan “*berkarih baru kita berlurih*”. Bagi tahun 2024, sebanyak RM189.28 juta telah diperuntukkan kepada Kementerian saya. Terima kasih kepada Yang Berhormat Menteri Kewangan, jumlah peruntukan ini mengikut kesesuaian strategi berfasa mencerminkan komitmen dan keprihatinan Kerajaan Negeri terhadap bidang sains, teknologi dan inovasi (STI).

Selain itu, pemerkasaan modal insan sebagai pemangkin penting memacu pembangunan sosioekonomi di dalam rancangan Malaysia kedua belas dan juga pelan pembangunan hala tuju Sabah Maju Jaya (SMJ) tunggak dalam perancangan.

Datuk Speaker, Kementerian ini telah melalui beberapa evolusi portfolio dan sesuai dengan portfolio baharu, portfolio baharu berfokuskan sains, teknologi dan inovasi. Beberapa perancangan dan pelaksanaan berperingkat telah dirangka pada tahun 2024. Kementerian saya akan meneruskan inisiatif-inisiatif pemerkasaan ke atas perkara-perkara seperti berikut. Pertama, meneruskan pembudayaan inisiatif pembudayaan sains, teknologi dan inovasi. Program-program dan inisiatif pembudayaan STI seperti Kembara Sains Borneo, Karnival Sains Sabah, STEM, Fiesta dan sebagainya bagi menggalakkan pelajar menceburi bidang sains, teknologi, kejuruteraan dan matematik (STEM) akan kita teruskan.

Semua ini kita berikan peruntukan kepada PPD di seluruh daerah untuk menganjurkan STEM Fiesta. Kedua, *Mobile Exhibition*, iaitu pameran bergerak bertemakan “*experiencing science : enlightened innovation*” akan dianjurkan di tiga belas daerah di seluruh negeri Sabah. Untuk makluman, program ini telah bermula di Perpustakaan Negeri Sabah, Tanjung Aru dan sangat mendapat sambutan yang baik daripada pengunjung. Dua minggu pertama sahaja, apabila pameran ini dibuat, lebih 30,000 pengunjungnya. Untuk makluman, program-program penubuhan sudut sains dan penaiktarafan makmal sains akan diteruskan juga dengan peruntukan yang diberikan oleh KSTI.

Datuk Speaker, modal insan dan program pusat latihan teknikal dan vokasional, dengan peningkatan perkembangan global kepada pendidikan dan kepakaran vokasional. Kementerian melalui Jabatan Pembangunan Sumber Manusia (JPSM) di bawah kementerian kita dan Sabah Skills and Technology Centre (SSTC) akan menganjurkan kursus-kursus yang berimpak tinggi selaras dengan permintaan industri. Selaras dengan perkembangan pesat *Industrial Revolution 4.0* SSTC, akan memperkasakan pusat latihan bukan sahaja dari sudut penyediaan kursus tetapi juga fasiliti baharu Datuk Speaker manakala JPSM sedang merangka penubuhan Majlis TVET Negeri Sabah (MTNS). Mudah-mudahan dipermudahkan kita mewujudkan majlis TVET ini sebagai satu platform dan rangka kerja yang menyatukan pelbagai pihak berkepentingan dalam bidang TVET.

Pelaksanaan program jangka panjang Pelan Jalinan Digital Negara (JENDELA) dengan kerjasama MCMC merangkumi projek liputan jalur lebar di seluruh negeri walaupun lewat siap, namun sedang ditangani melalui satu *taskforce* yang ditubuhkan dan kini dijangka siap pada bulan Jun 2024. Untuk makluman Ahli Yang Berhormat semua, dalam dua hari ini bermula hari ini dan besok ada satu kaunter terbuka MCMC dan atau SKMM untuk memudahkan Ahli-ahli Yang Berhormat mendapatkan maklumat berhubung dengan antaranya JENDELA ini. Demikian ...

Tuan Speaker: Yang Berhormat Menteri.

28/11/2023- RAKAMAN 54 [6.50 PETANG - 7.00 PETANG] - [NOREERA] - NADIA - EZURA

Tuan Speaker: Yang Berhormat Menteri, ada mahu bertanya.

Tuan Assaffal bin P. Alian [Tungku]: Yang Berhormat Menteri, adakah usaha daripada Kementerian Yang Berhormat untuk membawa masuk sebuah Universiti TVET untuk negeri Sabah? Sebab pengalaman saya yang lepas, saya tengok budak-budak kita daripada Kolej Vokasional menghadapi kesukaran untuk memasuki universiti awam. Laluan mereka ini cuma hanya langkah pada Universiti TVET. Masalahnya, kita tidak ada Universiti TVET. Semua berada di, saya ingat tiga saja ada di Malaysia ini, di Johor, UTHM apa semua. Kalau boleh mungkin kita boleh usahakan satu Universiti TVET khas untuk negeri Sabah. Terima kasih.

Menteri Sains, Teknologi dan Inovasi [Datuk Dr. Haji Mohd Arifin bin Datuk Haji Mohd Arif]: Terima kasih cadangan yang baik daripada Yang Berhormat. Setakat ini, belum ada cadangan berkenaan tetapi itu cadangan yang bagus dan kita setakat ini membuat kursus-kursus berhubung TVET ini di bawah kementerian ini di JPSPM dan ada kursusnya sudah bertaraf diploma dan tidak mustahil nanti kita akan *upgrade* lagi jabatan berkenaan di ILTP dan mudah-mudahan dia boleh kita *upgrade* dan demikian juga kita telah menubuhkan salah satu TVET Tahfiz di sana JPSPM dan sudah pasti juga Giatmara perlu kita perkasakan untuk memungkinan anak-anak kita mampu mendapat kursus yang sedemikian.

Namun demikian, Tuan Speaker, liputan di kawasan berpenduduk dimaklumkan telah mencecah 90%. Sebagai tindakan interim mampu memberi liputan di tempat belum ada liputan, 300 lokasi dikenal pasti di seluruh negeri akan dibekalkan *Very Small Aperture Terminal* (VSAT), iaitu kemudahan satelit mampu memenuhi keperluan kawasan luar bandar. Kementerian juga akan terus meneroka pelbagai teknologi lain tambahan sebagai penyelesaian interim bagi menangani masalah akses internet di seluruh Sabah.

Program-program keusahawanan pula keusahawanan sosial pula Tuan Speaker akan kita terus perkasakan pada tahun hadapan sebagai salah satu pendekatan inovatif dan efektif bagi merangsang transformasi dan pembangunan ekonomi masyarakat. Inisiatif pemerkasaan keusahawanan ini akan menjadi model perniagaan mampan di dalam menyediakan penyelesaian kepada cabaran ekonomi dan sosial. Dalam pembentangan bajet baru-baru ini, Yang Berhormat Menteri Kewangan menampilkan beberapa tokoh usahawan yang telah berjaya antaranya yang berjaya di bawah *Pitch Borneo* yang juga turut dibantu oleh KSTI.

Tuan Speaker, berdasarkan hala tuju Pelan Pembangunan Sabah Maju Jaya 2021 - 2025, iaitu teras Modal Insan dan Kesejahteraan Rakyat, Kerajaan Negeri sentiasa menyokong segala inisiatif yang dilaksanakan oleh Jabatan Pembangunan Sumber Manusia (JPSM) di dalam melahirkan modal insan yang berdaya saing dan mengikut keperluan apabila menceburi bidang pekerjaan.

Untuk makluman, di samping meneruskan kursus-kursus dan program-program sedia ada, JPSM merancang melaksanakan sepuluh kursus *High Impact Training Program* pada tahun 2024 seperti kursus *Drone Piloting and Maintenance, Divemaster, Aircraft Maintenance Technician, Mekatronik, Solar PVC and Maintenance*, dan lain-lain lagi.

Untuk makluman, untuk maksud meningkatkan maklumat lebih bersepadu dan meluas, jabatan ini akan menaik taraf *Sabah Jobs Portal (SJP)* kepada *Sabah Jobs Portal 2.0* yang mana antara pembaharuan yang akan dilaksanakan adalah integrasi data antara MYFUTUREJOBS milik PERKESO bagi membolehkan lebih banyak tawaran pekerjaan dalam SJP yang akan memberikan banyak pilihan pekerjaan.

Sebagai tambahan Tuan Speaker, jabatan ini juga akan merancang untuk membina enam buah kampus satelit di daerah Telupid, Sipitang, Keningau, Kunak, dan Pitas serta Membakut. Pembangunan kampus ini akan memberi peluang kepada rakyat Sabah termasuk di kawasan pedalaman untuk menimba ilmu dalam bidang TVET. Inilah yang saya maksudkan tadi, mudah-mudahan dia akan lebih meningkat lagi.

Datuk Dr. Haji Jaujan bin Haji Sambakong [Sulabayan]: Tuan Speaker, boleh minta laluan?

Menteri Sains, Teknologi dan Inovasi [Datuk Dr. Haji Mohd Arifin bin Datuk Haji Mohd Arif]: Ya.

Datuk Dr. Haji Jaujan bin Haji Sambakong [Sulabayan]: Terima kasih, Tuan Speaker. Terima kasih Yang Berhormat Menteri. Saya teringat tadi pasal bila disebut Giatmara macam Yang Berhormat Menteri saya ada bercakap tu. Saya dua tahun dulu, Pengerusi Giatmara. Saya sentuh Giatmara di Sabah. Anak-anak kita ini punya bakat, kemahiran. Cuma masalah yang *diorang* hadapi ini peralatan. Kalau boleh, Yang Berhormat Menteri datang melawat Pusat Giatmara ini. Kita ada 25, 26 Giatmara di Sabah ini. Ini anak-anak kita semua ini. Kadang-kadang pengalaman saya di situ, peralatan itu, contoh dalam bidang automotif, masih lagi menggunakan peralatan atau enjin yang lama yang sudah JKR, Tentera tidak pakai.

Hari ini, automotif sudah banyak menggunakan elektronik, ya. Tak payah lagi zaman dulu pakai span apa semua. So, dia ada alat macam sistem komputer. So, kalau dapatlah saya minta, saya ingat kita perlu bantu, khususnya lebih-lebih lagi sudah ada rangkaian kolaborasi negeri dengan Giatmara ini. Kalau dapat saya minta dilawatlah ini untuk anak-anak kita di negeri Sabah ini. Terima kasih.

Menteri Sains, Teknologi dan Inovasi [Datuk Dr. Haji Mohd Arifin bin Datuk Haji Mohd Arif]: Terima kasih, Yang Berhormat. Cadangan yang sangat bagus dan kita akan teliti dan perhalusi. Memang Giatmara di seluruh Sabah sangat aktif dan lebih-lebih lagi sekarang kita ada hubungan baik dengan rakan-rakan yang lain termasuk Pengerusi Giatmara yang telah dilantik, termasuk Pengerusi MARA yang baru. Mudah-mudahan kita dapat berkolaborasi dan sedikit sebanyak dapat bantu-membantu dalam membantu anak kita dalam bidang TVET ini.

Tuan Speaker, Perpustakaan Negeri Sabah juga di bawah KSTI. Fungsi Perpustakaan Negeri Sabah akan terus kita perkasakan sebagai pusat-pusat intelektual dengan pelbagai aktiviti keilmuan. Program-program seperti Jom Baca, Program Membaca Khas untuk Kanak-Kanak, Pertandingan Bercerita, *World Play Day*, Pesta Buku Sabah dan Minggu Perpustakaan akan terus kita laksanakan pada tahun hadapan. Satu program baharu akan kita perkenalkan yang dinamakan sebagai Festival Sastera Kanak-Kanak.

Memandangkan kepada kemudahan perpustakaan yang masih relevan di dalam membina masyarakat berilmu, kreatif dan inovatif, Kementerian melalui Perpustakaan Negeri Sabah bertekad untuk terus menambah baik dan memperluaskan lagi jaringan rangkaian Perpustakaan Negeri Sabah. Bangunan perpustakaan awam baharu akan dibina di Kota Marudu dan Perpustakaan Desa Karakit di Pulau Banggi. Satu perpustakaan perkhidmatan tambahan baharu, iaitu Library@1B juga akan dibuka di 1Borneo Hypermall.

Jabatan Perkhidmatan Komputer Negeri Sabah juga di bawah Kementerian kita memainkan peranan yang sangat penting dalam membantu keperluan pembangunan aplikasi kepada agensi Kerajaan Negeri. Setakat tahun 2021 hingga 2023 Tuan Speaker, terdapat 95 projek pembangunan aplikasi telah berjaya dibangunkan. Manakala pada tahun 2024 akan datang, sebanyak 30 sistem Kerajaan Negeri insya-Allah dirancang untuk dibangunkan.

Mengambil perhatian serius ke atas ancaman siber, jabatan ini telah berkolaborasi dengan Sabah Net Sdn. Bhd. menganjurkan BIMP-EAGA Cyber Security Summit pada 7 hingga 8 November lepas. Pada tahun hadapan, insya-Allah Tuan Speaker, jabatan ini telah merancang untuk melaksanakan Program Pendidikan Keselamatan Siber yang akan memperluaskan pendidikan siber memfokuskan kepada orang awam.

Bagi memperkasa pembangunan Teknologi, Komunikasi dan Maklumat (ICT) di negeri ini, jabatan ini akan melaksanakan kajian Sabah ICT Blueprint 2024 - 2030. Kajian ini akan merangkumi analisis terperinci senario semasa dan hala tuju pembangunan sektor ini pada masa hadapan.

Tuan Speaker, setakat ini Sabah Net Sdn. Bhd. telah berjaya menaik taraf internet di 607 lokasi premis Kerajaan Negeri, iaitu 81% dengan kelajuan minimum 100 Mbps. Penaiktarafan ini akan...

Tuan Speaker: Jangan lupa kawasan DUN.

Menteri Sains, Teknologi dan Inovasi [Datuk Dr. Haji Mohd Arifin bin Datuk Haji Mohd Arif]: Insya-Allah, Tuan Speaker.

Penaiktarafan ini akan diteruskan lagi pada 393 premis secara berfasa yang dijangka siap dilaksanakan pada tahun 2025. 12 daripada 31, 12 daripada 31 pusat e-Desa juga telah dinaik taraf menggunakan gentian optik dengan kelajuan minimum 300 Mbps dan baki 19 lagi pusat ini akan kita laksanakan secara berfasa.

Prihatin dengan keselamatan siber, agensi ini telah mengemas kini sistem keselamatan siber dengan teknologi terkini. Agensi ini merupakan....

28/11/2023- RAKAMAN 55 [7.00 PETANG - 7.10 PETANG] - [CHARITY] - AZYATUL - NADA

Menteri Sains, Teknologi dan Inovasi [Datuk Dr. Haji Mohd Arifin bin Datuk Haji Mohd Arif]: Ahli *Sabah Government Cyber Incident Response Team* yang berkolaborasi dengan pihak berkuasa keselamatan Siber atau *Cyber Security Malaysia* dan *National Cyber Security Agency* (NACSA).

SSTC akan meneruskan latihan dan program kemahiran tenaga kerja dengan memfokuskan kepada pemerkasaan latihan atau program berunsur teknologi/digital IR 4.0. Selain daripada itu, agensi ini juga akan menganjurkan kursus yang berasaskan teknologi digital seperti "*Augmentive Reality (AR)*, *Virtual Reality (VR)*, *Internet of Things (IOT)*" dan banyak lagi.

Pada tahun 2024, SSTC, 2024 Tuan Speaker, SSTC akan meneruskan usaha untuk melatih lebih ramai peserta dari pelbagai peringkat. Untuk makluman pada tahun 2000 hingga 2022, SSTC telah melatih seramai 6694 golongan belia, 11 819 golongan pekerja sedia ada dan 640 orang awam menerusi pelbagai program

kemahiran. Manakala setakat bulan Oktober, seramai 302 orang belia dan seramai 975 orang pekerja sedia ada telah berjaya menamatkan program latihan.

Untuk makluman, sebanyak 17 kursus berimpak tinggi, Tuan Speaker, akan dianjurkan oleh SSTC pada tahun ini seperti, tahun depan seperti Program Certificate in Oil Palm Plantation Technology, Certificate of Offshore Medical Excellence Program, Automation Robotic Empowerment Series dan lain lagi.

Tuan Speaker, setelah tiga tahun Sabah Creative Economy and Innovation Centre (SCENIC) ditubuhkan, sebanyak 271 inisiatif program telah dilaksanakan dengan penyertaan seramai 10 385 daripada pelbagai peringkat umur bersama 385 rakan kolaborasi.

Pada tahun 2024, Tuan Speaker, SCENIC telah merancang inisiatif berstruktur bagi memudahkan dan meningkatkan adaptasi teknologi dalam konteks keusahawanan, serta merangsang inovasi dan kreativiti dalam kalangan usahawan di Sabah, iaitu Borneo. Borneo Tech Summit Global Edition 2024 sebagai satu platform bagi pertukaran pengetahuan, peluang perniagaan dan kolaborasi baharu serta platform perbincangan isu dan penyelesaian adaptasi teknologi di peringkat global.

Tuan Speaker, selaras dengan salah satu komponen Sabah Maju Jaya, iaitu Modal Insan dan Kesejahteraan Rakyat, saya ingin mengucapkan terima kasih dan tahniah kepada Menteri Kewangan kerana meluluskan peruntukan yang besar kepada Pejabat Timbalan Setiausaha Kerajaan Negeri (Tugas-tugas Khas) bagi meneruskan pemberian bantuan pendidikan khusus anak-anak Sabah. Bantuan pendidikan sedia ada juga akan diteruskan pada tahun 2024, tahun hadapan, Tuan Speaker, iaitu Bantuan Tunai Pendaftaran IPT Secara *One-Off* (BUDI), Bantuan BAKTI, Bantuan Khas Tunai Peperiksaan yang melibatkan lebih 30 ribu anak-anak kita yang mengikuti peperiksaan SPM, STPM, STAM. Bantuan Ihsan Komputer kepada Pelajar, kepada pelajar yang namanya BAIK. Setiap tahun, seribu kita sediakan untuk anak-anak kita yang layak di IPT.

Bantuan Aktiviti Guru dan Ibu bapa Sabah (BAGUS), ini juga 2000 setiap satu sekolah untuk PIBG dan saya ucapkan berbilang berterima kasih kepada Ahli-ahli

Yang Berhormat kerana telah memaklumkan kepada semua PIBG di kawasan masing-masing dan sebahagian besarnya sudah memohon dan dapat bantuan ini dan mudah-mudahan akan bertambah lagi kerana ada juga yang bermasalah tidak ada nombor. Tidak ada akaun bank PIBGnya. Apa pun terima kasih banyak semua Ahli Yang Berhormat. Bantuan Ihsan Sekolah Sabah (BISBAH), ini juga setiap tahun kita berikan semua sekolah. Sekolah menengah, sekolah rendah, sekolah kebangsaan, sekolah agama, sekolah Cina. Bantuan ini namanya BISBAH, iaitu untuk peralatan komputer, peralatan kemudahan di sekolah masing-masing.

Kita juga meneruskan Anugerah Khas Kecemerlangan Pendidikan, iaitu AKSA bagi anak-anak kita atau kumpulan sekolah kita yang berjaya di peringkat kebangsaan dan antarabangsa, mereka mendapat anugerah dan Ahli-ahli Yang Berhormat, sudah pasti di kawasan masing-masing ada kebitaraan sekolah masing-masing yang mencapai tahap tinggi peringkat kebangsaan dan antarabangsa. Mereka layak untuk mendapat AKSA ini, 2000 untuk perseorangan, 4000 untuk berkumpulan dan ini juga telah mendapat sambutan yang baik daripada sekolah-sekolah kerana sekolah-sekolah di Sabah selalu mendapat cemerlang, peringkat kebangsaan dan antarabangsa. Bantuan Ihsan Tabung Pendidikan Sabah (BISTARI), Bantuan Khas Pendidikan (BANTU), BALKIS, SEMESTA dan BAKMA, kita teruskan 2024.

Tuan Speaker, bagi memperkasa modal insan untuk melahirkan sumber tenaga yang berpengetahuan dan berdaya saing, kerajaan negeri telah meluluskan peruntukan Biasiswa Kerajaan Negeri Sabah sepertimana diumumkan oleh bajet oleh Yang Amat Yang Berhormat Datuk Menteri Kewangan. RM101 juta berbanding hanya RM55 juta pada tahun ini. Tambahan peruntukan yang diluluskan ini adalah untuk menampung tambahan elaun pelajar berjumlah 500 bagi pelajar tempatan dan 500 untuk pelajar luar negara mengikut pertukaran mata wang negara berkenaan kecuali negara India, Indonesia, Rusia dan Mesir yang dibayar mengikut kadar wang Malaysia.

Tuan Speaker, insya-Allah, sistem bersepadu BKNS ban. Biasiswa Kerajaan Negeri, Biasiswa MUIS, Biasiswa Yayasan Sabah, Dermasiswa dan sebagainya akan kita selaraskan melalui satu sistem yang akan dibuat oleh Jabatan Perkhidmatan Komputer Negeri Sabah.

Tuan Speaker, YB Petagas tadi menyebutkan berhubung dengan pentingnya pendidikan diberikan perhatian dan beliau juga mohon agar RM101 juta ini ditambah lagi. Saya memohon. Insya-Allah, kita akan kemukakan kepada Yang Amat Berhormat Ketua Menteri dan Menteri Kewangan, bagaimana nanti akan ditambah bantuan biasiswa pada tahun akan datang lagi.

Tuan Speaker, Kerajaan juga menyedari kepentingan pensijilan halal Malaysia dalam membangun ekonomi penduduk di negeri ini. Melalui Majlis Halal Sabah (MAHAS), Kerajaan Negeri akan berusaha membantu Perusahaan Kecil dan Sederhana (PKS) dengan membangun Halal Hub Sabah. Asas pelaksanaan Halal Hub Sabah ini adalah menumpukan kepada pembangunan produk dan perusahaan berteraskan kepada pensijilan Halal Malaysia. Ia akan mewujudkan daya saing sama ada di peringkat domestik dan antarabangsa. Segmentasi PKS ini boleh dikembangkan secara sistematik melalui sistem pengurusan yang efisien. Instrumen pemangkin Halal Hub Sabah ini ialah pengkomersialan, inkubator, i-usahawanan, promosi, akses perdagangan, makmal halal dan kos pengurusan.

Tuan Speaker, menyedari keperluan penyampaian perkhidmatan yang lebih efisien, Kerajaan Negeri akan membina dan menaik taraf pejabat JHEAINS di daerah Keningau, Kota Marudu, Ranau, Tuaran dan Sipitang. Begitu juga Kerajaan akan mengkaji dan menilai semula semua skim dan gred perjawatan Pegawai Hal Ehwal Islam dari pengurusan tertinggi hingga jawatan para imam. Ini dengan cara mencadangkan jawatan V-O-T, VOT terbuka diserapkan ke jawatan bertaraf sementara. Mudah-mudahan, permohonan kita akan diperkenankan dan usaha kita akan dilicinkan.

Tuan Speaker, Majlis Ugama Islam Sabah telah membuktikan komitmen tinggi dalam pengurusan kewangan bila berjaya mendapatkan Sijil Tanpa Teguran Ketua Audit Negara selama tiga tahun berturut-turut bermula 2019, 2020, 2021 sepertimana diumumkan oleh Yang Berhormat Menteri Kewangan baru-baru ini. Manakala, untuk Penyata Kewangan bagi tahun 2022 telah selesai diaudit dengan mengikut segala keperluan yang ditetapkan. Keputusan Sijil Audit akan diumumkan selepas mendapat kebenaran daripada Ketua Audit Negara.

Tuan Speaker, MUIS juga berusaha akan membangun tanah-tanah MUIS yang berpotensi tinggi untuk dimajukan dengan melibatkan pelabur-pelabur dalam dan luar negeri yang dapat memberi impak kepada sosioekonomi negeri ini. Selain daripada itu, saya mengambil maklum berhubung dengan apa yang disebut oleh YB Silam tadi, berhubung dengan masalah mesin dialisis yang melibatkan masyarakat di kawasan beliau dan saya akan berbincang dengan MUIS ...

**28/11/2023- RAKAMAN 56 [7.10 PETANG - 7.20 PETANG] - [AMIRUL] -
RAMENAH - HADINIE**

Menteri Sains, Teknologi dan Inovasi [Datuk Dr. Haji Mohd Arifin bin Datuk Haji Mohd Arif]: ...bagaimana kita boleh membantu menambah peralatan mesin dialisis kita ada di MUIS mesin dialisis di Wisma MUIS bekerjasama MUIS dengan MKF kita ada 12 mesin untuk 36 pesakit setiap hari dan 72 pesakit untuk seminggu MUIS menyediakan dana 1 juta untuk program ini demikian juga MUIS akan mewujudkan Pusat Rawatan Dialisis di Tebobon dengan 12 mesin, 36 pesakit untuk 72 pesakit setiap minggu ini juga akan memakan dana 1 juta daripada Majlis Ugama Islam Sabah.

Wakaf sebagai salah satu instrumen perekonomian turut diperkasa mungkin juga kita akan kembangkan melalui wakaf usaha-usaha seumpama ini. Tuan Speaker, melalui aspirasi YAB Ketua Menteri dalam Ucapan Dewan Undangan Negeri, MUIS dalam proses mewujudkan Kolej Islam di Negeri Sabah yang akan direalisasikan dalam tempoh terdekat.

MUIS dalam hal ini, akan bekerjasama dengan Institut Pengajian Tinggi Awam dan Swasta dari segi mengadakan program-program pilihan yang sangat diperlukan di pasaran. Ini bagi memastikan Aspirasi SMJ dapat dilaksanakan dengan jayanya. Melalui kerjasama pintar ini hala tuju pelajar-pelajar kita akan dapat ditentukan dan selepas pengajian peluang untuk mereka meraih pekerjaan mudah-mudahan akan bertambah cerah.

Tuan Speaker, Kerajaan melalui Jabatan Kehakiman Syariah Negeri Sabah (JKNS) akan membina Mahkamah Syariah Daerah di Papar sudah dalam pembinaan dan Mahkamah Syariah Daerah di Tawau. Selain itu, satu lagi projek baru mudah-

mudahan dapat diluluskan dan dipermudahkan iaitu kita cadangkan Mahkamah Syariah dibina di Kota Belud.

Tuan Speaker, sepanjang persidangan Dewan yang mulia ini, beberapa topik seperti *Quantum Computing*, pengangguran, pemerkasaan Pusat e-Desa dan sebagainya telah dibangkitkan. Kementerian saya menghargai semua makluman dan maklum balas positif, idea-idea dan cadangan-cadangan bernas yang dikemukakan dalam Dewan yang mulia ini.

Terima kasih kepada semua Ahli Yang Berhormat yang telah memberikan cadangan berkaitan perkara di atas. Misalnya apa yang disebutkan oleh ADUN N.26 Moyog cadangan berhubung dengan *Quantum Computing* Kementerian amat mengalu-alukan sebarang cadangan dan inisiatif daripada semua Ahli Yang Berhormat mengenai pembudayaan dan pemerkasaan ekosistem STEM dan STI di Sabah. Tidak dinafikan, Sains dan Inovasi sangat dekat dengan hati masyarakat masa kini dan akan menjadi *game changer* kepada pembangunan pendidikan dan ekonomi negeri Sabah.

Bagi menjawab soalan YB Moyog itu, berhubung dengan *Quantum Computing* atau Pengkomputeran Kuantum merupakan satu bidang pelbagai disiplin yang terdiri daripada aspek sains dan komputer, fizik, dan matematik yang menggunakan mekanik kuantum untuk menyelesaikan masalah yang kompleks dengan lebih pantas berbanding komputer klasik. Ini juga sudah saya jawab sebelum ini dan kita melihat yang sangat asas dulu untuk memungkinkkan anak-anak kita dapat menguasai perkara ini.

Saya selaku Exco Pendidikan akan berbincang lanjut dengan JPNS dan IPT menyediakan status dan kesediaan pihak KPM dan KPT untuk menjadikan ia sebagai salah satu silibus tambahan dalam pembelajaran STEM. Ketersediaan ini termasuklah penyediaan infrastruktur, fasiliti dan tenaga mahir.

Bagi menjawab isu yang dibangkitkan oleh Ahli Yang Berhormat Darau, kementerian saya amat prihatin dan mengambil serius isu pengangguran di kalangan belia di Sabah dan Kementerian juga telah melaksanakan pelbagai

inisiatif bersama dengan PERKESO, JTK, JPK dan MOSTI bagi menyediakan platform pencarian kerja dan juga latihan *reskill* dan *up skill* selain daripada *train and place*.

Tuan Speaker, untuk makluman Yang Berhormat, Kementerian melalui **JPM S** dan kerjasama Institute Development of Studies (IDS) telah menghasilkan sebuah kajian mengenai pembangunan modal insan Sabah iaitu *Human Capital Development Blueprint for Sabah 2021-2035*. Antara dapatan yang diperoleh daripada *blueprint* tersebut boleh saya gunakan untuk menjawab isu berkaitan yang dibangkitkan oleh rakan-rakan kita termasuk daripada Darau.

Bagi menjawab isu yang dibangkitkan oleh Ahli Yang Berhormat Sebatik, kementerian telah maklum mengenai status bangunan Pusat e-Desa Kalabakan yang terbengkalai dan telah pun memulakan proses penilaian dan seterusnya membuat perancangan untuk mengaktifkan kembali pusat ini dengan memperbaiki sistem pendawaian bangunan yang telah rosak. Untuk makluman, kementerian merancang untuk menjenamakan semula pusat e-Desa.

Mudah-mudahan KSTI akan menyumbang kepada kesejahteraan rakyat Sabah melalui pelaksanaan program-program dan inisiatif-inisiatif pembangunan berterusan. Sebelum mengakhiri ucapan penggulungan, sama-samalah kita doakan agar Palestine akan aman damai dan semua rakyat pelbagai agama dan kaum di sana dilindungi oleh Allah SWT. Saya juga ingin mengambil kesempatan ini untuk mengucapkan selamat menyambut Hari Natal kepada semua sahabat yang beragama Kristian dan Selamat tahun Baru. Saya akhiri ucapan penggulungan saya dengan serangkap pantun,

Kayu jati dibuat kerusi,

Pohon rambai buat persegi;

KSTI komited membangun inovasi,

Menjadikan Sabah negeri berteknologi tinggi”.

Insya-Allah sekian Tuan Speaker, sekian, terima kasih saya mohon menyokong. Wabilahi taufik wal hidayah assalamualaikum warahmatullahi wabarakatuh.

Tuan Speaker: Terima kasih Yang Berhormat Menteri,

Jika tanam pokok pisang,

Tanam juga ubi kayu;

Sebab tiada lagi Menteri sedia buat penggulungan,

Setuju kah YB-YB kalau kita tangguh”?.

Dewan ini ditangguh dan bermesyuarat semula pada 29 November 2023, hari Rabu, pukul 10.00 pagi.

(Bunyi ketukan tukul sebanyak 3 kali)

Ditangguhkan sebagaimana yang dipersetujui pada pukul 7.20 malam.

Ditetapkan: “Bahawa Dewan ini ditangguhkan sekarang ke 29 November 2023, pukul 10:00 pagi.”

📄 SDN28112023/bnm